




BIBLIOTECA NAZ.  
Vittorio Emanuele III

**XXII**

**B**

**39**

NAPOLI







# THEORIA ENTIUM INSENSIBILIIUM SIVE

METAPHYSICA UNIVERSA

SACRA ET PROPHANA,

OMNIUM CAPTUI ACCOMMODATA.

Accessit rerum index alphabeticus, cujus ope  
totum hoc opus lexici metaphysici, seu  
philosophici vices gerit.

AUCTORE

ABBATE PARA DU PHANJAS.

*E Gallico sermone in Latinum  
vertit F. T.*

TOMUS TERTIUS.



VENETIIS.

---

APUD LAURENTIUM BASILIUM.

*Superiorum Permissu, ac Privilegio*

MDCCLXXXII.





# THEORIA

ENTIUM INSENSIBILIIUM

S I V E

METAPHYSICA UNIVERSA  
SACRA ET PROPHANA.

---

## TRACTATUS QUINTUS.

THEORIA ANIMÆ HUMANÆ.

1035. OBSERVATIO. **O**Mni ætate *anima hominis*, & *anima brutorum* gravissimum accuratissimorum naturæ studiosorum, & accuratissimorum metaphysicorum meditationibus argumentum præbuerunt.

Quid igitur est intimum hoc principium animans hominem? quid intimum hoc principium animans bruta? Sunt ne ejusdem speciei, aut intrinsece, & natura ipsa diversa sunt? Est ne utrumque materia tantum diversa ratione modificata, aut utrumque substantia peculiaris intrinsece, & natura a materia omnino diversa?

Hoc magnum illud problema est, in quo solvendo præclarissima cujusque ætatis ingenia elaborarunt, & quod hoc, & sequenti tractatu plane, & solide solvere aggredimur.

At qua ratione, quibusve argumentis scientiæ methodo statui unquam poterit duplicis principii hominem, & bruta animantis materialitas, aut immaterialitas, identitas, aut non identitas? experientia, & analysi.

Ut apte hominis, & brutorum animam noscere possimus, *utriusque* aliquo pacto *analysis facienda est* in earum operationibus, atque effectibus; utraque scilicet veluti cum materia comparanda est, ut definiamus num substantiæ tantum materiali ejus effectus congruant; tum etiam inter se conferendæ sunt, ut videamus num utriusque operationes eadem sint, an diversæ, unde colligamus, num hominum, & brutorum operationes in principio invisibili, a quo emanant, identitatem indicent naturæ, an diversitatem.

In eorum itaque operationibus, atque effectibus *bina hac principia* hominem, & brutum animantia perscrutabimur; neque enim alia ratione de utroque *experimentalis scientia* obtineri potest, quæ invisibilis eorum natura detegatur.

Hujus tractatus anima humana argumentum erit, sequentis anima brutorum. In utroque operam dabimus, ut quidquid ambæ hæ naturæ alicujus momenti præferunt, id omne philosophis exhibeatur, sive ea sint, in quibus similia esse videntur, sive ea, in quibus invicem differre deprehenduntur.

#### TRACTATUS HUIUS PARTITIO.

1036 OBSERVATIO. Anima humana & in natura sua, & in suis potentiis considerari potest; in iis, quæ substantiam suam, atque naturam constituunt, & in activis, aut passivis facultatibus, quibus prædita est.

Hæc duo binis sequentibus sectionibus perpendemus; quod opportunitatem nobis præbebit ea perlustrandi, quæ per plura sæcula de re hac observata, atque excogitata sunt; ea opugnandi, quæ perperam deducta fuerunt; & quæ vera re ipsa consequuntur statuendi.

## SECTIO PRIMA.

## ANIMÆ HUMANÆ NATURA.

1037. OBSERVATIO. **Q**uanta, & quot a Platonis ætate ad hunc usque diem de anima humana differentes philosophi scripserunt! at in his omnibus quot inania verba, quot inutilia, quam pauca vera!

I. Inter tot de anima humana lucubrationes ceteris fama antecellit Lockii liber præclarissimi inter Anglos philosophi. Nos ea ætate, qua eo magis cognitiones acquirendi cupidi sumus, quo minus earum limites deteguntur, putabamus fore, ut in Lockii libro *de Humano intellectu* adeo celebri, & sane pluribus titulis commendando innumeras novas, maximique momenti cognitiones adipisceremur. Illum itaque nobis comparavimus, avide perlegimus, ac meditati sumus. At quid ab illo didicimus?

Didicimus, animam non semper cogitare, puta, quum placido, & profundo somno sopita est: animam quum primo humanum corpus informat, ideis innumeris innatis instructam non esse, insensilibus scilicet rerum earum imaginibus, quæ olim nostrarum cognitionum objectum fieri possunt; in infantia paucas admodum ideas habere; sex menses, aut annos duos natam non admodum eruditam esse. At enimvero hæc omnia jam antea probe noveramus, aut suspicabamur; & auctor, cui studebamus, id unum præstitit, ut in iis, quæ ab instinctu, & rationis lumine jam edocti fueraus, nos magis magisque confirmaret.

Didicimus, aut potius ibi legimus, nullam esse boni, malique notionem universo humano generi communem; nulla morum præcepta na-

turæ nostræ, mentibus nostris, cordibusque insculpta: *in principiis moralibus* omnia ab educatione proficisci; quod aliqua ætate, & ab aliquibus populis virtus censetur, id ipsum alia ætate, & ab aliis populis inter vitia, & crimina recenseri. Ingenue fatebimur, nullam nos his fidem adhibuisse; & pensatis rationibus, quibus auctor sententiam suam adstruebat, mirati sumus, atque dolumus, magnum virum hæc admittere paradoxa auctoritatibus innixum, quæ ne mulierculæ quidem fucum fecissent ( 869 ).

Ibi didicimus, animam nostram ideas habere simplices, compositas, completas, incompletas, distinctas, confusas, particulares, generales. Atqui hæc omnia jam antea ferme noveramus.

Didicimus etiam nos successive, & paulatim plurimas ideas adipisci ea ratione, qua organa nostra explicantur, magisque in dies roborantur; & omnes, aut ferme omnes ideas nos sensuum ministerio acquirere. At id quoque probe noveramus.

Quod vero libentissime didicissemus est *qua ratione idea sensuum ministerio nobis obveniant*; seu qua ratione impressio, & motus organorum nostrorum fiant in nobis causa physica nostrarum intellectionum. Atqui hoc ipsum est, quod nullo pacto nobis explicatur ( 16, 461, 480 ).

Quid igitur utile, & alicujus momenti de animæ humanæ natura, & actionibus in Lockii opere addiscimus? Sane parum, aut ferme nihil, nisi forte hoc unum; animam nempe humanam, ut & visibilem naturam, observatione tantum, & experientia apte dignosci posse.

„Lockius, inquit celebris Maupertuisius,  
 „in inquirendis nonnullis veritatibus vitam  
 „ferme totam transegit: tantoque labore id  
 „tantum assequutus est, ut erroribus nostris  
 „excusationem inveniret“.

Complures philosophi, uti Aristoteles, Plato,

to, Cartesius, Malebranchius, fabulosam animæ historiam contexuerant. Lockius experientia, & observatione ducē ejus naturalem historiam scribere studuit. At enimvero dum in humanis cognitionibus perscrutandis, & statuendis adlaborat, quum magis ad diruendum, quam ad ædificandum aptus esset, magisque scepticus esset, quam philosophus, sæpius aliorum somnia non rejicit, nisi ut sua illis sufficiat; neque præjudicia oppugnat, nisi ut dubia, & incerta proponat; magisque animam humanam nubibus obsepit, quam luce perfundat. In ejus libro plura peculiaria invenies, metaphysicas notiones plures novas illas quidem, solidas, profundas, quibus inter insignes philosophos est recensendus; at in metaphysica generatim tractanda, quam sæpius superficie tenus tantum attingit, nec apta satis, claraque methodo, non eandem profecto laudem meretur.

II. Inter opera de hominis anima sublimi quoque loco habenda est crisis perpetua, & ratione confirmata, quam de Lockii libro edidit Leibnitius, quæque toto primo suorum philosophicorum volumine continetur.

Hoc opere sæpius Leibnitius oppositam Lockio sententiam tenet; qui si semper a veritate non recedit, non illam semper assequi hic ostenditur. Nonnulli sequioris ætatis philosophi Aristotelem omnia novisse putaverunt. Nonnulli præter modum Lockii admiratores eandem illi laudem tribuerunt. Utrinque error, & infamia.

III. Postquam ea omnia perlegerimus, & diutius meditati fuerimus, quæ omni ætate magis probanda de hominis anima scripta sunt, nobis visum est hoc argumentum, quod ad nos tam intime spectat, quodque apte pertractare tam arduum est, nondum ita pertractatum fuisse, ut legentibus utilitatem simul, & voluptatem afferret.

Argumenta quædam sunt, quæ novam claritatem-admittere non videntur, & de quibus aliquid novi proferre desperes; quidquid enim in iis est, jamdiu notum est. Hujusmodi aliquo pacto est anima humana. Quæ quum ita sint, philosophica theoria, quam de illa hac, & sequenti sectione tradituri sumus, partim *novas* aliquas *notiones* de anima statuet; potiori vero ex parte meliori, ac clariori methodo illa proponet, quæ diversis ætatibus de anima jam innotuerunt, atque hæc ipsa nova certe semper jucunditate perlegentur, quum nova methodo, majorique claritate, soliditate, copia, atque elegantia proferentur.

Prima hac sectione quid *intrinseca* animæ *natura* sit nobis experientia, & ratione duce est inquirendum. Quid itaque anima humana, quæve ejus natura est? materialis ne est, an immaterialis? peritura ne, an æterna? libera, an necessitate devincta? Hæc omnia tribus sequentibus articulis pertractabimus; in quibus intimam animæ substantiam philosophica analysi perscrutantes, ejusque *spiritualitatem*, *immortalitatem*, *libertatem* perpendentes, eam esse substantiam spirituales, immortalem, liberam solide ostendemus.

## PARAGRAPHUS PRIMUS.

### ANIMÆ HUMANÆ SPIRITUALITAS.

1038. OBSERVATIO. ANima humana, quæcumque ejus natura sit, ea, omnibus philosophis annuentibus, substantia est, quæ in nobis cogitans est, & sentiens.

I. Pauci admodum *philosophi materialista*, substantiam hanc in nobis cogitantem, atque sen-



sentientem non nisi materiam organis instructam esse contendunt.

Per hos philosophos igitur , qui hujus paradoxum rationem ullam nunquam afferre potuerunt , in homine quovis geometria , metaphysica , physica doctissimo , ingenioque acutissimo prædito , in politico mentis acie plurima , atque ardua complectente , æque , ac in marmore , non nisi substantia materialis , non nisi materia est . Quin marmor æque , ac ingeniosissimus homo , cogitaret , atque sentiret , si marmoris elementa eandem , quam humanum corpus , intimam organorum structuram obtinerent .

II. Ii omnes , qui vere philosophi sunt , a Socratis , & Platonis ætate ad hos usque dies , *substantiam* hanc in nobis cogitantem , atque sentientem *spiritualem* esse asseruerunt , cujus munus est esse cogitationum , judiciorum , ratiocinationum , sensationum , affectionum , cognitionum , & intimorum sensuum nostrorum omnium sive principium , sive subjectum ; sicuti materia extensionis suæ , inertiae , soliditatis , motuum , ac figurarum suarum principium est , aut subjectum .

Per hos itaque philosophos , quorum doctrina semper apud excultas omnes nationes summo loco habita fuit , *substantia spiritualis* , & *substantia materialis* semper essentialiter inter se natura differunt , & proprietatibus . Prima semper in natura sua facultatem saltem primitivam , & radicalem cogitandi , ac sentiendi essentialiter habet . Altera semper a natura sua sensum , & cogitationem essentialiter excludit . Prima figuræ cuiusvis , motus mechanici in massa per velocitatem producti , & partium soliditatis est incapax . Altera aut figura , aut motu mechanico , aut ad motum resistentia , aut partium impenetrabilitate se semper prodit .

III. Harum *duarum substantiarum in homine*

distinctio, quæ semper cujusvis fidei præcipuus articulus fuit, satis nitide, & aperte indicatur ipso divinorum librorum initio.

Deus, qui profecto non est substantia materialis, creavit hominem ad imaginem, & similitudinem suam. Hoc habemus Geneseos capite primo. En itaque in homine præter materialem substantiam, quæ Dei spiritus imago esse nequit, aliud quid, quo Dei imago est; hoc vero non nisi spiritus, & substantia spiritualis esse potest. Et ait: *faciamus hominem ad imaginem, & similitudinem nostram: ut præsit piscibus maris, & volatilibus cæli, & bestiis, universaque terra, omnique reptili, quod movetur in terra. Et creavit Deus hominem ad imaginem suam: ad imaginem Dei creavit illum: masculum, & fœminam creavit eos.*

Deus, ( ut habemus Geneseos capite II ) formavit hominem de limo terræ, & vitæ spiritum in illo posuit, animam, qua illum viventem fecit. En itaque in homine, præter terrestrem substantiam, qua ejus corpus extructum fuit, *aliam substantiam*, qua animatur, & vivus fit; quæque nobis exhibetur ab ea diversa, qua terræ limus constat; adeoque diversa a substantia quavis limo natura simili. *Formavit igitur Dominus Deus hominem de limo terra; & inspiravit in faciem ejus spiraculum vitæ; & factus est homo in animam viventem.*

1039. *NOTA.* spirituum natura ut semper philosophis magni momenti argumentum visum est, ita & eorum ingenia semper torfit.

I. *Substantia spiritualis cognitio*, qua visibilis natura regatur, & alterius spiritualis substantia qua homo animetur, præcipuæ bases tum philosophiæ, tum religionis primis mundi ætatibus procul dubio fuerunt. Porro ista duo primæ religionis fundamenta, hominum genere post diluvium per orbem disperso, majori,

mi-

minorive claritate ad omnes veteres nationes, quarum historia meminerit, traditione, & ratione ipsa traducta fuerunt.

Hinc apud veteres nationes omnes, & ab illis derivatas *Dei* notio visibilem naturam dirigentis, & ab ipsa distincti.

Hinc apud easdem nationes *vita futura* notio hominibus expectandæ; hinc proinde notio substantiæ immaterialis in homine, aut saltem nullo pacto materiæ similis, quæque cum substantia, qua corpus humanum constat, dissolvi, ac perire nequeat.

*Anima humana* post hominis obitum *perseverantia* dogma est apud nationes omnes receptum. Bis mille ante annos Marcus Tullius ita sentiebat. Hoc est ipsius naturæ dogma idem ubique de spirituum immortalitate judicantis; vitam futuram intime præsentientis: hoc quo ingenia magis sublimia sunt, magis ipsa præsentiant. *Permanere animos arbitramur consensu nationum omnium .... Maximum vero argumentum est, naturam ipsam de immortalitate animorum tacitam judicare .... Nescio quomodo inhaeret in mentibus sæculorum quoddam augurium futurorum: idque in maximis ingeniis, altissimisque animis & existit maxime, & apparet facillime.* Tusc. quæst. 1.

Hæc eadem notio, præsentio hæc, hoc naturæ judicium, præcipuum hoc cujusvis religionis dogma adhuc in universis orbis nationibus perseverat. Animam humanam post obitum permanere fatentur Christianæ nationes omnes, Mahumetanæ, Asiaticæ Bramhæ religioni addictæ, seu Foe, & Amidæ, barbari ipsi Americæ, atque Africæ, quos mercaturæ causa novimus; qua in re vel ipsi nostri temporis increduli plane consentiunt.

„ Ne timeamus ( inquit Volterius in sua  
„ historiæ philosophia. ) in hac *historica veri-*  
„ *tate* nimis diu immorari; homines scilicet,

„ quum primum ratione uti cœperunt potens  
 „ aliquod Ens adoravisse, quod ceteris præsta-  
 „ re putaverunt, sive solem, sive lunam, aut  
 „ sidera; homines mente magis exulta, etsi in  
 „ pluribus errarent, tamen *Deum supremum*  
 „ adoravisse elementorum, ceterorumque Deo-  
 „ rum dominum; & nationes omnes exultas  
 „ ab Indo ad extremos europæ fines *futuram*  
 „ *vitam* credidisse, etsi plures philosophorum  
 „ sectæ aliud sentirent“.

II. Quum primum in nationibus philosophia excoli cœpit, primum *idea Dei, & idea anima humana* procul dubio philosophorum mentes occupavit. Primi vero hi nascentis philosophiæ conatus in varias, incertasque opiniones illam conjecerunt de magnis hisce duobus objectis, quorum invisibilis natura inter visibilia investiganda erat, & ab illis discernenda.

Hinc vero variæ illæ, incertæ, sibi que oppositæ tam multæ de Deo, & anima humana sententiæ, quæ in indigellis, & rationum vi non munitis veterum plerorumque philosophorum scriptis occurrunt. Quum nihil nisi corpora viderent, & tamen spiritus re ipsa existere judicarent, alii alio abierunt dum *de spiritu*, & *corporum natura* dissierebant, modo hæc duo distinguentes, modo simul permiscen-  
 tes, quæ nondum recta philosophandi ratio in duas omnino diversas species distribuerat. Quum & solidis principiis, quibus inniterentur, & perspicuis ideis, quibus dirigerentur, carerent, a barathro non recedebant, quin in aliud laborerent. Quod hic ædificant, ibi diruunt. Quum ad spiritus naturam rationis vi attoluntur, sæpius phantasiæ illusionem ad materiam depri-  
 muntur. In eorum discordibus, ac invicem pugnantibus effatis, eos & veritatem assequutos esse, & a veritate recessisse facile disceris. Abbas Olivetus eos omnes spiritus assertores fuisse

se censet; eques Argenſius contra eos non niſi materiam admiſiſſe arbitratur.

Hinc quoque eſt, ut in nonnullis antiquioribus Eccleſiæ Patribus quaſdam parum ſanæ philoſophiæ conſentaneas opiniones, quædam minus caſtigata, & orthodoxa effata identidem offendas. Ipi ſiquidem univerſa veteris Græciæ eruditione, & indigeſta philoſophia imbuti, non ſemper hac in re de eorum magiſtris, ac ducibus ſatis diſſidere viſi ſunt: & ex eorum inſtitutis *de ſpirituum natura* philoſophantes, ac ſpiritualitatis doctrinam, quam re ipſa ſemper ſequi videntur, explicare, ac ſtatueren-  
tentes, hac de re non ſemper ſatis caſtigate loqui viſi ſunt, nec verbis uti a materialistarum propoſitionibus ſatis remotis. Eſi ut eos a quovis errore vindicemus, dici poſſit cum doctiſſimis viris, atque in horum patrum lectione apprime verſatis, eos, quum de Deo, aut de anima humana loquentes, voces has uſurpant non proprias *ὕλη, σῶμα, materia, corpus*, a quibus omnes in illos cenſuræ deſumptæ ſunt; nunquam eas uſurpare niſi ea ſignificatione, quam recentiores metaphyſici voci *ſubſtantia* tribuere ſolent ( 1092 ).

III. *Spiritualiſmi doctrina* univerſim diſfuſa, & admiſſa, at ferme ubique male percepta, & a philoſophia explicata, non niſi Carteſii ætate philoſophice recte tractari cœpit: ipſe ſiquidem certis, atque perſpicuis principiis inſiſtens eſſentialem ſubſtantię cogitantis, & ſubſtantię figura, & extensione donatæ diſtinctionem ſtatuit. Eo ferme pacto, quo eſi gravitationis doctrina univerſim re ipſa jam nota eſſet, tamen recte explicari, ac philoſophice pertractari non cœpit, niſi quum Neutonius accuratiſſimis obſervationibus, & ſublimiſſimis ratiociniis celebres ejus leges invenit, & demonſtravit.

Maxima ſummorum horum virorum laus eſt,  
omnem

omnem illos profundioris philosophiæ lucem alterum metaphysiæ, physiciæ alterum affudisse. Non sane *novam* hac de re *doctrinam* protulerunt; at uterque novas theorias invenit, quibus notiones jam antea quidem admissas, sed tenebris involutas, nec ratione suffultas, aperitissime explicavit, & solidis rationibus confirmavit.

### MATERIALISMUS.

1040. OBSERVATIO. *Materialismus* dicitur absurda opinio omnem a natura spiritualement substantiam excludens, nec nisi materiales substantias in natura admittens, quas organa sentientes, & cogitantes efficiunt. Materialismum jam in ordine ad Deum perpendimus, nunc in ordine ad animam humanam perpendendus est.

I. Materialistæ omnes materiam per organa sentientem, & cogitantem fieri supponunt, nunquam probant; & supervacaneum esse contendunt homini spiritualement substantiam adjicere, cui sentiendi, & cogitandi facultas insit.

Itaque per materialistas omnes hominum anima non nisi materia est. Per Epicurum mixtum quoddam est ex igne, & aere, addita tenuiori sanguinis parte. Per Aristotelem est defæcatissima quatuor elementarium corporeorum principiorum commixtio, quam perfectam rerum vim vocat. Per Hobbesium ipsissima materia est apte figura, & motu donata. Per Spinosam est simplex substantiæ unicæ, & universalis modificatio ( 771, & 777 ).

II. Lockius ut peculiaris sententiæ a se statuti sibi laudem comparet, & ut mediam veluti inter materialistas, eorumque adversarios viam ineat, ab animæ spiritualitate statuenda initium facit, quam cogitationum subjectum, seu principium statuit, additque materiam se  
sola

sola, suisque naturalibus viribus, aut proprietatibus cogitare non posse; attamen vult, aut suspicatur, nulla sententiæ; aut suspicionis suæ ratione allata, nequaquam repugnare, Deum posse infinita potentia sua materiæ *supernaturalem cogitandi facultatem* tribuere.

Quo vero tendit suspicio ista temere prolata, & assertum hoc paradoxum? eo profecto tendit, ut universas *philosophicas probationes*, quæ de animæ spiritualitate afferantur, suspectæ fiant; & ut hominum mentes ad absurdam materialismi opinionem minori indignatione audiendam disponantur.

Lockius quidem materialista non est; animæ humanæ siquidem spiritualitatem admittit, & demonstrat. At quum supernaturalem cogitandi facultatem materiæ tribuit, nimis aliquando materialistis favere videtur; iis saltem *materialistis mitioribus*, qui spiritus creatos tantum, non vero increatum, & creatorem a natura excluderent. Si hæc materialistarum secta datur, numero sectatorum sape exigua est. Quare passim materialismus, & atheismus promiscue sumuntur ( 771 ).

III. Auctor *Operis de Spiritu* in enigmatico suo systemate deismo, & materialismo permixto contendere videtur, in physica rerum universitate unicum eorum omnium quæ existunt, principium esse, & a quo omnia formata sunt post innumeras monstrosas commixtiones, *Vim* scilicet *primitus materiae inditam*; in moralibus quoque unicum eorum omnium, quæ fiunt, principium esse, *physicam* nempe *sensibilitatem*, qua homo cæcus voluptate, & dolore ducibus post innumera moralitatis, & legislationis portentosa systemata, sibi tandem eas leges condidit, eaque morum præcepta quibus regitur, & quæ si fieri poterit, obligatoria fient ( 845 & 872 ).

Oraculum Delphicum tenebrosus responsis celebritatem olim consequutum est. Tenebris quo-

quoque, quibus æquivocum, & indigestum ejus systema convestitur celebritatem suam liber de spiritu sibi comparasse videtur.

Si Deum visibilis naturæ auctorem, & conservatorem admittit hoc systema, cur ipsa miro ordini, quo constituitur, portentosis innumeris commixtionibus præcludere debuit? si vero Deum non admittit, in quo jam ab Epicurri systemate diversum erit? quamve legis naturalis obligatoriæ, & ordinatæ naturæ visibilis actionis rationem afferet?

Pari modo, si hic auctor immaterialem, & spiritualement in homine animam admittit, quare illam cæca sensibilitate circumscribit, quum omnia in illa veram intelligentiam manifeste annuncient? Si vero hanc animam non admittit, quam magni cogitationis, & sensus phænomeni rationem afferet materiam tantum usurpans, quam omnia essentialiter ad sentiendum, & cogitandum ineptam esse plane indicant?

IV. Generatim omnia materialismi systemata, quæcumque sint, in hoc præcipue consentiunt, ad quod tandem redire coguntur, *materiam*, scilicet, *eam esse, qua in homine cogitat.*

Quæ quum ita sint, ut uno ictu omnia materialismo capita obtruncemus, quacumque forma sese offerat; & ut inconcussa demonstratione probemus, *substantiam spiritualement homini inesse* omnino a materia, ejusque proprietatibus & modificationibus distinctam; patet satis esse, si semel solide demonstremus, *materiam semper cogitationis necessario incapacem esse.* Porro hoc prima, & tertia ex sequentibus propositionibus plenissime demonstrabimus.

### COGITATIO, ET SENSUS.

1041. OBSERVATIO. *Cogitatio* est actus potentia intelligentis, ut *sensatio* actus est potentia sentientis: quæcumque utriusque natu-



ra sit, five materialis, five immaterialis, five activa, five passiva.

I. Sensus intimi testimonio nobis constat, animam nostram, quæcumque ejus natura sit, vim, seu facultatem cogitandi habere; atque hanc facultatem in ipsa effectum sortiri.

Cogitationis nomine illam hic *hominis actionem* intelligo, qua percipit, judicat, ratiocinatur; qua sibi sensibilia, & insensibilia, præsentia, & remota, præterita, & futura repræsentat; qua verum a falso, rectum a pravo, bonum a malo, virtutem a vitio, pulcrum, et sublime a rudi, & vulgari secernit; qua a principiis ad consequentia descendit, a causis notis ad effectus ignotos progreditur; five qua ab effectibus notis ad causas ignotas, a consequentibus ad principia fertur; qua abstractas rerum relationes detegit, & pensat; qua finem, quo agit, noscit, atque perpendit, qua media proxima, ac remota, quibus propositum sibi finem assequatur, invicem confert, ac seligit. Potest ne hæc intelligens hominis actio, five modificatio simplici materiæ five organis instructæ five destitutæ convenire?

II. Nobis sensus intimi testimonio constat, animam nostram, quæcumque ejus natura sit, quasdam posse *sensibiles impressiones* admittere, quas modo sensationes, modo sensus appellamus, quasque hic omnes; generica sensus notatione complecti possumus.

Quare hic *sensus* nomine intelligo voluptatem; & dolorem, amorem, & odium, spem, & timorem, gaudium, & mœrorem; quæcumque horum causa, aut occasio sit, principium, aut subjectum. Porro sensibiles hæc hominis modificationes materiæ ne five in organa conformatae, five rudi tribui unquam possunt?

## PROPOSITIO PRIMA.

1042. *Materiam cogitare repugnat. Cogitationum ergo nostrarum principium, aut subiectum non est substantia materialis.*

EXPLICATIO. Patet hic, observationem, & ratiocinium debere simul propositionis demonstrationem conficere. Utrumque igitur interrogare, ac consulere pergimus.

I. Quemadmodum ex ideis trianguli, & quadrati judicare possum, num trianguli proprietates quadrato, & quadrati proprietates triangulo convenient; ita quoque ex ideis *materiæ*, & *cogitationis* judicare potero num *materiæ* proprietates cogitationi, & cogitationis proprietates *materiæ* convenient.

Idem dici poterit de ideis cogitationis, & *figura*, de ideis cogitationis, & *motus*.

II. His generatim positis ideas consulo, quas habeo *materiæ*, & *cogitationis*. In *idea materiæ* tantum substantiam extensam video, atque percipio ad infinitas diversas figuras suscipiendas aptam, & ad omnes, quæ haberi possint, motus modificationes.

Hinc infero, si *materia* cogitat, necessario cogitare debere aut *natura sua*, sive ut *materia*; aut *ratione figura*, *materiæ* scilicet tali figura donatæ; aut *ratione sui motus*, *materiæ* scilicet diversis directionibus, diversaque velocitate motæ. Materialistæ hanc consequentiam admittunt, quæ, ipsis fatentibus, id omne complectitur, quod *materiam* cogitantem efficere potest.

Tribus itaque sequentibus demonstrationibus ostendendum est, *materiam* neque *natura sua*, neque *ratione figuræ*, neque *ratione motus* cogitare posse.

1043. DEMONSTRATIO I. *Materia ut materia, sive simplici sua qualitate materia non cogitat.* EX-

EXPLICATIO I. Ut hoc ostendamus *ideam materiam cum idea cogitationis conferamus*. Facile erit dignoscere, ideam materiæ, & cogitationis nihil invicem commune habere posse.

I. Quantumvis *intima materia natura* nobis ignota sit, sive intima ista qualitas, quæ illam materiam esse facit, quæque eius essentia dicitur; certum est, materiam essentia, & natura sua non cogitare; omnino enim rationi universæ renunciandum, ut judicare, seu suspicari quis posset, luti massam, aut marmoris frustum, aut ferri cogitare.

II. Quæcumque intimæ proprietates materiæ supponantur; certum est, proprietates has sive notas, sive ignotas, illam cogitantem non efficere.

Inter has proprietates siquidem, quæ *pure passiva* sunt, materialistis ipsis fatentibus, nullam vim habent, quæ materiam cogitantem efficere possit. Quæ vero ut *re ipsa activa* censerì possent, sunt tantum motus locales, sive ad hos motus dispositiones, atque tendentiæ, a quibus aut partium prius junctarum disjunctio, aut se junctarum conjunctio obtineri posset; quin unquam ex illis quid vel remotissime cogitationi simile exoriatur.

III. Quomodocumque natura materiæ, & natura cogitationis concipiatur, certum est, cogitationem esse *modificationem substantia cogitantis*, eamque in materia tamquam subiecto existere non posse.

Postulat enim modificationum natura, ut sine subiecto concipi nequeant. Atqui optime cogitatio concipitur quin materia ulla concipiatur. Nulla ergo materia cogitationis subiectum est; cogitatio ergo non est materiæ modificatio (202, & 207).

IV. Quomodocumque materia, & cogitatio concipiantur, certum est, materiam semper concipi ut quid extensum, cogitationem vero ut  
*quid*

*quid inextensum*; Materiæ ergo, & cogitationis natura nihil commune habent.

EXPLICATIO II. Si materia natura sua, & uti materia cogitat; necessario cogitare debet aut tamquam subiectum partibus constans; aut tamquam subiectum simplex, & partibus carens; aut ratione alicujus suorum elementorum harmoniæ; aut ratione occultæ alicujus energiæ, quæ elementorum suorum naturæ, aut harmoniæ adnexa sit. Atqui hæc omnia falsa, & absurda sunt.

I. Patet primo materiam non cogitare tamquam *subiectum partibus constans*; patenter enim repugnat, subiectum *partibus constans non cogitantibus* unquam fieri subiectum cogitans ex harum partium non cogitantium coagmentatione; patet quoque, subiectum *vel partibus cogitantibus* constans, cum cogitatione, ut in nobis est, & sensu intimo percipitur, componi, & cohærere non posse.



Etenim *subiectum cogitans*, ut in nobis est, & sensu intimo percipitur, necessario *esse individuum* habet, quod omnium philosophorum, imo materialistarum (a) consensu in partibus re ipsa inter se distinctis existere nequit; ut validius tribus sequentibus propositionibus ostendamus.

II. Patet deinde, materiam non cogitare ut *subiectum simplex, & partibus carens*; neque enim hoc subiectum aut ad materiam pertinet, aut materiæ inest; in qua simplices unitates non cognoscimus, & quodvis vel minimum elementum partibus compositum concipitur (Phys. 46, & 60).

Ce-

---

(a) *Id simplex sit necesse est, quod cogitat; non vero ex partibus compositum; partes namque componentes natura, & cognitione sint priores oportet, quam id, quod est compositum.* Spinoza Epist. 40.



... quod natura inest cuius su-  
 gitanti, sentienti, ratiocinanti?

IV. Patet tandem, materiam non  
 occulta quapiam *energia* suorum elem-  
 naturæ, aut harmoniæ adnexa, In h.

Ce-

*Id simplex sit necesse est, quod cogitat ;  
pro ex partibus compositum ; partes nam-  
componentes natura, & cognitione sint prio-  
raret, quam id, quod est compositum. Spi-  
Epist. 40.*

Ceterum etsi in materia unitates simplices, & puncta Zenonica haberentur, ac veræ monades, semper æque absurdum esset, aut cuique monadi, aut alicui tantum cogitationem tribuere. Siquidem:

Si singulæ unitates, aut monades, quarum collectio meam materialem naturam efficit, seorsim in me cogitant; quomodo, & ubi in me erit illud *esse individuum*, quod ex his omnibus cogitantibus subjectis unum tantum subjectum cogitans in me efficere debet?

Si vero in me unica sit atomus cogitans, quæ me unum, atque unicum subjectum cogitans efficit; quare ratione unica hæc atomus facultatem cogitandi exclusivam habebit? Si vero nulla probatione, imo ratione repugnante facultatem hanc exclusivam huic atomi tribuamus, quare, quare ratione atomus hæc *sensum intimum*, & cognitionem experimentalem eorum habebit, quæ aliis atomis non cogitantibus conjuncta est, eveniunt?

III. Patet pariter materiam non cogitare ratione alicujus *suorum elementorum harmonia*. In hac enim hypothese, necessario hæc partium harmonia, qua materia cogitans fieri debet, existet aut in subjecto simplici, & partibus carente, aut in subjecto partibus composito.

Si subjectum *simplex* est, & *partibus carente*, nulla in eo erit partium harmonia, neque intrinseca, aut extrinseca ulla partium dispositio, aut collectio, quibus cogitans fiat. Non ergo cogitabit.

Si subjectum *partibus constat*, quænam præ ceteris cogitatione donabitur? si vero singulæ seorsim cogitant; ubi nam erit illud *esse individuum*, quod natura inest cuivis subjecto cogitanti, sentienti, ratiocinanti?

IV. Patet tandem, materiam non cogitare *occulta* quapiam *energia* suorum elementorum naturæ, aut harmoniæ adnexa, In hac enim hypo-

hypothesi occulta hæc energia, inintelligibilis hæc materialismi chimæra necessario aut aliquid erit a materia indistinctum, aut distinctum.

Si est quidpiam a materia indistinctum, jam duo, aut tria dilemmata hæctenus proposita recurrunt, & eadem vi pollent.

Si quidpiam est a materia distinctum, hoc necessario natura, & essentia sua in se id habere debet, quod materiæ communicat; quare occulta hæc energia necessario aliquid erit, quod materia non sit, quodque etsi materiæ conjunctum propriam essentiam amittere nequeat, nec illa materia fieri, quam cogitantem efficere supponitur.

Erit ergo energia hæc, quæ perperam materiæ sensum, & cogitationem tribuere supponitur necessario substantia aliqua immaterialis in se & a se facultatem habens sentiendi, & cogitandi, sive sentiendi quin cogitet, quæque aliud esse nequit, nisi quod nos animam humanam dicimus in specie rationis particeps, & animam brutorum in specie ratione carente regni animalis.

Quare quovis modo materia sumatur, summo jam rigore demonstratum est & experientiae, & ratiocinii momentis, ipsam ut materiam & simplici sua materiæ qualitate non cogitare neque in singulis elementis suis, neque in ullo peculiari elemento. Q. E. D.

1044. DEMONSTRATIO II. *Materia non cogitat ratione figura, qua donata sit.*

EXPLICATIO. Ut hoc ostendamus, figura, & cogitationis ideas conferamus; hinc enim duo hæc simul stare non posse elucescet.

I. Patet primo, materia figuram majorem tantum, minoremve, & dato quovis modo terminatam extensionem intellectui exhibere; elementum scilicet, aut elementorum congeriem, quæ aut triangularis sit, aut quadrata, [aut



aut polygona, aut convexa, aut concava, aut hæc omnia simul in diversis ejus lateribus, aut partibus internis, & externis.

Atqui in his omnibus nihil concipitur, quod cogitatio sit, quod ullo pacto cogitationi simile sit, quod materiam cogitantem efficere possit. *Cogitationem* enim non concipimus neque planam, neque convexam, neque concavam, neque planis regularibus, aut irregularibus circumscriptam, neque angulos habentem magis, minusve acutos, salientes, aut regredientes. Contra vero quum *cogitationem* concipimus, figuras has omnes, imo quascumque ab illa excludimus; & manifeste absurdum fore percipimus, si peteremus quam latitudinem, longitudinem, profunditatem, quam figuram, polygonem ne, an ellipticam, an circularem, an pyramidalem, an conicam, an cylindricam, an sphaericam habeat cogitatio.

II. Patet deinde, *de duorum identitate, aut non identitate* ex ideis, quas eorum habemus, nobis esse judicandum (417, & 674).

Exempligratia, censeo, *triangulum, & quadratum* in Anglia existentia esse duo essentialiter diversa, quorum unum nequit esse alterum; propterea quia ideæ, quas utriusque habeo, diversæ sunt, oppositæ, & in earum objecto se invicem excludentes.

Pari modo censeo, *substantiam figura præditam, & cogitationem* esse duo essentialiter diversa, quorum unum nunquam esse potest, aut fieri alterum, propterea quia ideæ, quas horum habeo, diversæ sunt, oppositæ, sese in earum objecto invicem excludentes.

Quoniam itaque *idea substantia figura prædita* longitudinem, latitudinem, latera, & angulos essentialiter continet, & *idea cogitationis* longitudinem, latitudinem, latera, & angulos essentialiter excludit, judicare debeo, substantiam

tiam figura præditam nihil habere posse commune, neque unam esse, aut constituere alteram unquam posse. Si ergo materia cogitat, quæcumque illi figura tribuatur, jam non ex hac figura cogitat.

III. Patet tandem, nullam mixtionem, delectum nullum, harmoniam nullam figurarum, aut *elementorum diversa figura præditorum* cogitationem constituere, & materiam cogitantem efficere posse.

Si enim cogitatio, aut cogitandi facultas neque in figuris cubicis, nec in sphaericis, nec in pyramidalibus, nec in alia quavis figura sita est; concipiemus ne, cogitationem in ulla harum figurarum, aut horum elementorum figurarum dispositione, aut commixtione esse statuendam? Contra vero nonne concipimus, ex figuræ, & cogitationis ideis, evidenter repugnare, ex ulla figurarum collectione cogitationem constitui; *cogitationem ullam* esse atomorum compositionem sive lævium, sive asperarum, sive aduncarum, sive uncis carentium? Si ergo materia cogitat, ejus cogitandi facultas neque in figura ulla, neque in figurarum compositione posita est. Q. E. D.

1045. DEMONSTRATIO III. *Materia ratione sui motus non cogitat.*

EXPLICATIO Ut hoc quoque demonstremus *ideas motus*, & *cogitationis* adhuc simul conferamus. In his essentialem horum objectorum, quorum unum nequit unquam esse alterum, diversitatem, & oppositionem evidenter deprehendemus.

I. *Materia motus* est tantum corporis transitus de loco in locum diversis velocitatis gradibus, diversis directionibus, compositionibus diversis. Quid in his omnibus *cogitationi* commune? quid quod materiam cogitantem efficere possit?

Patet primum, *materia translationem de loco in*

*in locum* illi cogitationem non tribuere; ceterum luti, aut argillæ cumulus e loco in alium translatus cogitans fieret.

Patet deinde, *majorem, minoremve velocitatem* materiæ cogitationem non tribuere. Globus e majori, vel minori bellico tormento explosus fiet ne cogitans, quacumque velocitate feratur?

Pari modo patet *directionum diversitatem* materiæ cogitationem non impertiri. Silex, aut lucis radius fient ne cogitantes propterea quia motu quovis ferantur directo, aut reflexo, uniformi, aut accelerato, vel retardato, ad austrum, ad boream, ad ortum, ad occasum, superius, aut inferius?

Patet denique, *diversas motus compositiones* materiam cogitantem non efficere. Hæc enim compositio dicit tantum, motus hos esse vel oppositos, vel conspirantes, vel æquales, vel inæquales. Si oppositi sunt, aut omnino, aut partim se invicem destruere debent; si conspirantes, tantum concipimus, eos sese invicem juvare, & eorum concursu majorem velocitatem mobili indere debere. Nihil verò ad rem facit, motus æquales esse, aut inæquales: tunc tantum intelligimus, æqualem in illis aut inæqualem esse vim motricem; seque invicem magis, minusve aut juvare posse, aut impedire.

II. Ab hac motus notione, atque analysi evidenter sequitur, nihil in motu esse cogitationi simile, quod cogitatio fieri possit, aut cogitantem materiam reddere. Neque enim tantum ut atomis, & fibris compositam *cogitationem* non concipimus, & variis directionibus, motibusque directis, reflexis, æqualibus, inæqualibus, oppositis, conspirantibus, ab unica, aut ab innumeris complexis causis productis agitam; sed cogitationem concipientes hæc omnia ab ipsa necessario excludimus, ut triangulum

conciipientes quadratum ab ipso necessario excludimus.

Motus ergo quomodocumque concipiatur nec cogitatio est, nec materiam cogitantem efficit. *Fibra ergo agitata* sive in cerebro, sive in corde; sive in alia quavis corporis parte, nec cogitationes sunt, nec magis cogitationes efficiunt, quam efficere possunt *fides sonora* in lyra, aut cythara; quæcumque in hisce fibris, figura, motus, tremor supponatur, sive insensibilium partium, sive fluidorum per ipsas excurrentium easque concitantium.

**CONCLUSIO.** Ex hisce tribus demonstrationibus simul sumptis evidenter sequitur, materiam sive in organa formatam, sive rudem, motam, aut quiescentem, crassam, aut in infinitum attenuatam, cogitare non posse neque natura sua, neque ratione figuræ, aut motus.

Repugnat ergo materiam cogitare. Nostrorum ergo cogitationum principium, aut subiectum non est substantia materialis Q. E. D.

## PROPOSITIO II.

1046. *Materia cogitationis incapax, æque sensus incapax est.*

**DEMONSTRATIO.** Evidens est, sensus nostros voluptatis, aut doloris, amicitiae, aut odii, timoris, aut spei, gaudii, aut mœroris, adprobationis, aut contemptus, ceterosque, modificationes esse *substantia intelligentis, atque sensibilis*; hasque *sensus modificationes* non magis in materia haberi posse, quibuscumque organis, figura, aut motu prædita supponatur, ac in ipsa *cogitationis modificationes* haberi possint; diversæ illæ scilicet animæ modificationes, quæ sunt, ideæ, judicia, & ratiocinia.

I. Ut propositionem hanc invicta demonstratione probemus satis est, si hic *anima sensibus*  
quæ

quæ de anima cogitationibus dicta sunt accom-  
modemus (1042).

Eædem tres demonstrationes, quæ materiam cogitare non posse ostenderunt, eadem certitudine, atque evidentia, materiam sentire non posse demonstrabunt neque natura sua, neque ratione figuræ, aut motus.

Cartesius in sua de brutis automatis fabula sedulo monet, bruta re ipsa non sentire; sive sentire videri, etsi re ipsa non sentiant; plane siquidem videt, sensum nec materiæ inesse posse, nec ejus modificationem esse posse.

II. Materialismus omnes hominis operationes ad motus mechanicos referens, & hominem automata faciens, adhuc in homine Ens sensitivum nōscere cogitur.

At enimvero ubi nam in homine *Ens sensitivum* erit, si homo nihil sit præter aquea, terrea, ignea, ærea elementa simul commixta? cuinam ex his hominis elementis sentienti virtus tribuetur? erunt ne elementa aquea, an ærea, an ignea, an terrea, quæ sentient? Erit ne elementum A, an elementum B, aut elementa erunt quædam delecta, aut universa elementorum collectio?

Elementa hæc hominis *ens sensitivum* constituentia sunt ne in se ipsis sensitiva, & per se; aut non nisi in homine sensitiva fiunt? Si vero in homine vivente sensitiva sunt, grave ne absurdum erit ea quoque in homine heri vita functo, aut in exsiccato aliquo Ægyptio cadavere adhuc sensitiva supponere?

„ Recens philosophia, inquit civis Geneven-  
„ sis, non jam rupes cogitare, sed homines non  
„ cogitare mihi videtur detexisse. Jam in na-  
„ tura non nisi *entia sensitiva* ipsæ admittit;  
„ totumque discrimen quod hominem inter,  
„ & lapidem statuitur, est, hominem ens sen-  
„ sitivum esse, quod sensationes habet, lapi-  
„ dem vero ens sensitivum, quod sensationes

„ non habet. At si verum est, universam materiam sentire, ubinam statuam *ens individuum*? erit ne hoc in quavis molecula, aut in earum congerie? Hanc unitatem æqueponam in fluidis, & in solidis, in mixtis, & elementis?

„ Non nisi individua, inquit, in natura sunt; at quænam hæc individua sunt? Lapis hic individuum ne est, an individuorum collectio? estne unicum *ens sensitivum*, aut tot continet, quot arenæ granula? Si quævis elementaris atomus *ens sensitivum* est, qua ratione concipiam intimam hanc communicationem, qua altera in altera se sentit, ita ut *duo illa individua* in unum coeant? Partes sensibiles extensæ sunt; at *ens sensitivum* indivisibile, & unicum est: non dividitur: totum est, aut nullum. Ergo *ens sensitivum* non est corpus “ Q. E. D.

#### PROPOSITIO II.

1047. *In homine, præter corpus organicum, substantia est essentialiter a materia, ejusque organis diversa, substantia in se, & natura sua spiritalis.*

EXPLICATIO. Cuique, qui ratione sua uti velit, nec ita insaniat, ut ea abuti velit, & obsecari, ne in se quid videat, nisi automa, facile erit, & in iis, quæ in se ipso sentit, & in iis, quæ in sui similibus videt tertiæ hujus propositionis certissimam demonstrationem invenire.

1048. DEMONSTRATIO I. Quemque hominem sensus experimentalis docet, sibi substantiam inesse cogitantem, atque sentientem.

Atqui *substantia* hæc cogitans, & sentiens neque materia est, neque ejus organa, ut superioribus duabus propositionibus ostendimus. Ergo præter corpus organicum substantia homi-

ni inest a materia essentialiter diversa ; cujus distinctivæ operationes , cogitationes nempe , & sensus, reflexi præsertim, nequeunt a materia emanare ; & cujus distinctivæ modificationes, hæc nempe cogitationes , atque hi sensus, materiæ inhærere non possunt.

*Substantiam spirituales* in se ipsa , & natura sua eam voco, quæ simul intelligere , ratiocinari, & reflexe sentire potest. Atqui substantia cogitans , & sentiens , quæ hominem animat , hæc tria simul præstare potest ; ergo hæc substantia in se , & natura sua spiritualis est.

At materia sive organis instructa , sive carens , sive mota , sive quiescens nec intelligere, nec ratiocinari, nec reflexe sentire potest. Ergo substantia cogitans , & sentiens, quæ hominem animat , non est substantia materialis ejus corpus constituens. Ergo in humano composito præter substantiam corporis organici substantia est essentialiter ab ea diversa , quæ corpus organicum constituit ; substantia scilicet in se , & natura sua immaterialis , & spiritualis  
Q. E. D.

1049. DEMONSTRATIO II. Anima humana, omnibus fatentibus tum materialistis, tum eorum adversariis , est *Principium sentiens , & cogitans*, quod hominem animat. Atqui principium hoc non est materia humanum corpus constituens. Hoc solide , & facile pluribus modis probo sex explicationibus sequentibus.

I. Meæ memoriæ , & mei sensus intimi testimonium me simul docent ; *Principium sentiens , & cogitans* , quo animor , idem omnino esse hodie , quod erat heri , quod anno proximo superiore , quod decem , aut viginti ante annos. Hoc vero materiæ cuivis organicæ meum corpus constituenti convenire nequit.

Ut enim vel a primis physiologiæ , & anatomes notionibus intelligimus , corpus huma-

nam, ut aliud quodvis corpus vivens, non nisi perpetuo partium sibi continenter succedentium fluxu subsistit.

Partes tenuiores, magisque volatiles, quæ modo meum sanguinem, humores, spiritus vitales constituunt, perpetua transpiratione dissipantur, aut transformatione perpetuo naturam mutant, & perpetuo illis aliæ similes nutritione sufficiuntur.

Partes humani corporis rigidiores, magisque tenaces, ut quæ ossa, musculos, crassiores nervos, cartilagine, adipem, carnem componunt, iisdem mutationibus æque obnoxie sunt, etsi in dies minoribus. Ceterum, materialistis ipsis latentibus, non sunt partes hæ rigidiores, magisque tenaces principium sentiens, & cogitans.

Quare principium hoc, quo animor, *numericam, & individuum identitatem* habet. Ergo nulla mei corporis pars organica est principium sentiens, & cogitans, quo animor.

II. Rationis meæ, & sensus intimi testimonium unanime docet, *principium sentiens, & cogitans, quo animor, in pluribus operationibus suis liberum esse*; quod materiæ organicæ corpus meum constituenti nequaquam convenire potest.

Sicut enim ex primis physicæ, & mechanicæ motionibus novimus, materia neque vim habet sibi motum communicandi, neque communicatum amittendi, neque quem habet suspendendi, moderandi, aut alio dirigendi.

Quare principium sentiens, & cogitans, quo animor, in pluribus operationibus suis *vera libertate* gaudet; nulla materia hanc habet in suis operationibus; nulla ergo materia principium est cogitans, ac sentiens, quo animor.

III. Unanime rationis meæ, ac sensus intimi testimonium docet, *Principium sentiens, & cogitans, quo animor, substantia, & natura sua non esse multiplex*; sive idem esse individuum



duum principium, quod in me videt, intelligit, gaudet, dolet, decernit, se determinat, duas ideas cum tertia confert, earumque identitatem colligit, aliaque hujusmodi; quæ sâne materiæ cuicumque organicæ mei corporis convenire nequeunt.

In hac enim materia organica nulla pars est quæ aliis partibus indefinite minoribus non constet, quæque proinde natura, & substantia sua multiplex non sit. Quin si & partes materiæ natura, & substantia sua simplices supponantur, altera quod altera sentiret, neque quod altera cognoscit, & altera cognosceret: in nulla haberetur illud *ens individuum*, in quo tamquam centro ceterarum omnium impressiones, & affectiones colliguntur.

Solæ tunc auris fibræ intelligerent, solæ oculi fibræ viderent, solæ palati fibræ saporem sentirent; & nullum esset commune principium, aut subjectum in quo omnes hæ perceptiones existerent, quod eas simul comparare posset, quod dicere posset: ego sum, quod video, quod intelligo, quod sitio, quod frigeo, quod ratiocinor, quod definio, quod statuo, ceteraque hujusmodi.

Totidem in homine sentientia, & cogitantia principia essent, quot molecule agitatz, atque concussæ. At nullum esset principium sentiens, & cogitans, ad quod omnes cogitationes, & sensationes referrentur.

Quare principium sentiens, & cogitans, quo animor, necessario *principium est simplex*, atque *unicum*, in quo *individua mea unitas* sita est. Atqui materia nulla mei corporis simplex, atque unicum principium esse potest, in quo individua mea unitas sita sit; ergo nulla mei corporis materia principium est sentiens, & cogitans, quo animor.

IV. Concors experientiæ, & sensus intimi testimonium me docet, *principium sentiens, &*

*cogitans*, quo animor convenire posse cum mei similium principio sentiente, & cogitante<sup>1</sup>, ut verborum sonō, aut *scriptionis* notis arbitraria significatio applicetur, quam de se, & natura sua non habeat: quæ sane nunquam materia organica quæcumque fibras meas, humores, spiritus vitales constituens efficere potest.

Exempli gratia, homini ingenio acri prædito, sed in geometria jejuno parallelogrammum rectangulum, aut obliquangulum ostendo; & quam longitudinem obtineat ejus *diagonalis* peto: nihil ille percipit. Elatiori voce id ipsum interrogo; nec magis quid a se velim percipit. Ut me explicem, dico, *diagonalis* nomine me lineam intelligere ad oppositos angulos ductam: tunc me apertissime intelligit. Quibus positis sic procedo.

Si principium sentiens, & cogitans, quod hominem animat, esset tantum humani corporis materia organica, evidens est iisdem hujus materiæ impressionibus easdem ideas, easdemque sensationes responsuras. Quare evidens est, hominem, de quo sermo, aut ante explicationem me intelligere debuisse, aut neque post explicationem me debuisse intelligere; ante siquidem, & post explicationem vox *diagonalis* a me pronunciata easdem omnino in ejus materia organica vibrationes excitat.

V. Si principium sentiens, & cogitans, quo animor, esset aut tota mei corporis substantia aut ejus pars, puta, cerebri fibræ; dicendum esset, *cogitationem, deliberationem, determinationem esse tantum substantiarum motuum effectus mechanicos*; quod manifeste falsum est, & absurdum.

Certum enim est, effectus mechanicos semper esse suis causis necessario proportionales; & sæpissime principii sentientis, & cogitantis cogitationes, deliberationes, determinationes motibus humani corporis non esse proportionales.

„ Sci-

„ Scimus , inquit recens auctor , in virium  
 „ mechanicarum actione , semper effectum  
 „ esse causæ suæ exacte proportionalem ; at  
 „ non ita res habet in motibus nostris volun-  
 „ tariis . Pila , exempli causa , quam projece-  
 „ ro , nunquam alteri pilæ motum communi-  
 „ cabit nisi illi proportionalem , quem manus  
 „ mea primæ communicaverit . At si alicui ad  
 „ aurem dixerō ; lictores in via sunt , qui te  
 „ morantur , ut capiant : ille statim præcipiti  
 „ fugæ se committet . Jam vides , inter pauca  
 „ hæc verba ad aurem dicta , aut , si mavis ,  
 „ inter vibrationes in ejus cerebro excitatas ,  
 „ & præcipitem ejus cursum , qui effectus est ,  
 „ nullam dari proportionem .

„ Quid igitur inter hæc duo habetur ? *Idea*  
 „ *periculi* , & deinde *fugiendi voluntas* , quæ  
 „ violentum hunc motum cruribus imprimit .  
 „ Atqui idea hæc , quam tam levis auræ mo-  
 „ tus excitat , actus hic voluntatis , qui in  
 „ corpus tanta vi agit , ostendit in anima in-  
 „ ternum actionis principium , cui corpus pa-  
 „ ret . Hominis hujus cerebrum animæ quidem  
 „ verborum sonum in aure dictorum transmi-  
 „ fit ; at eorum significatio est , *perceptio* nem-  
 „ pe *omnio spiritualis* , quæ animam excitat ;  
 „ & quæ intima sua virtute velocem hunc  
 „ crurum motum parit . Nullus inter hæc ne-  
 „ xus mechanicus datur , nulla materialis con-  
 „ junctio , ac proinde nulla necessitas . Ani-  
 „ ma nostra itaque immaterialis est ; & actio-  
 „ nes nostræ voluntariæ a cerebro non pen-  
 „ dent “ .

VI. Me docet sensus intimus , *principium*  
*sentiens* , & *cogitans* , quo animor , *abstracta*  
*attingere* , atque *percipere* , *moralia* , pure possi-  
*bilia* , pure futura ; quod materiæ cuivis or-  
 ganicæ , aut rudi , qua corpus meum constat ,  
 nequit ullo pacto convenire .

Exempli gratia , sentio , principium hoc ,  
 B 5 quo

quo animor posse abstractione metaphysica percipere, & attingere unam, eamdenque rem ut substantiam, quin illam concipiat ut corpus; illam concipere ut corpus, quin concipiat ut vegetabile; illam concipere ut vegetabile, quin concipiat ut malum assyrium, aut ut cerasum.

Atqui evidens est, nihil tale materiæ sive organicæ, sive rudi convenire posse, quæ aliquid attingens illud attingit secundum totum, quod est, ut ens, ut substantiam, ut vegetabile, ut malum assyrium, aut cerasum; nulla rerum, aut proprietatum abstractione, nullo in eo statuto, aut detecto gradu metaphysico. (224, & 318).

Pari modo sentio, principium, quo animor, percipere, & attingere pure possibilia, pure futura, moralia, ut virtutem, & vitia, honestum, & inhonestum, elegans, aut inelegans in iis, quæ ad ingenium spectant, justum, & injustum in jure, & legibus, decens atque indecens in recto ordine, in moribus, in politica, in legislatione.

Atqui patet, nihil horum puræ materiæ sive organicæ, sive rudi convenire posse; possibilia siquidem, futura, moralia sunt *entia tantum abstracta*, quæ quum in physico rerum ordine nihil sint, neque materiam afficere, neque a materia attingi possunt. Q. E. D.

1050. DEMONSTRATIO III. Cuique ab experientia, & observatione innotescit, in hominibus sui similibus, æque ac in se substantiam esse cogitantem, atque sentientem, quæ natura nihil materiali substantiæ commune habet. Quid enim in sui similibus videt & notat, non modo in præclaris iis ingeniis, quæ scientia, & magnanimis animi sensibus nationum sibi admirationem comparant, sed in rudibus, atque incultis, dum cognoscunt ac sentiunt? Intelligentiam in iis dignoscit magis, minusve perspicacem, ratiocinia aptius, aut  
mi-

minus apte producta, sensus magis, minusve reflexos; quæ omnia in *his substantiam spirituales* indicant, qualis a nobis jam definita, & descripta fuit.

Exempli gratia, homo omnino rudis, barbarus in sylvis enutritus, natura ipsa, nec animadvertens fatis sublimem mechanicæ, politicæ, justitiæ, virtutis in genere theoriam habet.

I. Illi ne fovea transfilienda est, quam sine artificio traicere non valet? Natura ipsa novit, se aliquot passibus retrocedere debere, ut exiguum hoc spatium percurrere successive motum acceleret, quo ejus corpus ampliorem parabolam describat; aut perticam illi opportuno adjumento fore, quæ mediam in foveam demissa gravitationis effectum cohibeat, & ejus motum horizontalem protrahat.

Grave onus illi forsam removendum, cujus resistentia suis viribus major sit? cito potentiam duplicandi artem inveniet, instrumenti, quo ad vestem utitur, longitudinem duplicando, aut triplicando.

Arbor, aut ejus ramus convellendus est? Natura duce scit pedes, & brachia ita disponere, ut longissimum vestem efficiat; novit etiam corpus maxima velocitate propellere directione resistentiæ opposita, ut massa in velocitatem ducta maximam in resistentiam vim exercent.

II. Si forte illi *quid novi*, & *utilis casus* obtulit; illud perpendit: considerat quid ad præsentem suam, vel futuram utilitatem conferre possit: eo utitur, & illud successive perficit. Cognitio alteri perfectiori in dies viam sternit.

Si præpotens inimicus, cui suis viribus resistere nequeat, ejus vitæ, aut libertati insidiatur; operam dat, ut cum aliis communem causam suam faciat, alienas vires suis jungit,

ut simul collectæ hostis insidias eludere valeant.

Si quod infortunium tugurium suum diruit, alterum ædificat, curatque illud ita construere, ut simile infortunium antevertat. Quæ adversa in dies illi occurrunt, quæque prospera, illum docent qua ratione impoſterum ſe gerere debeat; hæc ipſe filios docet, qui tum ſuarum cognitionum, tum eorum, quæ ipſi induſtria peperit, heredes futuri ſunt.

III. Neque putes idèis illum carere honeſti, & inhoneſti, juſti, & injuſti, virtutis, & vitii. Ut de hoc certior ſias narra illi, exempli gratia, filium patris amantem, & beneficum ſponte ſe in ſervitutem dediffe, ut patrem infirmum a dira captivitate liberaret; ſeu tene-ram, & dolore perditam matrem in lupum, ſeu pardum magno animo irruiffe, ut natum adhuc vivum ſibi que raptum a belluæ faucibus evelleret. Plorabit ille miſericordia motus, & pietatis, ac admirationis ſenſus in ejus vultu dignoſcentur (863).

Aut, ſi lubet, pete ab illo num liceat promiſſis non ſtare, aut benefactorem, & amicum prodere, agrum ab alio excultum deprædari, illi nocere, qui tibi non nocet, parentibus indigentibus non opem ferre. Oculis indignantibus magna eloquentia ſuum ille reſponſum, ac judicium patefaciet.

IV. Quæ quum ita ſint, omnino patet, homini plane rudi, ac ſylveſtri *ſubſtantiam ſpiritualem* ineſſe ſuis motibus præſidentem, media ad fines dirigentem, virium ſummam modo magis, modo minus accurate reſiſtentiarum ſummæ comparantem; præteritum, & futurum conſiderantem, inventis utentem, & cogitationes ſuas perficientem, objecta etiam immaterialia, & inſenſibilia concipientem; magis, minusve legem naturalem, jus naturale, officia pleraque, juſtum, vitium, & virtutem cognofcentem, magis in dies morum, & co-  
gni-

gnitionum principiis aptam regi, corpus materiale, quod animat, majori, minorive sagacitate, & prudentia tueri studentem. Plane excutiat oportet, qui in his nisi motum, & materiam videt. Q. E. D.

PROPOSITIO IV.

1051. *Substantia spiritualis animans hominem natura sua simplex est, seu rebus re ipsa inter se distinctis non constat.*

DEMONSTRATIO. Ut hoc explicemus, & ostendamus, probare pergitur principium animans hominem neque *naturis re ipsa distinctis*, neque *partibus re ipsa distinctis* constare; adeoque animam, quæ hoc principium est, subjectum esse perfecte simplex, in quo nulla est substantialis compositio.

I. Me docet sensus intimus, esse idem individuum subjectum, quod in me sentit, & cogitat, quod meditatatur, & gaudet, aut dolet, quod praterita meminit, & futura prævidet, quod decernit, & se determinat.

Ergo principium, quo animor, non componitur ex pluribus distinctis substantiis, aut naturis, quarum altera intelligat, altera sentiat, altera percipiat, altera judicet, altera ressentiat, aut cogitet, meminerit, aut in memoriam revocet, altera animadvertat, & decernat, altera se determinet, & velit. Secus in me principium intelligens quid sentiat principium sentiens ignoraret; principium animadvertens quid statuatur principium decernens ignoraret; principium ratiocinans, & judicans, quid a principio reminiscente agatur nesciret.

Ergo etsi principio, quo animor, facultas insit, quam intellectum voco, alia, quam voluntatem, alia, quam memoriam, alia, quam phantasiam, alia, quam judicium, alia, quam potentiam sentientem nuncupo, aliæque hu-

hujusmodi ; patet , has facultates non esse in me res invicem distinctas , sed unicum individuum principium, quod diversis muneribus fungitur , a quorum diversitate diversa quidem nomina sortitur , sed semper intime unicum , & individuum natura est . Ceterum in me non esset illud *ens individuum* , quod dicere posset : ego cogito , ego patior , ego judico , ego ratio- cinor , ego volo , ego memini ; nec de princi- pio , quo animor , veras mihi ideas sensus inti- mus exhiberet .

II. Docet me sensus intimus , *unicum in me esse principium sentiens , & cogitans* . Ergo prin- cipium hoc *partibus distinctis* sive materialibus sive immaterialibus non constat . Partibus ma- terialibus non constare jam ostendimus ( 1042 ) ; superest itaque , ut neque immaterialibus , & spiritualibus partibus constare demonstremus .

Ac primum si *substantia spiritualis* me , & ceteros homines animans partibus spiritualibus constaret re ipsa invicem distinctis , patet ha- rum quamlibet essentia sua fore *spiritum* ; ut quodvis materiæ elementum essentia sua re ipsa *materia* est .

Hinc sequeretur , diversas has ejusdem ani- mæ partes , quum totidem veluti spiritus es- sent , quorum unus non esset alter , aut velu- ti totidem animæ invicem distinctæ , posse si- mul , & eodem tempore qualitates habere op- positas , & contradictorias .

Exempli gratia , inter diversas has animæ partes fieri posset , ut una uno modo cogitaret , altera opposito ; ut una vellet corpus quiesce- re , alia moveri ; ut una pia , & recta esset , impia alia , & scelesti ; ut una quid appete- ret , alia fastidiret ; ut una de re aliqua recte , alia perperam judicaret ; quæ omnia illud in una , & individua anima judiciorum , & volun- tatum dissidium parerent , quod in familia , aut in hominum societate nimium sæpius exsurgit .

At-



Atqui hæc omnia experientiæ, & observationi adversantur. Ergo anima hominis partibus re ipsa inter se distinctis nequaquam constat.

Præterea si anima partibus vel spiritualibus distinctis constaret, ubinam esset in ipsa unitas intelligens, & sensitiva, illud *esse individuum*, quod non dividitur, quod necessario indivisibile, & unum est? Ergo iterum anima partibus vel spiritualibus non constat; ergo anima hominis est substantia natura simplex.

III. Quemque hominem docet sensus intus, *se sapius simul habere aut plures gratas, aut plures molestas sensationes, aut gratas, & molestas simul mixtas*. Si quæras harum sensationum quænam gratissima sit, quænam molestissima, respondet homo ex sensu intimo, hanc vel illam esse. Quo posito sic procedo.

Quum eodem tempore & *dolorem in pede, & dolorem in brachio* sentio; hos dolores simul confero, & ex sensu intimo judico alterum altero majorem esse. At vero si anima distinctis partibus constaret, & horum dolorum unus animæ *partem A*, alter *partem B* afficeret, pars A quid parti B contingeret ignoraret, & vice versa. Quævis ex his partibus suum dolorem sentiret, nec dolorem, quem patitur cum eo, quem non sentit, conferre posset.

Ut ergo dolores hi possint invicem conferri, ut alter altero gravior judicetur, in eodem unico subjecto recipi debent, quod eos in sua *individua substantia* simul sentiens judicare possit a quo vehementius afficiatur. Idem dicas de duabus ideis, quæ cum tertia conferantur, & num conveniant, an discrepent, deprehendatur.

Ergo anima humana, quæ duos dolores simul comparat, & alterum altero graviolem judicat, duabus distinctis partibus non constat, in quibus hi dolores sejunctim recipiantur.

Ergo hæc anima, quæ simul confert suas diver-

versas ideas, cogitationes, spes, timores, affectiones, aversiones, voluptatis, molestiæ, desiderii, mœstitiæ modificationes, aliaque huiusmodi, non constat partibus inter se distinctis, quarum singulæ singulas has modificationes admittant.

Ergo hæc anima, quæ diversas suas cogitationis, & sensus modificationes simul confert, est necessario *substantia natura sua simplex*, nulla partium re ipsa distinctarum compositione.

IV. Ex demonstratis itaque colligimus, animam hominis esse substantiam simplicem omnem a natura sua facultatum, & partium distinctarum compositionem excludentem; quæ, etsi ita simplex, adhuc potest, ut experimentalis sensu novimus, in intima sua substantia innumeras spirituales successivas modificationes admittere.  
Q. E. D.

#### ORGANICA CORPORUM STRUCTURA.

1052. OBSERVATIO. Binæ in visibili natura dantur organicæ structuræ species, animalis scilicet, & vegetabilis. Utraque in causa sive ignota, sive nota a qua construitur, *exemplarem præexistentem ideam* supponit, archetypum ab infinita intelligentia conceptum, effectumque. Utraque enim in variis individuis, in quibus a nobis observari potest ubique media ostendit ad finem aliquem instituta, & delecta miro artificio omnem finitam intelligentiam evidenter exsuperante.

I. *Organica animalium structura* esse videtur variarum materialium substantiarum constructio quædam, dispositio, atque delectus, quæ omnia simul magis, minusve promptam formationem, magis minusve diuturnam conservationem, magis minusve mirabilem mechanicum motum corporis animalis efficere apta sint;

sint; & animali ( quod semper aliquid est præter corpus organicum ) occasionem præbere ad varias operationes, quas ejus tum genericus, tum peculiaris finis postulat ( 795, & 877 ).

In homine, exempli causa, partes sunt ad nutritionem operandam constructæ, dispositæ, & institutæ; aliæ ad visionem; aliæ quoque ad varios motus, ad varias sensationes, ad omnes hominis animales, & intellectuales functiones exequendas. Partes ita constructæ, dispositæ, selectæ sunt organica humani corporis structura.

At organica animalis structura, a qua Deus animalis vitam, & operationes pendere vult, totum animal non est, quod evidenter aliquid præterea est. Semper enim animal necessario sensationis capax est, cujus nunquam materia organica capax esse potest. Ut igitur animal constituatur, præter materiam organicam *substantia immaterialis* necessario requiritur, quæ in hac materia organica sit in se, & per se sentiendi capax ( 1046 ).

II. *Organica vegetantium structura* ipsa quoque videtur esse constructio quædam, dispositio, ac variarum materialium substantiarum delectus, quæ omnia simul apta sunt formationem, conservationem, & varias proprietates efficere quas genericus, & peculiaris vegetantium finis postulat.

In ceraso, exempli causa, partes organicæ sunt ad *communem humorem*, & *peculiares succos*, quibus enutrirī debet, juxta generales naturæ leges hauriendos institutæ. Aliæ quoque organicæ ad hos eisdem *nutritios succos* juxta easdem naturæ leges elaborandos, & mutandos, ut inde emergant tales fructus, talia germina, tales specificæ productiones.

III. *Fossilia* veram organicam structuram non videntur habere, quæ intimo eorum proprio machinamento, & per *ipsum susceptionem agentem*,

te, ut in animali, & vegetabili eorum formationem, & conservationem operetur.

Non tamen proinde invisibilis causa eorum partes construens, disponens, seligens *simplici juxta positione* infinite magnas, varias, exactas, exemplares ideas in proprietatibus specificis, quas eorum naturæ tribuit, atque conservat, non ostendit.

### ANIMÆ ORIGO.

1053. OBSERVATIO. Quænam *anima origo* est? seu qua ratione existentiam obtinet mira hæc substantia omnibus animatis substantiis vitam, & actionem impertiens? Maxima hæc quæstio omnium ætatum præclarissima ingenia exercuit.

1054. EXPLICATIO I. In sententia per hos dies a Christianis passim recepta animæ humanæ *vera creatione* existunt, quæ tunc habetur quum eam postulat organica satis perfecta humani corporis animandi structura; quam creationem Deus solus operari potest.

Unicam hanc sententiam de humanæ animæ origine ratio, & fides simul concordēs amplecti possunt. Animas ante corporis organici formationem existere manifeste inutile fuisset: sciimus autem, axiomate passim recepto, Deum nihil frustra operari.

Idem ferme de brutorum anima dici potest. A Deo & ipsæ creantur eo ipso tempore, quo satis perfecta corporis animandi structura eas esse postulat. Porro absurdum esset si eas ex simplici materia, quam animant, emanare supponeremus; nihil enim materia habet, in quo aut eminenter, aut formaliter, aut virtualiter præcontineantur.

1055. EXPLICATIO II. Nonnulli philosophi primis Christianæ religionis sæculis, quibus & nonnulli ex antiquioribus ecclesiæ Patribus ad-  
hæ-

hæerere nisi sunt, tenuerunt, *physicam* haberi *animarum propagationem*, ut habetur corporum. Anima Abelis, exempli gratia, parentum Adami, & Evæ *physica emanatio* fuit, ut ejusdem Abelis corpus parentum corporis fuit emanatio.

Hac *physica animarum*, & corporum propagatione veteres nonnulli ecclesiæ Doctores *originalis peccati transmissionem* explicabant. Aiebant siquidem Adami, & Evæ filios primorum horum humani generis parentum corruptioni participare propterea, quia sunt totidem successivæ emanationes naturæ primitus in duplici sua substantia materiali, ac spirituali vitiatæ, atque corruptæ.

Tunc non arbitrabantur, ut ex ipso Divo Augustino colligi videtur, *physicam* fecunditatem spiritualis substantiæ naturæ necessario repugnare.

**CONFUTATIO.** At enimvero opinio hæc sanæ philosophiæ minime consona, quam tamen ecclesia nunquam damnavit, quum nulli fidei dogmati sit opposita, jamdiu assertoribus caret. Tandem *physica hæc animarum propagatio*, quam *animarum originem ex traduce* nuncupabant, absurda, & nullo pacto tenenda visa est; propterea quia substantia simplex, & individua, ut necessario est anima hominis, cujusvis *physicæ*, & *substantialis emanationis*, qua veluti in partes dividatur, essentia ipsa incapax est.

Unicum peculiaris hujus opinionis fundamentum erat peccati originalis propagatio, cujus rationem reddi posse non putabant, quin animarum simul, & corporum propagatio admitteretur. Sed posterioribus sæculis, magisque excultis arbitratum est, ad præcipui hujus christianæ fidei dogmatis rationem quoad fieri posset reddendam satis esse *divinum decretum* supponere, quo Adamum, & Evam universum hu-  
ma-

manum genus eorum posteritatem repræsentare statueretur ( 344 ); ita ut ab horum protoparentum obedientia, aut inobedientia primi illius status possessio, aut amissio penderet, in quo *humana natura* creata fuit gratuitis donis ornata, nulla ratione huic naturæ debitis; ut jam in nostra philosophia religionis explicavimus.

1056. EXPLICATIO III. Fabulosus liber *Shastad*, quem Indi inspiratum somniant, quique Bramhæ doctrinam continet, ac illam proinde tum veterum, tum recentiorum Indiæ, & Mogolis Brachmanum, Siamensium Talapoinorum, plerorumque pariter Sinensium, & Japonensium Bonziorum, docet, animam hominum, & brutorum eandem substantiæ speciem esse, quum utraque spiritualis sit, & immortalis.

Deus purus spiritus æternum extitit, inquit *Shastad*: & initio temporum innumeris ante hoc sæculis innumeros spiritus creavit, quorum pars illi fidem servavit; pars altera deficit eum supremum Dominum habere recusans. Rebelles illico e cœlo expulsi ad æternas pœnas damnati fuerunt; at angelorum bonorum preces exaudiens, quorum principes erant *Birmah*, *Bisnoo*, & *Sieb*, Deus illis tempus purgationis constituit, quo in pristinum locum restitui possent. Quare *Birmah* ministerio 4875 ferme ante annos quindecim visibilium mundorum regiones creavit, quorum septem supra, septem infra orbem nostrum sunt: hi totidem erant purgationis gradus, & pœnæ, quos subire debebant, ut ad pristinam beatitudinem reverterentur. Eodem quoque ministro mortalia corpora creavit, hominum scilicet, & brutorum in quibus dato tempore *rebelles angeli* includi debebant, ut ea animarent, & ut in iis tum physicis, tum moralibus malis obnoxii essent pro admitti criminis ratione, Ad octogin-

ginta novem corpora animanda eos damnavit, quorum postremum humanum erat omnibus intimis qualitatibus præditum, quas in creatione obtinuerat. Hinc *Metempsychosis* exorta somnia.

Deus mundos visibiles, & animalia corpora creans unum ex fidelium angelorum principibus, Bramham scilicet, in terram misit, qui *primus homo* fuit, & solus innocens; cui munus injunctum fuit rebelles angelos ad hominum, aut brutorum corpora animanda damnatos eas condiciones docere, quibus in Dei gratiam redire poterant. Fidelium angelorum princeps Birmah conciliationis hujus condiciones *lingua angelica*, & Dei ipsius jussu Bramhæ tradidit; hic vero eas summa fide in *linguam Sanscrit* transtulit, quæ tunc universæ Indiæ lingua erat.

Sacer hic vetus Bramhæ liber, qui primum in quatuor tantum partes divisus erat *quatuor divinorum verborum libros* nuncupatas, primitiva sua puritate integer mansit, inquiunt Brachmanes, annis mille. Postea vero interpretationibus, & paraphrasi a Brachmanibus amplificatus, & in recentiorem Indorum sermonem translatus non amplius in quatuor libros partitus fuit, sed ad sex primum, deinde usque ad duodeviginti libros excrevit; quo factum est, ut & lingua, qua primum Bramhæ Shastad scriptus fuerat, & autographum ipsum oblivioni traderetur. Quare sacer hic Indorum liber jam non extat; & variæ interpretationes, ac translationes, quas subiit, veterem Bramhæ doctrinam, & legislationem omnino adulterarunt. Porro, si Brachmanes audias, Bramhæ posteritas in India annis 2179. regnavit, nec nisi annis ante æram christianam 21 extincta est. Hæc de Brachmanum doctrina tradit Angelus Hotvvellus, qui diligentissime annis

pis triginta, quibus in regno Bengalæ commoratus est, Brachmanum res investigavit.

Fabulosa hæc Bramhæ doctrina *visibilium rerum originem*, & *creationem* statuit annos tantum 4874 ante hunc 1778. At invisibilium rerum creationem priorem facit annorum millionibus quadringentis, sexaginta, & octo; creationem, inquam, bonorum, & malorum angelorum, quorum primi cælestem beatitudinem obtinuerunt, in eaque perseverant, dum ceteri perduellionis pœnas luunt in variorum animalium corporibus ab homine ad bruta transmissantes, puta ad elephantem, ad equum, ad psittacum, ad vaccam, ad apem, ad ranam, ad colubrum, ad bruchum, ad lumbricum, & a brutis ad hominem juxta metempsychosis deliramenta.

1057. EXPLICATIO III. In Platonis sententia Deus, sive ens supremum initio temporum humanas animas creavit, easque in astris posuit, unde facilius infinitas ejus perfectiones contemplari poterant. At illæ ad terrestres pulchritudines contemplandas potius se converterunt. Quare indignatus Deus se terrestribus rebus postponi, eas hac pœna affecit, ut in terram dejectæ humanorum corporum carceribus includerentur.

„ Hac ratione Plato, inquit recens auctor,  
 „ explicare se putabat quare haberetur mira  
 „ hæc *sympathia*, qua nonnulli vel ut primum  
 „ sibi occurrunt amicitia invicem devinciuntur,  
 „ & quare homo, & fœmina fervido,  
 „ & constanti mutuo amore sæpius exardescant.  
 „ Quæ animæ, ajebat Plato, dum astra inco-  
 „ lebant Dei pulchritudinem, & perfectiones  
 „ diligentius contemplatæ sunt, si quod harum  
 „ vestigium in creatis rebus offendunt, subito  
 „ & involuntario impulsu illuc feruntur, ubi  
 „ exoptatæ rei species sese illis offert.

In-



Inter Platonis somnia ingeniosissima sane hæc sententia est, quam jure amantium philosophiam celebris recens auctor appellat.

1058. EXPLICATIO V. In Leibnitii, & Volfii sententia humanæ animæ omnes initio temporum creatæ fuerunt, & illico organicis corporibus infinite parvis conjunctæ horum ministerio naturalia sua intelligendi, & sentiendi munera exercent; atque ita perseverant, donec humanis corporibus physice conjunctæ hominum animæ re ipsa evadant: hac vero conjunctione cessante hominis obitu, iterum similibus organicis corpusculis junguntur.

Hæc Volfii, & Leibnitii sententia ferme illa est, quam Siameses, & Sineses de humanis animis tenent, teste Laluberio. Censent gentes illæ, animas post obitum corpus infinite parvum informare sed eadem figura, atque organis instructum, quibus præditum erat corpus, a quo recesserunt.

CONFUTATIO. Patet, singularem hanc Leibnitii, & Volfii sententiam utraque sui parte corruere. Humanarum animarum conjunctio infinite parvis corpusculis donec humanis corporibus jungantur, inane mentis commentum est, quod nulla ratione fulcitur.

I. Omnium animarum creatio initio temporum non aliunde supponi potest, nisi ex *arbitraria* eorum, quæ in Genesi leguntur, interpretatione; scilicet Deum magnum creationis opus sex diebus explevisse, & septimo quievissse.

At vero si absoluta, & perpetua quies his verbis intelligatur, qua Deus nihil amplius agat in natura, rationi, & revelationi contradicitur. *Rationi* quidem, qua docemur, permanentem naturæ actionem sine permanente sui auctoris actione subsistere non posse; *revelationi* vero, qua innumeris sacrorum librorum locis dicitur Deus perpetuo mundi hujus res curare  
live

sive physicas, sive morales, bona, ac mala distribuens, imperia firmans, aut evertens, naturæ ordinem, & leges pro sua voluntate interrumpens, hominum corda regens, ac movens, aliaque hujusmodi.

II. Indignum Deo est, inquiunt, in visibili natura movenda, regendaque continenter occupari, in organicis corporibus condendis, in animis humanis creandis, quæ humana corpora informant, in animis natura diversis creandis, quibus varix brutorum species animentur.

At quo fundamento regitur assertio hæc? nullo. Quare enim infinita Dei magnitudine indignum sit id perpetuo esse, quod infinita naturæ suæ perfectio, & infinitæ suarum idearum, suorumque operum divitiæ postulant? Quare magis Dei infinita magnitudine indignum sit naturam a se creatam hodie movere, ac regere, quam fuerit illam creare, movere, ac regere initio temporum? aut animas intelligentes & sensibiles hodie creare quæ animent humana corpora, & sensibiles tantum, quæ brutorum corpora informant; quam utrisque similes in mundi primordiis creare ad hominum, & brutorum corpora informanda?

1059. EXPLICATIO VI. Mites aliqui materialistæ ( 1040 ) volunt, hominum, & brutorum animas *creatione proprie dicta* non condidi. Deus, inquiunt, materiam seminalem, qua varix species reproducantur, per terram diffundens illi *miram* eam *substantiam* adjecit, cujus naturam ignoramus, quæque homini, & brutis vitam impertitur.

At hæc opinio hoc unum habet, ut *obsoletis* peripateticorum *occultis qualitatibus* deterior sit; & ut maximi momenti phænomeno ineptam, absurdam, ipso phænomeno obscuriorem explicationem afferat ( 177, & 736 ).

1060. EXPLICATIO VII. Isaac quidam de la Peyrere opere inscripto *Præadamita*, & typis

pis edito anno 1655. contendit duas fuisse creationes, alteram ab altera magno temporis intervallo diffitas.

In prima creatione, quæ *generalis* est, Deus creavit Cælum, terram, planetas, stellas, angelos, & homines, omnes animalium, vegetabilium, species, uno verbo mundum, ut nunc est; & in quavis hujus orbis parte homines, & fœminas creavit diversæ speciei, unde omnes homines qui nunc terram incolunt, propagati sunt, excepta Adami, & Evæ progenie.

In altera creatione, quæ *peculiaris* est, quæque non nisi pluribus sæculis post priorem contigit, Deus populum præstantem condere volens Adamum, & Evam creavit, qui hujus populi parentes essent, & novam hominum speciem in terris propagarent.

Duplici hac creatione sententiæ Præadamitarum auctor sacrorum librorum chronologiam, qui satis recentem mundo originem tribuunt, cum Ægyptia, Chaldæa, Indica, & Sinica chronologia conciliare contendit, quæ omnes multo remotissimam mundi orginem statuunt. Per hunc auctorem diluvium non fuit universale, neque veteris creationis species extinxit. Quare non omnes homines, qui modo terram incolunt, ab Adamo, & Noëmo proveniunt. ( 904 ).

CONFUTATIO. At recens hæc opinio inanibus tantum sophismatis, & fabellis innixa est.

I. *Inania sophismata* eo tendunt, ut nonnullas sacrorum librorum auctoritates perperam interpretentur, ut inde ea deducant, quæ minime consequuntur; ut quisque facile noscet, qui vel primis dialecticæ, historiæ, sacrorum librorum institutis imbutus Præadamitarum librum legere voluerit.

II. *Fabula* sunt primum quod de diversis hominum speciebus dicitur; quum manifestum sit

*unio* in orbe nostro *hominum speciem* esse in plures stirpes accidentibus diversas divisam, quæ omnes ab eodem stipite derivari evidenter possunt, ut in philosophia religionis ostendimus. Deinde chronologiæ ipsæ, quibus innititur, & in quibus sana critice infinitas falsitatis notas detegit, nullam vero certitudinis; ut quoque in philosophia religionis ostendimus.

Præadamitarum auctor magna sane injuria ad Indorum præsertim chronologiam confugit; quum hæc non nisi 3097 annos rerum visibilibus originem statuatur ante æram christianam; ut de Shastad agentes adnotavimus (1056).

### ANIMÆ, ET CORPORIS UNIO. (a)

1061. OBSERVATIO. Quid est in homine mira hæc *anima*, & *corporis unio*, substantiæ scilicet spiritualis, & substantiæ extensæ, & organicæ?

In duobus posita esse videtur; scilicet in *compræsentia* animæ spiritualis, & corporis organici, & in *mutua* binarum harum substantiarum in suis respectivis muneribus *dependentia*, quam Deus libere decrevit, & ratione cujus *substantia intelligens* sensationes, ideas, affectiones, judicia, ratiocinia, reminiscencias habere nequit, nisi naturali materialium organorum ministerio, aut concursu; nec *substantia organica* subsistere, conservari, regularem habere organorum motum, & propria munera exequi potest, sine substantiæ spiritualis, a qua animatur, & regitur, præsentia, & influxu.

I. Binæ hæc substantiæ, *anima*, & *corpus* essentia omnino inter se diversæ sunt, natura,

---

(a) Ad corporis, & anima conjunctionem significandam unionis vocem usurpavimus, quum in scholis usitatissima sit. Interpres.

ra, modificationibus, sine. Altera nihil alterius esse potest.

At altera ab altera in unionis statu pendere potest; quum efficaci, ac permanente decreto Deus eas invicem pendere jusserit; atque hoc naturæ lex erit quamdiu compositum permanebit.

Hinc humanæ animæ infirmitas in infantia, ejus vigor, ac robur firmiori ætate, ejus languor in morbo, aut in effœta senectute. Anima sui corporis vicissitudines sequi videtur; Deus enim libere decrevit, ejus operationes semper ab organorum suis perceptionibus occasionem præbentium conditione pendere. Porro hoc ineptum fundamentum est, cui insistant materialistæ, ut animam faciant materialem substantiam.

Dissoluto composito spiritualis substantia non amplius a corpore pendens *intelligentia*, & *sensus munera* suæ naturæ congrua a se exequi potest; siue melioris, siue pejoris conditionis fiat quum amplius a corporeis organis non pendet, a quibus neque in statu unionis aut cogitationes, aut sensus suos mutuatur ( 1042, & 1046 ).

II. Quum substantia spiritualis nihil materiale sit, aut esse possit, non nisi *vera creatione* existere potest,

Quare Deus vera, & proprie dicta creatione humanam animam condit, eamque corpori animando tunc unit, quum in materna alvo id satis perfecta organorum structura postulat.

At quo ipso tempore hæc animæ creatio fit? Nulla hoc experientia, aut observatione determinari potest ( 1054 ).

III. Donec essentialis organica corporis structura perseverat, anima humana corpori, quod regere debet, unita perseverat. Ea structura soluta, unio animæ, & corporis cessat. Bina-

rum harum substantiarum separatio compositi mors est.

At quænam est essentialis hæc organica corporis structura, cujus mutationem unionis cessatio sequitur, siue animæ a corpore separatio? Hoc quoque generatim definire arduum est.

### SEDES ANIMÆ.

1062. OBSERVATIO. Certum est, animam humanam in corpore, quod animat, sedem habere. At in qua corporis parte ejus sedes est?

I. An in universo corpore? ita fere omnes veteres philosophi senserunt. At perperam; absurdum enim est dicere, brachio abscisso, animam in reliquum corpus recedere; neque præterea concipi potest, quare obligato nervo anima non sentiat in nervi parte nexui inferiore, nec amplius cum cerebro communicante.

Experientia novimus, quum nervus arcte ligatus est, partem ligaturæ inferiorem, convelli, cædi, uri posse, nullo animæ sensu. Non ergo in hac parte est anima; non ergo in universo corpore.

II. An in corde? ita Lucretius; sed perperam. Instinctu enim naturæ cogitationes, & animadversiones nostras ad cerebrum referre consuevimus; tum præcipua sensuum nostrorum, visus, auditus, olfactus, gustus organa ad cerebrum, non ad cor terminentur. ( 11, & 1063 ).

III. An in universa cerebro? ita nonnulli philosophi; sed perperam; experientia enim constat, non exiguam cerebri partem, vita incolumi, amitti posse, imo sensu, & ratione salvis.

Celebris Buffonii sententia animæ sedem in cerebri diaphragmate siue in membrana cerebri involvente, nec meliori præcedentibus

ratione suffulta, nec minoribus difficultatibus obnoxia est.

IV. An in ea cerebri portione, quæ *glandula pinealis* dicitur, & quo præcipue nervi optici concurrunt? Ita Cartesius; sed perperam: Observationibus enim anatomicis constat, homines fuisse, quibus glandula pinealis omnino deerat; aliique, in quibus cæca facta fuerat; in neutris tamen ratio, & sensus defecerant.

V. An in cerebri *corpore calloso*, quod medullaris fornicis medium est? Ita de la Peironie; at perperam; postremis enim hisce temporibus inventi sunt homines, in quibus corpus callosum aut destructum erat, aut prorsus immutatum; nec tamen aut ratione, aut sensu carebant.

VI. An *in cujusque nervi origine*? Ita Bordenavius; sed perperam; tum quia nulla hoc ratione probatur; tum quia iis ferme difficultatibus sententia obnoxia est, quibus ea, quæ animam in toto corpore diffusam statuit.

Quare anima ad nervorum originem potius, quam ad medium nervum, aut ad alterum ejus extremum collocetur; quum nervi non in eadem corporis humani parte communem originem habeant?

VII. Quænam ergo *anima sedes* est, unde corpus regit? Hoc ignoratur; fortasse & semper ignorabitur.

Non tamen hæc ignorantia animæ existentiam infirmat; axioma enim est, *in rebus certum ab incerto non tolli* ( 56 ).

Substantia immaterialis, & spiritualis omnino a materia, ejusque modificationibus diversa humano corpori inest. Hoc certum est. Qua humani corporis parte substantia hæc sedem habeat, hoc incertum est, nec nisi conjecturæ locum præbet.

VIII. Verosimillimum est, *sedem anima esse*

*in aliqua fixa, aut variabili præcipua cerebri parte*; ad cerebrum siquidem est, quò conveniunt præcipui nervi, quorum ope ab externis objectis anima afficitur, & quorum ministerio omnibus corporis sui partibus motum imprimit. At in qua cerebri parte sedes est animæ? hoc adhuc latet.

Fieri potest, ut sedes animæ *in omnibus hominibus* immutabiliter eadem sit.

Fieri etiam potest, ut sedes animæ *in diversis hominibus diversa sit*; puta, in aliquo ut sit corpus callosum, in alio glandula pinealis.

Fieri tandem potest, & hoc fortasse satis probabile est, ut sedes animæ per accidens in eodem homine variabilis sit; & prima ejus sede vitiata, ut anima alia in sede collocetur, quæ aptior sit, ad perceptiones suas juvandas, & motum membris imprimendum.

1063. *NOTA I. Cerebrum*, in quò nos sedem animæ locamus, massa est glandulosa, inæqualiter rotunda, satis mollis, in duos sphæræ quadrantes divisa eodem in plano sitos; & ubique innumeris, arteriosis propaginibus intertexta, quæ quavis directione pluribus miris circumvolutionibus per ipsam excurrunt.

I. A cerebro directe, & immediate *decem præcipua nervorum paria* originem ducunt, inter quæ nervi olfactorii sunt, nervi optici, auditorii, & pathetici.

Et verosimillimum est, ut sequenti nota patebit, *triginta alia nervorum paria*, quæ immediate a cerebro non nascuntur, neque ad illud immediate, & directe convenire videntur, tamen re ipsa cum præcipuo hoc organo, & animæ sede communicare, sed tramitibus imperceptibilibus, qui etsi re ipsa dentur, tamen vel peritissimi anatomici aciem effugere possunt.



II. In cerebro magnam *fluidi animalis* officinam natura statuisse videtur, cujus fluidi invisibilis ope præcipui motus in nobis sunt, & pleæræque sensationes nostræ mentales excitantur. (1248, & 1251).

III. Cerebrum præcipue materialistæ nonnulli speculati sunt, qui sedem animæ animam ipsam efficere voluerunt. Per auctorem systematis naturæ, exempli gratia, animalium facultates intellectuales sunt in directa cerebri ratione; major, minorve cerebri massa diversitatem statuit inter hominem, & brutum, inter hominem acuto, & alium hebeti ingenio.

At hæc materialistarum investigationes tum in se absurdæ sunt, tum etiam vel primis anatomicis observationibus adversantur. In magnitudine enim, de qua sermo, comparanda, necessario aut absoluta magnitudo attenditur, aut respectiva. Utrumque dicatur, experientia theoriam oppugnat.

Si *magnitudo absoluta* attendatur; certum est primo ex Hallerii, & Bartolini observationibus, elephantis cranium cerebri dimidium supra hominis cranium continere. Deberet ergo elephas dimidio supra hominem intelligentia, ingenio, judicandi, & ratiocinandi vi pollere. Certum deinde est, anatomicos, qui & capita ingeniosissimorum hominum, & hebetum dissecuerunt, non semper majorem cerebri massam in primis, quam in secundis invenisse.

Si de *magnitudine relativa* sermo sit; certum est primo ex Plinii Galli observationibus, quasdam esse scimiorum species, & cetaceorum, quæ, proportionem habita, majus homine cerebrum habent. Scimii hi, atque cetacea hæc intellectus facultatibus homini antecellere deberent. Certum est præterea omnium anatomicorum consensu, in humana specie embrionis cerebrum hominis jam adulti cerebrum magnitudine relativa superare; & generatim in qua-

vis animalium specie juvenula majorem, proportionē habita, cerebri quantitatem haberi, quam perfecte adulta. Embrio itaque in materno alvo magis intelligentia, & ratione polleere deberet, quam parentes; aquilæ pullus recens ex ovo exclusus intellectus facultatibus magis abundare deberet, quam aquilæ duæ, a quibus ortus est. Certum tandem est ex celebri Buffonii observationibus, elephantem, qui magis ceteris brutis memoria, & ea facultate, quæ intelligentia nuncupatur, pollet; tamen minorem plerisque cerebri massam respectu sui corporis habere. Quare materialistarum de cerebro scrutationes observationi, & rationi plane adversantur.

1064. NOTA II. Ex observationibus anatomicis novimus, quadraginta omnino in humano corpore esse nervorum paria, quorum decem a medulla cerebri originem ducunt; triginta cetera a spinali medulla ab occipite usque ad coxendicum originem. Triginta nervorum paria a spinali medulla oriunda *vertebrarum nervi* passim dicuntur. At celebris Haller eundem hunc cum Vinslovio, ceterisque omnibus anatomicis nervorum numerum admittens, octo esse ait nervorum paria cervicalia, duodecim paria nervorum dorsi, quinque lumbarium, & quinque ossis sacri. Porro hæc consuetam numerandi methodum non immutant, nisi ut fortasse res ipsa aptius percipiatur.

I. Inter hos vertebrarum nervos unus est, *nervus* scilicet *intercostalis*, seu magnus nervus sympathicus, qui peculiarem considerationem meretur ratione nexus, & communicationis cum ceteris nervis, & sympathiæ, quam inter ipsos statuit. Nervus hic magna ex parte nervis constat a spinali medulla procedentibus, exigua vero ex parte ramo sexti paris nervorum cerebri, a quo ipse oritur, & ejus initium facit e cranio emergens.

EX

Ex recentioribus anatomicis observationibus medici Angli VVhytt, & medici Belgæ Haen, nervi intercostales qui in organorum animalium motibus tam multa præstant, ex obliquo ossis temporalis canali erumpunt, nervis octavi, & noni paris cerebri junguntur; deinde post nonnulla eorum filamenta admissa, quibus eorum volumen augetur separantur; magnum Ganglion (a) efficiunt, in quod rami quidam sese inferunt decimi paris nervorum capitis, ut quoque primi, & secundi paris cervicalis: deinde ad pectus descendunt, quo cum jam ingressuri sint alterum ganglion efficiunt, a quo nervi propagantur, qui ad trachæam arteriam, & ad cor feruntur; subinde in binos ramos dividuntur, & secus pectoris vertebrae protenduntur a singulis dorsalibus nervis ramos excipientes; & iter suum prosequentes nervea filamenta transmittunt ad renes, & ad hypogastrium, & diversis nervis communicant sese ad extremas corporis partes diffundentibus.

II. *Nervus intercostalis*, ut jam certissime innotescit, communicat hinc quinto, sexto, octavo, & nono pari nervorum cerebri, inde quinto, sexto, septimo, octavo, & nono pari nervorum dorsalium, qui a spinali medulla profiscuntur; & verosimile est, hac ratione veram ipsum communicationem habere cum omnibus, aut ferme omnibus humani corporis nervis.

Hinc orta *nervorum sympathia*, quæ ex mutua eorum communicatione, mutuoque nexu procedit; atque in eo sita est, ut actio, quam nervus communicat, aut impressio, quam recipit,

C 5

pit,

---

(a) Nodorum olivarium species a nervis effectuum sua in quibusdam corporis partibus conjunctio.

pit, aut sensatio, quam nervus experitur, prompte, & necessario ad alios nervos magis, minusve remotos transmittatur, qui nihil cum illo commune habere videntur, qui actionis, aut sensationis re ipsa origo est. *In eo stat nervorum sympathia, quod actio, aut passio nervi unius agentem reddat, aut patientem alterum.*

### OBJECTIONES SOLVENDÆ.

Præcipuæ difficultates, quibus animæ humanæ spiritualitas impugnatur, hoc tantum nulla ratione, imo contra perspicua experientiæ, & rationis testimonia, indefinenter inculcant, substantiam scilicet spiritualement esse, cujus nulla habetur idea, nec haberi potest, quæque proinde in natura esse nequit; nequaquam repugnare, materiam natura facultatem cogitandi habere, aut Deum supernaturaliter illi vim hanc tribuere; multoque simplicius esse, magisque rationi consonum unicam in natura substantiam extensam simul, & cogitantem admittere, quam duas diversas, quarum una extensa sit, altera cogitans; animam humanam bonorum, & malorum corporis omnino participem esse, quod animat; atque hoc ipso satis ostendere, se re ipsa ab intrinsecis seu visibilibus, sive invisibilibus corporis constitutivis non esse distinctam; animam hanc necessario in natura sua, intimaque substantia & veram extensionem habere, & partes re ipsa distinctas, in quibus diversæ perceptiones simul existunt; adeoque non nisi materialem substantiam esse posse.

IMMATERIALIS SUBSTANTIÆ INCOMPRE-  
HENSIBILITAS FORTASSE PROBAT  
EAM ESSE CHIMÆRICAM.

1065. OBJECTIO I. Quare immaterialem substantiam in homine admittamus, cujus nullam claram, & distinctam ideam nobis effingere possumus? si enim diversas nostras sensus, & cogitationis perceptiones perpendamus (1041), eas omnes videbimus nobis a materialibus objectis provenire, omnes ad materialia objecta terminare, omnes in nobis materiales effectus parere, idque, quod *substantia spiritualis* idea concipimus, non nisi materialem substantiam re ipsa esse, quam indefinite cogitatione attenuamus, & spiritum vocamus, quum eam non amplius imaginandi facultate attingimus.

Ceterum idea substantiæ immaterialis, & spiritualis non nisi *negativa* esse videtur; quæ abstractione metaphysica materiali substantiæ nobis notam materiæ qualitatem, aut proprietatem illi in physico rerum statu semper essentialiter inhærentem aufert. Atqui patet, hujus ideæ abstractæ, & negativæ objectum purum esse ens rationis, & extra idealem rerum statum nihil esse (236).

RESPONSIO, *Spiritualis substantia* in homine admittenda est; hujus enim substantiæ existentia nobis ab effectibus certissime demonstratur; ab intellectionibus scilicet, & sensationibus, quæ non nisi in substantia a materia natura distincta obtineri possunt; omnino siquidem repugnat, intelligentiam, & sensum materiæ unquam convenire (1042, & 1046).

I. Nulla sane hujus substantiæ spiritualis idea concipi potest illi similis, quam materiæ, & corporum habemus; ejus enim natura nulla ratione materiæ, aut corporibus ullis similis est.

At præter sensum intimum, quem ejus exi-

sententiæ habemus, ejus ideam nobis efformare possumus illius natura maxime analogam, eam concipientes ut substantiam cogitandi, & sentiendi capacem. Porro hæc idea saltem æque clara erit, ac ea sit, quam ipsius materiæ habere possumus, quæ magis etiam observationibus, ac ratiociniis nostris subjici potest (217, & 219).

II. Alibi de perceptionum mentis nostræ natura, & origine agentes, satis ostendimus, materiam earum efficientem causam esse non posse; non semper materiam earum objectum esse, nunquam materiam earum subjectum esse posse. Quare universa hæc objectionis pars ærem verberat; quod adhuc de animæ facultatibus altera sectione agentes ostendemus.

III. Falsum omnino est, substantiæ spiritualis ideam esse tantum ideam *substantia materialis indefinite* attenuatæ; nobis enim sensu intimo constat, si indefinite pedem auri cubicum dividamus, & attenuemus, sive marmoris, aut aquæ, aut alius materiæ cujuscumque, nunquam materiam hanc indefinite divisam concipi nisi *ut materiam*; & post omnes, quæ aut re ipsa, aut mente fieri possint, divisiones, quamvis ita divisam & attenuatam hujus materiæ particulam semper ut substantiam materialem, nunquam ut spiritualementi nostræ objici.

IV. Æque falsum est, substantiæ spiritualis ideam esse tantum *negativam*, quatenus materiæ qualitatem a suo objecto excludat; æque enim dici posset, materialis substantiæ ideam non nisi negativam esse, quatenus spiritus qualitatem a suo objecto excludit; quod absurdum plane esset (298).

Materiæ substantia spiritualitatem essentia sua excludit, ut spiritus substantia materialitatem. At sicuti manifeste falsum est, ideam, quam materiæ habemus, esse tantum spiritualitatis exclusionem, *sive abstractionem*; ita manifeste.

nifeste falſum eſt, ſpiritus, quam habemus, ideam eſſe tantum materialitatis excluſionem, aut abſtractionem.

V. Alibi oſtendimus qua ratione *diverſarum ſubſtantiarum idea* in nobis ſiant, atque inſigne hoc phænomenon pro viribus explicantes, præcipuam quandam veritatem ſtatuimus, quam hic memorare opportunum eſt; quamvis ſcilicet ideas tantum obſcuras, admodumque confuſas intimæ ſubſtantiarum quarumcumque naturæ nobis effingere poſſimus; tamen æque claram, certamque nos ſubſtantiæ ſpiritualis cognitionem habere, ac ſubſtantiæ materialis habeamus; quod plane ſatis eſt, ut obſcuritatis inanem objectionem, inane materialistarum propugnaculum, evertamus ( 213, 216, 1392 ).

Si inane commentum dicatur ſubſtantia ſpiritualis, quod ejus clara, ac diſtincta idea non habeatur; eodem jure dicam, materialem ſubſtantiam inane commentum eſſe; neque enim ejus magis claram, magisque diſtinctam ideam proſecto habemus.

**COGITANDI FACULTAS FORTASSE PROPRIETAS NATURA IPSA MATERIÆ IPSI, AUT ORGANICÆ EJUS STRUCTURÆ CONVENIENS.**

1066. OBJECTIO II. Quid abſurdi invenias, ſi cum Democrito, nonnullisque celebribus recentioribus ejus affectis dicamus, materiam omnem natura ſua cogitare; hominem *naturalem machinam* eſſe infinitis atomis a ſe, & per ſe ſingulis cogitantibus, & ſentientibus conſtantem, atque organicam hominis ſtructuram, actiones, ſenſus eſſe tantum univerſæ materialis naturæ agentis effectum?

RESPONSIO. Quam præpoſtera hæc Democriti, & ſectatorum ſententia ad rigidum, patentemque materialiſmum ſtatuendum inſti-

tuta sit, patet omnia in ea absurda contineri debere, quæ necessario impiam, & falsam hanc hypothesim comitantur. Ex his tria tantum præcipua, quæ maxime ad rem faciunt, proponemus, & confutabimus.

I. Manifeste absurdum est experientiæ, observationi, rationi ipsi directe repugnare; tria hæc enim omnis philosophiæ, omnisque rationis fundamenta esse debent.

At enimvero quid tribus hisce magis e diametro oppositum, quam materiam universam dicere natura sua cogitantem, & lutum, exempli causa, aut marmor re ipsa cogitantes substantias esse? ( 1042 ).

II. Manifeste absurdum est, *naturalem* hominis *machinam*, in qua infinite variæ, & infinite exactæ artificis ideæ archetypæ elucet, sese ipsam primitus construxisse. Quin, si neque ejus vel mediatam, vel immediatam constructionem attendamus, semper manifeste absurdum erit contendere, hujusmodi machinam, in qua cogitatio, & sensus aperte apparet; tantum fortuitam esse materialium substantiarum congeriem, quarum quælibet, communis cuique homini rationis judicio, essentia sua cogitationis, & sensus incapax est.

III. Si quoque contra omnia observationis, ratiocinii, communis hominum sensus momenta supponamus, quodvis materiæ elementum natura sua cogitans esse; adhuc manifeste absurdum esset supponere ex innumeris sentientibus, & cogitantibus atomis *ens individuum* unicum cogitans, ac sentiens exurgere posse, cujusmodi quodvis humanæ speciei individuum irrefragabili sensus intimi testimonio in se ipso detegit.

<sup>1</sup> 1067. NOTA. Erant ne obsoleta hæc Democriti somnia hac ætate, e tenebris revocanda? Quam illa absurda, ac deridenda esset Epicurus novit, & hac in re a magistri sui sen-

ten-



tentia sapienter recessit; novit enim, se oleum & operam perditurum, si materiam omnem naturam suam cogitantem esse hominibus suadere vellet.

Quare operam dedit, ut tum cogitationis, tum sensus phænomena a quadam atomorum dispositione, & a quadam organica materiae structura deduceret.

Si hoc Epicurri artificium propositus eventus non est sequutus, ut jam ostendimus, & duabus sequentibus objectionibus respondentes adhuc ostendemus; id saltem præstitit, ut minorem in suum systema, quam Democritus, indignationem concitaret.

1068. OBJECTIO III. Si quid absurdum est cum Democrito dicere, materiam universam naturam suam cogitantem esse; nullum erit, si cum Epicurro dicamus, sive cum eruditis recentioribus materialistis, materiam *radicalem cogitandi facultatem* habere; sive ipsam, quin re ipsa semper cogitet, semper tamen cogitantem fieri posse; atque *hujus facultatis exercitium* in individuo elemento determinari ab organica corporis, in quo est, structura, a loco, quem occupat, ab elementorum, cum quibus communicat actione, & reactione.

Exempli causa, hoc *elementum cerebri Aristi* quod inter arboris, aut lapidis elementa esse potuisset, ubi nullam cogitationem habuisset, factum est *anima Aristi*, aut *pars anima Aristi*, propterea quia naturalis innumerarum causarum concursus illud in eorum organorum centro collocavit, quæ animam Aristi constituunt; & quia fortuita hæc hujus elementi collocatio, quandiu perseverat, majorem illi cum externis objectis relationem parit, adeoque plures diversas perceptiones, quam in arbore, aut lapide, vel in humani corporis ungue, aut capillo habuisset.

In hoc systemate *entis individui*, quod in quo-

quovis homine deprehenditur, rationem reddere proclive est; subjectum enim sentiens, & cogitans tantum est præstans hoc elementum, seu præstantiorum elementorum exigua illa collectio, quæ in vitalium organorum centro sita est, & quo conveniunt, atque perseveranter referuntur ceterorum omnium elementorum actiones, & reactiones.

**RESPONSIO.** Præposterum hoc ratiocinium in quo, ut magnum *cogitationis*, & *sensus phenomenon* explicetur, machinamentum physicum adstruitur, cujus partium munera singularum naturæ repugnant, cujus actio effectui, quod expectatur, omnino impar est, id tamen est, quo sese magis materialistæ tueri putant. Nihil sublimius ingeniosissimi inter illos diuturnis meditationibus duobus, vel tribus annorum millibus, ac præsertim hac, & superiori ætate protulerunt. Deus bone! quot in tam acuta perscrutatione absurda, & inania! Horum percipua tantum perpendamus.

I. Plane absurdum est, *materialem substantiam*, quam ubique experientia, & observatio inertem tantum, passivam, cæcam, & natura sua activitate, & intelligendi vi destitutam indicant, supponere, sese in organa conformare posse, a se ipsa actionem, & reactionem habere, sese posse intelligentem efficere, quum non intelligens esset, ideas prototypas habere posse, & dispositiones inire, quæ omnia necessario præexistentem intelligentiam supponunt. (795).

Primum hoc absurdum semper, & ubique quodvis *Materialismi absoluti* systema necessario comitatur, in quo nulla in visibili natura est increata, & creatrix intelligentia, quæ materiæ primam existentiam, motum regularem, ac permanentem, organa apta speciem quamvis constituere, & perpetuo propagare imperita sit. Non ita *Materialismi mitis* systemati hoc

hoc absurdum inhæret, quod Deum esse mundi visibilis auctorem, motorem, & conservatorem admittens, nollet in homine substantiam esse a materia essentia distinctam ( 1040 ).

Non tamen propterea alterum hoc materialismi genus plurima alia absurda evitaret; cuiusmodi inter cetera quatuor sequentia sunt.

II. Manifeste absurdum est *principium petere*, & quod statuendum est jam statutum supponere, explicatum, quod explicandum; Atqui hoc ipsum fit in præpostero hoc ratiocinio universo.

Quæcumque enim prima existentiae, actionis, & organorum materiae causa fuerit; mihi dicatur velim, quare, quave ratione in Aristi cerebro præcipuum hoc elementum, quod vitalis structuræ centrum occupat, e non cogitante cogitans evaserit. Hoc autem accidisse mihi dicitur, quia ita positum maiorem ad externa objecta respectum habet, eorumque actioni, ac reactioni magis obnoxium est.

At enim vero etsi *centrali cerebri elemento* maiorem & cum internis organis, & cum externis objectis relationem tribuamus, imo & cum sensibus, nulla adhuc mihi suarum *cogitationis*, & *sensus perceptionum* ratio redditur. Quum enim in ipso omnes has relationes percipio, hoc unum intelligo, mechanica hac structura, atque hac positione facilius ipsum, atque aptius quibusdam impulsibus, vibrationibus, concussionibus obnoxium fore; quæ omnia non nisi motus esse possunt; ac proinde nunquam cogitationes erunt, aut sensationes ( 1045, & 1046 ).

Si dicas, elementum hoc centrale, quod extra Aristi cerebrum non cogitabat, in ejus cerebro cogitans fieri aliorum elementorum actione, & reactione, ad quæ coordinatum est; eodem jure philosophico, eademque veritate dicam, fidem sonoram, quæ apud artificem, aut

venditorem non cogitabat, in cythara cogitantem fieri aliarum fidium actione, & reactione, ad quas coordinata est, sive longitudinalium, & transversarum fibrarum ligneæ testudinis, cui inhæret, quæque illi coordinatæ sunt, actione, & reactione; sive anemometrum, quod in officina, ubi constructum fuit, non cogitabat, in tecto cogitans fieri actione, & reactione ventorum in ipsum perflantium, sive extreme, quem ventorum impulsus in ipso excitat.

III. Manifeste absurdum est dicere, elementa natura sua non cogitantia, actione, & reactione, quam in animali structura, cujus partes evadunt, experiuntur, cogitantia fieri; si repugnet, hæc elementa id unquam acquirere, quod acquirere supponuntur. Atqui ita est. Quod ut ostendam, a materialista quæro, num hæc atomi, quæ hac actione, & reactione cogitantes fieri dicuntur, natura ipsa in se, & a se *intimum propria existentia sensum* habeant; hæc enim cognitionum omnium prima necessario est; an vero sensum hunc intimum reciproca inter se actione, ac reactione per accidens nanciscantur?

Primum, si singulis atomis sensus hic intimus essentialis non est; dico, hunc illas mutua actione, & reactione adipisci non posse; evidens enim est, causas duas materiales sive ejusdem, sive diversæ naturæ nunquam effectum parere posse, qui nihil alterutrius naturæ commune habeat; atque, ex hypothesi, sensum intimum, de quo sermo, nihil ante horum elementorum actionem, & reactionem eorum naturæ commune habere.

Deinde, si sensus hic intimus singulis atomis est essentialis; ajoineretur actionem, & reactionem inutilem omnino esse ad phænomenon quod attenditur; in hac enim hypothesi a se, natura, atque essentia sua id habent hæc atomi,

mi , quod illis tantum ab earum actione , & reactione exoriri dicitur ; quum vero a se , natura , atque essentia sua sensum intimum habent propriæ existentiae , hunc æque in rudi , ac in organica materia experiri debent : æque in caliga , ac in cerebro .

IV. Manifeste absurdum est præstantissimum phænomenon non nisi iis ideis , vocibusque explicare , quibus phænomenon explicandum minime percipitur . Porro hoc ipsum materialismi vitium est .

Diversæ , inquit , materiæ dispositiones illam sentientem , & cogitantem , vel sensus , & cogitationis expertem efficiunt . Exempli gratia , dispositiones , quas in calceo habet materia , illæ sunt , quibus in calceo nec sentiat , nec cogitet . Aliæ dispositiones , quas in humano cerebro materia habere posset , efficerent ut in illo & sensationes & cogitationes haberet . Ut *rudis materia* , quæ ut modo dispositas partes habet , necessario cogitationis , & sensationis est experta , re ipsa cogitans , & sentiens fiat ; hoc unum ( pergunt ) , requiritur , ut , natura physice nihil mutata , alias partium dispositiones obtineat , quales in subjectis organa ad sentiendum & cogitandum elaborata habentibus , inveniuntur : porro hæ ipsæ partium dispositiones cogitationem , & sensationem in illa constituent .

At vero quis unquam mente percepit partium , live atomorum a se non cogitantium dispositiones , quæ sese dispositiones esse sentiant , & sciant , neque hoc nisi ratione dispositionis sentiant , & sciant ? Quis unquam mente percepit partium , & atomorum non cogitantium dispositiones , quæ alias dispositiones percipere , & dispositiones cogitantes a non cogitantibus distinguere aptæ sint ? quæ profunde meditari , & acutissime raticcinari possint de subjecti sui non cogitantis origine , natura , muneribus ? quæ rerum genericas leges detegere , ad præteritum

regredi, in futurum ferri, uno intuitu durationis, & extensionis immensitatem complecti possint; atque hæc omnia possint ratione tantum cæci earum subjecti, & natura non cogitantis?

V. Manifeste absurdum est dicere, ex atomorum cogitantium congerie, sive natura cogitent, sive per accidens, & ex dispositione tantum, oriri unquam posse *unum individuum*, subjectum unicum cogitans. Patet siquidem non magis cogitationem atomi A alterius atomi B cogitationem esse posse, ac cogitatio mea Mauritanæ, aut Sinarum regis cogitatio esse possit.

Quid quod, si unicæ atomo, & individux, quam in organicæ structuræ centro positam supponeres, cogitationem tribuere velles, non propterea difficultatem effugeres. Atomus hæc enim centralis sive dividua sit, sive individua, latera tamen, & partes habet, quarum una non est alia; quæque pars ortui obversa est, si cogitans ponatur, æque occasui obversæ extranea esset, quæ quoque cogitans ponatur, ac binæ atomi sint, quas modo memoravimus.

**IGNOTÆ MATERIÆ PROPRIETATES FOR-  
TASSE COGITATIONUM, AC SEN-  
SATIONUM NOSTRARUM  
CAUSÆ SUNT.**

1069. OBJECTIO IV. Ut philosophico jure affirmes, *materiam cogitandi, & sentiendi incapacem esse*, necessario aut omnes materiæ proprietates noscere oporteret, atque deprehendere, nullam ex his cogitandi, & sentiendi facultatem continere; aut in materia peculiarem aliquam proprietatem dignoscere, quæ cogitandi, & sentiendi facultatem essentialiter excludat, nec cum hac ullo pacto stare possit.

At enim vero quis sibi *omnes materia proprietates* noscendi vim arroget? Quam vero in

materia proprietatem peculiarem noscimus , a qua cogitatio , & sensatio essentialiter excludatur ? Non ergo jure philosophico asseremus , materiam cogitandi , ac sentiendi incapacem esse . Quare cogitationes , ac sensationes immaterialem in nobis substantiam non probant , quæ illarum principium , aut subjectum sit .

RESPONSIO . Quum materialismus & Dei in natura , & spiritus substantiæ in homine existentiam simul impugnet ; quumque ad hoc utrobique cogatur *ignotas proprietates* in materia supponere , energias abditas , entelechias occultas , quibus somnia sua , ac deliria fulcire possit ; alibi jam inane , quod hic arripit , effugium prorsus deteximus , atque præclusimus . Quare quæ alibi dicta sunt relegenda ; aut in memoriam revocanda sunt ( 895 ) .

Ut commune hoc materialismi fundamentum penitus diruamus , utque inutilem ac præposterum ejusabusum ostendamus , duabus sequentibus explicationibus quid *materialista* , quid *spiritualista* contendat ob oculos ponemus ; ille siquidem in homine omnia materiam esse : hic præter corpus substantiam immaterialem , & spiritualement in homine esse contendit .

1070. EXPLICATIO I. Quam infirma , ac in philosophia absorta sit materialistæ sententia pronum est intelligere . Ad hoc enim satis est quibus principiis innitatur , quibus rationibus statuatur investigare .

I. Ut philosophice affirmari possit , *materiam cogitare posse* , satis ne est occultas virtutes in materia somniare , occultas energias , ignotas proprietates , quæ illam cogitantem efficere aptæ sint ? Non sane : patet enim his omnibus nihil explicari , hisce somniis , aut hypothesibus nihil statui . Patet enim hisce principiis , similique ratiocinio me æque probaturum , ( absurdum sane ( 55 ) , fieri posse , ut lutum , seu marmor poema conficere possit *Æneidem* , aut  
Ilia-

Iliadem longe superans; aut ea in philosophia detegere, quibus Neutoni, & Cartesii inventa ne comparari quidem mereantur.

Quum enim *omnes* materiæ *proprietates* non cognoscamus, neque *peculiarem* ullam *proprietatem*, quæ cum hisce phænomenis stare nequeat; quare in luto, aut marmore, quæ sane materia sunt, occultam aliquam virtutem non supponam, occultam aliquam entelechiam, ignotam aliquam proprietatem, quæ hæc portenta operari possit?

Si objectionis ratiocinium stat, cur retorisionis non stabit ratiocinium? Si vero istud absurdum est, cur illud rectum erit?

II. Ut philosophico jure *virtutes*, & *proprietates ignota* materiæ tribuantur, quæ illam cogitantem efficere aptæ sint, satis ne est in illa vires dignoscere impulsivas, attractivas, repulsivas, gravitantes, aliasque hujusmodi? Nequaquam. Neque enim certum, imo nec probabile est, notas has vires materiæ intrinsecas esse; potest enim has ab extrinseca, & immateriali causa obtinere, quin ex intimis suis constitutivis eas nanciscatur. Quin si quoque materiæ intrinsecæ essent *vires hæ notæ*; non propterea ratio suppeteret, cur alias facultates aut vires notis nihil analogas, & cogitationi oppositas materiæ tribueremus (1042).

Exempli gratia, quod in aqua forti *notam proprietatem* deprehendam, qua æs, & argentum solvere apta est; jure ne quoque *aliam ignotam proprietatem* supponam, qua stomachum refrigerare apta sit, aut qua intelligens actu, & cogitans fiat, & in ode aliqua eleganti, aut tragœdia, aut in politica, aut morali, aut astronomica lucubratione concinnanda sit occupata?

III. Philosophum ne dicas, & recte ratione utentem, qui pro libidine sua ignotas proprietates, occultas energias, nondum detectas leges

in



in materia supponat, ut impia adstruat paradoxa, ut veritates passim receptas dubias reddat, atque suspectas? Nequaquam sane. Atqui hæc ipsa est *materialismi philosophia*, quum quæ ratio, & fides solide statuunt, evertere nititur.

Quum sibi molestam Dei mundi hujus creatoris, & conservatoris, Dei physici, & moralis ordinis auctoris, & conservatoris ideam abjicere vult; in materia *ignotam energiam* somniat, quæ substantiæ infinite intelligentis, & activæ munus gerat.

Quum incommodum miraculorum phænomenon eludere vult, quod Mosaicæ, & Christianæ religionis veritatem confirmaret; in visibili natura *ignotas leges* somniat, quarum munus est generalium legum, quibus perpetuo regitur & sustinetur, tenorem, & actionem identidem suspendere, & intervertere.

Quum terrorem exuere vult, quem necessario impiis, ac nefariis hominibus incutit molestia animæ spiritualis, & immortalis idea, animæ proinde, quæ post corporis obitum meritis pœnis torqueri potest; in materia humanum corpus constituyente *ignotas* quasdam *proprietas* somniat, quibus immaterialis animæ admittendæ necessitas eludatur; quibus sentientes, & cogitantes atomi illæ reddantur, quas omnia prædicant natura ipsa ad sentiendum, & cogitandum ineptas.

O Peripateticorum barbara, & vetus philosophia: etsi tota occultis *qualitatibus* innitere; minus tamen recentiorum materialistarum philosophia cæcutiebas, minus barbariem præferebas (177)!

1071. EXPLICATIO II. *Spiritualistarum sententia* quam rectæ rationi, ac sanæ philosophiæ magis conformis sit facile quisque intelliget. Hi siquidem quum entia cogitantia dari videant, materiam vero plane ad cogitandum ineptam dignoscant, præter materiale,  
& or-

& organicum corpus *spiritualem substantiam* in homine admittunt, cujus existentiam tam solide experientia, & ratio demonstrant; nec nisi inanibus sophismatis decepti, aut rationem potius, quam impium systema ejurare parati in dubium revocare, aut impugnare possunt (1049).

I. Ut philosophico jure affirmem, *materiam cogitandi, & sentiendi incapacem esse*, non omnes mihi materiæ proprietates explicite cognoscendæ sunt; satis est, si illas in fonte, a quo emanare, in radice, a qua assurgere, in germine, a quo erumpere debent, implicite cognoscam.

Porro omnes materiæ proprietates *implicite, & in eorum principio* cognoscimus. Percipimus enim, omnes materiæ proprietates, (si modo materia activam natura sua proprietatem ullam habet) aut ab impenetrabili ejus extensione, aut a figura magis, minusque varia, aut a motu simplici, vel composito enasci debere; atque ab horum nullo cogitationem, aut sensationem oriri posse.

Constat enim, cogitationem, & sensationem, quas semper & extensionem, & figuram & mobilitatem, & soliditatem partium excludere concipimus, nunquam ex eo oriri, aut proficisci posse, quod semper necessario partium extensionem, figuram, mechanicam mobilitatem, & soliditatem continet.

II. Ut jure affirmemus materiam cogitare non posse, satis est, vel materialismo fatente, in materia *peculiarem proprietatem* agnoscere, quæ natura sua cum cogitatione componi nequeat. Atqui in materia proprietatem agnoscimus, quæ eam ad cogitandum ineptam necessario reddit, *intrinsicam* nempe, & *naturalem inertiam*, quæ ad ideas concipiendas, ad judicia efformanda, ad quidpiam ratione, & animadversione statuendum, ad experimen-

ta invicem comparanda, ad observationes perpendendas, ad theorias, & sententias excogitandas, ad progrediendum a consequentiis ad principia, aut ab his ad illas, atque ad alia hujusmodi materiam ineptam reddit (759, & 880).

Patet, sine absurdo eidem subjecto *contradictorias proprietates*, aut qualitates tribui non posse, siue illæ notæ, siue ignotæ sint; adeoque si in materia qualitas aut proprietas, quæ necessario cum vi cogitandi stare nequeat, deprehendatur, hoc satis esse, ut dicatur, nullam in materia qualitatem, aut proprietatem esse, quæ cum vi cogitandi stare possit.

III. Ut jure statuatur, materiam cogitandi incapacem esse, satis est vel ideas ipsas attendere, quas materiæ, & intelligentiæ experimentalis sensu concipimus. Patet enim, duo sese invicem necessario excludere, quum eorum ideæ naturæ diversæ, oppositæ, invicem pugnantes sunt, cujusmodi, exempli gratia, sunt circuli, & quadrati ideæ. Atqui *Materia*, & *Intelligentia idea* manifeste diversæ sunt, oppositæ, invicem pugnantes. Siquidem,

Quid *materiam*, aut corpus concipientes concipimus? Substantiam solide extensam, diversis figuris suscipiendis aptam, diversos mechanicos motus, massa in velocitatem ducta, suscipientem.

Quid contra *intelligentiam*, seu potentiam intellectivam concipientes concipimus? Substantiam solida extensione carentem, nullam figuram admittentem, nullum motum mechanicum fieri aptam; quæcumque massa per quamvis velocitatem multiplicetur.

Quare *substantia materialis*, & *substantia intelligens* duo sunt natura diversa, opposita, invicem pugnantia, quarum una nunquam altera fieri potest, nec una alterius nancisci proprietates.

**MATERIA FORTASSE SUPERNATURALITER  
COGITATIONIS CAPAX  
FIERI POTEST.**

1072. OBJECTIO V. Etsi materia naturalem cogitandi facultatem in se non habeat ; potest saltem omnipotentia sua Deus materiam ad *supernaturalem cogitandi facultatem* ele-  
vare.

Nonne enim improbus esset qui Deo omnipotenti diceret : tu mundum univ-  
ersum e nihilo eduxisti ; tu quidquid mirum in natura video ; aut concipio effecisti ; at materiali sub-  
stantiæ vel tenuissimæ , vel perfectissimis orga-  
nis instructæ vim cogitandi tribuere nequis ?

Ergo etsi materia , inquit Lockius , ex naturalibus suis proprietatibus cogitare nequeat ; non propterea asserendum est , Deum illi supernaturali virtute cogitandi facultatem im-  
pertiri non posse.

Hinc sequetur , asseri non posse , homini sub-  
stantiam cogitantem inesse ab humano corpore distinctam ; fieri enim potest per Lockium , hu-  
manum corpus omni spiritali substantia desti-  
tutum a Deo supernaturalem cogitandi facul-  
tatem habuisse.

RESPONSIO . Quum Lockius celebre hoc paradoxum protulit , id nulla ratione suffulcit , ac inerme suæ sorti tradidit . Quum vero paradoxum hoc utcumque oppugnatum tueri voluit , ut aliquo pacto illud statueret , falso supposito inniti debuit , & Cartesii sententiam putavit esse , quæ nunquam Cartesii sententia fuit ; *bruta scilicet esse pura automata , sed sentientia* ; ac dicere ; Deum , qui machinas sentientes fecit , æque machinas intelligentes facere posse ( 797 , & 1292 ).

I. Patet primo , si probari velit , materiam in homine cogitare posse , propterea quia in brutis

tis sentiat ; rem controversam ex incerta , & fortasse manifeste falsa probari ; quod est præcipuis dialecticæ principiis repugnare ( 738 ).

II. Patet deinde , *cogitationem* , ut cogitantis potentiaæ actum consideratam , esse modificationem spirituales , quæ , si existat , necessario spirituali substantiaæ inhærere postulat.

Absurdum itaque est supponere , Deum , qui nihil in se repugnans efficere potest , cogitationem materiae tribuere posse ; seu illam efficere materiali substantiaæ inhærentem , quæ ejus subjectum sit , & cujus cogitatio modificatio sit ( 209 & 227 ).

Deus , cujus omnipotentia ad chimæricum , & *adwato* non extenditur , non magis materiae cogitandi facultatem tribuere potest , quam circulo quadrati proprietates , finito infinitatem , rei creatæ præcedentem æternitatem tribuere possit . Neque magis absurdum , aut improbum est Deo dicere , omnipotentiam suam *materia vim cogitandi tribuere* non posse , cui repugnat cogitare ; ac dicere , nequire se efficere , ut circulus sit quadratus , ut pars toto major sit , ut res creata æternum extiterit , aut infinite perfecta sit ( 964 , & 967 ).

Ampullosa , & resona verba , quibus paradoxa sua efferunt recentiores philosophi nonnulli , multa auribus dicere videntur ; at ad philosophiæ lampadem perpenſa , nihil ferme intellectui dicunt ratione utenti.

III. Ut periculosum hoc paradoxum funditus diruamus , simplici hoc dilemmate , quod invictum arbitramur , illos petimus . In hypothese materiae supernaturaliter ad cogitandum elevatae ; necessario hæc *cogitandi facultas* materiae essentialis esse debet , aut accidentalis . Atqui neutrum omnino dici potest .

Patet primo , in hac hypothese facultatem hanc *materia essentialem* non futuram ; neque enim illi inerat priusquam a Deo ipsi tribueretur :

& non modo materiam hac facultate carentem concipimus, imo vero hac facultate donatam concipere nequimus.

Patet deinde, in hac hypothefi, hujusmodi facultatem *ut materia accidentalem* nullo pacto ad materiam pertinere. Ut enim recentior quidam philosophus optime notat, a *subjecto qualitate accidentalem* illi supernaturaliter adjectam, atque conjunctam separando „ dicemus id, *quod materia adjectum est*, & cogitat, esse essentialiter distinctum & cum hac conjunctione, & sine illa, & ante æque, ac post hanc conjunctionem: nos vero hoc additum materiæ superveniens *substantiam spirituales*, Animam nuncupabimus.

„ Quare materia nec erit, nec unquam aliud esse poterit, ac id quod natura sua est: *Subjectum* scilicet *essentialiter passivum*, in quod spiritus agit, nihil sibi naturale amittens, nihil subjecti obtinens, a quo ejus actio determinatur.

1073. NOTA. Paradoxum hoc celebre, quod confutavimus, perperam supponit, *potentiam creatam a Deo ad effectum quemcumque producendum semper elevari posse*; quod in genere evidenter falsum est.

Potentia enim creata a divina voluntate elevari nequit, nisi ad actus producendos, ad quos jam natura proportionem aliquam habeat imperfectam, atque incompletam. Porro hujusmodi potentia supernaturaliter elevari quidem potest ad actus producendos, qui supra ejus naturam sint, seu qui ejus naturæ sibi relictæ vires excedant; non tamen ad eos elevari potest qui ejus naturæ essentialiter oppositi sint. Quidquid vero ad hujusmodi paradoxa statuenda excogitabitur, non nisi sophisma erit, & mentis delirium (191).

**MATERIÆ ORGANIS INSTRUCTÆ  
VIRES, ET PROPRIETATES.**

1074. OBJECTIO VI. *In materia organis instructa proprietates, & vires esse debent, quas rudis non habet. Quare ergo structura hæc cogitationem, & sensum, seu cogitandi, & sentiendi vim illi non impertiatur?*

Si ut materia organis instructa cogitans, ac sentiens videatur, substantia indiget natura a se distincta, & immateriali, in qua tantum cogitandi, ac sentiendi facultas sit; ad quid hæc organa tanta arte perfecta? æque substantia hæc cogitans, & sentiens in filice, ac in organico hominis, aut leonis corpore locari potuisset.

RESPONSIO. *Materia organis instructa materiales proprietates habere debet, & re ipsa habet; quas rudis non habet. Num propterea ex organica structura immateriales proprietates habebit, quas ejus natura necessario respuit? nequaquam.*

I. Alibi ostendimus, *corporis organa necessario in visibili natura spirituales substantiam supponere, a qua saltem primitus hæc organa effecta fuerint; & absurdum esse, organa sine ulla intelligente substantia, & a materia distincta admittere (878, & 897).*

Quare evidens est, præter materiales substantias etiam increatam, & creatricem substantiam spirituales existere, a qua visibilis natura condita fuit; & a qua animales, & vegetabiles substantiæ organicam structuram saltem primitus habuerunt.

II. Alibi quoque ostendimus, materiam sive organis præditam, sive destitutam æque ad cogitandum, & sentiendum ineptam esse.

Quare cogitatio, & sensatio, quas in homineprehendimus, sensatio sine cogitatione, quam

in brutis observamus, ostendunt utrobique *substantiam immaterialem* inesse, cujus natura nihil materiæ commune habet, quæque ipsa tantum cogitationis, & sensationis principium, sive subiectum est.

In homine cogitationes, & sensationes dignoscere, quæ procul dubio ad immaterialem substantiam pertinere possunt, nullo autem modo ad materiam pertinere videntur, & tamen *has cogitationes ac sensationes materia tantum tribuere*; est barbarorum, ac sylvestrium hominum more, ut mihi quidem videtur, philosophari. Hæc tamen materialistarum omnium tum veterum, tum recentiorum philosophandi ratio est.

III. Petere quem usum habeant animalis organa in hypothese substantiæ immaterialis ea regentis, atque animantis, est quem usum habeat ergata, aut grus architectonica in hypothese, quod a mechanices perito moveantur hæc machinæ, ac dirigantur.

Organica animalis, aut vegetabilis structura in corpore organico eam partium mobilitatem, eum delectum, eam affinitatem statuit, quæ sine hac structura non haberetur. Hinc in materia organis instructa *proprietas materiales* sunt quæ in rudi non reperiuntur.

In silice immaterialem hominis, aut leonis animam colloca: non ibi visus, olfactus, auditus, ceterasque perceptiones habebit, quas illi sive ut causa efficiens, sive ut occasionalis parit mirabilis organorum structura, quibus in animali corpore conjuncta est.

#### PRÆSTANTIORIS SUBSTANTIÆ INDEPENDENTIA.

1075. OBJECTIO VII. Si in homine præter corpus organicum *substantia spiritualis* est, cui tantum facultas insit cogitandi, atque sentien-



tiendi dependenter ab organorum , quibus conjungitur , libera , & ordinata actione ; sequitur , spirituales substantiam , quæ nobilior , atque præstantior est , a materiali , quæ inferior est , dependere : hoc autem infinita Dei sapientia indignum videtur .

**RESPONSIO** . Deus *compositum humanum* condens , infinita sua sapientia , & independen-  
tia libere decrevit *mutuam* , atque *reciprocam* animæ , & corporis , spiritualis , & materialis substantiæ dependentiam ( 1061 ) .

Anima spiritualis corporis , quod vivificat , & incolit , bono , & conservationi invigilat . Corpus organicum animæ spirituali , cujus sedes est , a qua animatur , innumeras , sive ut causa , sive ut occasio , cognitiones , & sensationes continenter impertitur , quarum ope animis sui similibus communicat , tum & diversis substantiis , quibus circumdatur , cælo , terræ , naturæ universæ ; neque has haberet nisi ita corpori conjuncta esset , ab eoque penderet .

Quid ergo absurdi est , supremum *spiritualis & materialis substantia* dominum , quarum unio hominem constituit , alteram ob altera in suis muneribus utriusque bono pendere decrevisse ?

**SUBSTANTIA ITA MATERIE ALLIGATA  
POTEST NE NON ESSE MATERIA ?**

1076. **OBJECTIO VIII.** Quid nobis exhibet hominis anima analysi subjecta ? Ipsa cum corpore nascitur , quod animat ; qua ratione corporis organa evolvuntur , roborantur , perficiuntur , eadem ratione ipsa quoque vires acquirit ; sano corpore valet , infirmo male habet , dormiente dormit , organis corporis agentibus agit , læsis organis , aut perturbatis vini vapore , aut æstu febrili , delirat , & insanit : corpore sene-

Stute effœto languet, soluto corpore evanes-  
cit. Quid hæc omnia indicant, nisi animam  
hanc esse ipsam organicam humani corporis stru-  
cturam?

RESPONSIO. Objectionem hanc, quam to-  
tis viribus promovet Lucretius tertio sui poe-  
matis libro, naturalismo sectatores fortasse in-  
ter barbaros compararet, apud quos tantum ex  
crassiori sensuum testimonio de rebus judicium  
ferri solet; non vero in philosophorum lycæo  
ubi eruditæ, & animadvertentis rationis mi-  
nisterio de rebus judicatur. Apud rudes barba-  
ros *rerum nexus, atque conjunctio* fortasse iden-  
titatis probatio esset; in philosophorum lycæo  
non item.

I. Quum jam probatum sit, materiam sive  
rudem, sive in organa compositam cogitationis  
ac sensationis participem esse non posse, pa-  
tet, *animam hominis non esse organicam sui  
corporis structuram*; quicumque nexus sit, at-  
que respectus, quem habeat anima in suis sen-  
tiendi, & cogitandi muneribus cum organis  
hisce crescentibus, seu decreascentibus, immu-  
tatis, pereuntibus humani corporis.

II. Quum Deum omnium conditorem existe-  
re probatum sit; patet ipsum condere potuisse  
*Totum mixtum* materiali, & spiritali substan-  
tia compositum, atque decernere, hanc in co-  
gitando, & sentiendo ab illa perpetuo pende-  
re, ejusque perpetuo statum sequi.

Porro in hac Totius mixti hypothefi, evi-  
denter *reciproca munerum dependentia*, de qua  
sermo, inter materialem, & spiritualement sub-  
stantiam haberi potest. Patet ergo, reciprocam  
hanc munerum, virium, languoris, ordinis,  
perturbationis dependentiam, nihil pro mate-  
rialismo probare, qui ceterum aliis rationibus  
plane proteritur. Hæc omnia siquidem a soli-  
de statuta, ac manifeste vera spiritualistarum  
hypothefi plane, & sponte consequuntur.

III.

III. Quum demonstratum sit, in homine præter substantiam organicam *substantiam spiritua-*lem esse, cujus natura nihil organicæ substantiæ commune habere potest; patet, quicumque nexus, ac respectus habeatur, hanc ab illa non nasci, cum illa non crescere, cum illa non immutari, cum illa non dissolvi (1047 & 1061).

1077. NOTA I. In hac spiritualistarum hypothesis, quæ, ut patet, ipsius naturæ, & rationis hypothesis est:

I. Anima humana ab humano corpore non nascitur neque productione, neque generatione, neque actione, aut emanatione substantiæ sive organicæ, sive rudis. Qua igitur ratione in corpore, quod animat, esse incipit? *creatione*.

Quum in materno sinu fœtus adhuc inanimis organa habet satis perfecta, Deus quicertat leges ad humanæ speciei propagationem statuit, animam spiritualement creat, qua novus homo animari debet, eamque in sede sibi opportuna statuit, ubi successive, & gradatim sensus, & cogitationis munera exerceri debent naturæ suæ, suoque fini consentanea.

II. Anima hominis *successivis augmentis* suæ substantiæ spiritualis in humano corpore non augetur, aut perficitur.

Ipsa natura sua simplex e creatoris manibus egreditur qualis æternum esse debet. Si vero accidentales ejus cognitiones, ejusque activitas sensim augetur; hoc tantum ex organis materialibus procedit, quibus conjuncta est, & a quibus pendent ejus intelligendi, & sentiendi munera; quo magis enim organa roborantur, ac perficiuntur, eo magis activæ, atque validæ causæ occasionales evadunt intellectuum, ac sensationum.

III. Si in ægro corpore languere videtur anima, si dissoluto corpore evanescit, hoc ideo est, quia Deus inter hominis animam, & cor-

pus *certas leges* libere statuit; atque decrevit illam bene habituram, & suis muneribus alacriter functum iri bene valente corpore; male habituram, & ægre suis muneribus functum iri, quum organa corporis graviter læsa, aut vitiata fuerint; binarum harum substantiarum conjunctionem cessaturam, animamque sibi relictum iri, quum essentialia materialis substantiæ organa dissolventur, ac omnino vitiabuntur.

1078. *NOTA II.* „ Animæ, & corporis unio,  
 „ ait recens auctor quidam, dubitationem aliam  
 „ quam creat *de realis binarum harum substantiarum distinctione*. Ægre concipimus,  
 „ tantam dependentiam, tam arctam conjunctionem inter duo ita distincta intercedere.  
 „ Quæ has dubitationes creant sunt animæ  
 „ furores, deliria, visiones, mentis excessus,  
 „ tristitiæ, angores, machinæ mutationes,  
 „ quæ animam afficiunt; animæ affectiones,  
 „ quæ machinam ipsam vitiant; diversæ in  
 „ bona, atque adversa valetudine cogitandi rationes. Aptæ similitudine dubitationes istæ  
 „ tollentur.

„ *Navis peregre itura gubernator* plures sibi  
 „ subjectos nautas habet: sunt hi navis spiritus animales, cujus ipse anima est (1248).  
 „ Illis jubet: obsequuntur, portu solvunt, navigant. Gubernator cuique faciendæ præcipit, ut apte vento vela obvertantur. Mare placidum est, cælum serenum, ventus favet; navis veloci, & secundo cursu procedit. Fieri nequit, ut nauta prospera hac navigatione non gaudeat: omnia siquidem ejus  
 „ votis secunda sunt.

„ At en illico ventus cadit: malacia diebus ferme quindecim perseverat, mare immotum est, sol imminens urit, gubernaculum inutile est, vela umbram tantum præbent. Tunc vero gaudium cessat, molestia enascitur, post hanc timor, ne malaciam procella consequatur.

„ Por-

„ Porro cælum nubes eripiunt, obtenebre-  
 „ scit aer, vehemens exurgit ventus. Nec mo-  
 „ ra spumantes undæ attolluntur, & navi il-  
 „ liduntur: eam ita quatunt, ut demergerent  
 „ si minor esset, aut confringerent, si minus  
 „ robusta. Vix jam gubernaculum regit gu-  
 „ bernator, & frustra contra ventum, & ma-  
 „ re nititur. Novo, summoque infortunio in  
 „ procurrentes aquas incidit, quibus devius ab-  
 „ ripitur, neque adversas, etiam cessante tem-  
 „ pestate, superare potest. Quid agat? in na-  
 „ vi est; hanc sane pro voluntate regit, quum  
 „ ventorum, & undarum impetu non distra-  
 „ hitur; at quum venti, & maris furor ejus  
 „ vires, & artem superat, adversa hæc omnia  
 „ perferre cogitur.

„ Tunc quoque, quum omnino secundo ven-  
 „ to navigat, potest ne vel minimos navis  
 „ motus non sentire? non sane. Illi conjun-  
 „ ctus est: quidquid navis patitur & ipse pa-  
 „ ti debet; ingratos sentinæ, commeatum,  
 „ mercium, nautarum, navigantium odores vel  
 „ invitatus olfaciet. Huic navi conjunctus est.  
 „ Fiat jam, ut navis a procurrentibus aquis  
 „ abrepta scopulis illidatur, & naufragium fa-  
 „ ciat: omnia pereunt: solus gubernator e nau-  
 „ fragio vivus evadit. Potest ergo navis mer-  
 „ gi, & fracta navi gubernator superesse. Li-  
 „ cet ergo navi conjunctus esset, non propte-  
 „ rea navis, & ipse unum erant. Si quoque  
 „ cum navi ipsum periisse ponamus; etsi cum  
 „ secunda navigatione utebatur, navis illi invo-  
 „ luntarios motus communicaret, ipse vero na-  
 „ vim pro voluntate dirigeret, certum est,  
 „ gubernatoris corpus navis partem non fuisse.  
 „ Possunt ergo duo omnino distincta ita con-  
 „ juncta esse, ut mutuo invicem dependeant,  
 „ quin ejusdem speciei sint. Ita quoque quum  
 „ *entis spiritualis* existentia necessario a ma-  
 „ teria distincti ex eo demonstrata sit, quod

„ materia intelligens, & sentiens esse neque-  
 „ at; *mutua anima, & corporis dependentia*  
 „ non obest, quominus horum duorum entium  
 „ *realis distinctio* certissima sit “.

POTEST NE SUBSTANTIA EXTENSA  
 NON ESSE MATERIALIS?

1079. OBJECTIO IX. Anima humana est *substantia extensa*; aut enim in toto humano corpore diffusa est, aut saltē in tota illa parte est, quæ ejus sedes est. Atqui substantia extensa est materialis; ergo anima humana est materialis.

RESPONSIO. Certum est humano corpori *spiritualem substantiam* inesse, qua animatur, & regitur, quamque nos humanam animam dicimus. At ubinam hæc anima sita est? quomodo agit? quænam ejus natura est? re ipsa ne extensa est? est ne omnino inextensa? De his non nisi conjiciendo ratiocinari possumus.

I. Si sententiam sequamur, quæ magna probabilitate in aliqua parte cerebri animam statuit, quo præcipui nervi appellunt; non proinde difficultatem eludemus; hæc enim *anima sedes*, si vel tantum atomus, imo punctum esset, re ipsa tamen extensa esset, cui anima ipsam occupans correspondet (1061).

Ut igitur difficultati satisfiat, animæ *extensio spirituum propria*, & ab *extensione corporum propria* diversa est tribuenda.

II. Quum tota objectionis vis in æquivocatione, & sophismate sita sit, quo *bina hæ extensionis species* confunduntur; tota responsionis ars, & vis in eponenda est, ut earum diversitatem ostendamus. Notandum itaque:

*Extensionem solidam* lateribus, atque angulis ipsi inhærentibus circumscriptam, partibus constantem natura impenetrabilibus, re ipsa inter se distinctis, aliis re ipsa extra alias positis, proprietatem esse materiæ distinctivam,

At

At *extensionem virtuales*, quæ tantum est substantiæ simplicis, & compositionis expertis existentia in spatio extenso, five simplicis hujus substantiæ correspondentia totalis singulis spatii cujusque punctis, non esse proprietatem materiæ distinctivam.

III. Quare si anima humana in se, & natura sua extensionis speciem habeat, qua re ipsa portioni spatii respondeat, quod occupat in humano corpore; certum erit, hanc *anima humana extensionem*, quæ neque in partibus natura impenetrabilibus, neque aliis extra alias positis, neque latera, aut angulos, aut figuram ullam facientibus sita est, materiæ extensioni non esse similem.

Perperam igitur ex eo, quod in anima supponatur *ignota quadam extensio* nihil materiæ extensioni commune habens, materialis ipsa dicetur.

1080. NOTA I. *Extensio virtualis* dicitur subiecti inextensi proprietas, aut virtus, qua simplici, indivisibili, omnis realis compositionis experte natura sua correspondet subiecto in se realiter extenso (a).

I. Hujusmodi est *extensio divina essentia*, quæ natura infinite simplex tota singulis mundi visibilis partibus, quem movet, & regit, correspondet: simul agens, & existens nihil essentiali suæ simplicitati, & indivisioni derogando, in terra, in luna, in Saturno, in sole, in Syrio (921, & 932).

Hujusmodi quoque est *extensio anima humana*, quæ omnis compositionis in indivisibili essentia sua expers, in spatio extenso sedem habet,

---

(a) *Extensio virtualis* est in subiecto simplici, & inextenso virtus intrinseca correspondens per se totum indivisibiliter variis subiecti realiter extensi partibus.

habet, in spatio extenso jura dat, modificationes cogitationis, & sensationis in spatio extenso admittit quin hoc naturæ suæ simplicitati, & indivisioni officiat (1051; & 1062).

II. Non tamen præcipuum de cognitionibus axioma obliviscamur: *in rebus* scilicet, *certum ab incerto non tolli*. Certum, atque evidense est in homine substantiam spirituale esse nihil materiæ commune habentem; at qua ratione in materia organica substantia hæc spiritualis existit, & operatur? hoc omnino incertum esse potest, quin prima veritas omnino certa tollatur.

1081. NOTA II. In scholis philosophicis passim, non tamen satis clare dici solet *extensio definitiva* virtualis hæc *extensio spirituum propria*; & *extensio circumscriptiva* alia illa realis *extensio*, quæ materiæ, & corporum quorumcumque propria est.

**MODIFICATIONUM DIVERSITAS SUBSTANTIÆ  
NATURA SIMPLICI FOSTASSE  
CONVENIRE NEQUIT.**

1082. OBJECTIO X. In eadem anima intelligente, & sentiente sæpius modificationes sunt omnino diversæ. Exempli gratia, sæpius in anima sensationes simul, & cogitationes habemus, gaudium, & dolorem, spem, & timorem, odium, & amorem in diversa objecta.

Haberi ergo in anima debent totidem veluti partes distinctæ, in quibus seorsim diversæ hæ modificationes recipiantur, quæ simul in substantia natura simplici esse non possent. Debet ergo anima humana, ut substantia organica, cui inhæret, partes habere re ipsa inter se distinctas, & quarum una extra aliam sit, ut in his nulla confusione aut mutuo impedimento stare simul possint diversæ sensationis, & cogitationis modificationes, quas tam sæpius, tamque distincte in intima sua substantia experitur.

RES-



**RESPONSIO.** In quavis philosophiæ parte semper tenebræ nonnullæ sunt luci proximæ, tum in physicis, tum in metaphysicis, tum in ipsis mathematicis. Quare si quis omnia ab humana mente in iis, quæ percipit, clare dignosci debere contendat, is se in vera philosophandi ratione jejunum fatebitur, hujus enim principium præcipuum est, finitam intelligentiam nunquam in rebus omnia percipere posse; certumque ab incerto non infirmari (56).

I. Antea solidis rationibus ostendimus, animam humanam esse naturæ simplicem, adeoque & compositionem, & veras partes invicem distinctas, & alteram extra alteram positas excludentem. (1051).

Quæcumque igitur in diversis animæ modificationibus cum ejus simplicitate conciliandis difficultas occurrat; nunquam *præpostera partium distinctarum multiplicitas* in illa admittenda est; evidenter enim nec in anima partes sunt, & in ipsa repugnant; nec operationes ejus explicarent nisi ejus naturam destruendo.

II. Quid repugnat, substantiam spiritualement naturæ simplicem diversas simul modificationes experiri?

Quare sentiens, & intelligens substantia *natura simplex* tendentiam ad aliquod objectum profecutivam, & simul ad aliud objectum averzivam habere non poterit?

Quare hæc substantia stellam in finitore ad ortum concipiens, planetam in finitore ad occasum concipere non poterit?

Duæ istæ sunt diversæ idearum, & sensationum modificationes in eadem substantia natura simplici. Potest ergo hæc diversas ideæ, & sensus modificationes simul admittere.

III. Fortasse non satis clare percipio, quare anima, quam substantiam esse suppono naturæ simplicem, simul aut duas ideas, aut duas sensationes habere possit. At si illam partibus

tibus distinctis constare perperam supponam, majori ne claritate phænomenon percepero? nequaquam.

Quod me experimentalis sensus docet, est, animam meam existere, cogitationes, & sensationes habere. Philosophia me docet, animam meam non esse substantiam materialem, nec partibus compositam re ipsa distinctis.

At qua ratione anima a perceptionibus, aut sensationibus intime modificatur? de hoc nihil me nec experimentalis sensus, nec docet philosophia ( 56 ).

## A R T I C U L U S II.

### ANIMÆ HUMANÆ IMMORTALITAS.

1083. OBSERVATIO I. **D**UO sunt immortalitatis genera; nempe immortalitas essentialis, & immortalitas naturalis.

I. *Immortalitas essentialis* est absoluta existendi necessitas ab ipsa subjecti essentia procedens, cui non existere repugnat. Hæc est Dei immortalitas ( 758 ).

II. *Immortalitas naturalis* est perpetuæ conservationis exigentia ab ipsa subjecti natura procedens, quod etsi absolute destrui possit, nullam tamen in natura sua intrinsicam, aut extrinsecam destructionis causam habet. Hæc est animæ humanæ immortalitas ( 1039 ).

1084. DEFINITIO. *Rei alicujus finis*, sive id, ad quod est destinata, id est, cujus ratione Deus illam existere fecit; exempli gratia, solis finis, seu destinatio est, ut terram, & planetas illustret, & calefaciat.

*Anima humana finis*, seu destinatio est. verum cognoscere, bonum amare, corpus humanum animare. Ipsa a corpore separata postremum

num hunc finem amittit, ceteros, qui præcipui sunt, adhuc habet.

1085. OBSERVATIO II. Duobus modis substantia perire potest, & non amplius existere dissolutione, & annihilatione,

I. Corpus animale, vegetabile, fossile dissolutione perit; partium scilicet integrantium, & constituentium separatione, & decompositione, quæ simul collectæ unum totum faciebant, separatæ non amplius faciunt.

II. *Anima brutorum*, si perit, non nisi annihilatione perire potest; Dei scilicet actione eam ad nihilum, unde educta fuerat, redigentis; quum nullum amplius in natura finem habeat.

III. *Anima humana*, ut ostendere pergimus, nec dissolutione, nec annihilatione perire debet; hinc est ejus immortalitas naturalis.

*Animæ humanæ immortalitas* totius christianæ religionis veluti basis, ac fundamentum est; neque de hoc vel minimum christiano homini licet voluntarie dubitare; non tamen propterea prohibetur christianus philosophus, qui iam hoc firmissime tenet, perpendere quibus rationibus præcipua hæc religionis veritas ostendi possit.

PROPOSITIO I.

1086. *Anima humana immortalitas* præcipuum est Christianæ religionis dogma; nec quidquam est aut ab humano corpore, aut ab anima, aut ab hominis conditore Deo, quod directe, vel indirecte dogmati huic opponatur. Nulla ergo vera, & solida ratio est, cur anima humana non immortalis censeri possit.

DEMONSTRATIO. *Anima humana* hic considerari potest, & debet respectu vel sui domicilii, vel naturæ suæ, vel sui conditoris.

I. *Nulla ab humano corpore solida ratio est anima humana destructionem inferens.* Hoc brevi ex ipsa rerum idea demonstro.

Si qua ab humano corpore solida ratio esset animæ destructionem inferens, profecto hæc esset *humani corporis dissolutio*, qua omnia ejus principia corrumpuntur, organa omnia destruuntur, partes omnes integrantes, & constituentēs separantur. Atqui humani corporis dissolutio animæ destructionem inferre nequit.

Ut enim hoc contingeret, deberet anima, dum humanum corpus partium separatione, & perturbatione destruitur, id ipsum pati; aut ex hac corporis dissolutione, & ipsa simili partium separatione, & principiorum corruptione destrui. Atqui omnino repugnat, animam, quæ essentialiter spiritualis est, simplex, & natura indivisibilis, partium, & principiorum compositionem excludens, partium separatione, & principiorum corruptione destrui; ergo manifeste repugnat, humani corporis dissolutionem animæ destructionem inferre (1047, & 1051).

II. *Nulla ab anima humana solida ratio est ejus destructionem inferens.* Hoc quoque brevibus verbis ex rerum idea demonstro.

Si substantia in natura existit, quæ ex se nulli intrinsecæ corruptioni obnoxia sit, quæ nulla in se principia habeat invicem pugnantia, in qua nihil usu teratur, immutetur, dissolvatur, patet, hanc nullum in se habere destructionis principium, unde ejus destructio consequi possit; Atqui hujusmodi est anima humana.

Ergo ab ipsa nulla vera causa est destructionem inferens. Nulla ergo ab anima humana solida ratio est, cur ipsa natura non immortalis censi possit.

III. *Nulla a Deo solida ratio est anima humana destructionem, aut annihilationem inferens.* Hoc quoque ex ipsa rerum idea breviter demonstro.

Docet nos ratio, Deum sapientem, adeoque voluntate constantem, atque immutabilom rebus

bus creatis existentiam auferre non debere donec perseverat finis , ad quem eas condidit : exempli gratia , non debere solem destruere , donec tellus , & planetæ perseverant illustrandi , & calefaciendi . Cur enim Deus nulla ratione , datam rebus existentiam auferret ?

Si ergo entia sunt , quorum nulla ratio destructionem postulat , & quorum natura munus , ad quod condita sunt , semper exequi possit ; entia hæc nunquam existentiam amittere debent . Si ergo anima humana permanentem finem , & perseverans munus habet , semper existere debet .

Atqui anima hujusmodi finem , & munus habet ; quod est *verum cognoscere , & bonum amare* , quem finem a corpore separata non amittit . Certum est enim , corpus humanum sentiendi , & cogitandi incapax animæ cogitationes , & sensationes suas non impertiri ; atque has cogitationes , ac sensationes , quas anima corpori conjuncta habet , quum animam ipsam principium , aut subjectum habeant , in anima a corpore sejuncta æque , ac in illa corpori conjuncta existere posse ( 1042 , & 1046 ) .

A Deo itaque nulla ratio est animæ destructionem , aut annihilationem postulans . Nisi ergo Deus aperte revelaverit , se post humani corporis dissolutionem animam ad nihilum redigere ; nulla a Deo desumpta solida ratio est , ut anima humana non immortalis censeatur .

IV. Ex quibus omnibus sequitur , nullam solidam rationem esse neque ab humano corpore , neque ab humana anima , neque a Deo desumptam , qua animæ humanæ immortalitas oppugnari possit ; atque hoc christianæ fidei dogma , quo Deus animæ immortalitatem nobis revelat , nihil rectæ rationi , sanæque philosophiæ oppositum continere . Q. E. D.

## PROPOSITIO II.

1087. *Anima humana immortalitas præcipuum est christiana fidei dogma, quod sana philosophia non modo non rejicit, imo approbat, ac tuetur; quum solida, etiam seclusa revelatione, rationes adsint, quæ probant animam, corpori, quod informat, superesse debere; quod si est, nihil jam vetat, quominus sit immortalis.*

**DEMONSTRATIO.** Præcedenti propositione ostendimus, nullam esse rationem, cur anima humana simul cum corpore, quod animat, sive dissolutione, sive annihilatione perire debeat. Hac propositione ostendemus, solidas rationes esse, cur anima post corporis solutionem supersit; sive animam consideratam in sua natura, in sua moralitate, in suo aterni boni desiderio, in sua futura vita persuasionem permanente, se, & ex intrinsecis suis enunciare, se debere soluto corpori esse superstitem, & natura intrinsece immortalem esse.

I. Anima humana in natura sua considerata se substantiam prodit corpori superstitem; hujus enim solutio illius destructionem inducere nequaquam potest.

In mixtorum materialium pereuntium destructione nullas Deus substantias destruit, sed compositiones tantum, & modificationes. Quare ergo Deus materialem substantiam, quæ hominis pars est, conservans, spiritualement substantiam, quæ altera ejus pars est, destrueret?

Brutorum anima, fortasse inquit, ad nihilum redigitur, quum corpus ab ipsa animatum dissolvitur. Quis hoc novit? nihil de re hac nos ratio, aut revelatio docet. Si Deus brutorum animam, soluto corpore, destruit; hoc ideo certe est, quia nullum amplius illa in natura finem, aut munus habet. Non tamen idem quoque est de anima humana, cujus præcipuus  
finis,

finis, & maximus etiam soluto corpore perseverat (1085).

II. Anima humana in sua moralitate considerata, sive in facultate virtutem, aut vitium sequendi, in ordine morali merendi, aut demerendi, se substantiam suo corpori superstitem prodit. Siquidem,

Nos docet ratio, Deum existere infinite justum; eumque vel in hac, vel in futura vita diverso modo crimen, & virtutem habere debere; illud plectere, hanc præmio afficere;

Nos experientia docet, non semper hoc in præsentī vita contingere; sæpius enim crimen triumphans, virtutem oppressam videmus; iniquitatem exaltatam, & bonis affluentem, innocentiam ignominia, & malis affectam.

Vel ergo Deus nec justus est, nec providus; aut præter hanc altera vita esse debet, in qua crimen debita pœna, virtus condigno præmio afficiatur. Atqui repugnat, Deum aut injustum esse, aut improvidum; ergo necessario vita futura haberi debet, in qua anima pia præmium consequatur, impia pœnas luat (946).

III. Anima humana in suo æterni boni desiderio considerata se substantiam prodit corpori superstitem. Nos enim docet sensus intimus, nos desideria nostra ad brevem hanc, & miseram vitam non limitare, & in nobis esse inexsaturabilem boni intensitate immensi, & æternum duraturi cupiditatem.

Quibus positis sic procedo. Inexpleta hæc illimitati boni desideria, quæ experimur, metus ille, spes illa, quam ad ea, quæ post obitum eventura nobis sunt, extendimus veluti nec volentes; quæ omnia, ut nos, sentiunt quoque, ac senserunt nationes omnes tum veteres, tum nostri ævi, excultæ, & rudes, christianæ, & ethnicæ; hæc, inquam, omnia alicui fini in humana natura sunt destinata; nihil enim sine aliquo fine naturæ auctor in homine

mine statuit. At enimvero quis eorum in nobis finis est? data ne nobis sunt, ut illudant, aut ut aliquam veritatem nos erudiant?

Si data sunt nobis hæc omnia, *ut nos decipiant*, & ut aut chimæras appetamus, aut inania phantasmata timeamus; patet, Deum ipsum in nobis hos communes erroris fontes posuisse; adeoque Deum esse, qui nobis illudit, nosque decipit; quod infinitæ ejus sapientiæ, & veracitati evidenter repugnat.

Si vero desideria hæc, timor, spes *ad nos de aliqua veritate erudiendos* destinantur, patet, nos monere, perituram hanc vitam finem nostrum non esse; nos ad immensam extensione, & æternum duraturam felicitatem assequendam natos esse; Deum infinite magnum, infiniteque sapientem, hominem visibilium operum suorum præstantissimum non creasse, ut paucis diebus & affectibus suis, & adversis rerum vicissitudinibus ageretur, & deinde post has ærumnas ad nihilum, unde emerferat, iterum redigeretur.

IV. Anima humana *in constanti sua alterius vita persuasionem considerata* substantiam prodit humano corpori superstitem. Ut enim in nostra philosophia religionis ostendimus, & ut vel increduli ipsi non dissidentur, docet historia, nationes omnes veteres, ac recentiores, cultas, ac rudes tenuisse, homini aliam vitam post obitum paratam esse; siue communis hæc, & permanens persuasio quoddam sit *primitiva revelationis* primis humani generis parentibus factæ residuum; siue tantum *religionis naturalis* vox ista sit omnibus hominum animis insculpta (1039).

Hoc posito sic procedo. Potuerunt ne tot nationes multitudine innumerabiles, locis, legibus, religione, moribus, opinionibus maxime diversæ, hac in re omnibus ætatibus, omnibusque mundi regionibus simul unanimiter,

&



& perseveranter consentire in *futura vita* post obitum *expectanda*; quin permanens hæc, & unanimes persuasio aut primitivæ alicui revelationi primis parentibus factæ a Deo ipso, qui fallere nequit, tribuenda sit, aut intimæ naturæ voci, quæ semper est fidelis veritatis interpres, quum constans, & universalis est, nec a sensuum illusione, aut a pravis animi affectibus proficiscitur?

V. Porro ex his omnibus sequitur, humanam animam neque dissolutione, neque annihilatione cum corpore esse perituram, sed post præsentem vitam alium *verum habere finem*; adeoque hunc, soluto corpore, assequi posse.

Si vero anima, soluto corpore, finem hunc suum vel per diem unum assequi potest cur non per sæculum, per sæculorum millies millia, infinitum assequi poterit?

Quin si anima, soluto corpore, adhuc finem suum habet, poterit ne Deus sine *miraculo formali*, inviolatis naturæ legibus, illi existentiam adimere? Nonne naturæ lex est, Deum entia non destruere, donec finis, ad quem condita sunt, perseverat? Non potest ergo anima humana, soluto corpore, sine vero miraculo ad nihilum redigi, quod miraculum nunquam factum iri nos docet revelatio de animæ immortalitate.

Quaqua ex parte igitur humanam animam pericrute mur, nihil apparet ejus immortalitatem oppugnans; contra vero plurima elucet, quæ ejus immortalitatis dogma comprobant, ac tuentur; quod dogma non modo sanæ philosophiæ principiis, ac rationibus non oppositum, imo vero maxime conformeprehenditur. Q. E. D.

## OBJECTIONES SOLVENDÆ.

Præcipua media, quibus *anima humana immortalitas* oppugnatur hæc sunt; eam scilicet, soluto corpore, quod animat, nullum alium finem habere videri, quem assequatur: eam, etsi nullum in se destructionis principium habeat, posse tamen a Deo in nihilum, undeeducta fuit, redigi; ejus immortalitatem non nisi revelatione perfecte probari posse; aliquas vero scripturæ, & sanctorum patrum auctoritates illam videri reddere problematicam.

Tribus hisce objectionis mediis aliquando quartum additur, quod est: quoniam anima brutorum perit, soluto corpore, quod animat, id quoque humanæ animæ contingere debere. At quum omnino præposterum sit hoc medium, peculiarem confutationem non meretur; neque enim scimus quid animæ brutorum fiat, soluto bruti corpore; supponere autem, *brutorum animam perire*, ut inde & humanam perire inferatur, est incertum supponere ad certum oppugnandum; est ab ignoto in quarundam entium specie ad notum, & demonstratum in specie omnino diversa rejiciendum argumentari; quod est sanæ dialecticæ manifeste repugnare.

Ratione, & revelatione simul consentientibus docemur, *animam humanam posse, & debere soluto corpore perseverare*; non tamen quid animæ brutorum, soluto corpore contingat ab illis erudimur: Hujus rei incertitudo nihil alterius officit certitudini. Quare siue brutorum anima soluto corpore pereat, siue superstes sit, res est animæ humanæ omnino extranea, & ἀξίωμα, quum nihil hæc illi commune habeat.

**ANIMA HUMANA, SUBSTANTIA SOLUTO  
CORPORE FORTASSE INUTILIS.**

1088. OBJECTIO I. Ut anima humana soluto corpore finem habere, & assequi posset, deberet etiam nullo corporeorum organorum ministerio posse perceptiones, & sensationes habere.

Atqui experientia novimus, nos perceptiones, aut sensationes habere non posse, nisi corporeorum organorum ministerio. Ergo anima ab organico corpore separata omnis cognitionis, & sensationis experta futura videtur, ad verum cognoscendum, ad bonum amandum inepta; adeoque nec ullum amplius finem habere, qui ejus conservationem postulet, aut ejus destructionem impedire possit.

RESPONSIO. Ut hoc materialismi argumentum valeat, alterutrum ex duobus falsis supponere debet; aut scilicet, animam humanam a se intrinsecam cogitandi, & sentiendi facultatem non habere, nec nisi organorum, quibus conjuncta est, virtute sentire, & cogitare; aut si hanc a se facultatem haberet, hanc ipsam facultatem ab organis corporeis dependentem reddi non posse.

I. Ratione nobis demonstratur, organa corporea animæ *cogitandi, & sentiendi* facultatem non impertiri; evidens enim est, quod cogitare, & sentire nequit, cogitationem, & sensationem, aut cogitandi, & sentiendi facultatem impertiri non posse (1042, & 1068).

Si ergo anima in corpore, quod animat, cogitationes, & sensationes habet, non has ab organis corporeis habet; si ergo has in humano corpore habet; in se, & a se, non a corpore, cogitandi, ac sentiendi habet facultatem.

Si ergo anima cogitationes, & sensationes habet in corpore inepto eam cogitantem, &

E  
sen-

sentientem efficere; nulla est repugnantia, has ipsas extra corpus habere nullo materialium organorum ministerio.

Si ergo in humano corpore anima est substantia sentiens, & cogitans, quod corpus nullam in se virtutem habet, qua animam cogitantem, & sentientem efficiat; nihil repugnat, quominus ipsa adhuc extra corpus, & ab ipso sejuncta sit substantia sentiens, & cogitans.

II. At, inquires, si anima in se, & a se facultatem intrinsecam habet cogitandi, & sentiendi, quare in corpore non nisi mediis organis, quibus conjuncta est, sentit, & cogitat? Quia Deo summo rerum domino placuit, quum humanum compositum condidit, libere decernere, substantiam intelligentem, & sentientem non agere nisi dependenter a substantia organica.

Deus naturæ auctor, & dominus humanum compositum condens, & mutuam inter binas substantias diversas, quibus constituitur, dependentiam decernens, velle potuit, & re ipsa voluit, substantia spiritualis actiones a materialis substantiæ actionibus pendere; & animæ actionem aliquo pacto adnexam esse, atque alligatam magis minusve perfectæ, aut infirmæ organorum corporeorum structuræ. Hoc autem probat, non jam animam in se, & a se, seclusis organis, quibus adnexa est, cogitandi, & sentiendi facultatem non habere; sed hanc facultatem semper omnino a Dei voluntate pendentem, posse iis conditionibus adstringi, & subjici, quas Deo placuerit ejus activitati apponere.

Donec anima corpori conjuncta est, magis, minusque facilis, aut vividus organorum motus causa occasionalis est, a qua pendent ejus ideæ, cogitationes, judicia, ratiocinia, sensationes, omnes demum, aut ferme omnes ejus actiones. At non inde sequitur, animam, quæ  
cogi-

cogitationes, & sensationes suas intimæ suæ substantiæ impressas sentit, quæ se sentit judicia sua, & volitiones suas efficere, non amplius cogitationes, judicia, volitiones, sensationes habere posse, quum corporeis organis, quibus in mortali corpore alligata est, soluta fuerit.

III. Quas *cognitionum, aut sensationum species* anima a corpore soluta habitura sit noscere, aut definire non possumus.

At facile concipimus, ipsam intelligentem, atque sentientem adhuc *verum cognoscere, & bonum amare posse*; ut verum, ac bonum suis intellectivis, & affectivis facultatibus sese objicient.

Quid vero repugnat, substantiam hanc intelligentem, atque sentientem hac vita functam sensationum, atque idearum, quas corpori conjuncta habuit, memoriam servare, eventuum, quorum testis fuit, hominum, quos novit, & dilexit, bonorum, malorumque operum, quæ fecit, meminisse? Quid quoque repugnaret, si Deus illi concederet ideas, & cogitationes suas sensuum vinculis solutas ad mirum naturæ spectaculum extendere, ad universam rerum œconomiam, ad adorandos Providentiæ fines in iis omnibus, quæ ad naturalem, & supernaturalem ordinem spectant?

Nihil sane probat, in his animam corpore solutam occupatum iri; nihil tamen horum repugnat, nisi apud materialistas, qui animam faciunt materiam cogitantem, aut animam cogitare faciunt ope materiæ natura ipsa ad cogitandum ineptæ.

Potest igitur anima humana etiam a corpore sejuncta verum finem habere, ad quem ordinata sit.

**NEQUIT NE OMNINO DEUS ANIMAM  
HUMANAM A SE CREATAM AD  
NIHILUM REDIGERE?**

1089. OBJECTIO II. Afferere animam humanam corporis solutioni superstitem esse, est afferere, Deum hanc animam, quo temporis momento corpus perit, non destruere. Patet, Deum omnipotentia sua posse tunc animam ad nihilum redigere; unde, & qua ratione novimus, Deum non ita facere?

RESPONSIO. Ut valeat hoc ratiocinium, necessario aut supponit, Deum nihil nos de anima docuisse, aut Deum, postquam nos docuit animam corpori esse superstitem, posse absolute omnipotentia sua animam hanc ad nihilum redigere, quo momento temporis corpus perit.

I. Ratio æque, ac revelatio a Deo est; utraque ergo Dei vox est. Quare si Deus vel ratione, vel revelatione nos docuit, animam corpori esse superstitem, certi sumus, Deum, etsi omnipotentem, animam, quo momento corpus perit, ad nihilum non redigere (150, & 151).

Atqui plures solidæ rationes probant, ut binis præcedentibus propositionibus ostendimus, Deum, pereunte corpore, animam non destruere; revelatio vero rationem confirmans, illi quidquid claritatis, & roboris deesset, abunde sufficit.

Quare quum Deus nos ratione docuerit, animam cum corpore non interire, quum revelatione certos nos fecerit, eam immortalem esse, fieri nequit, ut animam humanam destruat; nequit enim Deus illusor esse, & deceptor.

II. Ratio, & revelatio docent, *divinam omnipotentiam* ceteris divinis attributis opponi non posse; adeoque, quantumvis infinita sit  
omni.

omnipotentia, nihil Deum facere posse sapientiae suae, iustitiae, veracitati oppositum.

Duobus diversis modis hic divina omnipotentia attendi debet, nempe antecedenter, & consequenter ad divina decreta.

*Antecedenter ad divina decreta* considerata, ad omnia possibilia divina omnipotentia nullo limite sese extendit.

*Consequenter ad divina decreta* considerata divina omnipotentia ad nihil hisce decretis contrarium sese extendit: repugnat enim in sua voluntate Deum esse mutabilem.

1090. OBJECTIO III. Revelatio docet, Deum ad finem temporum mundum, & materiam ad nihilum redacturum. Cur & animas hominum ad nihilum non rediget?

RESPONSIO. In hoc argumento ab incerto ad certum, ab ignoto ad notum, aut potius a falso supposito ad certam veritatem illatio fit. Quod omnino præposterum est.

Quid post extremum iudicium materiae fiet ignoramus; quid enim hac de re Deus decreverit nec ratio docet, nec revelatio. Non ita tamen quid hominum animis post extremum iudicium fiet ignoramus: manifeste enim nos docet revelatio quid de illis Deus adorandis suis decretis statuerit.

I. Docet revelatio, diem divinae ultionis fore, ut magnae in caelo, & in terra revolutiones præcedant. Mundum, quem incolimus ignis diluvio absumptum, & purgatum iri, & ad finem temporum novam terram habitum iri, & caelos novos.

Non tamen nos docet revelatio, *terram novam, & caelos novos* nova materia tempore caelestis ultionis creata condendos fore, aut veteri hac materia initio temporum creata, & tunc Dei ultoris ira perpurcata.

II. Docet revelatio, universos homines, qui

ab initio ad ea usque tempora extiterunt, *resurrecturos*; quo fiet, ut quævis anima humana, nulla excepta, iterum, & æternum illi ipsi corpori conjungatur, cui primitus hic in terris conuncta fuit. Falsum est itaque, universam materiam nunc existentem, in fine temporum ad nihilum redactum iri; ex revelatione siquidem materiæ nunc existentis portio post eum, quem dicimus finem temporum, innumera humana corpora efficere debet re ipsa iis similia, quæ jam extiterunt, sed quæ destrui non poterunt, & æternum duratura sunt.

III. Si qua materiæ nunc existentis portio ad nihilum redigi debet, ratio hujus erit, quia quum non nisi ad viventium generationum bonum creata fuerit, nullum jam habebit finem, quem assequatur, quum non amplius in mundo visibili viventes generationes sint. Contra vero anima humana quum adhuc finem permanentem habeat, nihil in se habet, quo ad nihilum redigi postulet.

1091. OBJECTIO IV. Nostrarum cogitationum, & mentalium sensationum spiritualitas non obest, quominus hesternæ hæ diversæ modificationes hodie amplius non sint, & hodiernæ cras: destruuntur ergo. Quare *anima nostra spiritualitas* permanentem, & æternam existentiam postulabit?

RESPONSIO. In hoc argumento a modificationis proprietatibus ad substantiæ proprietates illatio fit; pari ratione a trianguli proprietate ad circuli, vel quadrati proprietates illatio fieret.

I. Animæ nostræ modificationum spiritualitas earum intrinsecæ destructibilitati non opponitur, & hoc duabus præcipuis rationibus, quæ ipsam animæ substantiam nullo pacto attingunt.

Primo, quia non alium finem habent hæ  
mo-



modificationes, nisi animam hoc, vel illo modo dato tempore modificare; quo fine expleto, nullus alius superest obtinendus.

Deinde quia modificationes hæc natura sua necessario successivæ sunt, & simul stare æqueunt; ita ut unius existentia sit principium destructionis alterius. Exempli gratia, modificatio gaudii essentialiter oppositæ modificationis tristitiæ destructiva est; ut modificatio figuræ cubicæ sphaericæ essentialiter est destructiva.

II. Evidens est, neque has rationes, neque harum similes cessationem existentiae in spiritali substantia postulare, quæ semper finem in se habet obtinendum, neque ullum destructionis principium habet, quod ejus existentiae cessationem inferre possit.

**VALIDE NE RATIONE, ET REVELATIONE  
ANIMÆ HUMANÆ IMMORTALITAS  
STATUTA EST?**

1092. OBJECTIO V. Certum est primo, animæ humanæ immortalitatem sola ratione perfecte demonstrari non posse: ratio enim sibi relicta, nec revelatione suffulta noscere nequit quid Deus de hominis anima decreverit. Deus vero æque decernere potuit, ut æternum existeret, aut tantum dato tempore pro imperscrutabili suorum judiciorum ratione.

Neque satis revelatione hæc immortalitas confirmata videtur: nonnullæ siquidem scripturæ locutiones hominem in morte brutis comparare videntur; & nonnulli ecclesiæ Patres primis christianæ religionis sæculis de anima humana ut de substantia tantum materiali loqui videntur.

RESPONSIO. Veræ philosophiæ munus est res ut sunt considerare, neque illas præjudiciis, aut enthusiasmo deformare; neque proba-

tionibus, aut objectionibus aliam vim, quam quæ illis debetur tribuere. Ex his objectionis propositæ binas partes perpendemus.

I. Sola ratio revelationis lumine non illustrata demonstrare potest, humanam animam substantiam esse essentialiter a materia distinctam, intrinsece spirituales, simplicem, & omnis in natura sua compositionis expertem, cujus nihil destructionem postulat, quæ extra corpus, quod animat, existere potest, quæ suarum virtutum, suorumque vitiorum ratione re ipsa post compositi, cujus pars est, solutionem existere debet.

At sola ratio revelatione non adjuta plena, perfecta que certitudine scire nequit solo naturali lumine, animam hanc æternum existere debere; hoc enim a *libero Dei decreto* est, qui eam immortalem creare voluit, & qui potuisset ita creare, ut tantum dato annorum, aut sæculorum numero existeret, quo expleto ad nihilum redigeretur; quando tamen æternæ suæ dispositiones semper ab omni, quod ipse non est, essentialiter independentes, non amplius postulassent, ut existeret, sive ut virtutum suarum præmium obtineret, sive ut vitiorum pœnas lueret, sive ut suas intelligendi, & sentiendi facultates exerceret.

Itaque duabus præcedentibus propositionibus, ut animadverti potuit, tantum demonstravimus, dogma immortalitatis animæ non modo rationi non repugnare; imo illi optime consentire ( 1086, & 1087 ).

II. *Dogma immortalitatis anima humana* plane semper fuit veræ religionis basis, ac fundamentum ab initio temporum, usque ad hos dies in patriarchis, in prophetis, ut in apostolis, & sanctis patribus; quod in nostra philosophia religionis ostendimus. Si vero aut in sacris scripturis, aut in sanctorum patrum operibus aliqua est *equivaca locutio*, quæ præci-

puo

pao huic veteris, novique fœderis dogmati concors non videatur; patet, hanc ex innumeris aliis perspicuis scripturæ locutionibus interpretandam esse, & ad veram suam significationem referendam, in quibus ubique dogma hoc aut statuitur, aut supponitur; & ex perpetua, ac permanente tum veteris, tum novi populi Deo fidelis traditione; quæ apud utrumque hoc dogma fidei fuisse nobis testatur (1038, & 1039).

Exempli causa, quum sacræ paginæ, ut vanam hominis superbiam deprimant, illum ad extremum vitæ tempus revocant, & morientem ut jumenta exhibent; patet hic tantum absolutam moriendi necessitatem illi ante oculos ponere, quæ & homini, & bruto communis est; hinc vero inferre hominis animam interire, ut illa brutorum interit, est duo deducere, quorum neutrum principio, unde infertur, includitur. Quum enim facer auctor in locutione, a qua hæc absurda deducuntur, homini miseram illam conditionem objicit, qua bruto similis est, omnino ab utriusque animæ sorte præscindit.

III. *Supernaturale infallibilitatis privilegium* semper habent aut inspiratione, aut impulsu omnes sacrorum librorum auctores, eorum libri, eorumque singulæ partes. Porro libri hi perperam explicari possunt, intrinsecum sibi errorem continere non possunt, ut in philosophia religionis ostendimus.

Non tamen eodem privilegio gaudent ecclesiæ patres, qui & falli potuerunt, & aliquando re ipsa falsi sunt; neque infallibiles sunt, nisi quatenus inter apostolos, & nos nexum constituent ut historici irrecusabiles fidei eorum ætate, & in eorum ecclesiis admixtæ, *nexum*, inquam, *generalem dogmatica traditionis*.

Duobus itaque modis sancti patres considerari possunt; nempe vel *ut ex propria, & peculiari sententia philosophantes*, vel *ut dogmaticam*

*ticam ecclesia traditionem referentes.* Primo modo eorum auctoritas nulla est; eorumque sententiæ tantum valent, quantum rationes, quibus eas comprobant, & nihil magis. Altero modo eorum testimonium multo maximi momenti est; & quum unanimes est eorum consensus, irrefragabilem æque, ac evangelium, auctoritatem habet; ut quoque in philosophia religionis adnotavimus.

IV. Certum est, dogma immortalitatis animæ humanæ omni firmitate in diversis Patrum operibus depositum reperiri. Si vero eorum quispiam de hoc dogmate philosophatus aliquid fortasse protulit aut falsum, aut absonum, jure dicemus, hac in re ipsum hallucinatum esse, nec recte philosophatum fuisse; nec plura addenda sunt (1039).

## ARTICULUS III.

### ANIMÆ HUMANÆ LIBERTAS.

**H**umana libertas & in sua natura, & in suis complementis considerata binis sequentibus paragraphis argumentum præbet.

### PARAGRAPHUS PRIMUS.

#### HUMANÆ LIBERTATIS NATURA.

1093. OBSERVATIO. **R**ecens philosophia omnes ingenii vires contendit, ut vel statueret, vel oppugnaret *humana libertatis* existentiam, sive liberi arbitrii, sive illius *activa voluntatis nostræ virtutis*, quæ earum omnium, quas determinationes nostras liberas nuncupamus

mus, vera causa efficiens est; tum eorum omnium, quos actus nostros liberos dicimus, five internos, five externos, causa physica efficiens, aut occasionalis.

I. Lockius opere suo de humano intellectu id curasse videtur, ut omnia in theoria de *humana libertate* perturbaret, quam modo in intellectu statuit, modo in voluntate, quam modo natura activam, modo passivam potentiam facit, modo liberam, modo in suis actibus necessitate ductam: nimium sæpius in his animæ actibus confundens quod tantum voluntarium est cum eo, quod vere liberum est.

Lockius tamen hac in re humanarum cognitionum explicationem aliquatenus juvit; satis apte veram causam physicam explicans, a qua diversæ determinationes nostræ liberæ proficiuntur, nempe *incommodus anima status*, quem jure censet præcipuum humanæ activitatis stimulum, cui tamen aliquando nimium in voluntate imperium tribuit.

II. Collinus in suis de humana libertate philosophicis disquisitionibus humanam libertatem facit *potentiam pure passivam*, & omnino necessitate ductam a motivis agendi, aut non agendi, quæ illi intellectus objicit: ita ut quum motiva hæc intellectui proponuntur, qui potentia pure passiva est, voluntas semper irresistibiliter trahatur, quo motiva hæc inclinant; *homines* vero esse vult *omnino agentia necessaria*, ut brutum herbam carpens, ut arbor vegetans, ut aqua ad mare sua gravitate decurrens.

Nemo ex recentioribus philosophis in impugnanda libertate artificio, & sagacitate cum Collino comparandus.

III. Clarkius Collini sophismata valide proterens humanam voluntatem facit, *Potentiam natura activam*, & in suis actibus liberam; quodque proponit solidissimis rationibus confirmat,

mat. In Clarkii opere Collini sophismata tam apte evoluta sunt, tam accurate detecta, tam solide confutata, ut quidquid virium habere videbantur penitus evanescat.

At adversarium omnino proterens Clarkius sese ipsum criticæ castigandum exhibet; primo quia animam validissime demonstrans potentiam in actibus suis liberis activam esse, humanam libertatem in *potentia movendi*, seu motum producendi statuit; ita ut ubicumque hæc potentia sit, ibi sit vera libertas; & ita ut lactentes pueruli, & bruta quum hanc potentiam habeant, veram habeant libertatem, non tamen veram moralitatem. Deinde quia libertatem ponere videtur facultatem essentiallem humanæ naturæ, ab eaque inamissibilem; ita ut actus quilibet voluntatis, etiam in infantibus, & in beatis sit semper essentia ipsa actus liber.

In hac confutatione demonstratum est, rationem pro Collino nullibi militare; at evidens est non ubique stare pro Clarkio; qui si optime errorem profligavit, non semper veritatem est assequutus. Post omnia, quæ de libertate Clarkius scripsit, diligenter discussa,prehendimus nondum propositam esse libertatis notionem, nec ejus theoriam explicatam, atque statutam.

IV. Nonnulli recentiores philosophi, ut auctor Æmilii, & auctor Henriadis, nonnulla Collini sophismata in suis operibus, præposterè sane, e tenebris evocarunt. Voluntatem humanam facere studuerunt *potentiam pure passivam*, cui necessitatem inducit id, quod vocant *judicium practicum intellectus*.

Ipsi ne effectis jam Collini sophismatis tanta vi a Clarkio contritis, & a pluribus post Clarkium philosophis, re vera decepti fuerunt? non facile putandum. Quare ergo illa iterum in majorem lucem proferre conati sunt? Fortasse

rasse in novis paradoxis excudendis laus aliqua ingenii Collino est tribuenda; at quam sibi laudem comparandam sperent recentiores philosophi paradoxa hæc jam contrita, & profligata ad aurium fastidium repetentes?

V. Leibniti<sup>us</sup> in suo monadum systemate animam vult in ordine ad libertatem *Monadem passive activam*, quæ semper in suis volitionibus necessario determinatur & ab *actione affectiva*, aut *aversiva*, quam ad res habet, & quæ propensiones suas facit, & a *sensibili impressione*, quam in ipsam res faciunt, aut rerum motiva (1017).

Intimæ hæ animæ propensiones, sensibiles hæ impressiones, quas in animam res faciunt, aut rerum motiva, id animæ sunt, juxta Leibniti<sup>um</sup>, quod bilancis lancibus sunt pondera utrimque imposita.

„ Quæ in nostris determinationibus contingunt, inquit hic auctor in sua Theodicea, explicari possunt, supponendo hominis voluntatem *veluti bilancem* esse, quæ æquis ponderibus utrinque gravata quiescit, descendit vero qua parte lanci gravius pondus imponitur. Nova ratio gravius pondus est: nova idea vetere magis elucet: gravis pœnæ metus alicui voluptati prævalet. Quum binii affectus simul confligunt, fortior semper victor est, nisi si alter aut a ratione, aut a concurrente alio affectu roboretur “.

Calvinus, & Lutherus animam humanam faciunt *potentiam passivam*, quæ semper in volitionibus suis aut a concupiscentia, aut a gratia cælesti determinatur, & necessitatur. Leibniti<sup>us</sup> Lutheri assecta in philosophico suo systemate a sui hæresiarchæ doctrina non admodum recedit, at a rerum veritate omnino recedit (1110).

VI. Philosophi catholici animam humanam in ordine ad libertatem *Potentiam activam* asserunt,

serunt, quæ res intellectu videt, & voluntate se determinat.

Anima ab intellectu illustratur, & hac in re passim passiva est. At posita hac intellectus luce, quæ libertatem intrinsece non constituit, sese potest anima ad quod vult determinare: quas vult determinationes capit; sese ipsa propria voluntate, proprioque delectu fert aut ad id, aut contra id, quod intellectus exhibet; atque in hoc activa, & libera est.

Quare juxta catholicos philosophos *libertas humana in voluntate sita est*, sive in ea potentia, qua bonum appetimus, malum averfamur, a qua determinationes, & volitiones nostræ procedunt: ipsa vero est *vera potentia* se ipsam determinandi ad agendum, vel non agendum. Porro hæc facultas animæ semper inest in iis actibus, quos nos liberos dicimus.

1094. *NOTA*. Evidens est, hominem esse *agens necessarium*, si omnes ejus actiones a causis aut præcedentibus, aut concomitantibus ita determinantur, ut fieri nequeat, ne ulla ex his actionibus habeatur, neque aliter sit, ac re ipsa est; hominem esse *agens liberum*, si semper in iis, quas actiones liberas dicimus, quæcumque tunc sint ejus circumstantiæ, quibuscumque causis physicis, aut moralibus moveatur, possit actionem, quam facit, omittere, quam omittit facere ratione potentiæ agendi, aut non agendi, quæ vera in ipso sit, & cujus actus ab ipso tantum pendeat.

Quare magnum libertatis problema, quod semper philosophis disputandi argumentum fuit, *problema est facti, & experimenti*, cujus solutionem quisque in se, & in intimo suo sensu invenire potest.



INCOMMODUS ANIMÆ STATUS IN  
DETERMINATIONES NOSTRAS  
MAXIME INFLUIT .

1095. OBSERVATIO . *Incommodum anima statum* cum recentioribus nuncupabimus inquietam quamdam animæ agitationem , quam experitur quum bono caret , quod felicitati suæ necessarium putat , & quod majori , minorive nisu potentia suæ affectivæ prosequuntur .

Hujusmodi est incommodus animæ status si-  
ve inquieta agitatio quam experitur qui patria  
procul morbo illo corripitur ; qui dicitur pa-  
triæ morbus . Ejus phantasia illi vivide repræ-  
sentat in regione patria felicitatem quandam ,  
jucunditatem , delicias , quæ non nisi ibi repe-  
riuntur : has anima expetit , atque exoptat ve-  
hementissime .

Hujusmodi est incommodus animæ status , si-  
ve inquieta agitatio , quam experitur uxor ,  
quæ maritum maxime carum remotis in regio-  
nibus absentem habet , etsi nullo vitæ discrimi-  
ne , ut patriæ inserviat , aut lucri gratia .  
Errat veluti ejus anima circa loca , in quibus  
dilectus maritus versatur . Ipsum illa alloqui-  
tur , videt , invocat , ejus imago mentis oculis  
assidue adstat ; nec animi tranquillitatem asse-  
quetur , nisi quum ille ejus amplexibus resti-  
tuetur .

Incommodus hic animæ status haberi potest ,  
ut patet , nullo periculo , nulloque incommo-  
do objecti , quod ejus causa est : hac vero ra-  
tione nunc considerandus est , tamquam scili-  
cet *desiderium boni , quo anima caret , & cu-*  
*jus possessione felicior esset .*

I. Certum est , incommodum animæ statum  
humanam activitatem vehementer excitare . Il-  
lo homo in intima substantia veluti electricus  
fit . Sine hoc incommodo omnes ejus potentia  
veluti obmutescunt , inertes sunt , & lethargi-  
cæ .

cæ. Hoc incommodo excitatæ loquaces sunt, vividæ, elasticæ, identidem ardentes, & effrænes. Neque sanè intrinsicè boni, quo caremus, meritum, sed ipsa interioris incommodi hujus ab hac privatione orti proprietas hominis actionem, ac veluti electricitatem metitur in diversis vitæ eventibus, & vicissitudinibus.

„ Bonum, & majus bonum, inquit Lockius  
 „ etsi ut tale cognitum, atque perceptum, voluntatem non determinat: at potius aliqua  
 „ præsens agitatio animæ (a), plerumque etiam quæ vehementior. Quodvis bonum, quo  
 „ careamus, dolorem non parit intimæ suæ præstantiæ, seu illi quam in eo agnoscimus,  
 „ proportionatum; contra vero dolor quivis desiderium excitat, ut removeatur, & hoc dolori ipsi æquale; neque enim boni absentia  
 „ semper malum est; at doloris præsentia semper malum est.

„ Quodvis bonum, quod homini proponatur, inquit Leibnitius, si ejus absentia nec molestiam, nec dolorem pariat, & illo carens adhuc sine illo contentus esse possit, & bene habens, ab ipso non appetetur; multo minus operam dabit hic ut illud assequatur. Hujusmodi bonum *pura velleitate* prosequitur: qua voce utimur, ut *infimum desiderii gradum* significemus; aut ut illum animæ statum indicemus, qui *indifferentia* proximus est; quum scilicet molestia a rei absentia orta tam levis est, ut vix ejus ulium desiderium excitet, nec ad ullam operam dandam incitet, ut illam assequamur “.

II. In-

---

(a) Hoc est, quod Lockius Britannice Uneasiness vocat; quo nomine id ipsum significatur, quod nos incommodum statum, aut inquietam agitationem dicimus.

II. Incommodus animæ status in diversis suis virium, & activitatis gradibus considerari potest; nempe in exordio, in progressibus, in maxima effervescentia.

Initio adhuc exiguus tantum *desiderium* excitat. Subinde vehementior *indigentiam* parit. In maxima effervescentia exlex, & effrænis *passionem* creat, aliquando etiam violentiam, & furorem.

In primo incommodi statu homo plenam, perfectamque libertatem habet, quæ ab ipso vigilantiam tantum, ac levem resistantiam postulat. In altero, qui aliquando a primo non admodum distat, adhuc homo plena gaudet libertate; at sæpius acres pugnas, & difficiles admodum sui ipsius victorias ab homine requirit. In tertio statu homo aliquando non nisi remotam libertatem habet (1105). Poterat ille barathro se non committere; postquam vero se in illud libere conjecit, non semper ita stare potest, ut in infima non labatur, & pereat.

*LIBERTAS, NECESSITAS, COACTIO,  
SPONTANEITAS, ACTUS LIBERI,  
ACTUS VOLUNTARII.*

1096. OBSERVATIO. Magna hæc *de humana libertate* quæstio, ut jam inquirimus, quæstio est facti, & experientiæ, cujus plenam decisionem quisque in animæ suæ, vel eorum, quæ in se sentit, disquisitione, & analysi invenire potest (1094).

1097. EXPLICATIO I. Si potentia, aut resistantia meæ naturæ extrinseca, cujusmodi esset aut vehemens impulsio, qua propellor, aut valida catena, qua obstringor, me invincibiliter, & irresistibiliter frustra omnibus viribus contra obnitentem cogat aut federe quum inambulare vellem, aut inambulare quum federe vellem; patet me in his nullam veram habere libertatem.

Qua.

*Quare necessitas extrinseca, sive coactio actuum quorum existentia causa est, aut quos fieri impedit, libertatem tollit.*

1098. EXPLICATIO II. Si potentia, seu resistentia meæ naturæ intima, uti malignæ febris æstus, aut virium omnium lapsus in paralyſi, me aut extra lectulum proripit irresistibiliter ſ, mea voluntate non consentiente, aut invita; sive irresistibiliter in lectulo jacentem detinet frustra surgere conantem; patet adhuc neque in his me ullam veram habere libertatem.

*Quare necessitas intrinseca actuum, quorum aut existentiam parit, aut impedit, libertatem tollit.*

1099. EXPLICATIO III. Ea quæ in me fiunt attendens, etiam quum nulli necessitati neque intrinsecæ, neque extrinsecæ subsum, noto in me sæpius motus spontaneos oriri, spontanea desideria, spontaneas affectiones, aut aversiones, quæ nullo meæ voluntatis consensu exoriuntur, & quorum existentia a voluntate mea minime pependit. Tunc vero nil hæsitans iudico ex sensu intimo, primitivam horum actuum pure spontaneorum (a) existentiam mihi liberam non esse, hac unica ratione, quod hi actus, mea voluntate nihil agente, extiterunt.

*Quare, ut actus liber sit, ejus existentia aut a voluntate dependere debet, aut debet voluntas*

---

(a) ETYMOLOGIA. Spontaneus: actus, aut motus, aut affectus quasi sponte sua natus. Actus spontanei, sive spontanea anima impressiones nihil, saltem in primitiva existentia, liberum habent: hac enim liberi arbitrii exercitium præcedit, quod actus illos tantum approbat, aut improbat; tantum eorum consecutaria aut permittit, aut impedit.

*tas veram potentiam habuisse, illum pro libito existentem reddendi, aut non existentem.*

Hinc sequitur, *veram libertatis mea scdem*, si datur, *esse in voluntate*, sive in ea animæ potentia, a qua volitiones emanant, & in qua resident determinationes.

1100. EXPLICATIO IV. Quæ in me contingunt attendens, etiam cum me nulli neque intrinsecæ, neque extrinsecæ necessitati subesse sentio, noto animam meam necessariam propensionem habere ad bonum, quod tantum percipit sub ratione boni; & necessariam aversionem a malo, quod tantum percipit sub ratione mali.

Exempli causa, quum incommodus animæ status in me aut desiderium, aut indigentiam excitat, si unicum tantum objectum haberet anima, quo hoc desiderium explere, vel huic indigentiae satisfacere posset, neque hoc objectum perciperet, nisi sub ratione boni, nihil mali prævidens præsentis, aut futuri, si hoc desiderium expleat, aut huic indigentiae satisfiat; certum est, animam tunc *irresistibilem inclinationem* habituram ad hoc objectum, cui nihil contra obistere, quam nihil continere, aut cohibere posset; quæque proinde hac in re omnem tolleret libertatem.

Contra vero, quodcumque sit animæ desiderium, quæcumque indigentia, si objecta, quæ assequi posset, videat tantum *sub ratione mali*, ut noxia, aut funesta, quin quidpiam sit, quo felix, aut saltem minus misera reddi possit; certum est, in anima futuram *invincibilem aversionem* ab his objectis, quæ illi omnem aufert libertatem illa diligendi, aut appetendi.

Quare, *anima non est libertas, quum objecta, quæ appetere, aut aversari potest, sub unica tantum ratione vel boni, vel mali illi proponuntur.* In utroque casu potentiam tantum habet ex se, & natura sua intrinsece necessariam,

1101. EXPLICATIO V. Adhuc ad ea, quæ in me contingunt, animadvertens, noto, plurimos esse casus, in quibus *inter actus contrarios seligere possum*; exempli gratia, inter agendum, & non agendum, inter volendum, & nolendum, inter hoc, aut aliud faciendum, inter inclinationibus meis cedendum, vel obfistendum; ita ut actus, ad quem me determino, & quem efficio, non esse potuisset; & cujus existentia omnino contigit ex mea voluntate, meaque electione, a meæ libertatis exercitio; uno verbo, qui actus est *actus liber*.

I. Electio necessario *deliberationem* supponit, cognitionem, & discussionem motivorum, quæ habeo agendi, vel non agendi, aliquid facienda, aut omittendi, meis propensionibus resistendi, aut obsequendi.

Nisi deliberem, non eligo: tantum objectorum impressionem sequor: *effectus vero ab hac impressione recepta, quam sequutus sum, procedens, non est actus liber*, cujus existentia a mea voluntate, a libertatis exercitio pendeat.

II. Ut deliberem, debeo commoda, & incommoda novisse, quæ pariet aliquid agere, aut non agere, aliquid facere, aut omittere, meis propensionibus resistere, aut obsequi.

Deliberatio itaque necessario in me *rerum cognitionem* supponit, earum boni, malique rationis, motivorum quoque trahentium, vel remouentium.

Meæ libertatis exercitium, quod ab hac deliberatione necessario dependet, supponit igitur æque necessario hanc in me cognitionem. *Non ergo datur libertas, ubi rerum cognitio deest, earumque boni, malique rationum, motivorum quoque attrahentium, aut remouentium*. Nunquam ergo datur libertas sine intelligentia.

III. Quum rerum commoda, & incommoda cognosco, earum boni, malique rationem, *motiva trahentia, aut remouentia*; habeo quid  
quid

quid requiritur, ut in me deliberem, num me determinavero ad agendum, aut ad non agendum, ad quid faciendum, aut omittendum, ad propensionibus resistendum, aut obsequendum; ut deliberem, num dati actus existentiam voluero, aut noluero.

IV. At post quamcunque *rationum agendi, aut non agendi* discussionem, quas mihi intellectus offert, nondum libertas mea est exercitata. Non autem exercetur, nisi *ipsa voluntatis meae determinatione*, quæ dati actus existentiam aut non existentiam definit. Rationes hæ agendi, aut non agendi voluntatem illustrant, non constituunt.

V. Quum post opportunam deliberationem talis actus existentiam determino, *veram potentiam* habeo ejus non existentiam determinandi; & quum ejus non existentiam determino, *veram potentiam* habeo ejus existentiam determinandi.

Uno verbo quum volo, veram facultatem habeo nolendi, quum nolo, veram facultatem volendi; atque ita in hoc sum perfecte liber.

1102. EXPLICATIO VI. Ad ea, quæ in me contingunt, tandem animadvertens noto, me aliquando male elegisse, cujus me pœnituit, aliquando bene elegisse, quo gavissus sum; tunc bene elegisse, quum cognitiones meæ perfectiores erant, male vero, quum cognitiones magis vitiosæ erant; utrobique vero me liberum fuisse.

Hinc infero, *cognitiones perfectiores* nos ad melius libertatis exercitium adducere; non tamen nos libertate carere, quum *minus exactas, ac magis infirmas cognitiones* habemus, unde in nobis dolor est & pœnitentia.

Primæ nobis necessariae non sunt, nisi ut nobis *deliberandi facultatem* impertiantur; postremæ eandem nobis deliberandi facultatem præbent.

Minus

Minus tute procedimus postremas sequentes, quam primas. Sub utrisque tamen æque dari potest vera liberas.

### *LIBERTATIS DEFINITIO, ET DIVISIO.*

1103. DEFINITIO. *Libertas*, sive liberum arbitrium, sive vis illa animæ activa, contra quam insurgere quidem potest sophista, at quam rectus homo semper in se sentit, est in humana voluntate plena, & perfecta facultas sese determinandi ut vult, & ad quidquid vult; quin a quopiam ad agendum necessitetur, quin illi quidpiam ad agendum necessarium desit; ita, ut ad re ipsa agendum, aut non agendum nihil requiratur, præter ipsam voluntatis determinationem; quæ determinatio ab ipsa nec coacta, nec necessitata procedit (1014, & 1017).

1104. DIVISIO I. *Libertas* primo dividitur in libertatem contradictionis, & in libertatem contrarietatis.

I. *Libertas contradictionis* est indifferentia activa voluntatis completæ ad volendum, aut non volendum, ad agendum, aut non agendum, ad quid faciendum, aut omittendum.

II. *Libertas contrarietatis* est indifferentia activa voluntatis completæ ad aliquid faciendum, aut ejus oppositum: exempli gratia ad actum honestum eliciendum, aut actum vitiosum.

Homo Deus libertatem habuit contradictionis ad bonum quod fecit, & quod omittere poterat; non tamen habuit libertatem contrarietatis ad bonum, & malum, ut ceteri habent homines. In illo enim voluntas humana ex intima cum voluntate divina conjunctione cujuscumque mali moralis; necessario incapax erat.

1105. DIVISIO II. *Libertas* deinde dividitur in proximam, & remotam.

I. *Libertas proxima* est plena, & perfecta liber.



bertas, seu plena, & completa facultas aliquid actu faciendi.

II. *Libertas remota* est plena, & perfecta libertas, seu plena, & completa facultas sibi medium comparandi, quod non habetur, & quod ad actionem est necessarium; sive obstatulum removendi, quod adest, & actionem impedit:

Exempli causa, posita necessaria *gratia supernaturali*, ut homo agat cum merito in ordine ad salutem; qui modo supernaturalem gratiam actu non habet ad præceptum implendum necessariam, habet tamen actu supernaturalem gratiam, qua potest ad Deum oratione confugere; habebit *libertatem proximam* ad orationem, & *libertatem remotam* ad implendum præceptum, quod opus gratia oratione obtenta illi reddet perfecte possibile. Libertati opponitur necessitas tum intrinseca, tum extrinseca (1097 & 1098).

1106. NOTA. In intrinsecis voluntatis nostræ determinationibus liberum cum pure voluntario non est confundendum.

I. *Omnis actus liber semper est voluntarius*; elicitur enim electione voluntatis. Exempli causa, quum aliquid in Dei obsequium facio naturæ molestum, sentit voluntas mea, sese ad actum arduum determinare, se jucundæ propensioni obistere; at nihilominus & hunc actum vult, & hanc sui victoriam; ad quæ sese ipsa determinat, & animadvertens motivis ducta præsentis suæ propensioni præferendis, quæ & electionem, & actionem suam determinant. Hæc animæ volitio est actus liber simul, & voluntarius.

II. Non tamen omnis actus voluntarius est liber; patet enim, actionem cum delectatione, & voluptate fieri posse, quæ libera non sit.

Exempli gratia, infantulus lactans, usu rationis cærens, sine quo non est libertas, voluntarie,

tarie, non libere ad ubera fertur, quibus alitur, ad bellaria, quæ illi sapiunt, ad crepundia, quibus oblectatur.

Pari modo beati in cælis Deum amant voluntarie, eorum enim propensio rationi maxime consona illos ad hunc amorem trahit; non tamen Deum amant libere; neque enim non amare possunt objectum infinite amabile, quod intuitive vident, & in quo nil nisi bonum vident.

III. Quare *actus voluntarius* ille est, quem anime elicit cum delectatione, & voluptate, sive habeat, sive non habeat illum omittendi facultatem.

*Actus liber* est, quem anima elicit habens in se plenam, atque completam facultatem illum pro libito omittendi, aut non omittendi.

Anima *internum sua libera determinationis actum* producit, nempe volitionem; actus autem externi, qui hanc determinationem sequitur, aut comitatur, anima occasio est.

#### ERRORES, ATQUE HÆRESES DE LIBERTATE.

1107. EXPLICATIO. *Humana libertas* diversis temporibus diversisque in nationibus plurimis erroribus, atque hæresibus oppugnata, & deformata fuit. Præcipuas indicabimus. A fatalistis exordiamur.

I. Græci, & Romani, ex Homero & eorum mythologia *universale Fatum* passim admittebant, quod in omnia tum physica, tum moralia influebat, omniaque reddebat æque necessaria.

In hoc systemate Catonis virtutes, & Marci Antonii libidines erant fati effectus necessarius; non secus ac corporis sibi relictæ lapsus aut duorum in cælestibus spatiis planetarum conjunctio.

Jux-

Juxta hunc errorem, qui usque ad diffusam ab evangelio lucem, qua idololatria profligata fuit, perseveravit, Fatum omnia in physicis, & in moralibus regebat (955).

II. Pharisei, & Essenii apud Judæos ipsi quoque quandam *Fati speciem* admittebant, quod tamen & in suo principio, & in consuetudinibus a Græcorum, & Romanorum Fato omnino diversum erat.

Phariseorum, & Esseniorum fatum erat tantum effectuum, & causarum nexus a divina providentia dispositus, cujus decreta infallibiles eventus reddunt, illæsa humana libertate. Sententia hæc parum distat a Bannesi sententia, quæ quidem parum philosophica est, nullo tamen pacto heterodoxa (998, & 1001).

1108. EXPLICATIO II. Manes tertio æræ Christianæ sæculo, ut in Deo, ita in homine bina principia admisit distincta, & e diametro opposita: *principium boni*, & *principium mali*: utrumque æque in suo genere necessitatum.

Quare in hoc ridiculo, atque informi systemate, quum principium boni in nobis prævalet, nos ad bonum necessitat; quum contra prævalet principium mali, tunc nos ad malum necessitat (929).

Quamobrem per Manetem virtutes nostræ, ac crimina nostra sunt semper binorum horum naturæ nostræ principiorum effectus necessarii; quæ principia invicem semper confligunt, & alterum modo vincit, modo ab altero superatur.

1109. EXPLICATIO III. Pelagius, qui præter modum naturæ vires extulit, in qua nullam originis labem agnoscebat, *plenam, perfectamque* in homine ad bonum, & ad malum *libertatem* admisit. Hactenus philosophum, & Christianum agebat.

At contendebat, *humanam libertatem nullo divina gratia auxilio indigere*; sive hominem

posse semper solis naturæ viribus, nulloque gratiæ supernaturalis auxilio & bonum facere, & malum vitare; & a se posse & sanctificationem suam, & suam prædestinationem operari. Quæ in re & a sana philolophia recedebat, & pluræ præcipua Christianæ fidei dogmata vertebat.

IIIO. EXPLICATIO. IV. Lutherus, & Calvinus nullam amplius post originale peccatum veram libertatem in homine esse contendunt; & originale peccatum hominibus *liberum arbitrium*, quo in statu innocentiae originalis gaudebant, ademisse.

Per ambos hæresiarchas *in statu natura lapsa*,

I. Aut Deus nobis denegat *gratiam* omnem *supernaturalem* semper ad bene agendum necessariam; & tunc concupiscentia nostra, depravatio scilicet nostra naturalis, & in vitium ac malum proclivitas nos efficaciter, & irresistibiliter ad malum, & ad legis violationem trahit *misera necessitate*, quæ tamen non impedit, quominus rei simus.

II. Aut Deus nobis *supernaturalem gratiam natura efficacem, & victricem* impertitur, cui voluntas nostra nullo pacto resistere potest; tunc vero gratia hæc nos irresistibiliter ad bonum trahit, a proclivitate ad malum irresistibiliter retrahit, ad virtutem sequendam inducit *felici necessitate*, quæ bonæ actionis meritum nequaquam tollit.

IIII. EXPLICATIO V. Recentiores theologi nonnulli, quorum sententia æque rationi, ac fidei contraria est, & quorum systema tum sanæ philosophiæ, tum christianæ religioni opponitur, animam humanam, saltem in moralibus, fecerunt *potentiam pure passivam*; quæ in se, & a se agere nequit; at quæ ad agendum adduci potest aut a concupiscentia, aut a gratia; quæ a se, & per se non se determinat ad bonum, aut ad malum; sed quæ ad alterutrum  
in

in quavis peculiari circumstantia determinatur aut a *concupiscentia præponderantia*, aut a *gratia præponderantia*: quæ ad bonum, & malum libera est; sed ejus libertas est tantum *intrinseca mobilitas* ad bonum, aut ad malum.

I. In hac sententia, atque in hoc systemate anima humana in ordine ad moralia tantum est aut veluti campus, in quo gratia, & concupiscentia confligunt; aut veluti *bilanx mobilis*, cujus lances sunt ipsa animæ substantia; pondera vero opposita, quæ lances has gravant & movent, sunt concupiscentia, & gratia: hac ratione humana libertas inane nomen tantum est; neque anima humana magis in suis determinationibus libera est, quam in suis motibus rudis materia sit.

II. Hujus sententiæ auctores, atque affectuæ contendunt, originali peccato humanam naturam intrinsecam potentiam amisisse, qua *in statu innocentia*, in quo creata fuit, gaudebat, sese a se, & per se determinandi.

In præsentī statu *natura lapsa*, nos a nobis & propria activitate neque eligere, neque agere, neque nos determinari; sed irresistibiliter moveri, & determinari ad unum, ad bonum scilicet, aut ad malum præponderantia aut gratiæ, aut concupiscentiæ, quæ in nobis est.

*Humanam voluntatem*, quæ jam non est nisi veluti *potentia mortua*, & *actione carens*, in suis determinationibus semper obtemperare viribus prædominantibus, & præponderantibus aut gratiæ, quæ dicitur *delectatio celestis*, aut concupiscentiæ, quæ dicitur *delectatio terrena*.

Si naturalis concupiscentia decem intensitatis, & virium gradibus me actu ad crimen quodvis inclināt, puta ad furtum, aut ad homicidium; & supernaturalis gratia novem intensitatis, & virium gradibus me actu inclināt ad hoc crimen vitandum; voluntatem meam superiori vi in ipsa agente motam, & tractam

irresistibiliter determinatum iri ad crimen perpetrandum : quum e contra irresistibiliter determinata fuisset ad illud omittendum , atque adeo ad opus meritorium faciendum inordinatam inclinationem vinces , si supernaturalis gratia in ipsam agens non novem , sed undecim , vel duodecim virium gradus habuisset .

Me nihilo minus re ipsa liberum esse quum crimen perpetro irresistibiliter , illud enim perpetro voluntarie ; nec fieri potest , ne velim quod re ipsa volo .

Humanam libertatem sitam esse & in *potentia passiva* , quam voluntas habet , ut æque ad bonum , ac ad malum moveatur a gratia , aut a concupiscentia ; & in *interiori delectatione* sensus , aut rationis , voluptatis , aut approbationis , qua voluntas in bonum , aut in malum fertur ab actione prædominante gratiæ , aut concupiscentiæ ; Liberum enim , & Voluntarium in actu juxta hanc sententiam , & hoc systema non nisi voces sunt omnino synonymæ ( 1106 ) .

**NEXUS RERUM, ET EVENTUUM, SIVE  
HARMONIA PRÆSTABILITA  
LEIBNITII.**

1112. OBSERVATIO. Juxta auctorem systematis monadum , in universa natura nil vacuum est , & omnia simul connexa sunt . Ab initio temporum ad hanc usque diem monades omnes , sive substantiæ omnes tum materiales , tum immateriales in se , & per se agunt , & *perpetua filiationum serie* harum monadum actiones alia ab alia nascuntur ; ita , ut in quavis monade prima actio fuerit causa necessaria sequentis , hæc tertiæ , ista quartæ , & sic deinceps in infinitum ( 958 , & 1217 ) .

I. In hoc systemate *naturales corporum* , sive monadum materialium vires subsunt omnes me-

mechanicis legibus. Eorum motus communicantur, & ab uno in aliud corpus transmittuntur sese dividentes in infinitum, quin unquam in eorum actione, & reactione destruantur. Quare semper in materiali natura *eadem præcise motus quantitas* perseverat, nulla absoluta imminutione, nullo incremento; et si motus ab uno in aliud corpus continenter transmittatur.

Exempli causa, actualis manus meæ, aut mei pedis motus non nisi corpora, quæ circa me premit, aut impellit, sensibiliter afficit; at insensibiliter ratione pleni, & reactionis transmittitur motibus in infinitum decreſcentibus ad Sinas, ad lunam, ad solem, ad syrium, ad ultimos usque materiales mundi terminos; atque ex hoc motu ita communicato, & diviso alii enascentur motus necessarij sensibiles, aut insensibiles usque ad finem temporum duraturi.

In hac necessaria motuum filiatione *Monas infinite intelligens*, Deus scilicet, infallibiliter prævidit motus omnes mechanicos, & physicos, qui ab initio temporum ad hanc usque diem extiterunt, & usque ad finem temporum in universa materiali natura sunt exituri.

II. In hoc systemate *Spirituum*, sive monadum intelligentium *vires naturales* subjacent omnes moralibus legibus; influxui scilicet motorum, sive idearum, & sensationem.

Quævis monas intelligens existere incipit ideis, & sensationibus instructa, quæ quoque filiationes suas necessarias habent; ita ut prima idea necessario aliam ideam producat, hæc tertiam; atque ita porro in infinitum. Idem dicas de sensationibus.

In hac idearum, & sensationum filiatione monas infinite intelligens, sive Deus, indefectibiliter prævidit quadraginta, aut quinquaginta ante annos cogitationes, & sensationes

quas nunc habeo , quas habui , & quas omni  
meæ vitæ tempore sum habiturus.

III. In hoc systemate homo materia, & spi-  
ritu est compositus; infinitis nempe materialibus monadibus, quæ corpus efficiunt, & unica monade intelligente, quæ est ejus anima: ita tamen *ut ejusdem hominis anima, & corpus nihil in se invicem influant.*

Corpus in suis motibus regitur a legum, & causarum mechanicarum nexu; anima in suis ideis, judiciis, volitionibus legum, & causarum moralium nexu regitur, quin operationes animæ ullo pacto a corporis motibus pendeant, aut corporis motus ab animæ operationibus.

Qua igitur ratione mei corporis motus tam bene animæ meæ volitionibus congruunt; & brachium meum, exempli gratia, actu movetur eo prorsus modo, quo anima cupit, & vult? Hoc est, inquit Leibnitius, ratione *harmonia præstabilita*, qua anima has ideas, has sensationes, has voluntates habere debet eo ipso temporis momento, quo humanum corpus hos datos motus habebit; & reciproce.

Monas infinite potens, & infinite intelligens animam meam creans, ipsi cogitationes, & sensationes indidit, a quibus necessaria, & permanente filiatione aliæ prodire debent cogitationes, & sensationes; & res ita disposuit, ac nexuit, ut sensationes hæ, & cogitationes in anima mea exoriantur ratione *legum moralium* eo ipso tempore quo hi, & illi motus ratione *legum mechanicarum* in meo corpore contingunt. Hæc analogarum operationum concordia & existentia simultanea inter hominis animam & corpus ipsa est Leibnitii harmonia præstabilita, & in qua animæ cum humano corpore unio sita est.

Peritus artifex duo diversa horologia perficiat prorsus exacta, quorum alterum indice carens, sono tantum horas nunciet, alterum mutum indice



dice tantum horas notet. Diversa hæc duo horologia si semel in hora enuncianda, & indicanda concurrerint, ex prævia ista concordia, ex hac *harmonia præstabilita* perpetuo congruent, ita ut alterum horam elapsam sono enunciet quo ipso tempore alterum eam elapsam indice designabit, quin inter elastra, aut pondera, quibus moventur, ulla sit communicatio. Ita se habent corpus, & anima: nulla inter hanc, & illud connexio est: sunt veluti duo diversa horologia ab artifice infinite intelligente elaborata, & simul concordata. Ratione harmoniæ inter animam, & corpus ab amborum exordio præstabilitæ, motus hujus mechanici illius cogitationibus, & sensationibus exactæ congruere debent, nullo mutuo influxu physico, vel morali.

IV. In hoc systemate *eventus omnes tum physici, tum morales sunt, & eventuum præcedentium effectus necessarii, & subsequantium causa necessaria.*

Exempli causa, pugna Pharsalica, & Romæ reipublicæ excidium sunt necessariæ sequutiones operationis cæsareæ, quæ matri Julii Cæsaris facta fuit. Matrimonium Maximiliani Austriaci cum Burgundiæ hærede necessario connexum est cum bellis omnibus, quæ per duo sæcula consequuta sunt, & tot nationibus exitio fuerunt.

Præsens manus meæ motus, seu pedis effectus est, non meæ liberæ voluntatis, sed primi motus, qui in mundo extitit, & qui infinitis sese invicem complectentibus nexibus actu ad manum meam, aut ad meum pedem transmittitur; quin anima mea ullo pacto hujus sit causa physica, efficiens, aut occasionalis. Fieri etiam potest, ut aliquando, post tria, aut quatuor annorum millia, innumera infortunia immensa perpetuarum filiationum necessariarum serie consequantur ex hoc pedis mei, aut ma-

nus meæ motu, qui eorum tristis causa futurus sit.

1113. CONFUTATIO. Quamvis nihil solidum, imo nec speciem veri præferens in hoc Leibnitii systemate sit; non tamen inopportuum erit ejus falsitatem, & absurditatem brevibus verbis ostendere, hac præsertim ætate, qua philosophi nuncnulli ejus principia aut ignorantes, aut non expendentes, ejus tamen confectaria amplecti videntur.

I. Ut hic causarum, & effectuum nexus a Leibnitio in materiali natura suppositus vere haberetur, nec somnium esset; necessario, & vacuum in mundo visibili dari non deberet; & motus talis natura, aut essentia esse deberet, qui resistentia non periret.

Atqui recens physica docet, & demonstrat, binas has præcipuas propositiones, quibus labentibus totum labitur Leibnitianum systema, omnino falsas esse, vacuum, illudque immensum in natura dari, & motum resistentia perire, ac destrui (*Phys.* 310, & 1299).

II. Si filiationes non semper dantur in corporum motibus, multo minus dantur in animæ modificationibus. Exempli causa, cuinam ratione utenti unquam persuadeas, diras frigoris sensationes, quas pertulit anno 1709, vel 1768, vel 1776, in ejus animæ fuisse necessariam consequentiam primarum sensationum, quas habuit in materna alvo, non vero effectum per accidens in ipsa productum ab horrendo frigore, quod organa corporis, quibus conjuncta erat, triplici supra memorata hyeme afficiebat, ac laniabat?

III. Patet, si Cæsar natus non fuisset, ipsum belli civilis auctorem futurum non fuisse, quo Rempublicam extinxit. At enimvero Cæsaris ortus ita ne bello civili alligatus est, ut posito primo alterum necessario consequi debeat? nequaquam sane: bellum enim civile, & reliqui

qui omnes eventus seu liberi, seu necessarii, quorum illud occasio fuit, primitus pendebant a libera *Cæsaris determinatione*: hæc vero diutius incerta, & fluctuans non nisi in celebri Rubiconis transitu firmata, atque statuta fuit.

Pari modo nuptiæ Maximiliani Austriaci cum hærede Burgundiæ nepotes procrearunt, qui ducentis annis contra Galliam bella gesserunt. At vero nuptiæ ne istæ, an plurium principum successive ex illo connubio descendentium libera, & determinata ambitio tot bella inter Galliæ Reges, & Austriacos Imperatores excitavit, & fovit?

Cæsaris ortum cum Reipublicæ excidio necere, & Maximiliani & hæredis Burgundiæ connubium cum bellis, quæ deinceps exarserunt; est in dialecticam peccare, & sophisma illud proferre, quod alibi diximus vocari sophisma causæ non causæ (736).

IV. In rerum successione eventus nonnulli sunt, quorum effectus alios effectus pariunt; innumeri alii sunt omnino steriles. „Eventuum nexus, inquit Volterius, genealogiæ comparari potest: in hac rami nonnulli sunt, qui in prima generatione cessant, alii stirpem propagant: eventus plures sine filiatione sunt“.

Quare generalis rerum, & eventuum nexus non datur, in quo causarum moralium actio a primo effectu ad alterum, ab hoc ad tertium, & sic deinceps necessario transmittatur, continuata, & perpetua nexum, & filiationum serie. Fatum, seu necessitas, quam nonnulli hoc fundamento, sive hac filiationum serie, in ordine morali statuere nituntur, & fabula est, & simul chimæra.

## PROPOSITIO I.

IIII. *Necessitas extrinseca, sive coactio nunquam in internis voluntatis nostræ actibus haberi potest.*

*Si ergo humana libertas in sola immunitate a coactione consisteret, homo semper esset essentialiter liber, quin ulla unquam causa suam illi libertatem auferre posset.*

**DEMONSTRATIO.** Evidens est, necessitatem extrinsecam, sive coactionem externos voluntatis nostræ actus afficere posse, ut alibi explicavimus (1097).

At æque evidens est, extrinsecam necessitatem, sive coactionem nunquam internos voluntatis nostræ actus, volitiones scilicet, afficere posse. Siquidem,

Ut anima mea intime ad aliquam volitionem cogi posset, puta, ad eam, qua modo scribere volo, sive ad eam, qua mox scribere noluerō; necesse esset, ex ipsa coactionis idea, animam meam posse interius cogi ab aliqua causa naturæ suæ extrinseca, ut vellet quum non vult; ut vellet, quod non vult; ut simul ejusdem rei volitionem, & nolitionem haberet; adeoque ut duas simul modificationes haberet, quæ simul esse nequeunt; quod manifeste repugnat.

Si ergo humana libertas in sola immunitate a coactione sita esset, ut nonnulli recentiores philosophi contenderunt; homo semper in internis voluntatis suæ actibus liber esset, quin causa ulla intrinsecam suam libertatem illi auferre posset; patet enim, causam nullam efficere posse, ut velit, quum non vult, aut ut nolit, quum vult, Q. E. D.

## PROPOSITIO II.

III5. *Libertas humana est vera, & completa potentia sese determinandi ad volendum, aut non volendum, ad agendum, aut non agendum.*

*Si ergo aliquando in homine hac potentia sit, tunc liber est; & si quando in homine hac potentia non sit, tunc non est liber.*

EXPLICATIO. Propositio hæc per se manifesta est. Satis erit ergo eam aliquatenus explicare, ut verus ejus sensus aperte pateat.

I. Adultus, & plena ratione utens, & optime membris valens plenam, atque completam habet ambulandi libertatem; habet enim plenam, atque completam potentiam, præmissa opportuna deliberatione, determinationem producendi, a qua sequetur aut ejus motus, aut ejus quies, prout ipse elegerit.

Quare in hoc est liber non modo quo ad actum internum, qui est ejus determinatio, sed etiam quo ad externum, qui est ejus motus, vel quies. A sua enim voluntate libera, & deliberata pendet alterutrius actus existentia.

II. Adultus plena ratione utens, sed qui paralyti correptus pedibus uti nequit, plenam habet, completamque libertatem volendi interesse sacro die Dominico; non tamen libertatem habet eundi quo sacrum fiet.

Quare liber est quo ad actum internum, qui est desiderium, & voluntas sacro interveniendi; non vero quo ad actum externum, qui est motus ad hanc rem requisitus. Interni actus existentia a libera sua voluntate pendet, actus externi non item.

III. Infantulus recens natus, ceterum membris, & mente sanus, neque quo ad internos actus, neque quo ad externos liber est. Ejus enim anima, quæ nullam adhuc de rebus reflexam cognitionem habet, neque de earum ra-

quidam nostræ voluntatis interni actus possint non esse liberi, etsi semper ab extrinseca necessitate immunes sint. Q. E. D.

PROPOSITIO IV.

1117. *Sensus intimus, ratio, universi humani generis suffragia, infallibilis ecclesia catholica auctoritas nostræ libertatis existentiam unanimiter testantur.*

*Est ergo voluntas nostræ ab omni tum extrinseca, tum intrinseca necessitatis immune in iis actibus, quos liberos agnoscimus.*

DEMONSTRATIO. Non omnia in homine libera sunt. Hoc satis supra explicavimus (1098 & 1115).

At in homine vera datur libertas; atque hæc habetur in omnibus nostræ voluntatis actibus tum internis, tum externis, quos liberos sentimus, aut judicamus.

I. *Sensus intimus nostram libertatem nobis testatur.* Exempli gratia, ita de mea libertate, ut de mea existentia certus sum; meæ libertatis enim ita sensum intimum habeo, ut meæ existentia.

Experimentalis sensus eorum, quæ in me contingunt, novi, si in me dantur determinationes spontaneæ, & indeliberatæ, quæ veluti sponte, inscia ratione, & nullo meæ voluntatis arbitrio, in me oriuntur; dari etiam in me determinationes liberas, quarum existentia omnino a mea voluntate, meaque ratione perfecta est: quas elicere pro libito, aut non elicere poteram; quarum aliquas poenitentia, alias probatio, & jucunditas sequutæ sunt (1099 & 1102).

Novi quoque experimentalis sensu eorum, quæ in me contingunt, sæpius me eligere aut inter diversos probabilitatis gradus, ut rerum veritatem assequar, & recte judicare possim; aut

aut inter *diversas boni species*, ut absolutum, & relativum boni meritum expendam, & ut deinde pro libito, mea propria determinatione, motuque proprio alterutrum seligam, sive quod magis mihi arridet, sive quod minus.

Quare quum hæc omnia me liberum esse mihi testentur, me quoque docent, principium, in quo sita est mea potentia electiva, *potentia se determinans*, non esse potentiam tantum passivam, quæ sit tantum determinationum suarum, & liberarum volitionum subjectum; sed esse *potentiam activam*, quæ earum est vera causa efficiens; adeoque meam libertatem, quæ in activa hac potentia sese determinante sita est non esse passivam indifferentiam in ordine ad suas determinationes liberas; sed *indifferentiam activam*, quæ a se capit, & sibi a se dat determinationes suas.

Quod mihi hac in re testatur sensus intimus id ipsum cuique illum interroganti testatur.

II. *Ratio nobis existentiam nostræ libertatis testatur*. Quid enim de libertate mihi ratio ipsa dicit? Dicit ipsa, debere me bonum facere, malum vitare; meque vel probum esse, vel improbum, ut præcepta hæc sequor, vel infringo. Dicit, Deum legislatorem infinite sanctum, atque sapientem, & humanos legislatores, quorum rectas esse leges novi, neque impossibilia, neque absurda jubere.

Quum ergo tum divinus legislator, tum humani legislatores æque mihi præcipiant malum vitare, bonum facere, & ratio ipsa mihi præcepta hæc æquissima esse ostendat; necessario in mea potestate esse debet bonum præceptum facere, malum vetitum vitare; ceterum æque absurdum esset alterum præcipere, ac alterum vetare. Ergo necesse est, ut, vel ego liber sim, vel omnis tum divina, tum humana legislatio inepta, & absurda sit.

III. *Universi humani generis suffragia libera-*  
*tatem*

*em dari testantur*. Apud omnes enim orbis nationes sive barbaras, sive excultas *lex* quæ in *honoris* datur, qua laus, & honor factis buitur, quæ honesta, recta, heroica censentur; dedecus vero, & vituperatio factis quidam, quæ improba, turpia, infamia censentur.

Ergo omnes mundi nationes unanimes censeant, esse homini *veram facultatem* faciendi, ad bonum, vel malum judicatur, ita, ut actiones vel commendatæ, vel improbatæ omnino ab illas facientis voluntate pendeant; ceum patet, ab actionibus neque vituperationem ullam esse pertimescendam, neque laudem sectandam.

IV. *Infallibilis catholica ecclesia auctoritas veritatem dari testatur*. Certum est primo, manæ libertatis dogma semper inter prævalentia revelatæ religionis dogmata locum habuisse: hoc scriptura, & traditio unanimes testatur. Certum est deinde, catholicam Christianam ecclesiam infallibilem in judiciis suis dogmaticis auctoritatem habere, ut in philosophia religionis ostendimus. Porro quum novatores errorum hominis arbitrium impudenter impugnant, auctore auri sunt, ecclesia eorum sententias anathemate damnavit, eas scilicet falsas, & christianæ fidei contrarias declaravit.

In sancta Tridentina Synodo *Ecclesia congregata* Calvini, & Lutheri errores de libero arbitrio damnans hæc protulit: *Si quis dixerit verum hominis arbitrium a Deo motum, & voluntatem nihil cooperari assentiendo Deo excitati, atque vocanti... neque posse dissentire, velit, ... anathema sit*. Sess. 6. can. 4.

Ioc ecclesiæ in concilio congregatæ iudicium errores proscribens, veritates statuit, ut ostendimus. Quid ergo nos docent statuta hæc veritates, nisi homini esse *veram potestatem*



*statem gratiæ divinæ consentiendi, vel resistendi, adeoque veram libertatem?*

Huic ecclesiæ congregatæ iudicio conformis est altera *ecclesia dispersa* decisio, qua heterodoxam hanc propositionem ut hæreticam damnat, & anathemate proscribit: *In statu natura lapsa ad merendum, & demerendum in homine non requiritur libertas a necessitate, sed sufficit libertas a coactione.*

Ex infallibili catholicæ ecclesiæ iudicio, quæ non minus Christi ecclesia est quum dispersa est, quam quum congregata, propositio hæc est hæretica; ergo ejus contradictoria vera est, & catholica.

Consentit ergo infallibilis ecclesiæ catholicæ auctoritas & sensus intimi testimonio, & rationi, & universi humani generis suffragiis in libertatis nostræ existentia asserenda, atque testanda. Q. E. D.

#### OBJECTIONES SOLVENDÆ.

Præcipua in humanam libertatem recentiorum fatalistarum argumenta falsis ideis innixa sunt, quas sibi fingunt experimentalis sensus, naturæ libertatis, præscientiæ Dei, impossibilitatis electionis, judicii practici, virium gratiæ, & concupiscentiæ, propensionis in majus bonum, quarundam scripturæ, & sanctorum patrum locutionum. Hæc modo persequemur.

#### FALSÆ IDEÆ SENSUS EXPERIMENTALIS.

1118. OBJECTIO I. Sensus experimentalis ad probandam libertatem assumptus, illam nequaquam probat. Plures enim tum recentiores philosophi magni nominis, qui æque ac nos, ac ceteri homines experimentali sensu pollebant, definitiones libertatis protulerunt, quæ  
fa-

um, seu rerum, & eventuum necessitatem non cludunt.

Exempli gratia, apud Græcos, & Romanos iici, apud Hebræos Pharisei, & Essenii fatalistæ erant, & tamen libertatem quamdam mittebant, quam statuebant in voluntatis adfione causis; a quibus ad agendum, vel ad agendum movetur. Pari modo Lutheri, Calvinii asseclæ sunt fatalistæ; & tamen libertatem quamdam admittunt, quam statuunt *potentia passiva* humanæ voluntatis, ut a tia, aut a concupiscentia ad bonum, aut ad lum determinetur, & necessitetur (1107).

Contra vero Saducæi apud Hebræos, Epicurii apud Græcos, & Romanos, etsi materiaæ, non tamen erant fatalistæ. Veram ipsi libertatem mittebant, quæ qua ratione cum um principiis stare possit, ipsi viderint.

Quare sensus experimentalis libertatis existentiam solide non probat; datur enim hic sensus in illis, quorum sententia libertatem cludit. Idem dici potest de universi humani ieris suffragiis.

**RESPONSIO.** *Sensus experimentalis* homini docet, se esse liberos, ut docet illos, se flere, quocumque modo propriam existentiam, & libertatem definiant. Neque magis uno, quam in altero ex his objectis decipiunt, etsi utrumque perperam possint definire, & a veritate facti, quæ sensus intimi effectum est, ad errores ratiocinii transire, nihil huic intimo sensui commune habent (88).

Factum est, actus nostros, quos liberos dicamus, nobis liberos videri; prorsus ut non liberi viderentur, si re ipsa agentes liberi essemus.

Quare sensus experimentalis libertatem nobis demonstrat prorsus ut existentiam nostram nobis demonstrat. Si in libertate sensus

sus hic nos decipere potest, quare in existentia non decipiat?

II. Dederint philosophi, ac theologi nonnulli libertatis definitiones fatum, aut necessitatem non excludentes. Hoc nihil ad rem.

Libertas est vera potentia agendi, aut non agendi, sese determinandi, aut non determinandi. Hæc ejus vera definitio est. Quum fatalistæ ostenderint, homini hanc potentiam non inesse, aut hanc potentiam cum fato, aut necessitate stare posse, tunc victores erunt (1107).

III. Ex ideis, quas sibi philosophi, ac theologi nonnulli libertatis finxerunt, sequatur in homine non dari libertatem. Esto; æque hoc nihil ad rem.

Non quærimus quid nonnulli de libertate cogitaverint, concesserint, negaverint, asseruerint, impugnaverint. Quærimus quid de libertate verum sit.

IV. Omni ætate homines se liberos senserunt, & censuerunt; at non semper propriam libertatem recte definire, ejusque theoriam cum ceteris apte conciliare noverunt.

Hinc in eorum principiis errores sunt, & contradictiones, quæ contra libertatis existentiam nihil probant.

1119. OBJECTIO II. Omnes hominis actiones, inquit Collinus, ad quatuor hæc genera referuntur; aut enim res vident, aut de iis judicant, aut illas volunt, aut quod volunt faciunt. Atqui experientia ullam ex his actionibus liberam esse non probat. Prima enim necessaria est, & sequentis necessitatem trahit: hæc necessaria est, & tertiæ necessitatem trahit; atque hæc quoque quartæ necessitatem inducit (1093).

RESPONSIO. *Divisio anima humana* in potentiam concipientem, judicantem, volentem, agentem, si recte attendamus, ad hoc unice opportuna videtur, ut in quæstione de liberta-

omnia sus deque misceantur ; videtur enim anima quatuor distincta ponere, quæ distinctæ non sunt . Anima humana principium est plex, atque unicum aliquando activum, aliando non item, in aliquibus actionibus licum, non in omnibus ( 1051, & 1154 ).

. *Res videre* est earum perceptionem habere earum ideam, vel sensationem admittere. n hoc ut plurimum anima humana passiva, & libertate caret ; non enim semper in potestate est has, vel illas ideas, seu sensationes habere, vel non habere.

At in hoc ipso aliquando libera est, atque activa ; in ejus potestate siquidem est magis mihi que ad quas habet perceptiones attentionem libere ; ad alias perceptiones attentionem convertere, quæ primarum impressionem mirare possent : motiva attrahentia, aut remotia a rebus, quarum perceptionem habet, licem comparare.

II. *De rebus judicare* est ut verum admittere quod verum, ut bonum, quod bonum videre ; aut ut falsum rejicere, quod falsum, & malum, quod malum videtur.

In hoc passim anima libertate caret ; non enim in sua potestate est, ut videat, quod non est, aut ut non videat quod videt.

At in hoc quoque aliquando vera gaudet libertate ; in sua enim aliquando potestate est licium suum suspendere ad res accuratius appendendas ( 1160 ).

*Judicium* semper esse actio videtur, siue libera sit, siue necessaria ; hoc enim judicium nper continet internum animæ assensum, et dissensum ; porro hic assensus, vel dissensus semper aliquid importare videtur præter impressionem a rebus ortam, quæ ejus objectum est.

III. *Res velle* est earum existentiam, vel non existentiam determinare. In hoc anima huma-

na

na semper activa est; semper enim volitionem suam ipsa producit; & nunc libera est, quum volitio hæc, nulla re animam necessitante, ab ipsa elicitur.

IV. *Facere quod volumus* non est actio a rerum volitione distincta: anima siquidem non nisi sua voluntate agit: ipsi vero velle, & agere unum, & idem est.

*Potentia faciendi quod volumus*, nosmet ipsos a nobis determinandi ad quod volumus, & ut volumus, id est, quod *formaliter essentiam nostra libertatis constituit*; porro de hac potentia in nobis existente ita certi sumus, ut de propria existentia certi sumus.

Inter rerum perceptionem, & eorum, quæ volumus effectiorem media intercedit animæ actio, quæ ejus volitio; sive determinatio est. A rerum perceptione determinatio non emanat, at a determinatione id emanat, quod hic dicitur: *facere quod volumus*.

V. Quare anima humana, principium natura simplex, atque unicum, res videt, & de iis judicat, modo libere, modo sine libertate. Postea sese determinat; atque hoc aliquando necessitate facit; & semper libere facit, quum sensus intimus libere hoc heri dicit.

Clarkius libertatem in *activa anima potentia* indistincte, & nulla limitatione statuens; & ut liberum habens actum quemvis a voluntate emanantem, animæ determinationem quamcumque, volitionem omnem ab anima elicitam, magis tenebras, quam lucem in questionem de libertate inexit (1093, 1099, 1106).

1120. OBJECTIO III. Experientia, pergit Collinus, non modo nos agentia libera esse non docet, imo *agentia necessaria* nos esse ostendit. Hoc enim experientia testatur, hominem scilicet quovis vitæ suæ tempore invincibiliter determinari a circumstantiis, in quibus est, a causis ipsum moventibus, a cogni-  
tio-

tionibus, quibus ejus mens illustratur, ut eam ipsam actionem, quam facit, faciat; quin aliam facere possit.

Qui vero libertatem ab experientia statutam, & demonstratam esse contendunt, adhuc concedunt, voluntatem semper *intellectus judicium* sequi; hominem semper in se efficaciter a motivis actu in ipsum agentibus determinari; & in quavis circumstantia id semper infallibiliter facere, quod tunc opportunum, aut rationi consonum judicat. Unde sequitur, hominem *sub motivis agendi* illi ab intellectu propositis semper re ipsa ita necessitari ad determinationem, quam capit, ad actionem, quam efficit, ut gladius, aut ensis necessitatus est sub impulsione manus, a qua distringitur, & movetur.

RESPONSIO. Sensus experimentalis nos docet, nobisque testatur, nos sæpius propensionibus, ac desideriis nostris resistere; & quum resistimus *veram habere potestatem* iis obsecundandi.

Quare evidens est, nos esse *agentia libera*; & quidquid hic in libertatem obtruditur, non nisi errorum, & sophismatum congeriem esse posse.

I. Quid enim primo intelligunt, quum dicunt, hominem semper a circumstantiis, in quibus est, a causis in ipsum agentibus determinari? Circumstantiæ hæ, causæ hæ illi sese determinandi occasionem præbent; non tamen sunt suæ determinationis causa physica, & efficiens.

Nisi heri cum iis sociis fuisset, nisi me illi ad ludendum provocassent, me ad ludendum non determinassem; at hæc determinatio a me ipso capta fuit, & in me producta a mea *potentia sese determinante*; non ab his sociis, aut ab hac invitatione.

II. Quid deinde intelligunt, quum dicunt, voluntatem semper *intellectus judicium* sequi? judi-

judicium intellectus *potentiam sese determinantem* illuminat, non constituit.

Postquam judicavi, mihi in datis circumstantiis ita agendum esse, memet re ipsa ad ita agendum determino. At memet ita determinans sentio, me *veram potentiam* habere, memet ad alia ratione agendum determinandi. Memet ergo ad ita agendum determinans re ipsa liber sum.

Quod homo semper quovis vitæ suæ tempore id agat, quod tunc opportunum, aut rationi consonum censet, non probat, necessitatem esse, ut id agat. Haberi potest *concomitantia* inter judicium opportunitatis, aut rationis rei faciendæ, & rem ipsam, quæ opportuna, aut rationi consona judicatur, faciendam; quin hæc concomitantia probet, *nexum physicum*, & *necessarium* inter judicium, & actionem intercedere.

Supponamus in aliquo ente rationis particeps *perfectam libertatem*, quæ neque tenebris ullis, neque affectuum impulsibus vel minimum obnoxia sit, & sit veluti divinæ libertatis imago. Ens hoc in quavis vitæ suæ circumstantia id agat semper, quod opportunum, & rationi consentaneum judicabit. Quare quod quis semper id faciat, quod opportunum, & rationi consonum censet, nullo pacto probat, hunc *potentia physica* aliud faciendi carere.

III. Quid tandem intelligunt, quum dicunt, hominem in quavis vitæ circumstantia ad agendum invincibiliter determinari ab *agendi motivis* illi ab intellectu propositis?

An fortasse, motiva hæc agendi esse determinationis, & actionis suæ causam efficientem? hoc esset præpostere asserere, *notiones abstractas* esse causas efficientes, adeoque substantias activas (239, 240).

An fortasse motiva hæc agendi esse determinationis, & actionis suæ occasionem? Hoc damus,

mus, modo inter motiva, & actionem influxus physicus, & necessitans non statuatur.

An fortasse, quum homo ad agendum sese ex his motivis determinat, fieri non posse, quin agat ex his motivis? Verum dicetur, sed quid ineptum dicetur; tunc enim nihil aliud dicitur, nisi fieri non posse, quin homo rem faciat, quum illam facere supponitur. Atqui huc tandem spectant excogitationes omnes philosophorum fatalistarum, qui postremis hisce temporibus adeo in *judicio practico* exultarunt, cui necessitantem influxum tribuunt in actionem, quæ illud sequitur, & ab eo pender.

Si enim eorum idea apte evolvatur, apparebit, omnia putida æquivocatione inniti, in qua perpetuo confundunt *postremam intellectus functionem*, quæ ut plurimum passiva est, & non libera, cum *prima potentia sese determinantis functione*, quæ ipsa est actus liber, apparebit, eos in sophistica sua declamatione tantum inepte dicere, fieri non posse, quin homo rem faciat, quum eam facere supponitur.

1121. **NOTA.** Quum demonstramus voluntatis determinationem a judicio intellectus minime necessitari, intelligimus ne cum Clarkio, voluntatem semper ab omni intrinseca necessitate essentialiter immunem esse; sive hominem in quavis circumstantia, & in quovis statu semper esse intrinsece liberum? Non ita sane. Homo liber non est, nisi quando *veram potentiam* habet agendi, aut non agendi, sese determinandi, vel non determinandi pro-voluntate, atque electione sua.

I. Contingere potest, imo re ipsa contingit, in pluribus vitæ casibus hominem facultatem non habere se ad aliquid determinandi, aut non determinandi; *determinate ad aliquid trahi*, non jam physico cognitionum suarum, aut judicii intellectus influxu, sed *physica* suæ voluntatis *inclinatione*.

Hoc homini contingit in infantia ante rationem.



tionis usum. Hoc homini adulto contingeret, si res non perciperet nisi sub ratione boni vel sub ratione mali. Hoc homini contingit sive in infantia, sive extra infantiam sub his spontaneis voluntatis suæ motibus, qui in ipso illos non intendente enascuntur. Hoc homini contingeret sub impulsu supernaturali, quem illi Deus indere posset; & qui tunc suarum potentiarum affectivarum modificatio evadens illum ad aliquid determinate irresistibiliter traheret, nulla illi relicta potestate, qua hanc tractionem, & determinationem impedire possit.

II. At ex eo, quod homo in omnibus non sit semper liber, non sequitur, illum esse in omnibus agens necessarium. Quod homo in aliqua sua determinatione necessitetur, aut necessitari possit, non probat, illum & in iis determinationibus necessitari, quas ipse a sua voluntate, & electione pendere sentit, ac liberas esse: porro hic ipse est quæstionis status.

III. Homo postquam sibi ab intellectu proposita percepit, postquam agendi, aut non agendi, aliquid faciendi, vel non faciendi rationes, & motiva perpendit, *nondum ipse suam libertatem exercuit*. Hanc re ipsa non exercet, nisi quum activa voluntatis suæ vi eligit, & se determinat id facere, vel non facere, quod illi ab intellectu proponitur.

In hac determinatione *exercitii libertatis* principium, & finis est. Si hæc determinatio ab ipso pendeat, liber est, si in sua potestate ista non sit, non est liber.

#### FALSÆ LIBERTATIS IDEÆ.

1122. OBJECTIO IV. Libertas, inquit Collinus, cum natura entis rationalis stare non posse videtur. Quænam enim in homine ratio esset, si posset ut verum admittere quod falsum est, aut ut bonum quod malum est, posito intel-

tellektus lumine, juxta illud nec judicare, nec agere; si posset, exempli gratia, bonum videns, malum eligere, aut pejus amplecti, quum melius possit? Quænam in homine ratio esset, si posset, ut libertatis, seu activæ indifferentiæ notio postulat, ad bonum, & ad malum indifferens esse, ad voluptatem, & ad dolorem? Quid tunc valeant pœnæ, aut præmia a quavis legislatione proposita, si ad hæc homines indifferentes essent?

Patet, pœnas, & præmia non fore media ad legislationem tuendam opportuna, nisi homines a pœnis, & præmiis propositis moverentur, & determinarentur; & perniciosam libertatem haberent, qua potius miseros se esse vellet, quam beatos. Hujusmodi libertas non jam naturæ perfectio esset, & bonum; imo vitium esset, & damnum; hominem enim ad malum potius, quam bonum eligendum exponeret.

RESPONSIO. Hæc objectio innumeris falsis suppositionibus innititur, quarum inanitatem ostendere pronum est.

I. Supponitur primum, *libertatis ideam* includere potentiam admittendi ut verum, quod falsum est, aut ut bonum, quod malum. At quæso, quo hæc suppositio innititur? nihilo, nisi errore sane palmari.

Falsa, quæ confingitur, libertatis idea ex eo enascitur, quod judicandi facultas cum sese determinandi facultate confundatur. In hac est libertatis sedes, non in illa.

II. Supponitur deinde, libertatem esse indifferentiam inclinationis, non *indifferentiam determinationis* inter bonum, & malum ab intellectu propositum; qui adhuc gravis est error.

Ferre *ἀδυσχτοῦ*, maxime rarum saltem est, voluntatem ad duo objecta æque inclinari, quæ illi ab intellectu proponantur. At fieri omnino potest, nec rarum est, voluntatem, postquam

illi duo objecta intellectus obtulit, *veram potestatem* habere sese suis viribus determinandi ad unum potius, quam ad aliud; & quod lubet eligendo, sese ad illud determinandi ad quod magis, vel ad quod minus inclinatur; ut quamprimum explicabimus.

In hoc igitur statu *veram* habet voluntas *determinationis indifferentiam*; potest enim quam vult determinationem capere, & sibi inferre; a se enim æque eligere potest, & ferri in id, ad quod magis inclinatur, aut in id, ad quod minus propendet.

III. Supponitur tertio, quum de pœnis, & præmiis agitur a quavis sive divina, sive humana legislatione propositis, libertatem, sive agendi, & non agendi facultatem essentialiter excludere *omnem* rationum, & motivorum agendi, vel non agendi *considerationem*: hominem, ut agens liberum sit, sive ut *veram* habeat agendi, & non agendi facultatem, necessario esse debere, instar automatis, indifferentem ad voluptatem, & ad dolorem, ad unum, aut ad oppositum: quod sane maxime absurdum est.

*Idea agentis liberi* *veram* infert agendi, & non agendi facultatem, *veram* ad actionem, & ad non actionem activam indifferentiam; at neque si sanæ metaphysicæ, neque si probatæ dialecticæ stemus, aut insensibilitatem infert ad voluptatem, & ad dolorem; aut propensionis indifferentiam ad ea, inter quæ seligit, aut rationum, aut motivorum neglectum, quæ ad agendum, vel non agendum habeantur. Determinatio ex rationibus, & motivis sumpta, quæ agere, aut non agere suadent, tutior est, & sapientior; & si his motivis, hisque rationibus non obstantibus, oppositam cœpisti, non propterea minus liber es.

IV. Tandem supponitur, libertatem, ut datur, esse debere quid bonum, & melior ipsa, quam

quam non ipsa. Sit libertas perfectio, & bonum, aut secus; hoc nihil ad rem. Non enim quæritur utilius ne homini fuerit libertate carere, ut quæritur num illa gaudeat; atqui omnia ostendunt, illum liberum esse: quare quidquid incommodorum ex ejus bene statuta, ac demonstrata libertate inferas, ejus libertatis existentiam non infirmabis.

1123. OBJECTIO V. Omnes hominis actiones initium habent: quidquid initium habet causam habet; atqui causa omnis est necessaria; ceterum causæ ad effectum relatio non daretur.

RESPONSIO. Argumenti hujus sophisma omnino versatur in illo termino *causa necessaria*. Quare ostendendum est quæ ratione, quove sensu homo sit causa necessaria, quo non sit.

I. Causa omnis necessaria est hoc sensu, quod causa omnis completa, & efficiens quum operari supponitur, necessario *effectum* producit, cujus tunc illa est causa completa. In hoc sensu *necessitas* effectum productum afficit, non causam producentem.

Plenam nunc habeo aut incedendi, aut sedendi potestatem: in hoc sum causa libera; nihil enim in hoc me necessitat. Sed si me ad incedendum libere determino, ex hac libera determinatione orietur *motus in se necessarius*; causa enim libera quum completa est, & ad actionem applicata effectum suum sortiri debet ita re ipsa efficaciter, ac causa necessaria.

II. At quisvis *effectus necessarius* non semper causam necessariam supponit; neque enim repugnat causa libera, quæ sese a se ipsa determinet ad actionem, quin ab ulla alia causa ad actionem necessitetur, aut determinetur: porro hujusmodi est homo in actionibus suis liberis.

FALSÆ IDEÆ DE DIVINA  
PRÆSCIENTIA.

„ 1124. OBJECTIO VI. Libertas, inquit  
„ Collinus, cum divina præscientia stare ne-  
„ quit. Si Deus enim rei alicujus existentiam  
„ prænoscit quatenus a propriis causis penden-  
„ tem; non minus necessaria est hæc existen-  
„ tia, quam si sui decreti effectus esset: æque  
„ enim contradictionem implicat, causas effe-  
„ ctum suum non producere, ac eventum a  
„ Deo decretum non contingere“.

RESPONSIO. Fusius jam ostendimus, *qua-  
ratione divina præscientia nihil humana liber-  
tati officiat*; speramus quoque magnum hoc ar-  
gumentum ea omni philosophica claritate, ac  
rationum soliditate pertractasse, quam illud  
admittere possit ( 1011, 1014, 1017 ).

Hic igitur tantum peculiare hujus objectio-  
nis sophisma breviter ventilabimus.

I. Ut fatalista philosophus probet, homines  
esse causas necessarias, videtur supponere, ine-  
pta petitione principii, homines esse *causas  
necessarias*; per ipsum enim Deus futura non  
cognoscit, nisi quatenus a propriis causis pen-  
dent; neque illa ut a propriis causis penden-  
tia noscere posset, nisi causæ illæ essent ne-  
cessariæ. In hoc casu objectionis ratiocinium  
putidum sophisma est ( 738 ).

II. Si fatalista philosophus non supponit ho-  
mines esse causas necessarias; adhuc minus con-  
cludens est ejus ratiocinium; tunc enim quod  
statuere vult nec supponitur, nec probatur. Nisi  
enim supponat, hominum actiones esse a causis  
necessariis, possum ego contra ipsum suppose-  
re, illas esse a *causis liberis*. Si vero a causis  
liberis esse supponantur, probare invictè debet,  
*Dei præscientiam illas reddere necessarias*.

At enimvero hoc ipsum est, quod ille ne-  
qua.

quaquam probat, imo quod omnino probari non potest. Hoc enim esset probare, actionem, quæ momento temporis libera supponitur, eodem ipso momento necessariam esse; atque hanc illi necessitatem induci ab extrinseca prævisione illam, ut est, adeoque liberam referente.

*FALSÆ DELECTIJS IDEÆ.*

1125. OBJECTIO VII. *Delectus impossibilitas* libertatem non dari invicte probat. Ut homo liber sit, debet ejus voluntas inter bona sibi ab intellectu proposita eligere posse. At voluntas ita eligere nequit:

Bona enim ab intellectu voluntati proposita vel inter se æqualia sunt, vel inæqualia. Si *æqualia*; voluntas libero, & rationabili delectu alterutrum præferre nequit; æqualitas enim quæ in illis supponitur, omnem prælationis rationem excludit. Si *inæqualia*; voluntas a majori trahi debet; quum enim ipsa necessario bonum amet, potiori ratione majus bonum amare debet.

RESPONSIO. Voluntas nostra, sive illa animæ potentia, qua bonum amamus, malum odio habemus, objectum ullum prosequi nequit, in quo nulla sit *ratio boni*, seu veri, sive apparentis. At quoque *vel minima ratio mali*, seu veri, sive apparentis in hoc eodem objecto satis est, ut illud voluntas aversari, & rejicere possit.

Quare *minus bonum* in objecto satis esse potest, ut, saltem aliquo tempore voluntas in illud prosecutive feratur, & illud eligat; hæc enim ratio boni, quantumvis parva, ex iis rebus est, in quas potentiæ nostræ affectivæ feruntur.

At vero *majus bonum* in hoc eodem objecto necessario voluntatis delectum non trahit; propterea quia hæc ratio boni, quantumvis ma-

qua supponatur, semper in præsentî rerum statu alicui mali sive veri, sive apparentis rationi conjuncta est, quod potentiis nostris affectivis oblatum, potest ipsis esse verum motivum retrahens, earum propensionibus oppositum, & vera ex hac parte aversionis, aut indifferentiæ causa.

Potest igitur voluntas nostra seligere inter duo bona æqualia, & inter duo inæqualia, quorum neutrum ab aliqua seu veri, sive apparentis mali ratione sejunctum est.

1126. EXPLICATIO I. *Humana voluntas inter duo bona perfecte aequalia seligere potest.*

Si enim hinc numum aureum A mihi proferas, illinc numum aureum B omnino similem, aut ita similem saltem, ut nullam inter eos diversitatem deprehendam, aut, si mavis, nullam alterutrum præferendi rationem; sentio, me posse alterutrum pro libito eligere. Porro delectus hic non prælationis erit, sed *libidinis delectus* erit, qui meam libertatem supponit, ac indicat.

Si voluntas mea *potentia* esset tantum *passiva*, ut nonnulli recentiores philosophi perperam contenderunt, evidens est, in facta modo hypothesi, voluntatem meam ab æqualibus bonis in diversa distractam, veluti a duabus æqualibus viribus, alterutrum præferre non posse. Quamobrem huic hypothesi tum experientiæ, tum sensus intimi testimonium adversatur.

1127. EXPLICATIO II. *Voluntas humana inter duo inæqualia bona eligere potest; sive hæc ejusdem speciei, sive diversæ supponantur.*

I. Dico primo, voluntatem inter duo bona *ejusdem speciei inæqualia* eligere posse. Si enim mihi ejusdem speciei duo bona inæqualia proferas, puta numos duos, aureum unum, argenteum alterum, quæ in ratione boni sint ut octo ad unum; sentio me posse argenteum præ auro capere; potest enim voluntas mea mino-

ri

ri bono, quod illi sufficit, esse contenta; & majori bono carere, quod suæ felicitati non est necessarium.

Numus argenteus aliquem valorem habet, adeoque *rationem boni*; adeoque *rationem* habet, qua feligi possit.

Numus aureus, etsi octies pluris valeat, non tamen infinitum habet valorem, adeoque nec *infinitam boni rationem*; hac igitur ratione, sive hac imperfectionis, seu mali ratione, rejici potest.

Majus bonum minori oppositum huic *rationem boni*; sive suam *boni qualitatem* non admittit. Habet ergo minus bonum etiam majori comparatum semper in se veram *rationem boni*, qua voluntati placere possit, atque illam ad eligendum movere; ipsa siquidem potentia activa est, quæ sese ipsa ut lubet determinat; & sæpius se ad unum potius, quam ad aliud objectum, una potius, quam alia ratione determinat, unice quia illi ita placet sese determinare, & libertatem suam exercere.

II. Dico deinde, voluntatem humanam *inter duo bona inaequalia diversa speciei* eligere posse. Si enim inter bona diversæ speciei mihi sit eligendum, puta inter præsentem voluptatem, & æternam beatitudinem; sentio me posse memet ipsum determinare ad voluptatem præsentem ratione boni præsentis suæ; & parum curare æternam beatitudinem ratione mali absentis, aut distantis suæ.

Possum ergo inter diversæ speciei bona feligere, quorum alterum infinite parvum est, at sensibile, & præsens; alterum infinite magnum, at sensibus impervium, & quod modo obtineri non potest.

1128. NOTA. In quovis bono, quod in hac vita anima nostra appetere possit, & *motiva attrahentia* sunt, quibus in nobis illud assequendi desiderium excitat; & *motiva retrahentia*,



ria, quibus ab eo assequendo nos removet, aut saltem ad illud indifferentes reddit.

Exempli gratia, *bonum præsens*, & *sensibile* motivum attrahens habet in præsentī voluptate, quam parit; motivum vero retrahens in ineptitudinem ad plenam, perpetuamque felicitatem procreandam.

*Bona aterna*, & *insensibilia*, cujusmodi sunt quæ nobis a fide in cælesti patria promittuntur, motivum attrahens habent felicitatis nobis paratæ plenitudinem, & perpetuitatem; motivum vero retrahens objecti insensibilitatem, illud possidendi dilationem, difficultates superandas, ut illud consequamur.

Inter diversas has bonorum species anima nostra libera est, quorum nullum illam necessario trahit, & inter quæ pro libito eligere potest; singula enim ipsi motiva exhibent & attrahentia, & retrahentia, rationes scilicet boni, & mali.

#### FALSÆ IDEÆ JUDICII PRACTICI.

1119. OBJECTIO VIII. Voluntatis determinatio semper a præcedente, & illam producente judicio intellectus necessitatur. Hoc *judicium practicum* in se liberum non est, & semper cum objecto suo, quod est actio, vel non actio, necessario connexum est.

Exempli gratia, vir militatis ad duellum provocetur; si ad acceptandum se determinat; hoc ideo est, quia tunc judicat duelli acceptationem bonum esse recusationi præferendum; ceterum, non acceptaret. Si ad non acceptandum se determinat, ideo est, quia tunc judicat, recusationem bonum esse acceptationi præferendum; ceterum acceptaret.

Quare quidquid decernat militaris vir ad duellum provocatus, determinationem habet non liberam, sed necessariam; est enim *effectus*

ne-

*necessarius* judicii practici, quod non habere non est in ejus potestate. Potest ne siquidem ille alias ideas habere, & alias cognitiones, quam quas habet? atque cum his potest ne aliter judicare, ac judicat? atque ita judicans potest ne aliam determinationem capere, quam eam, quam capit?

Patet, idem dici posse de ambitioso, de voluptuoso, de avaro, ac de ceteris in actione quavis ex iis, quas nos liberas appellamus, adeoque actiones has omnes a *judicio practico* eas præcedente, & producente *necessitari*.

RESPONSIO. Argumentum hoc magno animi æstro post Collinum urgent & promovent celebres philosophi duo, qui ad hoc nati videntur, ut ætate hac nostra ostendant quo usque ingenii acumen, & libido efferri possit. At re ipsa purum sophisma est, quod quævis recta mens sentit tunc etiam, quum illud solvere non valet.

Hujus sophismatis genericam quandam, & præviam notionem dedimus, quum ostendimus, *judicium practicum* terminum esse æquivocum modo significantem *postremam intellectus functionem*, modo *primam functionem potentia sese determinantis*: quæ duo apte distinguenda sunt, & quibus distinctis objectio cadit ( 1120 ).

Ut totam hanc objectionem sophisma esse ostendamus, in ipso ejus exemplo illam ad analysim breviter revocemus.

I. Non potest vir militaris alias habere cognitiones, quam quas habet; at iis omnibus, quas habet, apte uti potest.

Ab ejus voluntate pendet, antequam ad acceptandum vel recusandum se determinet deliberare, & animadvertere quid illi in tali discrimine faciendum sit; principia rationis, & religionis sibi impressa, & duellum acceptare vetantia comparare potest cum falsi honoris principis, quæ non nisi barbaro, & fero præjudi-

cio innituntur, & quibus duellum acceptandum præcipitur: potest intellectu perpendere quid boni, quid mali, quid utilitatis, quid incommodi ab impia pugna, quam meditatur, illi obveniet.

II. Hac facta discussione evidenter possibili, & libera, ab hujus hominis voluntate pendet, ut pro libito sese determinet aut ad bonum, quod in duello percipit, aut ad bonum, quod in duello non acceptando quoque percipit.

Duo hæc opposita rationes habent singula boni, & mali, motiva habent tum attrahentia, tum removentia; neutrum voluntatem hominis hujus necessitat, quæ determinationis suæ domina perseverat (1127).

III. Quum demum hic se ad alterutrum determinat, puta, ad duellum acceptandum, interius judicat ex suis cognitionibus, & ex suis res percipiendi modo, non jam *opus esse* necessario duellum acceptare, sed se *velle* libere duellum acceptare; quod sane admodum diversum est, & in quo totus sophismatis dolus latet.

Quum determinationem capit, a qua duellum sequitur, videt, & sentit, se veram potentiam habere determinationem capiendi, a qua duellum non sequeretur; est ergo liber etiam sub judicio practico, a quo se ad duellum determinat. Quod vult facit duellum acceptans; at sentit, se quod voluisset facere potuisse etiam duellum non acceptando.

1130. NOTA I. Quod de duello diximus de quavis alia libera determinatione dici potest, in qua configunt *motiva naturalis affectus*, & *motiva obligationis*. Quare responsio hæc generica est, & cuivis actioni accommodari potest, in qua motiva attrahentia sint, & retrahentia, quæ intellectus perpendere possit, & ex quibus voluntas se determinet.

I. Ho-

I. Homo, qui pravis affectibus obfistit *suam facit voluntatem* sese ad actum honestum, & virtuti consentaneum determinans ex motivis, quæ non esse pravi affectus cuperet, quæ tamen sua voluntas magni facit; etsi maxime vehementibus naturæ propensionibus adversentur.

II. Homo pravo alicui affectui obsecundans *suam facit voluntatem*, libere se ad actum pravam determinans motivis pravo affectui faventibus, quæ tamen ratio improbat, atque condemnat: quibus obsequitur quidem, at quibus se resistere posse, & debere sentit.

Primus virtutem sequitur, & præmium meretur; *vult* enim obsequium legi propriis affectibus præferre: alter reus est, *vult* enim pravi affectus obsequio legi debito præferre.

III. Uterque ex iudicio practico bene, vel male agens æque sentit se actu in se habere *veram potentiam* agendi prorsus oppositum; sive quum voluntas proprios affectus legi, sive quum legem propriis affectibus præfert. Uterque ergo intime sentit quodnam vero sensu intimo certius testimonium?) *se libertatem habere quum eam exercet*; se liberum esse libertate indifferentiæ tunc quoque, quum se determinat ex intellectus cognitionibus, quod ejus iudicium practicum est.

IV. Homo in genere semper liber est sub ipso quoque *iudicio practico* in actione vel elicitæ, vel omittendæ, facienda, aut omittenda; quum omnino ab ejus voluntate fuit, ut talis actio sive bona, sive mala, existeret, aut non existeret.

1131. NOTA II. Si vir robustus, cui resistere nequeo, me invito meum brachium cogit ad actum in se pravam, reus non sum: si vero vir eloquens me suadentibus verbis ad eundem actum perpetrandum inducit, reus sum. Undenam hoc discrimen, quum uterque mihi libertatem eripere videatur; primus quidem vi

mechanica sui corporis, alter vi persuasiva animæ suæ?

Discrimen est, quod in primo casu libertate careo in actu, ad quem cogor; frustra enim obnitor, ne faciam. Contra vero in secundo adhuc liber sum in actu, ad quem sollicitor, non cogor.

In primo casu actio a mea voluntate non est, quum invita voluntate mea fiat. In altero actio a mea voluntate est; non enim existeret, nisi voluntas mea determinationem caperet, a qua ejus existentia pendet.

1132. OBJECTIO IX. Si voluntatis determinatio ab intellectus cognitionibus non necessitatur, sequitur, hominem agere posse, quum omnes sui intellectus cognitiones innuunt illi ne agat: & non agere, quum omnes hæ cognitiones innuunt, agendum esse. Si ergo hoc fieri potest, factum esse supponamus. Supponamus, inquam, hominem se libere ad agendum determinare, quum omnes sui intellectus cognitiones illi innuant, agendum non esse. Tunc evidens est, hominem fore ens omnino ratione carens; & si homo agere potest contra rationis lumen, & si in hoc libertas sita est, humana libertas jam non est, nisi potentia ratione abutendi, adeoque absurda.

RESPONSIO. Sophisma argumenti est primo, quod confunditur *potentia sapienter agendi* cum *simplici potentia agendi*; deinde quod confundantur rationes, quas *volumus* sequi, cum rationibus, quas *deberemus* sequi. Duplicem hanc ab objectione æquivocationem deme.

I. Alibi monuimus, intellectus munus esse activam hominis potentiam illustrare, non constituere. Vis ergo hominis activa natura sua ab intellectus luminibus non dependet: potest ergo æque in actione non dependere (1101, & 1102).

Sapiens sapienter agere nequit, nisi intellectus

Etus lumen sequatur. At quum homini essentialiale non sit semper in omnibus sapientem esse, homo contra intellectus lumina agere poterit. *Vera agendi potentia* igitur in homine ad sapienter elicatas actiones non limitatur.

*Duplex* in homine *agendi motivum* datur, ratio scilicet, & affectus. Ratio id innuit, quod agendum, aut omittendum est: at sapius affectus ad id faciendum inclinant, quod ratio vetat, aut ad id omittendum, quod ratio præcipit. Quum vero eligere possit homo inter objectum a ratione probatum, & objectum ab affectibus appetitum, potest ipse ad quod magis libet sese determinare. Si ad objectum a ratione probatum sese determinat, libere, & sapienter agit; si ad objectum sese determinat ab affectibus appetitum, & a ratione reprobatum, libere quidem agit, at non sapienter.

Hinc in poetarum elegantissimo, & maxime molli inclamat sensus intimus in absurdum cognitionum necessitantium systema. Id vult affectus, quod ratio improbat: in hoc conflictu bonum video, malum ago; melius probo, ad pejus ire determino. *Aliudque cupido, Mens aliud suadet: video meliora, proboque; deteriora sequor.*

II. Homo necessario ad bonum, cognitum ut bonum, inclinatur; at non semper inclinatione ad bonum, cognitum ut bonum, necessitatur. Quare valde diversum est, necessario inclinationem ad bonum habere, & *inclinationem necessariam* ad bonum habere. Hoc intrinsecam necessitatem dicit; illud ab hac præscindit.

Inter bona cognita, quæ affectivæ hominis potentiæ assequi possunt, alia a divinis, aut ab humanis legibus vetita sunt. Potest ergo homo necessario in potentiis suis affectivis intrinsecam inclinationem habere ad bona, quibus frui interdictum sit,

Si intrinseca hæc inclinatio necessaria esset, sive necessitans, in his hominis libertas non esset: boni cognitio in intellectu inclinationem necessitantem ad hoc bonum in voluntate pareret.

III. At in præsentî naturæ nostræ statu, omne bonum cognitum *rationes* habet *boni*, & *mali*, motiva attrahentia, & retrahentia. Est ergo in bono quovis cognito, & ab intellectu proposito & aliquid, quod affectivæ voluntatis potentiæ averfari possunt, & aliquid, quod appetere possunt. Proinde voluntas ut lubet sese determinare potest; sæpius autem sese libere determinat ex iis intellectus luminibus, quæ sequi *vult*, aut cupit, contra ea lumina, quæ fane sentit se sequi *debere*.

#### *FALSÆ GRATIÆ, ET CONCUPISCENTIÆ NOTIONES.*

1133. OBJECTIO X. Hominem liberum asserere est statuere, quo usque in homine gratiæ cælestis, & terrenæ concupiscentiæ vires pertingere possint; vires, scilicet, incommodi animæ status, & pravorum affectuum. At vero quisnam hæc in se ipso noscere, & definire poterit? multo minus qui hoc in se non possit, in aliis poterit.

RESPONSIO. Quin cognoscam, & definiam quid in me gratia cælestis, & terrenæ concupiscentiæ, incommodi animæ status, pravi affectus possint; affirmare possum, me liberum esse, quum meæ libertatis sensum intimum habeo. Quare, si etiam in quibusdam circumstantiis non essem liber, dubitare nequeo, ne liber sim, quum me libere agere sentio. Atque hoc analogico iudicio affirmare possum, quemlibet, qui ita se habeat, ut ego, quum me liberum sentio, libertate meæ simili gaudere.

I. For-

I. Fortasse sola ratio definire nequit, hominem semper sub gratia cælesti, & sub concupiscentia terrena liberum esse; neque enim magnorum horum liberæ voluntatis nostræ motorum intensitatem metiri potest.

At in hoc revelatio rationem supplevit; docet enim infallibili Dei testimonio, a quo ipsa certo procedit, gratiam omnem, & concupiscentiam omnem in se talem esse, cui resisti possit ( 1117 ).

II. *Incommodus animæ status* in nobis sensibilibus bonorum desiderium, aut indigentiam excitat. Hinc *concupiscentia terrena*, quæ nihil aliud est, nisi hoc magis, minusque vehemens desiderium, hæc magis, minusve urgens indigentia, quæ ad magnum effervescentiæ gradum evecta *passio* nuncupatur.

At quoniam docet revelatio, concupiscentiam irresistibilem non esse, docet quoque incommodum animæ statum non esse irresistibilem; siue homini esse *veram potentiam* proximam, aut remotam resistendi inclinationi, desiderio, indigentiae, passioni magis, minusve ad sensibilia objecta inclinanti, quibus gaudere illi interdictum est ( 1095 ).

III. Frustra dices, animam *in statu incommodo* vel invitam ferri in objecta, quæ appetit; hæc objecta vel invitæ diu, noctuque illi obversari; quibus donec careat bene habere nequeat, tædio, & mœstitia afficiatur, & discrucietur.

Probant hæc omnia, non jam animam in hoc statu *vera potentia* carere suis affectibus, & desideriis resistendi; sed tantum veram hanc potentiam in hoc statu, luctam, & pugnam, ut & ipsa sentit, postulare. Ratio vero invitæ probans, animam habere, & se habere credere veram suis desideriis, & inclinationibus resistendi potestatem tunc quoque, quum illis obsecundat, est, quod sæpius ipsam pœnitet se

cu-



cupiditatibus suis obsecundasse eum vel ipso temporis momento, quo illis obsecundat.

*Pœnitentia* libertatem indicat. Absurdum enim est, pœnitere te non fecisse, quod facere nequibas, te id non vitasse, quod vitare non poteras. Quem unquam pœnituit, domum suam de cælo tactam fuisse, vineam grandine directam? aut ostacula hisce infortuniis non opposuisse?

**FALSÆ IDEÆ PROPENSIONIS IN  
MAJUS BONUM.**

1134. **OBJECTIO XI.** Humana voluntas semper necessario ad bonum se determinat, quo magis afficitur, sive ad quod magis propensa est; ut notat, aut ut contendit Augustinus celebri illo textu. *Quod magis nos delectat, secundum id operemur necesse est.*

Ergo libertas humana sita tantum est in animæ *potentiâ passivâ* majorem, vel minorem propensionem habendi ad diversa objecta ab intellectu cognita; & qua ab objecto magis alliciente trahi possit.

**RESPONSIO.** Alibi monuimus, ecclesiæ Patres duplici modo considerandos esse; nempe aut ex propria sententia philosophantes, aut ut dogmaticam christianæ fidei traditionem referentes; & utroque casu diversam esse eorum auctoritatem: quod in hac, & in sequenti objectione sedulo animadvertendum est (1092).

I. Sensu intimo noscimus, nos sæpe contra prædominantem appetitum agere & vehementissimis nostris cupiditatibus vim inferre. Evidens ergo est, aut Augustini assertum non satis accuratum esse, aut hujus asserti verum sensum non arripi: porro postremam hanc dilemmatis partem tuemur.

Quod certo probat, sanctum Doctorem non intendisse, humanam voluntatem semper necess-

cessario ad id, quod magis delectat sese determinare, est quod ipse asserit in suis confessionum libris, scilicet aliquando ea non fecisse, ad quæ multo vehementiori appetitu inclinabatur. *Non faciebam id, quod incomparabili affectu mihi magis placebat.* Lib. 1. cap. 3.

II. Quicumque celebris auctoritatis in objectione allatæ sensus sit, certum est, textum hunc, cui systema quoddam ab ecclesia proscriptum, atque anathemate damnatum totum innititur, non significare, humanam voluntatem semper necessario prædominantes suas inclinationes sequi: sensus enim intimus, ratio, ipse hujus textus auctor, infallibilis ecclesiæ tum collectæ, tum dispersæ auctoritas oppositum nos docent, nobisque testantur (1117).

III. Textus, de quo quæstio, cujus sensus valde ambiguus, & obscurus est, nihil aliud significare videtur, nisi *actus* nostros *externos* liberam voluntatis nostræ determinationem necessario sequi. Actus hi externi, nobis, si omnia considerentur, jucundiores censentur, quam eorum oppositi, vel eorum omissio: sese enim voluntas nostra libere determinat ad eos *preferendos* suis oppositis, aut eorum omissioni; ad eorum existentiam potius quam eorum omissionem, aut oppositorum existentiam volendam.

*Libera hæc prælatio*, libera hæc determinatio, a qua actus externus necessario procedit: ipsa multo vero similiter est illud, *Quod magis delectat*, de quo hic sermo. Porro hoc in actu hoc externo, libere suo opposito, vel suæ omissioni prælato necessitatem tantum liberum nostrum arbitrium consequentem indicat.

IV. Si vero hic idem textus aliquam respicit ex internis nostris determinationibus, certum est, eas tantum respicere posse, quæ indeliberatæ sunt, quæ animadversionem præcedunt, & a spontaneis motibus enascuntur. Tunc vero scholastica illa omnibus nota distinctio.

etione excipi potest: *Secundum id operemur necesse est, quod nos magis delectat, delectatione indeliberata, concedo: delectatione deliberata, nego.*

**FALSÆ IDEÆ DE QUIBUSDAM SACRO-  
RUM LIBRORUM ET SANCTORUM  
PATRUM LOCUTIONIBUS.**

1135. OBJECTIO XII. Quamplurimæ ex sacris literis, ac præsertim ex Epistolis Divi Pauli, tum ex Sanctorum patrum, ac præsertim Augustini operibus fato faventes, & libertati infensæ locutiones proferri possunt. Non itaque, ut contenditur, certum est, humanam libertatem esse præcipuum catholicæ fidei dogma.

RESPONSIO. Certissimum est, liberum hominis arbitrium semper fuisse præcipuum fidei dogma tum Hebræorum, tum Christianorum, qui inspiratorum cælitus voluminum auctoritati innitebantur: ut nobis plenissime verbum Dei scriptum, & traditum testatur. Omnia, & in sacris litteris, & in Sanctorum patrum operibus liberum hominis arbitrium prædicant, atque præferunt.

Quare si vel in scripturis; vel in sanctis patribus occurrant aliquæ *locutiones equivocæ*, quæ universali ipsorum doctrinæ oppositæ videantur, hæ explicandæ, & ad veram significationem adducendæ sunt ex innumeris aliis locutionibus clavis, atque perspicuis, quæ omnem de verâ scripturæ, & patrum doctrinâ dubitationem adimunt. Ut vero omnes cavillationes præcaveantur, quæ in liberum arbitrium fieri possent ex locutionibus hisce perperam intellectis, satis erit tria de patrum doctrinâ hac in re animadvertre.

I. Originale peccatum ex sacrorum librorum & sanctorum patrum doctrinâ ita *concupiscentiam* ab bonum sensibile, & ad sensibilem volupta-

luptatem in nobis auxit ; ut in hoc statu natura lapsa , & depravata in plurimis circumstantiis impossibile nobis sit bonum præceptum operari , & malum vetitum vitare sine supernaturalis gratiæ auxilio .

Atqui de hac absoluta gratia supernaturalis necessitate , de hac præcepta omnia servandi impossibilitate sine gratiæ supernaturalis auxilio in statu naturæ lapsæ , & depravatæ loquuntur sancti Patres perniciosos Pelagii , & assecularum errores impugnantes ( 1109 ) .

At enimvero absolutam in statu naturæ lapsæ gratiæ supernaturalis necessitatem asserere , non sane est libertatem destruere , aut fatum admittere .

Exempli gratia , quum Divus Augustinus ait , *Adamum libero arbitrio peccantem , & se ipsum perdidisse , & liberum arbitrium* , docet Sanctus Doctor Pelagii discipulos , primum humani generis parentem libero suo arbitrio peccantem sibi , & posteris primitivam illam , quam habebat facultatem in statu innocentia , & iustitia originalis , bonum faciendi , & malum vitandi solis naturæ suæ tunc perfectioris viribus amisisse : postea vero humanam voluntatem originali peccato vitiatam , atque corruptam gratiæ cælestis medela , & auxilio absolute indiguissæ , ut veram facultatem plenam , atque completam haberet bonum operandi , quo mereretur , & malum vitandi , ad quod pravis inclinationibus vehementer trahitur ( a ) .

## II.

( a ) Quasô hac , & qua superius ab auctore nostro proferuntur benigno sensu intelligas , amice lector . Neque enim puto ejus sententiam esse , quod Adam in statu innocentia , & iustitia originalis gratia cælesti prorsus caruerit , & sine ullo ejus auxilio bonum operari potuerit ; scire enim profecto debuit auctor noster qua Divi Augusti-

II. Sancti Patres, qui non prævidebant fore, ut nonnulli suis locutionibus abuterentur, aliquando magnam difficultatem *necessitatem* vocant, & simplicem intrinsecam necessitatem *coactionem*. Nos quoque passim ita loquimur; & in familiaribus sermonibus accuratam dogmaticam præcisionem exigere iniquum esset.

Quare quum Sancti Patres in suis oratoriis operibus, quibus movere magis intendunt, quam docere, aliquando dicunt, *habitu peccandi fieri peccandi necessitatem*; non nisi moralem necessitatem intelligunt, aut intelligere possunt. Porro hæc tantum magna difficultas est vincenda, & quæ raro vincitur.

Pari modo, quum dicunt, *eum, qui non cogitur, liberum esse*, patet hac immunitate a coactione intelligere eos tantum immunitatem a necessitate; fatentur enim necessitatem aliquando in actibus internis voluntatis nostræ haberi posse; demonstratum vero est, coactionem ip illis nunquam dari posse (1114, & 1116).

III. Per Sanctos Patres datur *libertas proxima*, & *libertas remota*. Prima deficiente, altera ad agendum satis est. Quare nonnullæ Sanctorum Patrum locutiones, quibus libertas generatim negari videtur, de proxima, & immediata libertate intelligendæ sunt; nec jam etiam remotam libertatem negant, sub qua  
actio

---

gustini etiam de Adamo in statu innocentia, & originalis iustitia sententia fuerit; quum aperte dicat Sanctus Doctor, Adamum gratiam habuisse, & magnam gratiam. Quare intelliget fortasse auctor noster, vires Adami ab ipsa gratia perfectiores factas fuisse, ut bonum hoc auxilio caelesti operaretur: nos vero ab originali peccato vitiatos, atque infirmatos validiori auxilio caelestis gratia indigere, ut bonum operari possimus & præcepta servantes aeternam vitam promereri. Interpres.

actio adhuc obtineri mediate potest (1105).

Ex his omnibus sequitur, in Patrum operibus quæ locutiones aut aliquam videntur tribuere intrinsecam necessitatem actionibus, quas nos liberas dicimus, & ipsi nostræ voluntati; intelligendæ sunt sive de *divina gratia necessitate*, sine qua in ordine supernaturali nihil possumus, sive de *necessitate morali*, quæ tantum magnam difficultatem importat vincendam; sive de *proxima libertatis defectu*, qui per libertatem remotam tolli potest; sive de *naturali ad bonum in genere propensione*, quæ naturæ nostræ intrinseca est, & qua fit, ne ipsa res desiderare, & appetere possit, nisi sub aliqua ratione boni proponantur.



## §. II.

### HUMANÆ LIBERTATIS COMPLEMENTA.

1136. DEFINITIO. **H**umana libertatis complementa dicuntur auxilia quædam sive naturalia, sive supernaturalia homini omnino necessaria, ut *veram, & completam agendi potentiam* habeat, & sine quibus humana libertas, quæ essentialiter in hac vera & completa agendi potentia sita est, nulla esset.

Per theologos, ac philosophos omnes *gratia supernaturalis*, & *Dei concursus* duo unica sunt humanæ libertatis complementa. Primum, *gratia* scilicet *supernaturalis*, non nisi ad opera *supernaturalis ordinis* homini est necessarium; alterum, *concurfus* scilicet, ad opera tum *supernaturalis*, tum *naturalis ordinis* necessarium est. De utroque agere pergimus.

## GRATIA SUPERNATURALIS.

1137. OBSERVATIO. Vox ista, *gratia* generatim explicat aliquid, quod conceditur, utile, & indebitum. Si enim deberetur, non jam *gratia*, sed *justitia* esset. Inter *gratias* a Deo hominibus gratis datas plures species distinguuntur, quarum præcipuas indicabimus, ut ita facilius intelligatur quænam vere *gratia* sit, de qua in quæstione de libertate sermo est; illa scilicet, quæ *potentiam agendi* complet in ordine supernaturali.

I. *Gratia* Dei dividi possunt in *gratias naturales*, quæ diversa naturæ, & fortunæ dona complectuntur, cujusmodi sunt bona valetudo, ingenium, divitiæ, ea demum omnia, quæ ad præsentis vitæ commoda spectant; & in *gratias supernaturales*, quæ omnia Dei beneficia ad futuram vitam, & ad æternam beatitudinem obtinendam impertita complectuntur.

II. In ordine supernaturali, & in iis, quæ ad æternam salutem obtinendam spectant, *gratiæ* cælestes dividi possunt in *gratias externas* quæ pro nobis dantur quidem, at in nobis non sunt; cujusmodi sunt merita Christi, divinæ revelationis lumen, vera religio, ministrorum evangelicorum paterna vigilantia, & sollicitudo, aliaque, hujusmodi; & in *gratias internas*, quæ in nobis re ipsa existunt; cujusmodi sunt lumen a Deo nobis infusum, quo ad supernaturalium bonorum cognitionem intellectus noster elevatur, motus illi superni, quibus Deus voluntatem nostram ad supernaturalia bona appetenda inclinât: cujusmodi sunt, seu tamquam actus, seu tamquam habitus, fides de supernaturalibus hisce bonis; spes horum bonorum obtinendorum, charitas, sive amor erga Deum horum bonorum auctorem, & largitorem.

III. *Gratiæ* istæ cælestes, & supernaturales,

nobisque internæ dividi possunt in *gratias habituales*, quæ in nobis stabiles sunt, & permanentes, cujusmodi sunt, aut esse possunt fides, spes, charitas; & in *gratias actuales*, quæ non ita in nobis permanentes sunt, neque adsunt, nisi ut auxilia transitoria, sive ut actus & impressiones transitorie; cujusmodi sunt inspirationes quædam supernaturales, quæ nos mundi tædere, & ad Deum tendere faciunt; lumina quædam supernaturalia in intellectu, motus quidam supernaturales in voluntate; quæ cuncta nos ad malum vitandum, ad bonum operandum, & ad viam salutis tenendam inclinant.

Gratiæ internæ, & supernaturales, actuales, vel habituales, omnes natura sua, & Dei intentione ad *animam*, in qua sunt, sanctificandam sunt destinatæ; at inter gratias has omnes in anima receptas una tantum est, quæ illam sanctificat *formaliter*, & Deo *formaliter* gratiam reddit: porro *gratia hæc sanctificans* charitas est.

Gratiæ efficaces agendi potestatem dant, aut complent: gratiæ excitantes, & inefficaces illæ quoque hanc potestatem dant, aut complent. Primæ effectum semper consequuntur, alteræ nunquam.

De hisce tantum gratiis, *efficaci* scilicet, & *inefficaci* in quæstione de libertate sermo est.

1138. DEFINITIO. *Gratia supernaturalis* sive efficax, sive inefficax quæ salutariter *agendi potentiam* dat, aut complet, juxta omnes theologos est *lumen supernaturale* in intellectu, & *motus supernaturalis* in voluntate.

Ut lumen, bonum rerum salutarium intellectui indicat; ut motus, animam ad bonum rerum salutarium appetendum elevat, atque inclinat; ut utrumque, invisibilem, & æternorum bonorum æstimabilitatem noscere facit.

1139. NOTA I. Cognitio hæc, atque apprehen-



hensio salutarium bonorum quum diversos gradus intensitatis admittat ad datum gradum crescere potest in anima, quam Deus supernaturaliter illuminat, & movet; & eo adduci potest, ut invisibilia, & æternorum bonorum privatio in ipsa *tadium* illi simile excitet, quod nimium sæpius terrenorum bonorum privatio creat (1095).

Hinc in anima ita a Deo illuminata, atque excitata oritur magis, minusque ardens æternorum bonorum desiderium, magis, minusque urgens indigentia; quæ illam a terrenis rebus avertens, ad cælestia summo affectu convertet.

Hinc in anima irrequietus quidam supernaturalis agitationis status illi similis, quem Paulus sentiebat, quum cælesti lumine illustratus, & a divina gratia impulsus terrenorum bonorum inanitatis pertæsus a perituri corporis carcere solvi tam vehementer exoptabat, ut ab hoc exilio liberatus Deo creatori, redemptori, ac sanctificatori suo, inexhausto omnium bonorum fonti in cælesti patria æternum conjungi posset. *Quis separabit me de corpore mortis hujus! cupio dissolvi, & esse cum Christo.*

1140. NOTA II. Ratio aliquid nobis, etiam a revelatione non adjuta, de gratia supernaturalis, de qua sermo, necessitate, & possibilitate dicere potest.

I. Dicit nobis ratio, teste experientia, ut bonum desideremus, opus esse, ut illud cognoscamus, & ejus indigentiam sentiamus; juxta philosophicum axioma: *nihil volitum, quin præcognitum*; unde gratia supernaturalis necessaria ut supernaturalia appetamus.

Sine gratia supernaturali homo, qui acceptam fidem nondum amisit, poterit fortasse bonorum supernaturalium velleitatem aliquam habere. (1095).

At sine gratia supernaturali nunquam hoc desiderium habebit satis ardens, hanc indigentiam

tiam satis urgentem, sine quibus nec veram potentiam habere potest illa appetendi, nec veram potentiam arduos actus operandi, quibus illa promereri, & comparari debent (a).

II. Ratio dicit quoque ex idearum testimonio, Deum infinite potentem, & intelligentem necessario in inexhaustis providentiæ suæ thesauris habere *infinitam cujusvis generis gratiarum supernaturalium supellectilem*, quibus semper, & bonorum supernaturalium cognitionem, & eorum voluntati desiderium impertiri potest (417).

Quare supernaturalium gratiarum cujusvis speciei possibilitas, & necessitas dogma est tum a revelatione, tum a ratione confirmatum.

1141. NOTA III. Ceteræ cognitiones de *supernaturali gratia* ferme omnes a sola revelatione proficiuntur, Docet hæc:

I. In inexhaustis divinæ providentiæ thesauris *gratias esse & efficaces, & inefficaces*; utraque vero homini, cui Deus illas gratis impertitur, *veram potentiam* tribuere *salutariter operandi* (b).

## II.

(a) Imo nec facillimos actus operari poterit, modo supernaturaliter meritorii sint, cujusmodi esset orationem dominicam recitare, sine gratia celestis auxilio. Interpres.

(b) Veteres, & recentiores theologi, inquit cathecismus Monspessulanus, consentiunt omnes dari gratias efficaces ad bonum excitantes, & agendi potentiam tribuentes; qua tamen ex voluntatis resistentia effectum, ad quem excitant, non consequantur; atque hæc gratia sunt, quas sufficientes dicunt.

Gratia hæc efficaces sunt quo ad potentiam complendam, non quo ad actum.

At fortasse legendum inefficaces; quo nomine passim a theologis vocantur. Interpres.

II. Nullam gratiam, ne efficacem quidem, natura sua irresistibilem esse; & sub quavis gratia homini veram potentiam esse id faciendi, quod omittendum gratia suadet, id omittendi, ad quod faciendum gratia inclinât (1117).

III. Homini gratiam a Deo nunquam deesse; & quamvis homo in quibusdam terrenæ concupiscentiæ effervescentiis nequeat aliqua Dei præcepta implere sine gratiæ cælestis auxilio (a); potest tamen præcepta divina tum positiva, tum negativa re ipsa, & perfecte implere; potest enim semper, si velit, supernaturalem illam gratiam habere, qua horum præceptorum observantia illi re ipsa perfecte possibilis evadit (1105).

IV. Posse quidem hominem se supernaturali gratia indignum non reddere; at nunquam posse illam vere, & proprie promereri. Quare gratiæ istæ sive efficaces, sive inefficaces a Divini reparatoris meritis provenientes, homini quantumvis perfecto, cui conferuntur, semper gratuitum Dei donum sunt.

#### CONCURSUS DEI MEDIATUS, ET IMMEDIATUS. CONCURSUS MEDIATUS.

1142. DEFINITIO. *Concursus Dei mediatus* dicitur id omne, quod potentiam rei creatæ sive intelligentis, sive intellectu carceris efficit perfecte aptam ad agendum, antequam re ipsa agat; sive quidquid potentiae activæ necessarium est, ut re ipsa, & perfecte potentia activa sit: sive

---

(a) Cave ex aliquantulum ambiguis auctoris verbis inferas, extra has concupiscentiæ effervescentias ad Dei præcepta salutariter implenda gratiam Dei supernaturalem non semper esse necessariam. Interpres.

sive tandem ut veram *completam potentiam* habeat illum actum producendi, in ordine ad quem potentia dicitur; exempli gratia:

I. Deus mediate ad actum concurrit, quo oculus meus ad objectum visibile dirigitur, quo oculus visibile objectum attingit, & mihi refert, oculo meo (si oculus potentia activa censeretur) organicam structuram, & quæ ab hac pendent tribuens, atque conservans.

II. Pari modo ad actus meos supernaturales concurrit Deus, animæ meæ facultates naturales conservando, mihi gratias supernaturales impertiendo, quibus facultates meæ elewantur, atque complentur, unde supernaturales actus, & naturæ sibi relictæ vires excedentes elicere possim (291).

1143. NOTA I. Potest igitur *concurfus* iste *mediatus* considerari, ut patet, & ad actus naturales, & ad supernaturales: in hoc secundo casu aliquid plus dicit, quam in primo.

I. Mediatu Dei *concurfus ad actus naturales* est tantum conservatio potentiæ naturalis, & eorum, quæ ad ipsam spectant.

Hac sola conservatione concipimus, Deum mediate concurrere ad omnes hujus potentiæ actus; vires enim activas producit, atque conservat, a quibus necessario actuum horum existentia pendet.

II. Mediatu Dei *concurfus ad actus supernaturales* petit a Deo præter potentiæ naturalis, & eorum, quæ ad ipsam spectant, conservationem, omnium supernaturalium auxiliorum collationem, quibus illa indigere potest, ut *plenam, atque completam* habeat supernaturaliter agendi potentiam.

Ferre omnes philosophi censent, supernaturalia hæc auxilia homini conferri ex *Decreto indifferente*: quo Deus decrevit semper homini conferre, quoties actus supernaturales elicitor sit, supernaturalem gratiam, qua sese determinare

poterit ad bonum faciendum; vel omittendum, ad bonum, aut bono oppositum pro libito faciendum (1005, & 998).

Per Bannesium, & ejus discipulos supernaturalia hæc auxilia homini conferuntur Decreto prædeterminante, quo Deus decrevit homini in datis circumstantiis gratiam cælestem impertiri, quæ ipsum ad bonum efficaciter prædeterminabit; in aliis vero circumstantiis aliam cælestem gratiam, sub qua illum concupiscentia prædeterminabit ad malum.

1144. NOTA. II. Philosophi omnes consentiunt in necessitate *mediati Dei concursus* admittenda ad rerum creaturarum actionem quamcumque; evidens enim est, rem quamvis creatam sive materialem, sive immaterialem, intelligentem, aut non intelligentem, modo activa supponatur, agere non posse neque in naturalibus, neque in supernaturalibus, nisi Deus a quo in omnibus essentialiter dependet, illi quidquid ad agendum necessarium est tribuat, atque conservet.

### CONCURSUS IMMEDIATUS.

1145. DEFINITIO. *Concursus Dei immediatus* dicitur immediatus Dei influxus in rei creatæ actionem; ita ut actio quævis libera, aut necessaria, proba, aut improba rei creatæ indivisibiliter a duabus hisce causis tota existat, nempe ab immediato Dei, & ab immediato causæ creatæ influxu. Exempli gratia.

I. Si supponamus actualem motum rhedæ ab equi trahentis actione tamquam a causa efficiente procedere, *motus hic actualis* rhedæ, juxta concursus immediati assertores, immediate, & indivisibiliter est a conjuncta, & simultanea duarum causarum efficientium actione, equi scilicet totaliter, & immediate illum efficientis, & Dei illum pariter eodem tempore im-

immediate, & totaliter cum equo efficientis.

II. Pari modo quum anima aliquam capit ex suis determinationibus liberis, hæc *libera determinatio* per concursus immediati assertores immediate, & indivisibiliter producitur conjuncta & simultanea duarum causarum efficientium actione, immediata scilicet animæ; & immediata Dei actione.

Vides itaque nomine concursus immediati intelligi conjunctionem actionis Dei rei creatæ cujuscumque actioni.

1146. NOTA I. *Concursus immediatus* a nonnullis recentioribus philosophis admitti nequit, qui Deum esse unicum naturæ agens, atque unicam omnium causam efficientem voluerunt; & res creatas quascumque intelligentes, sive intellectu carentes esse tantum *Entia passiva* quorum omnes modificationes a Deo producantur.

Evidens est, in hac sententia a Deo, & a rebus creatis *actionis concursus* non haberi ad eundem effectum producendum; puta ad rhedæ motum, ad animæ determinationem; in his enim res creatæ activæ non sunt.

1147. NOTA II. Inter philosophos *veram actionem* magis minusque extensam in rebus creatis admittentes sententiæ de *immediato concursu* diversæ sunt: alii eum volunt necessarium; alii, minori tamen numero, eum ut inutilem reiiciunt.

I. Per primos, ut anima volitionem boni, aut mali eliciat, non satis est ipsam habere & naturalem suam activitatem, & complementa omnia ad hanc volitionem producendam necessaria, quæ mediatum concursus constituunt. (1142).

Neesse præterea est, Deum physice, & immediate cum anima hanc volitionem producere, ita ut volitio hæc indivisibilis simul immediate, & totaliter ab anima, & totaliter quoque a Deo producat; quod concursus immediatum constituit.

II. Per alteros, ut anima humana hanc eandem volitionem eliciat, satis est, si Deus animæ & existentiam, & naturalem activitatem conservet, & ut illi supernaturalem gratiam impertiatur, si volitio producenda in ordine supernaturali sit: quibus habitis anima se sola, & nullo physico, & immediato Dei influxu hanc volitionem elicit. Tunc vero concursus immediatus sit inutilis in hac, & in quavis simili operatione.

1148. NOTA III. Ut exactam immediati concursus notionem exhibeamus breviter utriusque sententiæ rationes referemus.

I. Qui *immediatum concursum* timentur hoc ratiocinio, quod eorum fundamentum est, illud probare nituntur.

Deo omne possibile dominium in res creatas est tribuendum: res creatæ omnem possibilem dependentiam a Deo habere debent; atqui ad hoc necesse est, ut res creata a Deo dependeat non in existendo tantum, sed & *in operando*: adeoque ut in operando non mediato tantum, sed & immediato concursu indigeat; si enim immediato Dei concursu in agendo non indiget, a Deo dependebit existentia, non actione.

II. Qui *immediatum Dei concursum* reiiciunt, contendunt, eorum sententiam nihil supremo Dei dominio officere, in eaque res creatas omnimodam adhuc a Deo dependentiam habere tum relate ad *existentiam*, tum ad *operationes*; ut enim agere possint, necesse est, Deum illis & existentiam, & naturales facultates conservare; neque ullum temporis momentum esse, quo Deus illis & existentiam, & naturales facultates auferre nequeat, a quibus essentialiter, & perseveranter, & universim ejus actio pendet.

Quare contendunt, in eorum sententia nullam rerum creatarum actionem esse, cujus existen-

stentia essentialiter, & perfecte a Deo non dependeat; etsi per ipsos rerum creaturarum actiones ab immediato, & concomitante Dei influxu non producantur; per eos enim hic influxus nihil supponit, & nihil statuit.

1149. **NOTA IV.** Facile quisque intelliget, disputationem hanc parvi momenti esse; *utrinque enim supremum Dei in res creatas dominium, & perfecta, ac permanens earum a Deo dependentia intelligitur*; neque aliud inter scholarum clamores queritur, nisi definire quo incipiat, & quo modo habeatur summa hæc, & permanens rerum creaturarum a Deo dependentia; quod hac ratione sane nunquam definietur.

In neutram sententiam descendentes tantum dicemus, eam in philosophicis, ac theologicis scholis esse passim receptam, quæ immediatum Dei concursum admittit. De hac iterum paragrapho tertio sectionis sequentis nobis agendum erit (1230, & 1238).

## S E C T I O II.

### POTENTIÆ ANIMÆ HUMANÆ.

1150. **DEFINITIO.** *P*otentia anima humana dicuntur diversæ facultates tum activæ, tum passivæ, quæ habet, aliquid faciendi, vel admittendi.

Exempli gratia, potentia verum cognoscendi est ejus potentia, seu facultas intellectiva: potentia bonum amandi est ejus potentia, seu facultas affectiva; potentia inter duo bona ejusdem, vel diversæ speciei eligendi est ejus potentia, seu facultas electiva; atque ita de ceteris.

Ut vel ab ipso initio claram diversarum ani-



mæ potentiæ ideam habeamus, satis erit accurate nobis in memoriam revocare, quæ alibi de *potentiâ*, & *actu* in genere diximus. Ibi eorum omnium, quæ hic pertractanda sunt, veluti semina invenientur (173, & 175).

**POTENTIARUM ANIMÆ HUMANÆ  
PERFECTIBILITAS.**

1151. OBSERVATIO. Si *diversarum* animæ humanæ facultatum, sive potentiæ evolutiones & progressus perpendamus, sive si hominem a vitæ exordio, ad ætatem, qua diversæ ejus potentiæ maxime vigent, perpendamus:

Satis verosimiliter statui potest, *animam humanam primis vitæ temporibus esse velut tabulam rasam in ordine ad cognitiones*; hoc est, nullam extraneam ideam illi esse innatam, nullum speculationis, aut practicum principium illi esse insculptum; omnes naturales cognitiones, illa excepta propriæ existentiae, illi successive, & paulatim obvenire, aut sensuum ministerio, aut animadversione ad se ipsam; ut satis in tractatu de certitudine docuimus (465 475, 478).

En itaque quem rerum ordinem videtur Deus in homine statuisset in evolvendis suis facultatibus sentientibus, & intelligentibus. Quod vero hac in re dicturi sumus, potius quam theoria, theoriæ jam statutæ, & ad memoriam revocandæ corollarium est.

I. Deus *animam humanam* condens, substantiam scilicet cogitandi, & agendi capacem, decrevit:

Cogitationes, & sensus, quos anima humana habere potest, in ipsa nasci, ac perfici eo gradu, quo organa materialia, quibus conjuncta est, vigerent, & perficerentur.

Cogitationes, & sensus hos animæ accidenta-

tales, a sua essentia non necessario consequentes, ab organorum materialium, quibus conjuncta est, actione physica non productos, in ipsa nasci, & perfici juxta quasdam certas leges, quas ipse statuit, quum humanum compositum condidit, & ad finem a ceterarum rerum sine diversum ordinavit.

II. Quo gradu *humani corporis organa* explicantur, & roborantur, eodem anima humana roborari, crescere, perfici videtur. Ideæ plurimæ in illa enascuntur; animadversio illas invicem confert, comparat, scrutatur, extendit. Honore, justitiæ, humanitatis, religionis sensus in ipsa germinant, atque explicantur. Hos ratio approbat, atque commendat.

Physicus organorum motus, quibus conjuncta est, quæque regit, ac moderatur, ipsi novas sensationes parit: quibus, experientia, & animadversione juvante, naturam dignoscit, eamque magis, minusve perfecte observat atque scrutatur.

III. Anima itaque eo magis cognitionibus, & sensibus ditari, ac perfici debet, quo organa corporea, quæ animat, explicantur, & perficiuntur; hæc enim organa, quæ harum cognitionum, horumque sensuum occasio sunt, quo magis vigent, dilatantur, ac perficiuntur, eo magis juvant expeditum, atque perfectum potentiarum intelligentium, & sentientium exercitium.

*Intima anima humana substantia* semper eadem est, nec ullam substantialem mutationem admittit; at hujus substantiæ natura immutabilis operationes, necessario a causis occasionalibus pendentes, quibus eas Dei voluntas alligavit, cum his causis mutantur, & earum mutationes, ac progressus sequuntur.

1152. NOTA. In experimentalis animæ humanæ theoria tres veluti præcipuæ facultates sive potentiæ facile dignoscuntur; ad quas di-

recte, vel indirecte ceteræ referuntur. Tres hæ seorsim perpendendæ videntur: sunt autem *Potentia intellectiva*, idearum, judiciorum, ratiocinorum principium, sive subiectum: *Potentia sensitiva*, sensationum, & sensuum principium, sive subiectum: *Potentia motrix*, diversorum motuum quos suo corpori imprimat, causa efficiens, aut occasionalis.

POTENTIALIARUM ANIMÆ HUMANÆ  
IDENTITAS.

1153. OBSERVATIO. Duplex diu inter philosophos de humanæ animæ facultatibus sententia fuit.

I. Alii *realem distinctionem* inter ejusdem animæ facultates admittebant, puta, inter facultatem intelligentem, & facultatem volentem, inter judicantem, & ratiocinantem, inter imaginantem, & reminiscentem; atque ita de ceteris.

Per hos philosophos diversæ animæ facultates totidem entia sunt inter se re ipsa distincta: intellectus non est memoria magis, quam brachium dexterum sinistrum sit. Hujus sententiæ assertores *Reales* dicti fuerunt.

II. Ceteri *nullam distinctionem* esse inter ejusdem animæ facultates asseriebant; in eaque memoriam, puta, & judicium unum & idem esse, quod diversis nominibus appellaretur. Hi *nominales* dicti fuerunt.

Errabant primi, quum distinctionem realem admitterent, ubi non esset: Errabant alteri quoque, quum nullam distinctionem omnino admitterent inter res, quæ diversis ideis menti occurrunt.

*Distinctionum philosophicarum* theoria a recentioribus melius explicata philosophis opportunitatem præbuit definiendi quænam distinctio inter diversas ejusdem entis potentias sit admit-

mittenda, adeoque & animæ. Porro hæc est distinctio rationis (175, 303, 316, 321).

1154. ASSERTIO. *Anima humana est substantia simplex a diversis suis facultatibus realiter non distincta, & in qua diversa hæ facultates realiter inter se distincta non sunt.*

EXPLICATIO. Alibi ostendimus, animam humanam, substantiam simplicem omnem necessario partium, & facultatum realem compositionem excludere (1051).

Non itaque realis, sed tantum rationis distinctio datur inter diversas animæ humanæ facultates; puta inter facultatem intellectivam, & affectivam, quæ anima ipsa tantum sunt considerata vel in ordine ad diversos effectus, quos producit, vel in ordine ad diversas modificationes, quas admittit.

I. Anima humana considerata in ordine ad ideas, quas habet, ad iudicia, quæ de rebus fert sive sensibilibus, sive insensibilibus, dicitur *Intellectus*.

II. Anima considerata in ordine, ad volitiones, affectiones, aversiones, determinationes suas liberas, vel necessarias, dicitur *Voluntas*.

III. Anima considerata in ordine ad sensationes mentales, & ad sensus intimos, quos experitur, vocatur *Potentia sentiens*.

IV. Anima humana quatenus capax principium aliquod percipere, & ab eo consequutiones deducere, verum, bonum, honestum dignoscere, & secernere, res recte æstimare, dicitur *Judicium*, sive *Ratio*.

V. Anima quatenus vim habet reminiscendi suarum idearum, seu sensationum, sive suorum iudiciorum, & ratiociniorum præteritorum, dicitur *Memoria*.

VI. Anima quatenus apta res sibi repræsentare aut aliquid magnum agentes, aut magnum quid patientes, aut pluribus adjunctis illas distinguuntibus copvestitas, dicitur *Imaginatio*.

Non igitur inter diversas animæ humanæ facultates realis distinctio est admittenda : sine hac distinctioe siquidem nulla ratione innixa diversæ hæ facultates optime percipiuntur .

1155. OBJECTIO. Nisi animæ facultates realiter inter se distinctæ sint , anima voluntate cognosceret , intellectu amaret ; quod est absurdum . Qui memoriam amiserunt animæ substantiam amisissent ; ex dictis enim memoria , & anima , quatenus præteritorum reminiscens , unum , & idem sunt ; Hoc vero est evidenter falsum .

RESPONSIO. Objectio hæc inane sophisma est , quod serio propositum hominem in metaphysica omnino jejunum indicaret .

I. Anima humana in ordine ad suas cognitiones considerata non est anima in ordine ad suas volitiones considerata . At principium , si-ve subjectum *cognoscens* est re ipsa principium , si-ve subjectum *volens* : nulla ergo inter utrumque datur realis distinctio .

Juxta axioma in philosophia receptum , *non sunt multiplicanda entia sine necessitate* . Quum igitur una , eademque substantia possit & cognitiones habere , & volitiones , quumque tum hæ cognitiones , tum volitiones uni , eidemque subjecto tribui possint , duo admitti nequeunt , nisi huic principio , imo rationi repugnare velimus .

Quod anima humana diversas modificationes habere possit ; & ad objecta specie diversa referri , probat ne ipsam esse naturam multiplicem & principiiis , si-ve subjectis constare inter se distinctis ? non sane . Duplex modificationum species duplex principium , aut subjectum non infert , quum ex unico principio , si-ve subjecto duplicis modificationis ratio reddi possit .

II. Memoria , quatenus spiritualis animæ facultas , est ipsa animæ substantia ; est enim in ipsa facultas cogitationes , aut sensationes suas præteritas iterum excitandi . Quum memoria  
amit-

amittitur, hæc animæ operatio amittitur, non ipsa animæ substantia, quæ sine hac naturæ suæ operatione stare potest.

Anima humana in ipsis spiritualibus operationibus a materialibus organis pendet; ut præteritorum reminisci possit, debent hæc organa, quæ ejus sedem in cerebro constituunt, facile, & ordinate concussa antiquas vibrationes habere, quas habuerunt quum res, cujus reminisci vult, percepta fuit.

Quum hæc organa, a quibus præsertim hæc animæ operatio pendet, aut perturbantur, aut valde rigescunt, memoria amittitur: perit enim causa occasionalis, quæ præteritas ideas seu sensationes iterum excitare debet. Tunc memoria perseverat quatenus facultas iners, & suis operationibus orbata, non quatenus facultas libera apta munus suum optime exequi (1174).

#### DIVERSA ANIMARUM HUMANARUM PERFECTIO.

1156. OBSERVATIO. Certum est sæpius *maximum* inter animas humanas, cognitionibus, ingenio, commendandis qualitatibus *discrimen* esse.

Undenam tanta diversitas? num tantum ex diversa organorum, quibus conjunctæ sunt, & a quibus in suis muneribus pendent, perfectione, an *ab intrinseca, & substantiali natura inaequali perfectione*? Animæ humanæ omnes ne intrinseca perfectione æquales sunt, aut aliæ aliis perfectiores? Problema hoc magnum facile proponitur, at solvi nequit.

I. Non est demonstratum, omnes animas humanas *æquali intrinseca, & substantiali perfectione donatas esse*.

Qua solida probatione ostendetur, Prædoni animam intrinseca, & substantiali ingenii perfectione animæ Cornelii æqualem esse? Neronis

nis animam humanitate animæ Titi intrinseca perfectione æqualem esse?

Quare Deus, qui tam varios omnibus cuiusque speciei individuus perfectionis gradus impertitur, quæ observatione dignoscimus; animis humanis quoque, quas in se observare non possumus, diversos perfectionis gradus impertiri non potuerit?

II. Demonstratum non est, *humanas animas intrinseca perfectione aequales esse.*

Qua solida ratione probabitur animam ingeniosissimi hominis animæ hominis perpetuo habetis perfectione intrinseca non esse æqualem? Quid opus est, ut prima alteri omnino similis evadat, saltem apparenter? satis est magna organorum, quibus conjuncta est, perturbatio.

III. Potest ergo cognitionum, ingenii, laudandarum qualitatum in animis diversitas æque tribui aut diversæ corporeorum organorum perfectioni, aut intrinsecae perfectionis diversitati, aut utrique causæ simul; nulla hac in re habita aut habenda certitudine.

### ACTIO DEI, ET RERUM CREATARUM.

1157. OBSERVATIO. Magna olim fuit & nunc temporis est inter philosophos de *Dei, & rerum creaturarum actione* controversia; ut alibi indicavimus quum de causis efficientibus, & occasionalibus ageremus.

I. Peripatetici sequioris ævi *res creatas quas-cumque sive materiales, sive immateriales*, volunt esse *causas efficientes omnium suarum operationum*: Deum vero tantum cum illis ad actionem immediate concurrere. (1212, & 1213).

II. Vult Malebranchius, *Deum in universa natura esse unicum agens*; ipsum solum, in corporibus actionem, & motum, in spiritibus  
ideas

deas, sensationes, judicia, & volitiones producere.

III. Juxta maximum recentiorum philosophorum numerum, *substantia materiales nullam a se actionem habent; spirituales in diversis suis modificationibus partim activa, partim passiva sunt.* Non tamen omnes consentiunt de iis, in quibus substantiæ spirituales activæ, & passivæ sint.

Secunda hac sectione in quatuor articulos distributa ostendere conabimur in quibus anima humana activa sit, in quibus passiva. Primo articulo de animæ potentia intellectiva agemus, altero de affectiva, tertio de motrice, quarto de suarum operationum ad fluidum animale relatione.

## ARTICULUS PRIMUS.

### POTENTIA INTELLECTIVA ANIMÆ HUMANÆ.

1158. DEFINITIO. **P**otentia intellectiva animæ humanæ, sive *intellectus humanus* est anima ipsa considerata in ordine ad modum cognoscendi, judicandi, ratiocinandi; quod & suas ideas respicit, & sua judicia, & sua ratiocinia, & cognitiones suas quascumque. ( 1154 ).

Potentia hæc animæ activa ne est, an passiva? hoc inquirere pergimus; diversas modificationes perpendentes, quas respicit, & quarum vel principium est, vel subjectum, vel utrumque.

### IDEÆ ANIMÆ HUMANÆ.

Alibi fusius egimus de idearum origine, natura, certitudine, quam faciunt. Hic itaque ipsa.



ipsarum ad *Potentiam intellectivam* earum vel subiectum, vel principium relationem tantum indicabimus ( 392, 452, 475 ).

1159. ASSERTIO. *Verosimile est, Deum esse unicam primordialium nostrarum idearum causam efficientem; animam vero esse plurium idearum, quas ad primordialium similitudinem, & his dirigentibus sibi comparat, causam efficientem.*

EXPLICATIO. Nos docet sensus intimus, animam ideas, sive spirituales imagines habere objectorum plurium tum sensibilibum, tum insensibilibum. Quæ vero harum idearum est causa efficiens?

I. Docet experientia, & ratio, non posse animam sibi *primordiales* rerum ideas comparare, quarum rerum nullam antea implicitam vel explicitam ideam habeat. Non possunt ergo primordiales hæ rerum ideæ, sive imagines in nobis gigni, nisi a Deo, in quo necessario intelligentia omnis est, & a quo procedit. Hac in re anima passiva est.

II. Experientia, & sensus intimus docet, animam posse quas habet ideas innumeris modis simul componere. Hinc *nova idea* nascuntur, quas anima sibi efficit. In hoc activa est ( 478, & 483 ).

### JUDICIA ANIMÆ HUMANÆ.

Alibi quid *judicium* sit satis declaravimus illud ut actum, & ut potentiam considerantes. Hic illud ut actum considerabimus ( 178, & 182 ).

1160. ASSERTIO. *Probabiliter anima humana suorum judiciorum est causa efficiens.*

EXPLICATIO. I. Docemur sensu intimo, animam sæpius *veram potentiam* habere judicia sua suspendendi, eorum motiva inquirendi, & perpendendi, ea quum lubet ferendi.

II.

II. Nulla convincens ratio probat, animam non habere *veram potentiam* actum internum eliciendi, quo judicat, & qui ab ipsa emanare illi videtur.

III. Probabile ergo est, animam esse suorum judiciorum *causam efficientem* non liberorum tantum, sed & necessariorum.

Anima humana *ut plurimum passiva* est in rerum ideis, ex quibus vel necessario, vel libere judicat.

- At *semper activa* videtur, sive libere, sive necessario agat, quum ex his rerum ideis intima judicia fert.

*Rerum idea* præcedit: judicium sive liberum, sive necessarium sequitur, at semper ab ipsa anima productum (1119).

#### HUMANI SPIRITUS ANALYSIS.

1161. OBSERVATIO. Terminus *Spiritus* varias significationes habet, quas apte distinguere oportet.

I. Significat *substantiam immaterialem, & intelligentem*, cogitationis simul, & sensus, & moralitatis capacem.

Hujusmodi est *Spiritus increati, & creatoris* substantia a se essentialiter existentis, & a quo omnia in natura existunt.

Hujusmodi est substantia *Spiritus creati* hominem animantis, & regentis; animæ humanæ scilicet.

Hujusmodi est substantia innumerorum aliorum spirituum creatorum ab humana anima diverforum, quorum natura nihil *αδωαρον*, aut repugnans præsefert, & quorum existentiam, & numerum ex fide novimus.

Hac significatione terminus *Spiritus* humano spiritui convenit, at non soli; hunc enim cum spiritibus ab ipso distinctis confundit. Non ita erit sequentibus significationibus.

II. Si-

II. Significat *humanum intellectum*, sive eam animæ facultatem, quæ res magis, minusve recte, majori, minorive facilitate percipit.

Hoc sensu dicunt Galli, hominem recto, falso, rudi, exculto spiritu esse.

III. Gallice id significat, quod Latini, alique *ingenium* dicunt, sive humani intellectus *non communem omnibus facilitatem varias rerum relationes dignoscendi*.

Hoc sensu Galli hominem ingenio ceteris præstantem dicunt spiritu donatum. At enimvero quibus, & quot non ita merentibus laus hæc, & fama tribuitur, quæ a recentiore auctore dicitur: *Fama, cur nescis!*

IV. Significat quoque in humano intellectu *facultatem res percipiendi*, quatenus ab inveniendi, aut exequendi facultate distinguitur.

Hac significatione humani intellectus facultates tribus vocibus distinguunt Galli, aliam quippe *spiritum* dicunt, aliam *genium*, aliam *talentum*. *Spiritus* cito rerum relationes percipit. *Genius* nova creat, atque invenit, *Talentum* jam nota, & inventa facile percipit, aut exequitur.

Tria hæc ad bonum, & ad malum indifferentia nobis laudem non pariunt, nisi his recte utendo illam mereamur.

Si illis utamur juxta Dei voluntatem in veritate inquirenda, in natura investiganda, in bonis artibus, ac disciplinis excolendis, patriæ, & hominum bono, in innocentia, & virtute tuenda, in religione, & bonis moribus confirmandis; recte iis utemur, præmium, & veram laudem promerebimur.

Si iis abutamur ad vitium, ad libidinem, ad pravos mores propagandos, ad Deum, & religionem contemnendam, ad innocentiam, & virtutem proterendam; erit hoc eorum finem pervertere, sese criminibus fœdare, eaque vituperio devovere. Si quando & eorum abu-

abusus celebratur, non nisi rectum eorum usum vera gloria comitatur.

Tria hæc Dei dona certo sunt natura sua & sine utilia; at abusu noxia, & funesta esse possunt. Hic abusus problema hoc celebre protulit, quod fortasse nondum solutum est: *num scientia, & artes ingenii filie moribus, adeoque hominibus utiles, an noxia fuerint.*

V. Sæpius apud Asceticos, & christianos oratores animam significat consideratam ut *potentiam intellectivam*; eo ferme pacto, quo *cor* apud eosdem auctores significat *potentiam affectivam*. Hac significatione *spiritus*, & *cor* universalem hominis divisionem faciunt in ordine ad ideas, & sensus suos considerati; sive in ordine ad modum, quo res percipit, & sentit.

#### DIVERSÆ HUMANI SPIRITUS PROPRIETATES.

1162. OBSERVATIO. *Humanus spiritus* ea significatione, qua illum considerandum suscipimus, est anima humana considerata in ordine ad cognitiones suas, sive in ordine ad modum, quo res percipit, atque intuetur.

Hac significatione *spiritus* in hominibus maxime varius est, pro diversis eorum cognitionibus, & proprietatibus.

I. *Spiritus latus* res percipit hilari, ac jucundo aspectu. Jucundus ipse, rebus etiam jucunditatem, atque hilaritatem inspergit, & grato quodam lepore animos sibi devincit.

II. *Spiritus falsus*, eo aspectu res percipit, qui ipsarum non est proprius, & earum ideas effingit, in quibus deformantur, & naturam mutant. Aut cæcus est, aut fallax; deceptus, aut deceptor.

III. *Spiritus causticus, & malignus* res non percipit, aut exhibet nisi pravo earum aspectu, quem investigat, imo & effingit ipse.

Quum

Quam maledicendi, & mordendi mania correptus sit, nihil in vita Cæsaris, nisi Dyrnachii pugnam adnotabit: in egregiis Cornelii, aut Racinii tragœdiis aut aliquem minus elegantem versum, aut minus harmonicum, & poeticum hemistichium tantum in medium proferet: in magnanimo aliquo, & præclaro facinore carpet agendi causam, quam pravam supponet, aut finget: modo in ceteris nihil boni, plurimum mali invenire possit, nihil vituperium curabit, quod sibi pariet.

IV. *Spiritus elegans, & argutus*, res exhibet ingeniose, & elegantibus allusionibus convestitas. Præsefert aut perfectiorem percipiendi quidquid in rebus elegantius est facultatem, aut versatilem imaginationem, qua omnes rerum sinus permeat, & colorum vel minimas veluti varietates assequitur.

V. *Spiritus profundus* intima rerum penetrat, quavis ex parte illas intueri nititur, & omnes earum relationes dignoscere priusquam iudicium ferat. Ideas habet robustas, amplas, firmas, quibus iudicat.

VI. *Spiritus præoccupatus*, res videt, aut exhibet, non ut sunt, sed uti a suis præiudiciis, & inordinatis affectibus pinguntur.

Si Deshoulières audias, Racinii Phædra contemnenda tragœdia est. Si Orgonem audias, Tartuffus probatissimis, atque honestissimis moribus homo est.

Spiritus præoccupatus rerum veritatem, ac meritum ex sua præoccupatione metitur: sectarum, atque factionum hic spiritus est.

VII. *Spiritus verus, seu rectus* vero earum aspectu, verisque earum notis res percipit, atque exhibet. Nec iudicia, quæ de iis fert, sive illis faveant, sive opponantur, aut propriæ utilitatis, aut pravorum affectuum influu vitiantur. Veritatis, & iustitiæ amans, eas semper colit, illisque obsequitur.

VIII.

VIII. *Spiritus litigiosus* in rebus semper falsa, & impugnanda videt, & obicit. Fuit rationes solidis præfert, neque harum vires sentit, cavillationibus nimis gaudens.

Inter varia spirituum genera, hoc ad veritatem inquirendam omnium ineptissimum est; nullus enim spiritus minus hoc opportunus est ad verum a falso secernendum.

IX. *Spiritus acutus* dum ea in rebus intueri vult, quæ ceterorum hominum passim aciem effugiunt, ideis mergitur nimis abstractis, & procul conquisitis; ratiociniis implicatur nimis acutis, & parum solidis; viis oberrat insuetis, & parum perviis, quæ a recta ratione, & a communi hominum sensu teri non consueverunt.

Si forte veritatem assequitur, eam nimis attollens, ac veluti dissecans enervare, ac destruere videtur; saltem ita eam profert, ut ab aliis percipi nequeat, adeoque ut ceteros suadere non valeat.

X. *Spiritus solidus* in suis judiciis, ac determinationibus immotus est; nec tamen nisi matura, & attenta deliberatione judicat, aut se determinat; nec a statutis recedit, nisi quum novis illi a ratione luminibus propositis, videt a prius statutis esse recedendum.

XI. *Spiritus solidus a pertinaci* diversus est; hic enim ab arrepta opinione non removetur neque quum ratio ostendit, injuria se, & falso judicasse.

XII. *Spiritus audens*, libere cogitat, atque agit ratione duce, nihil territus neque a præjudiciis, quibus ratio oppugnatur, neque ab incommodis in ea sequenda perferendis, neque a molestiis, quæ ita operanti imminet: de hoc spiritu sequenti definitione agere pergimus.

## SPIRITUS AUDENS.

1163. DEFINITIO. *Spiritus audens*, sive *fidentia spiritus*, de qua tanta viginti, aut triginta jam annis dicuntur, quæque fortasse nondum definita est, in eo sita est, ut libere cogitare, & agere non vereamur ratione duce, & præjudicia contemnentes, quibus oppugnatur, & incommoda superantes, quæ subeunda sunt, & pericula non timentes, quibus objicimur illam sequentes. Exempli gratia:

I. Julius Cæsar primus arbores sylvæ sacræ securi ferit. Hoc audet, frustra obluctante populari præjudicio, quod hoc impium opus execrandum facinus putat, a quo innumera infortunia sint oritura.

II. Junius Brutus filios tyrannidi faventes, & reipublicæ hostes capite damnat, naturæ pro natis clamantis vocem negligens, quæ patriæ filios præferendos suadet, & barbaram crudelitatem esse dicit judicii huius severitatem legibus tuendis, & reipublicæ servandæ necessariam.

III. Attilius Regulus perorat, ne Romani captivi, inter quos & ipse recensebatur, cum Carthaginienſibus permutentur, aut redimantur: ita vero coram Senatu sententiam dicit, etsi exquisitissima hinc sibi supplicia imminere videat: vitæ tamen amor obluctatur, eamque profunderē non veretur consilium dans patriæ profuturum.

IV. Fabius Maximus cunctari pergit, & in Hannibalem pugnare recusat, frustra contra insurgentibus clamoribus popularibus cunctationem hanc improbantibus, & pudendum timorem dicentibus summam viri huius prudentiam, & in re militari virtutem.

V. Athanasius sæculo barbaro, & sectariorum furore execrando, magno pectore, mirabili-

bilique virtute orthodoxæ fidei veritatem propugnat, seque tamquam murum æreum errori, & impietati objicit; nihil calumniæ rabiem veritus ejus famam discerpere nitentis, neque proscriptiones, & exilia, quibus vix illi sepulcrum superest, quo celatus persecutorum hæreticorum iram vitare possit.

VI. Fenelonius in re difficili, maximeque periculosa audacter eam fert sententiam, quam Regi gloriosam, ac decoram arbitratur, sese fidenti animo procellis objiciens, quas ita in se ab avaritia, & perversa politica excitatum iri non dubitabat.

Hæc est fidentia spiritus, quæ si perseveret, sit *animi fortitudo*. Porro hæc commendari non meretur nisi, quum rationem ducem sequitur, & justitiæ, ac virtuti est consentanea. *Si fractus illabatur orbis impavidum ferient ruina.*

### IMAGINATIO ACTIVA, ET PASSIVA.

1164. DEFINITIO. Quum sese mens explicat evidentibus imaginibus, illustribus similitudinibus, vivida, & res pingente dictione, tunc *imaginatio* habetur, eaque activa, & creatrix, nec cum passiva confundenda, quæ omnino diversa est.

I. *Imaginatio activa* est animæ facultas rerum imagines creans, atque præsentis exhibens. Hæc in anima intrinsecam activitatem supponit; ipsaque animæ energia, & functio est.

II. *Imaginatio passiva* est animæ aptitudo ad extrinsecas impressiones admittendas. Hæc in anima intrinsecam tantum aptitudinem supponit ad actionem suscipiendam, quæ illi communicabitur.

Prima est imaginatio Cartesii, Neutoni, Miltoni, Virgilii, Homeri, Demosthenis, Archimede.



medis: qui omnes naturam arripiunt, ut illam intueantur, & pingant.

Altera mulierularum, & puerorum imaginatio est, qui omnes illis oblatas impressiones admittunt; & phantasmata, quibus illuduntur, vera putant.

1165. *NOTA*. Præclara hæc animæ facultas, a qua cogitationum, & sensuum nostrorum enegia pendet, duplex hæc imaginatio fere semper & utilitatem parit, & incommodum, tum in ingenii operibus, tum in vitæ usibus.

I. *Imaginatio activa* Physico, Geometræ, Oratori, Poetæ utilis est ad rerum imagines, quibus student, illis vivide, & permanenter referendas; at ratione semper regi, ac duci debet.

Imaginatio a ratione sejuncta sæpius cæca, & fallax est: sine imaginatione ratio fere semper arefcit. In humanis cognitionibus imaginatio intellectum elevat, effert, & aliquando devium trahit: ratio intellectum illuminat, dirigit, perficit: ambæ simul *insigne ingenium* pariunt, quale in summis viris admiramur.

II. *Imaginatio passiva*, quæ quo vividior est, eo debiliorem animam indicat, & plerumque noxia magis, quam utilis est, pueris prodesse potest, quos suis crepundiis oblectat, ridiculis amantibus, qui hisce imaginibus magis exardescunt, & insanis quibusdam, qui aliquando phantasmata quid verum putant.

### *HUMANI INTELLECTUS VITIA.*

1166. *OBSERVATIO*. Imbecillitas, stupiditas, stultitia, furor sunt in anima humana *potentia intellectiva* vitia. Quum itaque vitia sint potentia percipientis, & judicantis, rationis vitia sunt, quæ tandem est intelligentia judicio conjuncta ( 144 ).

I. *Im-*

I. *Imbecillis* ideis caret, cum admodum paucas habet, quas nec distinguere scit, nec comparare, nec sejungere, nec genericas reddere.

Qui ideis caret intelligentia caret: qui ideas non habet, quas intueri, & præsentis habere possit, animadversione caret; qui ideas non habet, quas simul comparare possit, iudicio caret. Qui ideis caret, quarum relationem percipere possit, ingenio caret; qui ideis caret quas dividere, conjungere, comparare possit, imaginatione; & inventione caret.

*Imbecillitatis status*, qui & ab origine, & a morbo esse potest, & qui aliquo pacto magis, & minus admittit, omnes has naturales animæ qualitates re ipsa excludit, nempe intelligentiam, animadversionem, iudicium, ingenium, inventionem.

Visus est Lockius opinari, imbecilles *mediam quandam entium classem* inter hominem, & bruta constituere. Hac in re lusisse, non philosophatum fuisse, putandus est. Quot a rationis statu ad imbecillitatis statum declinarunt? num proinde naturam mutaverunt? num proinde quid medium inter hominem, & bruta effecti sunt?

II. *Stupidus* quadam sentiendi, percipiendi, iudicandi activitate caret. Ideas habere potest, at non illi quum opus est occurrunt, memoria, aut perceptione deficiente. Sentire potest, percipere, iudicare; at in ipso adeo iners sensus est, tam lenta perceptio, tam tardum iudicium, ut ad omnia, ferme ac imbecillis, ineptus sit.

III. *Stultus* sæpius plures ideas, easque vividas habet. At eas perpendere, & dirigere ineptus dum conjungit monstra facit. Ideas jungit invicem pugnantes, harumque idearum chimeras veras res putat.

Quum ad hoc iudicandi vitium accedit imaginationis effervescentia, & imperus, motusque

in organis violentus, & convulsivus, tunc furor est, aut phrenesis: supremus stultitiæ gradus.

Jungat stultus ideam sui ipsius ideæ illi inditæ regis Marochii, aut hominis vitrei; se jam dicet Marochii regem, aut vitreum: si se regem putat, omnes sibi obsequi præcipiet: si se vitreum putat, omnium contactum sedulo vitabit ( 386, & 428 ).

1167. NOTA I. Ideæ nonnullæ sunt, quæ natura veluti sociantur: eas conjungere sapientia est; aliæ sunt natura veluti dissidentes: has conjungere stultitia est.

Si accurate homines considerare velimus, quum ideas conjungunt; ex *ridiculis idearum conjunctionibus* plures fortasse, quam putabamus, in hominibus stultos inveniemus.

I. Mulierem novimus ceteroqui recte sentientem, quæ summo odio feles omnes habebat; quod olim feles passerem canarium sibi carissimum vorasset.

Hujus exosi felis ideam ipsa ad universam speciem felium stulte extenderat.

II. In fanaticis idea hominis aliter, ac ipsi, sentientis, & idea hominis exterminandi nunquam sejunguntur: semper conjunctæ procedunt.

III. In pueris, quorum memoriam, & imaginationem fatua nutrix spectrorum nocturnorum fabellis vitiavit, idea tenebrarum, & idea spectrorum, quæ fortasse nihil habent, quo conjungendæ sint, ita junguntur, ut sæpius deinde illas sejungere nequeant, neque ab inani- bus hisce terroribus liberari.

1168. NOTA II. Stulti aliqui sunt omni ex parte stulti. In his nullus rationis usus.

Alii sunt aliqua tantum in re stulti, in ceteris sana mente. Eorum caput est aut ut antiquus liber, in quo magnæ lacunæ sunt, aut ut organum aliqua tantum tibiæ parte dis-

sonum. Omnia recte procedunt quamdiu extra lacunas sumus, quamdiu consonas tibias excitamus: extra hæc nullus ordo.

1169. **NOTA III.** Stupidus, & imbecillis, stultus, & phreneticus in aliquibus similes sunt, in aliquibus dissimiles. Omnes ratione carent, at non eodem modo.

I. Stultus ideas jungit invicem pugnantes, & disparatas: monstrosas propositiones profert, quas principia esse vult: ex his aliquando factis exacte ratiocinatur.

II. Imbecillis minimum in ideis jungendis adlaborat; eas non alligat: principia ex iis non statuit: nullo pacto ratiocinatur.

III. Phreneticus aliquando ratiocinatur, sed furore semper periculoso.

IV. Stupidus in tardis, lentisque suis judiciis, & ratiociniis aliquid rationis lumen ostendit, quod tamen nihil perspicui, ac certi habet. Quænam horum intellectus vitiorum *causa physica* sit alibi investigabimus (1257).

### *QUID SIT RECTUS SENSUS MORALIS.*

1170. **DEFINITIO.** Quæ anima *certum lumen* habet, & *exquisitam sentiendi vim* quam recte rerum quarumcumque convenientiam, elegantiam, perfectionem sentit, & quanti par est facit, illa *rectum sensum moralem* habere dicitur. Sensum hunc a sensu physico, sensatione scilicet illa intima ab organorum vibratione orta distinguas oportet. Rectus hic sensus & aliquid habet ab ingenio percipiente, & a ratione judicante; neuter tamen est.

I. Rectus hic sensus non est tantum *ingenium*, sive illa animæ facultas, quæ rerum relationes magis minusque sensibiles, remotas, complicatas facile assequitur; sunt enim acri ingenio præditi, qui recte hoc sensu carent, seu qui nec recto hoc sensu quidpiam elucubrare, nec

in aliorum elucubrationibus rectum hunc sensum dignoscere sciunt.

II. Rectus hic sensus non est *ratio* tantum, sive hæc animæ facultas, quæ discussione, & animadversione de rebus judicat: rectus enim hic sensus sapius definit, & optime definit priusquam ratio lentior perpenderit, & judicaverit.

III. Videtur tamen rectus sensus a ratione non omnino distinctus; quid enim est rectum sensum habere? est res quanti faciendæ sunt facere, est bonis bene, malis male affici, est falsis speciem veri præferentibus non decipi, & nihil contra valentibus illusionibus recte judicare.

Quæ quum ita sint rectus sensus, & ratio, si rem intime attendamus, idem sunt, etsi non eadem via procedant. *Ratio* enim ut definiat longo ambitu procedit, principia statuit, confectaria deducit, causa cognita judicat; & postquam judicium tulerit, hoc probare, & rationibus jure probatum extendere parata est. *Rectus sensus* nihil horum attendit. Priusquam rationem consuluerit recta procedit, & recte definit. Vix illi quidpiam oblatum est, jam impressionem sensit, sensus excitatus est: judicavit, & recte judicavit.

Sicuti auris discordi sono læditur, sicuti olfactus ingrato odore vexatur priusquam ratio ad hæc objecta sese converterit, ut de iis judicet; ita rectus hic sensus, moralis, & intellectualis agit, de objecto definit, & rationis animadversiones prævenit.

Possunt quidem hæ rationis animadversiones deinde sequi, ut illum in statutis confirmet, & ut secreta statutorum motiva illi detegat, at hæc sensus expectare non potuit. Aliquando etiam omnia hæc ignorat, nec unquam quid ipsum ad ita definiendum adduxerit valet detegere.

IV. Dicitur ne poterit rectus sensus esse primus motus, seu veluti *recta rationis instinctus*? qui celeriter animam trahit, & omnibus ratiociniis rectius ducit.

Quidquid sit, rectus sensus, & iudicium re ipsa tandem idem sunt, eadem scilicet animæ facultas, cui diversa nomina tribuimus pro diversis modis, quibus agit.

Eam *rectum sensum* dicimus, quum sensu agit, & ex prima objectorum impressione. Eam *rationem* nuncupamus, quum ratiocinio agit postquam res artis præceptis, & veritatis lumine perpenderit. Quare dici poterit, rectum sensum esse iudicium naturæ; & iudicium esse rectum sensum rationis.

1171. NOTA. De recto sensu elegantissimum opusculum consuli potest, quod inscribitur *de Pulchro* ( *Essai sur le Beau* ). In hoc de Pulchro sensibili, de morali, de intelligibili, de harmonico, seu musico agitur; & ostenditur in his quatuor generibus *pulchrum* quoddam *essentiale* haberi ab omni institutione etiam divina independens; *pulchrum naturale* a divina quidem voluntate pendens, non vero ab hominum opinione; *pulchrum arbitrium* ab humana institutione, seu consensione pendens.

I. In *sensibilibus*, exempli gratia, in humano corpore, sive in natura visibili, pulchrum *essentiale* in totius unitate, atque ordine, ac in partium relatione situm est; pulchrum *naturale* in copia, & concordia colorum, quibus animatur; pulchrum *arbitrium* in rebus natura sua satis indifferentibus, sed quas nonnullis ætatibus nonnullæ nationes consenserunt oppositis elegantiores esse.

Quum pictura non nisi naturæ visibilis representatio esse debeat, ingeniosæ huius artis præstantia in tribus hisce pulchri sensibilis generibus imitandis sita est, & in affectibus repræ-

sentandis, qui entibus animatis veluti adnexi esse possunt.

II. In *moralibus*, sive in moribus pulchrum essentiale situm est in conformitate voluntatis cum ordine æterno, qui est omnium intelligentium lex universalis; pulchrum naturale in voluntatis conformitate legi generali totius humanæ naturæ; pulchrum institutionis in voluntatis conformitate peculiaribus legibus nationis, in qua sumus.

III. In *intelligibilibus* sive in humani ingenii operibus, puta, in eloquentia, in poesi, in historicis, in moralibus, in politicis, in physicis elucubrationibus, pulchrum essentiale in quatuor his situm est: in veritate, in ordine, in honestate, in decentia; pulchrum naturale in imaginum, sensuum, motuum pulchritudine; pulchrum arbitrarium in modo, quo res proponuntur, in stylo, quo ornantur, & illustrantur.

IV. In *harmonicis*, sive in musicis pulchrum essentiale situm est in ordine inventionis, in totius unitate, in proportionum, & progressionum harmonicarum præceptis; pulchrum naturale in quorundam sonorum cum affectibus in anima excitandis sympathia; pulchrum arbitrarium, & conventionis, in quodam cæstro harmonico conformi propensione peculiari alicujus nationis, quod aliis nationibus non ita fortasse gratum esset.

#### HUMANA VOLUNTAS.

1172 DEFINITIO. *Humana voluntas* & ut potentia, & ut actus considerari potest. Ut potentia est ipsa anima: ut actus est animæ functio, seu activa modificatio.

I. Ut *potentia* est illa animæ facultas, qua bonum amat, atque appetit, qua malum odit,  
& re-

& refugit; seu qua in bonum fertur, & a malo avertitur; quæ ut talia illi ab intellectu exhibentur.

In anima intellectus, & voluntas *ipsa anima substantia* tantum sunt, sed ut diversa objecta, aut diversos effectus respiciens.

Substantia hæc unica, & simplex ut cognoscendi capax, intellectus est; ut a se determinationes capere, & volitiones elicere capax, voluntas est. Ut intellectus magna ex parte passiva est; ut voluntas, saltem ut voluntas libera, semper activa est.

II. *ut actus*, est hujus facultatis functio; sive actus ipse appetitus, aut aversionis, quo anima objectum prosequitur; sive actus, quo vult, rem, quæ in sua potestate est, esse, aut non esse. Actus hic, decretum hoc, determinatio hæc aliquando *Volitio* dicitur, ut omnis inter actum, & potentiam ambiguitas vitetur.

III. In nostræ voluntatis ut potentia consideratæ modificationibus, *propensio* cum *volitione* non est confundenda; hæc siquidem diversæ sunt. Propensio non est volitio: hæc siquidem sæpius illi obstitit, & ambæ sæpius opponuntur.

Quare si etiam anima in propensionibus passiva esset, non propterea etiam in volitionibus, & determinationibus, quæ propensiones non sunt, passiva esset.

1173. ASSERTIO. *Anima humana suarum determinationum, & volitionum saltem liberarum est causa efficiens.*

EXPLICATIO. I. Omnia indicant, animam esse suarum determinationum, & *volitionum liberarum* causam efficientem. Sentit enim eas se sibi pro libito tribuere, aut recusare; si vero earum non sit causa efficiens, nulla in ipsa activa, adeoque vera libertas concipi potest.

II. Nihil probat, animam suarum determina-



tionum, & *volitionum necessariarum* non esse causam efficientem; neque enim ullo pacto repugnare videtur, has determinaciones, & volitiones necessarias ab eadem causa, a qua libere producuntur, produci.

Exempli causa, bimus puer ad matrem amplectendam sese sine libertate determinat, ipse viginti annos natus ad matrem amplectendam se libere determinabit. Qua ratione probabitur duarum harum determinationum unam esse a causa efficiente, quæ alterius causa non sit?

Pari modo nihil probat, *volitionem*, qua animæ beatæ cupiunt Deum amari, & coli, ab earum voluntate in cælis non produci, ut dum in terris viverent producebatur; etsi hæc volitio olim in terris libera, in cælis sit necessaria.

### MEMORIA, ANIMÆ HUMANÆ FACULTAS.

Quid est memoria? qua ratione exercetur? problemata hæc sunt magni momenti, sed difficilis solutionis.

1174. OBSERVATIO I. *Memoria* & ut animæ potentia, & ut hujus potentiæ functio; sive ut facultas, & ut actus considerari potest.

I. *Memoria, ut anima potentia*, est illa facultas intellectualis, ac sentiens, qua anima retinet, & revocat impressionem a diversis objectis effectam, sive organa corporea afficientibus, sive intellectu tantum perceptibilibus.

Patet, hanc *anima facultatem* in natura, ac subjecto suo consideratam, esse facultatem æque spiritualement, ac illæ sint, quas intellectum, voluntatem, judicium, rationem nuncupamus. Omnes æque in muneribus suis ab organis corporeis pendent (508, & 1155).

II. *Memoria, ut hujus potentia functio*, est

veluti *sensus continuatus*, aut *renovatus*, sed magis, minusque tenuis rerum quarumcumque materialium, sive immaterialium, quibus antea diversis temporibus, diversisque vitæ circumstantiis affecti fuimus: sive harum rerum nos subiectum, & testes fuerimus; sive illas ex ideis aliunde vel immediate, vel mediate communicatis, ab iis scilicet, qui earum subiectum, aut testes fuerunt, cognoverimus.

Res hæ, memoriæ objectum, æque esse possunt aut ipsæ animæ modificationes, cujusmodi sunt ideæ, judicia, dolores, voluptates, amor, odium; aut objecta quævis, ad quæ hæ animæ affectiones referebantur.

III. Memoria in *intimo objecto* suo considerata, sive in rerum imaginibus, quas retinet, & revocat, est veluti series exiguorum intellectualium adversariorum, in quibus invisibilis stylus, seu calamus, magis minusve ordinate, & exacte innumera tum sensibilia, tum insensibilia objecta descripsit.

Est veluti archivium, in quo diversis scriptis *descriptio magis, minusve accurata* plurimum, quorum imaginem, aut sensationem habuimus, servatur; quam descriptionem, quum opus est, invenit anima, & excitar, quæque ita excitata, novam veluti vitam impertitur ideis, & imaginibus antea habitis rerum, quas novit, sensationibus, aut sensibus, quos res hæ in ipsa excitarunt, judiciis, quæ tulit, ratiociniis, quæ de illis fecit, liberis determinationibus, quas olim in indefinito tempore de illis sumsit.

1175. OBSERVATIO II. At quodnam est naturæ artificium, sive physicus rerum ordo, a quo in functionibus suis, & actibus hæc animæ facultas pendet? Qua ratione, quove *mirabili machinamento* fit, ut idea, sive sensatio in ipsa excitata innumeras alias naturali earum ordine excitet, & revocet? Qua ratione

a prima ad alteram, ab hac ad tertiam, hinc ad quartam, & sic deinceps progressus fit? si-  
ve in sermone, sive in poemate memoriæ com-  
mendato, sive in proluxa eventuum serie, quo-  
rum testes fuimus, aut quos in historia legi-  
mus? Hoc nemo novit, nec noscet unquam.

Ut inexplicabilis hujus phænomeni rationem  
aliquam physicam philosophi nonnulli asserrent,  
in cerebro *naturalis* cujusdā *cythara* speciem  
excogitarunt infinitis fidibus compositam, qua-  
rum plurimæ unisonæ sint, quarum aliqua si  
vibretur, ut in cythara artificiali, aliam sibi  
unisonam ad sonum excitat, ceteris non uni-  
sonis immotis (*Phyl.* 778., & 759).

I. In hac hypothefi, inquit, facile est me-  
moriæ exercitium percipere. Exempli causa:

Nomen *Alexandri* prolatum in aure impres-  
sionem facit, & in cerebro fibrā concutit,  
cujus vibrationi *Alexandri idea* adnexa est.

*Fibra* hæc *vibrata* omnes sibi unisonas, &  
olim vibratas cum celebris hujus regis gesta le-  
geremus, iterum excitat.

Quare omnes alias in cerebro ad sedem ani-  
mæ diversas fibras excitat, quarum vibratio  
alias omnes *ideas successivas* excitare iterum  
debet, quas olim ad Alexandrum spectantes ha-  
buimus: proinde hinc successive illum videbi-  
mus a Philippo nasci, Græciam subigere, Da-  
rium e folio pellere, Porum vincere, Asiam  
invadere, Ægyptum prædari, & in Babylo-  
nica obsidione mori.

Primæ fibræ vibratio alteram ad vibrandum  
excitat, hæc tertiam, ista quartam, & sic  
deinceps.

II. Hæc, inquit, causa esse videtur si-  
ve efficiens, sive occasionalis, quæ in nobis ideas  
& sensationes præteritas iterum excitat, & si-  
ve orationis, sive eventuum seriem iterum in  
mentem revocat.

*Conatus*, quem adhibemus, sive ut oratio-  
nem

nem memoria addiscamus, sive ut negotii, sive historiae seriem retineamus, successive, & iterum, iterumque *fibrarum seriem* percellit unisonarum in cerebro, seu quas contentio fecit unisonas, quæque unisonæ perseverant; ita ut cujuscumque ex illis vibratio ceteras omnes successive excitare debeat, & totidem in nobis ideas, aut sensationes iterum excitare.

In iis, qui *perfecta memoria* præditi sunt, unius fibræ vibratio ceteras omnes ad motum excitat, unisonæ siquidem perseverant. Ubi *memoria imperfecta* est, lacunæ sunt, propterea quia fibræ olim unisonæ laxantur, nec eandem tensionem servant; quare non amplius fremunt, aut vibrantur.

III. At enimvero hæc hypothesi fortasse omnium ingeniosissima, maximeque philosophica, quam nos explicare dilucide conati sumus *immedicabili vitio* laborat, quo parvi jam facienda est.

Vitium hoc est, quod phænomenon certum & cujus natura ignota est explicet causam afferens maxime incertam, & cujus natura nil magis intelligi, ac percipi possit, ac phænomenon ipsum explicandum.

Quare *naturale machinamentum*, seu causa occasionalis, a qua memoriæ exercitium, & munus pendet inter ignota recensetur, fortasse etiam semper imposterum recensabitur.

## ARTICULUS II.

### POTENTIA SENTIENS ANIMÆ HUMANÆ.

**A** Nima humana hic, & quo ad physicum, & quo ad moralem potentia sentientis statum considerari potest. Hinc tres orientur sequentes paragraphi, in quorum altero prestan-

tissimam philosophiæ partem pertractabimus ,  
*humani scilicet cordis analysim , sive sensus  
 philosophiam.*



## PARAGRAPHUS PRIMUS.

SENSATIONES , ET SENSUS ANIMÆ HUMANÆ.

1176. DEFINITIO. **P**otentia sentiens ani-  
 mæ humanæ est anima ipsa in ordine ad sen-  
 sationes, & sensus suos considerata : sunt hæ  
 binæ *spiritualium modificationum* species, quæ  
 nimium sæpius simul confunduntur, & quas  
 hic distinguere pergitur (1154).

I. *Anima sensationes* dicuntur ejus modifica-  
 tiones quædam respicientes præsentiam, seu  
 sensibiles qualitates objectorum, quæ aliquem  
 ex nostris quinque sensibus actu afficiunt.

Impressio alicui ex nostris sensibus effecta,  
 sive physica organorum nostrorum concussio est  
*sensatio organica*. Impressio in anima recepta,  
 & ab anima percepta est *sensatio mentalis* (455  
 & 457).

II. *Anima sensus* dicuntur interiores quædam  
 motiones gaudii, aut tristitiæ, spei, aut timo-  
 ris, amoris, aut odii, approbationis, aut im-  
 probationis, propensionis, aut aversionis, vo-  
 luptatis, aut molestiæ; hæ motiones in ani-  
 ma nascuntur priusquam ad objecta animadver-  
 tat, sive etiam quum ad illa animadvertit; ab  
 illis, quas organicas, & mentales sensationes  
 dicimus vix, aut ne vix quidem pendent, quum  
 sine illis sæpius habeantur; magis a spiritu,  
 quam a sensibus pendere videntur: magis in-  
 sensibilia, & moralia, quam sensibilia, & phy-  
 sica objecta respiciunt: ad utraque tamen spe-  
 ctare videntur, & veluti *nexus medium* effi-  
 cere modificationum, quibus animæ actio a pu-  
 re

re sensibilibus ad pure intellectualia transitum facit (1325).

Quare *sensus animæ* sunt veluti intimæ impressiones internique motus, quibus in intima substantia afficitur, qui illam titillant, aut laniant vehementissime, qui aliquando nulla animadversione excitantur, aliquando animadversione evanescent, sæpius tamen animadversione vehementius irritantur (1168).

1177. NOTA. Inter animæ sensationes, & sensus patens est diversitas.

I. *Anima sensationes* a potentia intellectiva non dependent, nempe ab ingenio, a iudicio, ab inventione, ab imaginatione.

Etsi profundam Newtoni inventionem habeam, sublimen Cartesii imaginationem, cujusvis præstantissimi politici acutissimam penetrationem, vividiores, acrioresque sensationes non habuerō, quam quas habeo quum objecta video, audio, tango, olfacio, gusto.

Sensationes hæ omnes a *physica organorum meorum constitutione* pendent, per quæ anima impressiones accipit.

II. At *anima sensus* magna ex parte a potentia intellectiva pendere videntur, ab ingenio scilicet, a iudicio, ab imaginatione, a quovis percipiendi modo illius, in quo sensus hi sunt.

Mens magis exulta, & ardua, homo intellectu præstantior vividius præclari facinoris merito afficitur, iniquo, turpique scelere vehementius indignatur: in omnibus exquisitiores animæ vires, & irritabiliorem sensibilitatem habere videtur; quo perfectius ea percipit, quæ horum sensuum objectum sunt.

III. Aliud quoque satis patens, & a nobis jam indicatum inter animæ *sensationes*, & *sensus* est discrimen. Illæ semper ex impressione in organa corporea enascuntur; isti ab animæ idea, aut iudicio passim proveniunt, Illæ *physicum*

sicum ordinem tantum respiciunt, hæ præcipue moralem.

Utrunque *sensibilis in anima impressio* habetur; at hujus impressionis origo, & modus non idem utrinque est; adeoque duo modificationum genera in anima distinguenda sunt, quorum alterum magis ad sensus, alterum magis ad spiritum pertinet.

**ANIMA HUMANA IN SUIS SENSUS  
MODIFICATIONIBUS POTEN-  
TIA PASSIVA.**

1178. ASSERTIO I. *Solus Deus est in nobis causa efficiens mentalium nostrarum sensationum.* Neque enim aut materia, aut anima nostra potest illas producere; ut alibi satis ostendimus (467, & 462).

1179. ASSERTIO II. *Deus solus est in nobis causa efficiens sensuum nostrorum internorum, quos a mentalibus sensationibus distinguimus.*

DEMONSTRATIO. Ut hoc breviter, dilucide, & solide demonstremus, observandum proponimus primo, sensus hos a sensationibus nostris vix, aut ne vix quidem pendere; deinde ex his sensibus nos nobis illos non excitare, quæ jucundi sunt, ut vellemus; neque prohibito nos ab iis eximi, qui molesti sunt; tertio de his sensibus hic dici posse, quod de internis nostris sensationibus alibi diximus; earum scilicet in nobis productionem tribui non posse neque externis objectis, neque materialibus organis, neque animæ ipsi; adeoque eorum productionem non nisi Deo esse tribuendam. (461; & 462).

I. Certum est primo, sensus, de quibus questio, vix, aut ne vix quidem sæpius ab organis, & mentalibus sensationibus pendere. Exempli causa;

Te-

Tenero benevolentiae sensu amicum prosequor tunc etiam, quum centum, aut mille leucis a me distat. Quare hic benevolentiae sensus diversus est, & minime pendet ab organicis, vel mentalibus sensationibus, quæ ab objecto tam diffito haberi nequeunt.

II. Certum est deinde, sensus hos voluntatis arbitrio haberi non posse, neque nos illos nobis aut excitare pro libito posse, aut adimere. Exempli gratia.

Lethali apoplexia corripitur hic amicus absens: infortunium hoc, quod tam procul a me contigit, & per literas tantum innotuit, me dolore summo, ac tristitia afficit.

Tunc nequeo mihi magis gravissimum hunc ægritudinis sensum adimere, quam intimam doloris sensationem adimere queam, quam experior fracto crure; neque magis molestissimo huic sensui alium jucundiozem sufficere possum quam solis oculos mihi ferientis sensationem intimam syrii sub horizonte latentis intimæ sensationi sufficere possim.

Non ergo sum egomet molestissimi hujus sensus causa efficiens; neque enim qua ratione in me exoritur scio, nec quæ eius natura sit, & quidquid obnitor, ut illum minuam, aut oblitterem, frustra obnitor.

III. Certum est tandem, sensus hos, ut & mentales sensationes *solum Deum* causam in nobis efficientem habere posse, qui hac in re omnia in nobis operatur. Sensu enim intimo nobis constat, nos ignorare penitus qua ratione, quove arbitrio sensus hi varii in nobis enascantur; eodem siquidem intimo sensu constat, nos pro libito illos nobis non excitare, qui jucundi sunt, ut gaudii, & quietis; nec pro libito illos a nobis auferre, qui molesti sunt, ut timoris, aut tristitiæ sensus: nullos ex his animam causam efficientem habere; novit enim apprimè ipsa, se sæpius illos experiri, quos  
fru-



frustra fugere nititur, aut abiicere; neque eos semper experiri posse, quos sibi procreare, aut excitare conatur. Q. E. D.

1180. OBJECTIO. *Anima nostra sensus* nobis innati sunt, inquit recentior philosophus. Natura ipsa a sui ipsius amore in individuo nascuntur, a doloris metu, a mortis horrore, a bene habendi desiderio. Nobis existere sentire est. Sensibilitas in nobis intelligentia certissime prior est; sensus habuimus priusquam ideas haberemus.

RESPONSIO. Quid verba ista sonantia probant, nisi sæpius nihil rectius quæstionem de sensibus intelligi, ac quæstio de ideis innatis intelligatur? Potentia ideas, & sensus habendi, sive activa sit, sive passiva, innata profecto est; est enim anima ipsa; at ideæ, & sensus non sunt innati: ceterum quem modum sensum habeo, & olim semper habuissem, & imposterum semper habiturus essem.

I. At sensus habuimus, inquires, priusquam ideas. Esto. Num proinde sensus hi erunt innati, quos anima scilicet in natura sua plane productos inveniat? non sane. Num proinde eos producit anima ut causa efficiens? ne hoc quidem. Sequitur tantum sensus hos, undecumque procedant, *anima nostra naturales* esse; sive naturæ suæ commodam, aut incommodam modificationem esse.

II. At qua ratione, pergunt fortasse, diversi hi sensus, amor sui ipsius, mali metus, boni desiderium, quorundam vitiorum horror, ad quasdam virtutes propensio, ceteraque huiusmodi, sint *sensus anima nostra naturales*. si eos anima in natura sua non invenit, aut ipsa tamquam causa efficiens non producit?

Diversi hi sensus, etsi non innati, etsi ab anima tamquam causa efficiente non producti adhuc animæ naturales jure censentur. Non enim id tantum in subiecto quovis *naturale* dicitur,

citur, quod naturam suam constituit, sed etiam quod speciei suæ semper adnexum est; quæcumque tandem ejus origo, aut causa efficiens sit; a quo præscinditur.



## §. I I.

### HUMANI CORDIS ANALYSIS, SIVE PHILOSOPHIA SENSUS.

1181. OBSERVATIO. *I*ntellectus, & cor, ut jam monuimus, genericam hominis divisionem faciunt in ordine ad ideas, & ad sensus considerati, sive in ordine ad modum, quo res percipit, ac sentit. Quemadmodum intellectus non nisi anima ipsa est considerata ut potentia intellectiva; ita cor nihil est, nisi anima ipsa considerata ut potentia affectiva. De intellectu jam egimus; nunc de corde agendum.

I. *Cor humanum*, seu *cor morale*, de quo tantum hic sermo, anima ipsa est, quatenus potentia affectiva; sive quatenus considerata in ordine ad diversos sensus, quos experitur, ad varios affectus, quibus agitur; exempli gratia, in ordine ad diversas impressiones, diversosque motus benevolentiae, aut odii, desiderii, aut metus, gaudii, aut tristitiae, voluptatis, aut molestiae, quibus tam sæpe in intima sua substantia afficitur (1154).

II. *Cor materiale*, *cor physicum*, viscerum nostrorum præstantissimum, a quo partium omnium humani corpori motus exordium capit, & cujus motu cessante, reliquarum partium motus omnis intercidit, est tantum *carnis*, & *materialium fibrarum congeries*, cujus in nostra regni animalis theoria anatomicam notionem tradidimus (*Phys.* 540).

Quum itaque carnis, & fibrarum materialium con-

congeries five organica sit, five non organica, semper natura sensus incapax sit; patet, cor physicum in se varios illos sensus habere non posse, quos homo experitur; sunt enim natura intrinsecæ modificationes substantiæ spiritualis, & sua natura sentientis.

Quum tamen plerumque affectus hi, & sensus benevolentiae, aut odii, desiderii, aut metus, gaudii, aut tristitiæ, voluptatis, aut molestiæ occasionem præbeant, ut *cor materiale* physice, & sensibilibiter aut constringatur, aut dilatetur, diversas has animæ, modificationes ad cor materiale referre consuevimus, in quo non sunt; ut ad pedem, aut ad manum sensatio voluptatis, aut doloris refertur, quæ in ipsa anima est.

2182. *NOTA I. Scientia igitur humani cordis non materialis cordis scientia est, sed animæ humanæ scientia, aut cognitio, quatenus ex suis affectibus agentis, & ex diversis sensibus amoris, odii, æmulationis, ambitionis, superbiæ, cupiditatis, zelotypiæ, iræ, vindictæ, quibus magis, minusve afficitur. Quare cor humanum noscere est humanorum affectuum progressum, & influxum noscere in diversis individuis, & circumstantiis.*

Ut est metaphysica intellectus, ita & metaphysica cordis est. Illius operationes analysi subijci possunt; cur & hujus non subjiciantur? postrema hæc analysis *philosophia sensus* est, & hujus paragraphi argumentum.

I. *Metaphysica intellectus* homini arridet, atque jucunda est; gratum enim homini est sibi posse rationem reddere diversarum cognitionum, quas ab anima acquiri, in eaque enasci perspicit; hinc principiorum, illinc consequutionum nexus tenere: fontem, generum, & nexum videre variarum operationum, quibus illi ad veritatem via sternitur.

II. At *metaphysica cordis* minus ne homini ad-

adridens, atque jucunda erit? minus ne homini gratum erit sibi posse rationem reddere diversorum motuum, ac sensuum, quibus ejus cor agitur, & qui suos affectus efficiunt: noscere primum, & unicum germen, a quo universi hi affectus tam varii, cum omnibus eorum variationibus, & filiationibus propagari debent: eos omnes videre ab eodem fonte derivatos, ab *Amore proprio* scilicet, cum omnibus notis, quibus distinguuntur, cum omnibus gradibus, quibus diversi sunt, cum omnibus principiis, quibus roborantur, quæ illos transformant, aut extinguunt?

**AMOR PROPRIUS MAGNUM MOBILE  
HUMANORUM AFFECTUUM.**

1183. DEFINITIO . *Amor proprius* est ille amor sui, & rerum omnium propter se, qui humanos omnes affectus excitat, qui in hominibus & virtutes, & vitia procreat, prout bene, vel male dirigitur.

Deus ad imaginem suam hominem condens, universæ homini substantiæ, *instinctum hunc energicum*, & *inamissibilem* veluti immiscuit, quo ad se ipsum amandum fertur, quo omnia sibi utilia, & commoda comparare studet, quo se veluti centrum considerat, ad quod entia omnia in activitatis suæ sphaera sita referantur.

Instinctus hic infinite activus quibus viribus hominem non urget, ut omnia sibi obtineat, quæ & ejus existentiam, & ejus felicitatem permanentem facere possunt?

Instinctus hic infinite irritabilis, quo impetu hominem non excitat, ut contra ea quæcumque pugnet, quæ jucundas ejus voluptates, gratas sensationes, gaudia quævis impedire, tollere, ac minuere possunt?

Instinctus hic infinite fecundus omnium in homine affectuum fons est, & origo; ab eo  
vir-

virtutes omnes, & vitia, benevolentia, odium excitantur, & ad agendum provocantur; & quum contra se pugnare videtur, sibi ipsi pugnat.

### AXIOMA PRÆCIPUUM.

1184. *Amor proprius est communis origo in homine virtutum, & vitiorum, desideriorum, & timorum, benevolentia, & aversionis, uno verbo affectuum omnium, siue liciti sint, siue illiciti.*

EXPLICATIO I. Satis est vel paululum animadvertere quid in anima nostra contingat, ut saltem confuse moralis hujus axiomatis veritatem percipiamus; ac videamus, semper esse *Amorem proprium* bene, aut male directum principium motuum omnium nostrorum internorum quibus agitamus, determinationum omnium liberarum, quas capimus, actionum omnium seu virtuti conformium, seu vitio turpium, quas patramus.

II. At quum amorem proprium affectuum omnium, atque humanarum actionum universalem motorem facimus, non illum semper *Amorem proprium inordinatum* esse contendimus, in se veluti, & in suis motivis vitiatum, atque corruptum. Hoc esset veritatem ejurare, & philosophiam evertere perversa homines calumnians libidine, & in illis vitia tantum, aut falsas virtutes detegendi desiderio. ¶

Est in hominibus & *amor proprius ordinatus*, qui cor humanum humanis, & divinis legibus, honestatis, & religionis principiis subiicit; & *Amor proprius inordinatus*, qui cor humanum suis effrænatis appetitibus tradit, frustra ratione, & religione contra inclamantibus. Primus virtutem, alter vitia parit, & crimina; ut in philosophia religionis ostendimus.

III. Ut ostendamus qua ratione amor proprius

prius magnus potentiarum affectivarum animæ motor sit, illum in præcipuis humanorum affectuum propaginibus considerabimus.

Facile inde erit percipere, qua ratione *Principium* hoc morale genericum fieri possit, seu quomodo etiam iis affectibus adhiberi possit, quos silentio prætereundos arbitramur.

*VOLUPTATIS APPETITUS, DOLORIS  
TIMOR.*

1185. EXPLICATIO. “ Voluptas, & dolor, ait sapiens quidam, magni duo mundi magistri sunt; primi illecebræ vitam amare faciunt: alterius metus aliquando ad illam perferendam est necessarius ”.

Ab amore proprio oritur *voluptatis appetitus*, sive motionum illarum sensibilibum, & gratarum, quæ animam excitant, atque titillant, & novum illi, ac jucundius existentiae, & vitæ genus impertiri videntur.

Ab amore proprio oritur quoque *doloris timor*, sive illius status molestissimi, quo anima excrucietur, & quo existere illi supplicium est; quo ad compositi dissolutionem adduci videtur per tormentorum, ac convulsionum seriem, cujus aspectus magis fortasse re ipsa molestus est.

I. *Voluptatis illecebris* Providentia nos vitam, & valetudinem curare facit, nos ceteris hominibus adjungit, ad Deum ipsum nos trahit. Exempli gratia.

Est voluptas, quæ edendo percipitur, qua urgemur corpus, & vires alimentis reparare. Non satis in his solliciti essemus, nisi necessitates nostræ voluptatem nobis non parerent.

Est voluptas societatis utilitati, & jucunditati conjuncta, quæ homines invicem jungit, & sociat, sive domestica, & œconomica societas attendatur, sive civilis, & politica.

Du-

Duplex hæc societas, Dei finibus plane conformis, cito solveretur, si amor proprius, & voluptatis appetitus illam non solidaret.

Est voluptas a Dei infinite boni, amabilis, benefici, veri parentis nostri, æterni nobis futuri gaudii cognitione percepta, quæ ejus amicitiam, ac possessionem nobis ambire facit.

Non ergo voluptas omnis prava est, & condemnanda: voluptate enim utitur Divina providentia, ut hominem ad finem illi propositum adducat.

II. *Doloris metu* nos quoque Providentia vitam amare facit, nos ceteris hominibus sociat, in officio continet.

Indigentiaæ motus inertem ad laborem excitat. Vituperii, & supplicii motus improbum a maleficio retrahit. Mortis timor, & dolorum, qui ipsam sibi inferendo perferendi sunt, desperantis brachium continet. Æternorum suppliciorum metus peccantem deterret, sapius etiam ad Deum reducit.

1186. *NOTA I.* Voluptas & ad sentientem, & ad societatem, & ad Deum relata considerari potest.

Illicita est, & reprobanda, quoties natura sua aut gaudentis, aut societatis bono, aut Dei præceptis contraria est.

I. Ab hoc morali principio, cujus certitudo, & evidentia satis se ipsam prodit, facile est plura rectissima consectaria deducere, quibus innumeræ illicitæ, & pravae voluptates proscribuntur, quæ tantum valent vires enervare, discordias, & dissidia in societatem invehere, Dei ordinem, & providentiam pervertere, humanum genus in suo ipso fonte extinguere, & hominem ad perpetuam Dei auctoris sui oblivionem adducere.

II. Generatim voluptas illicita, & prava est, quum aut a naturæ lege, aut ab aliqua positiva lege immediate, vel mediate a Deo eman-

nan-

nante proscrbitur; quum alicui ex sacris morum principiis vel ratione, vel revelatione, notis adversatur: quum religiosum, ac debitum cum Deo commercium vel destruit vel infirmat, nos ad sensibilia illegitime convertendo.

1187. NOTA II. *Voluptas* dicitur quævis perceptio, quam anima potius habere vult, quam non habere. *Molestia*, & *dolor* dicitur perceptio quævis, quam anima non habere potius vellet, quam habere. Voluptates, & molestiæ infinitum variæ esse possunt natura, duratione, intensitate.

Voluptatum summa *felicitatem* constituit; molestiarum summa *infelicitatem*.

*Felicitatis*, & *infelicitatis* *astimatio* in suis diversis speciebus videtur esse productum ex intensitate voluptatis, aut molestiæ in durationem.

1188. NOTA III. Voluptates, & molestiæ omnes ad animam ipsam evidenter pertinent, non ad corpus, cui conjuncta est.

Quæcumque enim ab objecto in sensus meos impressio fiat, evidens est, hanc mihi non futuram nisi *motum physicum*, nunquam vero voluptatem, aut molestiam, nisi ab anima sentiatur.

Quare voluptates, & molestiæ re ipsa non nisi animæ perceptiones sunt. At hæ perceptiones inter se diversæ sunt, quatenus aliquæ ab externorum objectorum in sensus impressionibus exoriuntur, aliæ ab ipsa anima exoriri videntur.

Primæ corporis voluptates, aut molestia dicuntur: sunt hæ sensationes naturæ. Postremæ dicuntur *anima voluptates*, aut *molestia*: sunt hæ sensus nostri. Sensationes igitur, & sensus duo sunt distinguenda (1176).

1189. NOTA IV. Binæ hæ diversæ voluptatum, & molestiarum species ad animam tantum



tum pertinent; anima tantum enim sentit. At quænam determinate est earum natura?

I. *Voluptates corporis* sunt sensationes organicæ, & mentales, quæ animam alliciunt, & quas ipsa experiri gaudet.

*Molestia corporis* sunt sensationes organicæ, & mentales animæ ingratae, quasque ipsa experiri metuit.

Sensationes organicæ nihil ad animam spectant, nisi quatenus suarum sensationum mentalium sunt causæ vel efficientes, vel occasionales.

II. *Anima voluptates* in tribus gratarum, ac jucundarum perceptionum generibus positæ esse videntur: primo in placida jucunditate, quam pariunt virtutis exercitium, officia sancte obita, intimum conscientiae testimonium; deinde in vivida jucunditate, quam parit veritatis inventio, aut contemplatio sive in physicis, sive in mathematicis, sive in moralibus, sive in pure intelligibilibus. Tertio in suavi jucunditate, quam parit ceterorum hominum sibi comparata benevolentia, & existimatio.

*Anima molestia* positæ sunt in defectu trium horum felicitatis fontium, & triplicis hujus perjucundæ, ac pergratæ perceptionis; & in criminis admissi stimulo, vel in probro inscientiæ, vel in odii, & infamiæ horrore intime perceptis.

1190. *NOTA V.* *Anima*, & *corporis voluptates* aliquando valde proximæ videntur. *Voluptas amicitia*, exempli gratia, aliquid habere videtur & de corporis voluptate ratione sensationum, & aliquid de animæ voluptate ratione quorundam sensuum a sensationibus non pendendum.

Idem dicamus de *anima*, & *corporis molestiis*. Amici interitus, exempli gratia, animam meam dolore summo afficit; hujus vero doloris præcipuum principium est cessatio teneræ illius

necessitudinis, qua devinciebamur, quamque sentire magis possumus, quam verbis explicare.

1191. **NOTA VI.** Inter animæ molestias, & voluptates nonnullæ sunt, quæ ab intima sua perfectione, a sua morali sensibilitate procedunt; ab illa scilicet vivida sentiendi vi, qua ceterorum bono gaudet, malo tristatur, eorum præcipue, quibus amore magis conjuncta est.

Hinc præclarum problema hoc exortum est, quod nobis a tribus vestalibus aspera in solitudine viventibus, ac pietate, & ingenio maxime commendandis propositum fuit, scilicet: *fit ne moralis sensibilitas bonum quoddam, aut malum, felicitatis ne, an infelicitatis principium.*

En tibi, mea sententia, veta principia, a quibus præclari hujus problematis, & fortasse omnium in philosophia sensus difficillimi solutio peti potest.

I. Certum est primo, felicitatem esse summam perceptionum jucundarum ductam in earum intensitatem; ut infelicitas est summa perceptionum ingratarum ducta quoque in earum intensitatem.

II. Certum est deinde, sensibilitatem moralem plurimum addere bono, & malo plerarumque ex nostris perceptionibus ordinis morali. Quæritur itaque quid ex una parte anima sensibilis lucratura, quid ex alia amissura sit.

*Anima insensibilis* nobis automatis species quædam videtur, seu naturæ mutilæ, & abortivæ, quæ in ordine ad sensum id est, quod anima hebes, & stupida in ordine ad intelligentiam, & cui nec bonum datur, nec malum saltem in ordine morali.

*Anima sensibilis* natura est omni ex parte completa, & animata, omnino vivens, & agens, omnino voluptati, & dolori obnoxia, sive in physicis, sive in moralibus (1177).

Illa huic præstabit in dolorum summa, quos ex naturæ vitio, & imperfectione non sentit.

Hæc illi multo magis præstabit in voluptatum summa, quarum delicias ejus natura vivida, magisque energica multo magis sentit.

III. Definitum non est, omnia molestiam esse, & infelicitatem in *perceptionibus molestis*, quas moralis sensibilitas nimium sæpius parit.

Si eorum, quos diligimus, mala sensibilem animam nostram afficiunt, tunc quoque illi obvenire videtur *interna voluptas*, ex hac dolorum participatione; porro hæc quoque tacita, sed vera voluptas, qua sensibilis anima nulla ratione carere vellet, inter voluptatum summam recensenda est.

Plura ingrata vidi, agebat sapiens quidam, quibus contristatus non fuisset, si cæcus fuisset. Non tamen propterea aut oculis orbari, aut cæcus natus esse voluissem.

#### *BENEVOLENTIA, & AVERSATIO.*

1192. EXPLICATIO. Ab amore proprio exorjuntur in nobis odium, & benevolentia, antipathia, & sympathia: quos sensus satis experientia noscimus, & definiendo tenebris obvolveremus; sensus enim quidam sunt, qui definiri nequeunt; atque ex hoc genere hi esse videntur.

I. Meritum insignæ aliquando odimus, aut odisse sollicitamur; a nobis enim publicam, quam ambimus, attentionem avertit. Superbiam odimus; se enim stulte exaltans, nos deprimere velle videtur. Avaritiam odimus; animam enim asperam, & misericordiæ nesciam indicat, auri tantum amantem, quæque nullo pietatis, ac beneficentiæ sensu tacta non nisi nocere nobis posset. Injustitiam odimus; manifesta enim est animi dispositio ad damnum in bonis, aut in honore inferendum. Crudelitatem,

tem, & ferocitatem odimus, implacabilem ulciscendi libidinem, nimiam asperitatem; hæc siquidem noxiæ qualitates sunt, a quibus mala nobis timere possumus. Rusticitatem, obsecritatem, impudentiam, sordes odimus; siue quod hæc vitia non nisi ingratas in nobis ideas excitent; siue quod in subiecto turpes, & contemnendas qualitates indicant, unde non nisi quid ingratum, & molestum expectari possit. Cetera.

II. Contra vero iustitiam diligimus, nostra enim iura, & bona tuetur; beneficentiam, quod propensionem præferat ad nobis pro opportunitate benefaciendum; clementiam, quod nobis indulgeat, atque ignoscat; fortitudinem, quod nos protegat, ac defendat; modestiam, & humilitatem, quod nos honore, & reverentia prosequantur; sapientiam, & prudentiam, quod nos erudiant, ac dirigant. Cetera.

1193. NOTA. Habet aliquando anima *sympathias* quasdam, & *antipathias* indeliberatas, quarum nulla apparet causa, aut ratio. Hæ quoque ab amore proprio enascuntur.

Exempli causa, duos video ludentes, quos nunquam alias neque de visu novi, qui neque me norunt, nec mihi ratione ulla conjuncti sunt; quare non fere semper uni præ altero faveo? ideo hoc est, quia unus mihi vel aspectu, aut voce, aut indole satis detecta adridet, alter non item.

Fieri etiam potest, ut alteruter mihi, hoc non animadvertenti, similitudinem quandam exhibeat cum aliquo mihi amicitia conjuncto; aut ut alter alicui similis sit, qui aliquando mihi insensus fuerit, & aversionis semina in me reliquerit ab eis omnibus, quæ illi similia esse possunt. Porro hoc amoris proprio satis est, ut inde naturalis sympathia excitetur, aut antipathia.

## PROPENSIO AD SOCIETATEM.

1194. EXPLICATIO. Ab amore proprio in hominibus oritur *propensio ad societatem*, sive ad simul convivendum.

I. Certum est, *propensionem hanc in humana natura haberi*, in universo enim orbe ejus effectus manifesti sunt.

Quum vero in universo hominum genere *propensio hæc* inveniatur, certum est, a Deo humanæ naturæ datum esse *vinculum quoddam*, sive *secretum impulsus*, quo voluit homines simul jungere, ut socialiter viverent; ut certum est, apibus, & formicis aliquid indidisse, quo ad simul vivendum ducerentur, quod lupis, urfis, falconibus non indidit.

II. At vero *quid est vinculum hoc secretum, secretus hic impulsus, quo ad socialiter vivendum homines immediate propendent?* est amor proprius, est commodum, & voluptas, quam in sociali vita experiuntur.

Omnibus hominibus easdem facultates intellectuales, & sensibiles Deus impertitus est. Hinc in illis eadem exoriuntur necessitates, iidem sensus, eadem notiones magis, minusve explicitæ boni, & mali physici, commodi, aut noxii humano generi. Hinc quoque unanimis in illis opinio enata, si socialiter vivant, se sibi posse utilitatem, & cognitiones mutuo parere; se ita vivendo posse molestiarum summam multo minuere, voluptatum summam multo augere. Hinc ad societatem *propensio*.

III. Sine legibus societas stare nequit. Hinc unanimis eorum consensus in inquirendis in anima ipsa sanctionibus sacræ, & inviolabilis legislationis, quam a natura ipsa sibi insculptam censent, & quam *universalem* humani generis *legem* appellant. Hinc unanimis quoque eorum consensus de virtutibus ab hac *universali lege* præ-

præceptis, quæ omnes ad bonum societatis tendunt, diligendis, atque colendis.

1195. **NOTA.** Impia philosophia a sola sociali propensione, atque ab hominum utilitate ortas voluit & *natura legem*, & *sociales virtutes*, quæ societatis cujusque basis sunt, & fundamentum.

Alibi ostendimus, præposteram esse hanc philosophandi rationem; in hac chimæricam esse *natura legem*: *virtutes vero sociales*, ut justitiam, rectitudinem, probitatem, fidelitatem, gratum animum, amicitiam, majoribus obedientiam, inter stultas, & insanas res esse recensendas ( 845, 851, 872 ).

### *AMOR CONSANGUINEORUM.*

1196. **EXPLICATIO.** Ab amore proprio in hominibus exoritur amor sanguinis; sive prædilectio illa, & ille prælationis affectus, quo magis ceteris consanguineos nostros prosequimur.

I. Pater peculiari modo natos diligit, ipsum enim referunt, & ejus veluti partes sunt, hi ipsi *exiguum*, & *peculiare dominium* constituunt, cui ipse præest; ipsius felicitatem facturi sunt, in senectute adjumento futuri, ejus nomen, gloriam, stirpem, quidquid demum magis cordi habet propagaturi sunt.

Filius peculiari amore patrem prosequitur, patri enim vitam sibi datam debet, educationem, amoris beneficium: patris quoque gloriam, honorem, fortunam gloriæ, honori, fortunæ suæ veluti commixtam videt: in patre *necessarium amicum* invenit, cujus amicitia, & subsidia nunquam illi sunt defectura.

Varia hæc motiva, quæ omnia ab amore proprio derivantur, *officii motivum* ingens non excludunt; hoc enim in ingenuis animis om-

nium maximum motivum est; ac ipsum quoque *cum amore proprio recte ordinato* stare potest; ut de virtutibus, & vitiis agentes in philosophiâ religionis ostendimus.

II. Maritus uxorem peculiari amore prosequitur; hæc enim jucundum illi suarum voluptatum objectum est, sortis suæ inseparabilis comes, veluti alter ipse: hæc enim ad obitum usque est *amica illi necessaria*, cujus fors generatim sumpta suæ conjuncta, ac commixta est. Eadem amoris proprii motiva uxorem marito devinciunt.

Mutuus conjugum amor minus posset, si principia, quibus enascitur minus activa essent, minusque fortia, ac vincula, quibus adnectitur, minus arcta, minusque duratura.

Nisi tam valida motiva, & principia essent, mutux libertatis amissionem nunquam compensare potuissent, nec mutux obligationis vincula perferenda reddidissent, nec incommoda, molestias, sollicitudines familiæ alendæ, atque educandæ necessario adnexas subire fecissent.

III. In aliis consanguinitatis, & affinitatis gradibus decrescit amor, ut gradus remotiores sunt; in eadem enim ratione amoris proprii motiva decrescunt. Magis itaque amatur, & amari re ipsa debet germanus frater, quam patruelis frater, magis consanguineus in linea directa, quam in collateralis.

1197. NOTA I. Ex hac *amoris proprii theoria* plura exigua phænomena perbelle explicantur, quæ passim observamus. Hoc ipsum quam vera, & naturæ, ac rationi consentanea sit ostendit. Exempli gratia:

I. Quare passim *magis diligitur amicus non consanguineus, quam consanguineus non amicus*.

Hoc ideo est, quia amici magis, quam consanguinei societas jucunda est, & voluptatem parit; & voluntatum, ac indolis cum primo  
sym-

sympathia libertatem quandam, hilaritatem, commodum animæ creat, quæ omnia cum altero non obtineret.

II. Quare *passim consanguineus non amicus amico non consanguineo præfertur*, si quando aut dignitas, aut munus aliquod utile alterutri obtinendum sit?

Hoc ideo est primo, quia, aut dignitas decora, aut munus utile parenti sollicitatum censetur honor; aut bonum in universam familiam redundans, cujus pars sumus; deinde quia benevolentia in consanguineum, etsi minus tenera, & sensibilis, censetur tamen *benevolentia necessaria, & inalienabilis*, quæ nobis in rerum discrimine deesse non possit, benevolentia vero in amicum censetur *benevolentia libera, & amovibilis*, quæ absolute cessare possit. Prima igitur prælationis titulum habet supra alteram.

Hinc vides, amorem proprium, etsi fortasse explicite non animadvertat, habere tamen natura ipsa in omnibus acutissimam, & accuratissimam *metaphysicam sensus*.

III. Pari modo, quare *amor sanguinis descendit magis, quam ascendat*? sive quare parentum in filios amor vividior, ac vehementior est amore filiorum in parentes? Amor proprius hoc quoque problema solvet.

Pater in filiis *parvum dominium* videt *sibi subditum*; filii in patre dominum vident amantem quidem, & beneficium; sed tamen dominum, qui præcipiendi jus habet, arguendi, domesticas leges ferendi, communia bona pro libito administrandi. Amor proprius hac in re magis in patre allectus, quam in filiis, illum his magis arcto nexu devincire debet.

Beatos fane dicam parentes, qui auctoritate non imminuta, se filiis amabiles reddere norunt, qui opportuno in eos servato dominio, illos sibi amicos, & aliqua ratione sibi æqua-



Is facere sciunt. Hi sanguinis amorem ascendere faciunt ferme æque, ac descendit.

1198. NOTA II. Sanguinis vincula laxantur quum dividuntur; roborantur vero, si constringantur; amoris enim proprii commoda eadem proportionem minuuntur, aut augentur.

I. Consanguineos quis habet plures, fratres puta, & sorores: horum aliquis, quum nil tale putabatur, morte abripitur.

En, bonum, quod aufertur, auxilium, quod deficit; pars nostri nobis hac morte veluti sublata est. Gravis dolor hac jactura percipitur; at in superstitionibus amor proprius medelam invenit, & levamen.

II. Unicus est frater, aut soror unica; & morte corripitur.

Gravissimus hic dolor est, & vitam ipsam nobis invisam facit; quasi unici in orbe superessemus mœstitia cruciati, & infortunio prostrati.

1199. NOTA III. Idem ferme contingit in patriæ, & nationis vinculis; eo debiliora hæc sunt, quo magis dilatata, fortiora, quo magis contracta.

Exempli gratia, in Gallia Gallus de alio Gallo non nimis sollicitus est, cui solo nationis vinculo conjunctus sit; hic enim tantum vicies millies millesimam sollicitudinis partem sibi vindicat, quam Gallus nationi debet.

In Sinenſi regno Gallus de alio Gallo maxime sollicitus esset; ibi enim hic Gallus alteri sympathia, & nationis vinculo alligatus sibi eam totam sollicitudinem ab hoc vindicaret, quam nationi universæ, a qua abest, deberet.

### AMOR PATRIÆ.

1200. EXPLICATIO. Ab amore proprio procedit *amor patriæ*, sive sympathia illa, quæ  
nos

nos regioni, in qua nati sumus, maxime ad-  
dictos efficit.

Amœna vallis, quam Draco vix e montanis  
suis fontibus elapsus, & jam indomitus torrens  
partitur, atque irrigat: ridentia plana Chabot-  
ti, & Planæ, jucundi colles *Phaniafi*; amœ-  
na loca, ubi primum lucem aspexi, ubi infans  
educatus fui *a matre carissima*, quæ jamdiu  
diem extremum obiit, quæque conjugum, ma-  
trum, virtutum omnium, pietatis in Deum,  
misericordiæ in pauperes exemplar fuit; & *a*  
*patre aque carissimo* recens morte sublato sum-  
mo mœstissimæ familiæ dolore, ac patriæ ipsius  
lacrimis, qui semper fuit dulcissimus filiorum  
suorum amicus, amicorum delictum, propinquis,  
& indigenis consilio acceptissimus, sæpius etiam  
illorum arbiter, & judex ea sola auctoritate,  
quam intelligentiæ, rectitudinis, & probitatis  
fama impertitur: dulcis patria, natalis tellus,  
mihi tu semper in mente versaris, tui mihi gra-  
tissima semper est recordatio. Te iterum ali-  
quando invisendi spes me summa, ac jucundis-  
sima afficit voluptate.

I. Pars organica naturæ humanæ aliqua in  
regione crescens, & sese explicans, sese sensim  
sine sensus conformat analoga quadam ratione  
aeri, quem haurit, cibis, quibus alitur, calo-  
ris, aut frigoris intensitati, in qua casu sita  
est. Si patria mutetur quid continget?

Densior aer, natali rigidior, minusque ela-  
sticus non ita libere interno sinus permeat,  
quibus sibi iter facere debet; sanguinem, hu-  
mores, fibras, organa non apte percellit: ani-  
malia, aut spiritualia munera aut inertia re-  
linquit, aut languere finit. Hinc in humano  
composito inertia, torpor, languor, extenua-  
tio, incommodus hominis status, quibus purius  
illud cælum appetit, tepidius, ridentius, sub  
quo melius habebat, & beatior vivebat.

II. Aer subtilior, siccior, adustus magis, quam

nativus sit, nimis libere, nimiaque vehementia pulmones, sinus, & vasa omnia aerea pervadit: nimia facilitate, nimioque impetu sanguinem, & humores agitat; naturalem fibrarum, organorum, totius humani corporis statum perpetuo fatigat, atque immutat. Hinc etiam in humano composito incommoda, nulla quies, tædium, molestia, languor, quæ omnia mioris cæli, minusque devorantis desiderium creant, sub quo majori placidarum, & gratarum sensationum copia fruebamur; & beatiorrem vitam vivebamus.

Laponem a gelidæ zonæ horrendis rigoribus, aut Æthiopem a torridæ zonæ ardenti calore, ad mitius clima, puta in Galliam, aut in Italiam transfer. Regiones hæ horum hominum organis non erunt analogæ; & irrequietus eorum animus Laponiæ, & Æthiopiæ desiderio torquebitur, & tam vehementer angetur, quam Galliæ, aut Italiæ desiderio angeretur Gallus, aut Italus, si aut ad circulum polarem, aut ad æquatorem transferretur.

Quum quisque vel ab incunabulis patriæ moribus, & consuetudinibus assueverit, cogitandi, sentiendi, agendi modum sibi sensim sine sensu effinxit, qui extra natale solum insolens apparet.

Qui patriam deserit, naturam veluti mutare, & novam induere debet. Novas hic sibi ideas effingat oportet, nova desideria, novos habitus, novos ferme sensus. Quid inde? perpetua hæc contentio, non intermissus hic in naturam nisus, ut cum extraneis sociatim vivat, amorem proprium torquent diuturno, atque ardenti jucundæ, ac liberæ illius vitæ desiderio, qua in patria fruebatur.

III. Infantia, & adolescentia dulcis, ac placidæ fœlicitatis ætates sunt. Tunc magna bonorum copia fruimur; sensationes enim vividæ, & elasticæ objectum suum apprime assequun-

quantur, & omnem solatiorum, ac voluptatum vim percipiunt. Paucis tunc malis agitur; nondum enim animadversio irrequietas cogitationes, & curas excitavit, quæ præsentibus voluptates amaritæ spargunt, & futurorum eventuum molestias, & incommoda præcurrunt.

Quum quis firmiori ætate ad exterarum terras transmigrat, incommodis, ac molestiis afficitur, quibus in patria non vexabatur: & temere cæli diversitati tribuitur, quod ab ætate mutata esset repetendum. Hinc amor proprius patriam expetit, ubi infantiam, aut adolescentiam transegit, & cum jucunditate vixit, quæ illi semper menti gratissima obversatur, & quam in novo domicilio frustra quærit.

1201. *NOTA.* *Amor patriæ* non semper tantum est sympathia ad ejus physica. Sepius moralia amplectitur, & iis vehementer afficitur. Aliquando vires acquirit, & æstro quodam corripitur, quo patriam considerans ut *Totum politicum*, cujus pars quisque civis est, & cujus vices secum communes sunt, vivide excitatur ad eam defendendam, ad ejus jura tuenda, ad ejus gloriam ulciscendam, ad ejus hostes exterminandos.

Si patria in ordine ad politica, & moralia consideretur, ejus amor in civibus crescit, aut minuitur ad normam commodorum, quæ illi amorem proprium conciliant, atque devinciunt. Princeps de patria magis subdito est sollicitus, homines summo loco nati, magis plebe; nationis liberæ cives magis civibus nationis *despotæ* subditæ de patria solliciti sunt.

In Romana republica civis quispiam patriæ in politicis consideratæ amore vehementissimo ardebat; e re sua siquidem erat quam maxime, ut incolumis servaretur; & ingenio, & virtute ad maximas dignitates evehi poterat.

In Turcarum imperio nemo privatus patriæ in politicis consideratæ studio ullo tenetur; se

semper enim vilem servum futurum novit, quæcumque patria vicissitudines subjerit.

Quum omnia commodi, & amoris proprii vincula, quibus patriæ devinciebamur, soluta sunt; quum extra patriam sumus, & sine ulla ad res patriæ physicas, vel morales relatione, majorem, aut æqualem bonorum, & commodorum copiam invenimus; tunc amor patriæ, prælatio hæc, & prædilectio cessat, & evanescit; & juxta vetus adagium: *ubi bene, ibi patria.*

*AMOR GLORIÆ, INVIDIA,  
ZELOTYPJA.*

1202. EXPLICATIO I. Ab amore proprio enascitur *amor gloria*, famæ, prælationis.

I. Gloria est fama existimationi conjuncta, aliquando etiam admirationi; hæc est egregio merito noto obsequium præstitum.

*Excellentia nostra persuasio* nos ipsos allicit; nos enim propriis ideis extollit; & hujus exaltationis sensus, si certa sit, omnium perceptionum nostrarum gratissima nobis est.

Excellentiæ nostræ persuasio apud ceteros nos allicit; in ipsis enim jucundam nobis nostrum ideam excitat, cum qua nos identificare gaudemus; in ea enim multiplicari, aut æternum vivere nobis videmur.

Gloria *apud posteros considerata* bonum tantum posthumum esse videtur; at illi, qui eam sibi paratam sentit, bonum re ipsa præsens est.

Posteritatis elogia hominis ingenio, & inventis clari auribus insonuerunt. Quum illa promereri studebat, ea prævidens illis frui cœpit.

At vero, *præstat ne tanta perferre, ut illa adipiscamur?* Vulgus nihil præstanti viro similis, & omnino diversa sentiens, procul dubio negabit.

Animis sublimis, ingenio præstans, quo a-  
apud

pud posteros gloriam jure expectare possit, fortasse affirmabit; ac arbitrabitur, Homerum, Virgilium, Demosthenem, Ciceronem, Euclidem, Archimedem, Cartesium, Neutonum, Sophoclem, Cornelium, Pindarum, Russoum doctarum suarum vigiliarum locuples præmium consequutos fuisse, si vel unico instanti communem admirationem prævidere potuerunt, quam apud posteros eorum immortalia nomina adepta sunt.

Ut quam dum viverent voluptatem ceperint summi isti viri percipiatur, quum ex secretis suis domiciliis gloriam hanc sibi parari videbant, & eorum nomina immortalitate donari; fortasse ipsos æquare, aut ipsos esse oporteret.

1203. EXPLICATIO II. Ab amore proprio procedunt invidia, & zelotypia; affectus satis noti, melius percepti, quam definiti.

I. *Invidia* est tristitia orta ex alieno merito vel felicitate, quam invidus habere vellet, & non habet. Invidia sæpius est obsequium; quod invidus merito, aut virtuti vel invitæ exhibet.

Cave tamen invidiam cum recto indignationis sensu confundas, quem sæpe ingenui animi experiuntur, quum videant indignis, & vitiis turpibus munera, dignitates, honoris gradus conferri, quæ omnia meritis, & virtuti debebantur; quæque meritis, & virtuti collata de eorum abusu metum ademissent.

II. *Zelotypia* est illa molesta, & tristis agitatio, quam amor proprius experitur; quum bonum amittere, aut cum aliis dividere timet quod solus ipse, & semper vult possidere.

In magis communi, magisque violento zelotypiæ genere zelotypia affectus, a zelotypia consuetudinis, morum, legis est distinguenda.

„ Altera, inquit celebris Montesquieu, est fe-

„ bris ardens, ac devorans; altera frigens, at

„ aliquando terribilis, cum indifferentia, &

„ con-

„ contemptu componi potest. Altera , quæ a-  
 „ moris abusus est , ab ipso amore nascitur ;  
 „ altera ad mores tantum spectat , ad nationis  
 „ alicujus consuetudines , ad leges municipa-  
 „ les , ad moralia , aliquando ad religionem  
 „ ipsam. Mahumetes suis sectatoribus sedulam  
 „ foeminarum custodiam commendat: Confusius  
 „ hoc ipsum æque inculcavit. “

III. Invidia, & Zelotypia supponunt , idem bonum , aut eandem boni speciem a pluribus affectari; & hujus ambitus rationem sequuntur. Exempli gratia, vir militaris docti hominis gloriæ non invidet , neque doctus gloriæ militaris; in ambobus enim amoris proprii diversum obiectum est.

At vir militaris alterius militaris gloriæ invidet , doctus alterius docti gloriæ ; in utroque docto viro amor proprius eandem gloriam affectat, quam obtinuisse vellet, si illa caret , quam solus vellet, si consequutus est. Hinc illis invidia, & zelotypia.

#### AMOR SOLATII, TÆDIUM.

1204. EXPLICATIO. Ab amore proprio emanat amor solatii, seu necessitas aliquo pacto extra se vagandi.

Duo præcipui stimuli hominem incitant , ut extra se vagetur, & ut in se reverti timeat ; quod scilicet in se ipso invenit , & quod extra se invenire sperat.

I. In se homo duo tristitia , & molesta invenit; scilicet propriæ infelicitatis , & propriæ obligationis ideas.

*Sua infelicitatis idea* terrenorum bonorum inanitatem , & instabilitatem exhibet , mortis proximæ certitudinem, vitii turpitudinem, & stimulos , divinæ justitiæ apparatus.

*Sua obligationis idea* plurima illi exequenda exhibet, eaque incommoda, & terrentia in-  
 tem

rem hominem, & voluptatibus deditum; tristitia, & aspera homini laborem fugienti, aut se ineptum sentienti; amoris proprio exosa, & non ferenda, cui obligatio, subiectio, contentio fere semper tormentum est.

Hinc in homine vehemens ille appetitus extra se vagandi. Ad hoc omnia illi opportuna sunt, omnia libenter tentat, modo his tempus terere, & a se mentis oculos avertere possit; sive laboriosis exercitiis, sive inutilibus negotiis, sive insulis confabulationibus, sive ineptis, & quotidianis per domos excursibus, sive tædium creantibus ludis, sive crepundis aliis quibuscumque.

II. Homo extra se Ens sibi maxime opportunum invenire sperat, quod mens non cognoscit, voluntas vero vehementer appetit; cuius spe allicitur, possidere tamen nequit; ad quod indefinenter anhelat, quod magis magisque ab eo recedit: quod ubique extra hominem adesse videtur, nec nisi in homine esse potest. Enshoc adeo expetitur est *Felicitas*; quæ si ut par est concipiatur, re ipsa datur; quid chimæricum est, si concipiatur ut passim concipi solet.

Vana spes boni imaginarii indefinenter hominem extra se trahit, atque ita veram felicitatem amittit, quam in se ipso, & in sui ipsius possessione invenire potuisset. Alexander felicitatem quæritat in ardentibus Africæ arenis, in horridis Scythiæ desertis, in uberibus Indorum regionibus; felicitas vero, veluti exterrita, semper ante ipsum fugere videtur. Abdolominus in horto colendo suas voluptates, & desideria sua limitat, & felix est.

III. *Tædium* est idearum, sive sensationum iucundarum indigentia: hanc solatio, seu distractione sedare studemus; sed his tædium sæpe renovamus, aut aliud nobis creamus.

Tædium est animæ status, in quo nihil placet, nihil adridet, omnia ingrata sunt, & incom-



commoda, in quo anima agitari indiget, & excitari; nihil verò est, quo excitetur. Non admodum violentus est iste status, sed tamen maxime incommodus: & aliquando in teterrimam melancholiam abire potest.

*Tristitia* est veluti vermis animam rodens: tædium est veluti animæ paralytis. Illa molestiæ sensum nutrit: hoc voluptatis sensum expellit.

Tædium æque, ac tristitia in omnibus objectis inveniri videtur. Si quando horum alterutro anima correpta est, illud ubique extra se offendit. Frustra effugere nitimur; fugientes tædium, æque ac tristitia insequuntur, & excruciant: *post equitem sedet atra cura.*

1205. **NOTA.** Ex iis, quæ luculenter hic tradidimus de præcipuis modificationibus animæ, seu de præcipuis propaginibus *humanorum affectuum*: primum cuique erit & ceteros noscere, quos silentio præterimus, eorum communem fontem in proprio amore detegere, atque percipere, illos re ipsa non esse nisi animæ aut *desiderium*, aut *gaudium*, aut *tristitiam*, quorum omnium tandem magnus motor est Amor proprius. Exempli causa:

I. *Desiderium* est amoris proprii appetitus eorum, quæ aut nos incolumes servare, aut felices reddere posse nobis videntur.

Interea, quæ amor proprius appetit, alia sunt quæ appetuntur, quia ut bonum considerantur; alia, quæ ut bonum considerari nequeunt, nisi quia instinctu quodam, qui definiri nequit, illa appetimus.

II. *Gaudium* est sensus ille gratus, atque iucundus, quem experimur, quum natura a quodam perfectionis, & præstantiæ gradu, ad sublimiorem transit, sive in physicis, sive in politicis, & moralibus.

*Tristitia* est sensus oppositus: ingratus scilicet ille sensus, quem experimur, quum a sublimi-

miori perfectionis, & præstantiæ gradu ad inferiorem delabimur.

III. *Amor* est sensus gaudii, quem objecti amati præsentia, aut idea excitat, aut fovet.

*Odium* est sensus oppositus; tristitiæ scilicet a præsentia, sive idea objecti exosi ortæ, vel enutritæ.

IV. *Propensio* est sensus gaudii orti a præsentia, sive idea rei, quam nostram felicitatem augere posse arbitramur.

*Aversatio* est sensus oppositus: tristitiæ scilicet ortæ a præsentia, sive idea rei, quam nobis noxiam esse posse censemus.

V. *Spes* est titubans gaudii sensus, quem in nobis excitat rei sive præteritæ, sive futuræ, cujus exitum desideramus; num vero eventurus sit incerti sumus.

*Timor* est sensus oppositus; titubans scilicet tristitiæ sensus in nobis excitatus a re sive præterita, sive futura, cuius eventus in se dubius nobis noxius esse potest, quem tamen eventum adhuc ignoramus.

VI. *Tranquillitas* est gaudii sensus ab idea rei ortus, de qua timebamus, & cujus timoris causa sublata est.

*Animi desponsio* est sensus oppositus; tristitiæ scilicet ex idea rei ortæ, quæ maximum nobis bonum erat, & de qua omnino desperamus.

VII. *Commiseratio* est tristitiæ sensus, quem in nobis excitat idea mali, quo angitur ens aliquod, cui nos aliquo pacto similes esse putamus.

VIII. *Pœnitentia* est tristitiæ sensus in nobis excitatus ab idea actionis a nobis factæ, quam non fecisse debebamus.

IX. *Humanitas* est nobile, & generosum desiderium hominibus benefaciendi. *Benevolentia* tenerum desiderium iis, quos diligimus, benefaciendi. *Gratus* animus verum, & sincerum  
desi-

desiderium, etsi aliquando inefficax, iis benefaciendi, qui nobis benefecerunt.

X. *Æmulatio* est vividum desiderium id faciendi, quod ab aliis præclarum, & publica laude dignum fieri cernimus. *Audacia* est efficax desiderium gloriose pericula subeundi; quæ viles animi subire verentur. *Vindicta* est cæcum desiderium iis ex odio malum inferendi, qui quoque ex odio nobis malum intulerunt.

### BEATITUDO OBJECTIVA, ET FORMALIS.

1206. DEFINITIO. Homo ad beatitudinem & felicitatem natus est, ut illi nunquam fallax naturæ vox annunciat. At in quo hæc hominis beatitudo, sive felicitas sita est?

I. *Beatitudo objectiva* hominis dicitur id, quod immediate felicitatem suam efficit, quod rectorum, & ordinatorum suorum desideriorum immediatum objectum est.

In præsentī vita varia naturæ, & fortunæ dona, ut bona valetudo, libertas, ingenium, vitæ commoda, amicitia, & famæ utilitates cum spe supernaturalium, & æternorum bonorum in patria cælesti initium objectivæ beatitudinis efficiunt.

In futura vita visio intuitiva Dei plenam atque perfectam hominis, nisi se illa indignum reddiderit, in cælesti patria objectivam beatitudinem efficit.

II. *Beatitudo formalis* hominis dicitur id, quod illum formaliter beatum efficit, seu quod suam beatitudinem formaliter constituit.

Voluptas ex virtute genita, molestia, ac doloris absentia, interna quies, & jucunda ex licito, honestoque naturæ, & fortunæ bonorum usu formalis beatitudinis initium in hac vita constituunt.

Inef-

Ineffabiles, & inexhaustæ deliciæ ex nunquam amittenda Dei visione, & possessione ortæ plenam, atque perfectam hominis in cælis formalem beatitudinem efficient.

§. III.

NOTIO MORALIS SCIENTIÆ.

1207. OBSERVATIO I. **P**osse in vitæ muneribus regi a *quibusdam* legibus servandis, a *quibusdam* officiis exequendis, est moralitatis esse capacem.

Præclara intelligentiarum liberarum conditio, ut *moralitatis capaces* sint. Hanc obtinet humanum genus: nulla vero brutorum species hac conditiope gaudet (240).

I. Patet, Deum, quum hominem ad imaginem, & similitudinem suam condidit, & illi intelligentiam, & libertatem impertitus est, potuisse summo suo in entia omnia a se creata, & sibi essentia subiecta dominio *affectivas hominis potentias limitare*.

Possunt igitur inter diversas bonorum species, quas hominis potentiæ appetunt, esse aliquæ, quibus frui homini interdictum sit.

II. Patet, si homo certo, & evidenter cognoscit sive naturali rationis lumine, sive supernaturali revelatione, aliqua illi esse interdicta, alia præcepta, debere ipsum, quidquid contra naturam oblectetur, *illa vitare, hæc exequi*; hæc enim obligatio est quid evidenter procedens & ab idea sui ipsius, & ab idea Dei, a quo conditus est.

III. Patet, id omne quod ratio homini vitatum ostendit ab ipso vitandum esse, quod præceptum exequendum; *ratio enim intelligentiarum lex universalis est*; seu mavis, ratio est *codex*

*naturalis*, in quo summa divinæ legis conscripta est.

Hinc idea, & fundamentum *natura legis* omnibus hominibus communis (842, & 845).

IV. Patet, Deum quasdam leges naturali lumine homini indicentem jus non amittere, quum illi libuerit, *alias leges* supernaturali præcone indicare, easque æque obligatorias, quum aperte constabit illas a Deo latas esse, vel ipsa enim ratio docet, Dei edicta æque veneranda, atque adimplenda esse, quocumque modo nobis manifesta fiant (145, & 147).

Potest enim homini esse imposita *lex supernaturalis* ab ea diversa, quam ratio prædicat, non illi opposita.

1208. OBSERVATIO II. *Moralis* est scientia officiorum, quæ homo exequi debet; seu scientia, quæ affectivas hominis potentias regere debet.

I. Hominis officia, seu obligationes partim *natura lege* continentur, quæ prima quidem, at non unica hominis lex est; partim *religione revelata*, qua Deo placuit homini simplici naturali ampliorem, ac perfectiorem legislationem edicere; partim denique *rationis legibus*, quas vel ex lege, & religione naturali, vel ex revelata homo implere debet.

II. Obligationes hæ omnes tandem procedunt ab *essentially obligatione* quam habet homo supremæ, ac adorandæ Dei voluntati obsequendi; quam multifariam Deus manifestat, modo ratione, modo thaumaturgis, quibus sapientiæ ac potentiæ suæ partem communicat, ut se ejus nomine loqui testentur; modo legitima cujuscumque principatus auctoritate, cui suæ partem communicat, ut rectus ordo in republica servetur; ut in philosophia religionis ostendimus.

Evidens est, *essentiale* in Deo *præcipiendi jus* *essentialem* in creatis intelligentiis *obtemperandi obli-*

*obligationem trahere.* Porro in hac essentiali ad Deum entium intelligentium, & liberorum relatione inconcussa moralis fundamenta statuta sunt.

III. Postremis hisce temporibus quæsitum fuit *num moralis in ratione, an in sensu fundanda sit.* Æque quæri posset num dextro, an sinistro pede sit ambulandum.

Moralis objectum intellectivæ simul, ac effectivæ animæ potentiae subest. Prima concipimus, actionem rationi, & naturæ nostræ conformem esse; altera sentimus actionem hanc laudandam esse, honestam, & ad meritum, ac felicitatem nobis comparandam opportunam.

Sine potentia intellectiva moralis objectum nobis ignotum esset; sine affectiva, hoc objectum negligeremus. Ambarum potentiarum ope hoc objectum, & rationem afficit, & voluntatem.

*SCIENTIA MORALIS DEMONSTRARI  
POTEST.*

1209. OBSERVATIO I. Sæpius quæsitum fuit, *num moralis scientia demonstrationes invictas admittat, ut physica, & mathematica.*

I. Lockius (de humano intellectu) hoc affirmat: nec ulla recta mens in hac sententia diversum sentiet.

„ Mihi sane persuadeo, inquit ipse, moralem scientiam demonstrationes admittere, ut  
„ mathesim; potest enim ipsa perfecte, & dilucide rerum essentia, quam voces significant, dignosci; unde certo detegi posset quæ  
„ ratione inter se res convenient, quæ non.  
„ Porro in hoc sita est perfecta cognitio.

„ Neque mihi objicias, in moralibus sæpe substantiarum æque, ac modorum, (a) nomi-

„ na

---

(a) Modorum nomine Lockius intelligit qualitates substantiarum abstractas, quæ in ipsis ex se

na usurpari, unde obscuritas enasci potest.  
 „ Substantiarum enim, de quibus in moralibus  
 „ agitur, diversæ naturæ supponuntur potius,  
 „ quam inquirantur. Exempli gratia, quum  
 „ dicimus: *homo legibus subditus est*; hac voce  
 „ *homo* rem creatam tantum intelligimus corpoream,  
 „ & rationis participem, nec rei huius  
 „ veram essentiam, aut alias qualitates  
 „ prorsus investigamus.

„ Quare naturæ studiosi ad ravim usque, si  
 „ licet, disputent, puer aut imbecillis homo  
 „ ne sit in sensu physico: nihil hoc ad *hominem*  
 „ *moralem*, si ita loqui fas est; hic enim  
 „ nihil continet, nisi immutabilem hanc ideam:  
 „ *ens corporeum rationis participes*. Si enim sci-  
 „ mus, aut brutum aliquod esset ratione utens  
 „ ita, ut generica signa intelligere, & a ge-  
 „ nericis ideis consecutaria deducere valeret,  
 „ ipsum procul dubio legibus subditum esset,  
 „ atque in hoc sensu homo esset; quantumvis  
 „ externa forma ab iis entibus differret, quæ  
 „ homines nuncupantur.

„ Si substantiarum nomina ut oportet adhi-  
 „ bentur in moralibus ratiociniis; nullam, ut  
 „ neque in mathematicis, confusionem addu-  
 „ cent, in quibus si mathematici decubo, aut  
 „ globo aureo, aut cuiusvis alterius materiæ lo-  
 „ quuntur, eorum idea perspicua est, & deter-  
 „ minata, nulla prorsus mutatione; etsi errore  
 „ corpori, ad quod non spectat, applicari possit.

„ Quare hominum negligentia, aut perversi-  
 „ tas excusari nequit, si moralia ratiocinia æ-  
 „ que ac physica perspicua non sunt; moralia  
 „ enim innituntur ideis, quæ in mente sunt,

„ &

---

*se existere non supponuntur, sed ut dependentia  
 aut essendi modi substantiarum considerantur;  
 ut qualitates representata ab ideis figura, mo-  
 dus, magnitudinis, pulchritudinis, rationis, ju-  
 stitia, grati animi, virtutis, &c.*

„ & quarum nulla nec falsa esse potest , nec  
 „ inadæquata ; quum ad nullum ens exterius  
 „ referantur tamquam ad archetypum , cui con-  
 „ formes esse debeant . “

II. Nobis quoque , uti Lockio , *nonnulla præcipua moralis theses* rigide demonstrari posse videntur , æque ac pleræque geometricæ ; quum abstractione metaphysica in quibusdam moralis objectis ideas habeamus æque perspicuas , ac in plerisque geometricis . Utrobique apte statuto , ac definito meditationum nostrarum objecto mens æque rerum conformitatem , aut difformitatem videt , & æque summa certitudine judicat ex præcipuo humanarum omnium cognitionum principio , quo de rebus quod in earum ideis essentialiter inclusum cernitur affirmari debet ( 592 , & 417 ) .

Exempli gratia , æque mihi certum est , & evidens , si Deus existit , & rei creatæ intelligenti , ac liberæ aliquid præcipit , huic *strictam esse obediendi obligationem* ; ac certum , & evidens mihi sit , si triangulum rectilineum existit , tres ejus angulos simul sumptos æquivalere duobus rectis . In idea enim Dei creatoris , quæcumque ejus natura sit , æque evidenter concipio *jus præcipiendi* ; & in idea rei creatæ intelligentis , & liberæ , quæcumque ejus natura sit , obediendi obligationem ; ac in idea trianguli rectilinei , quacumque materia constet , concipiam trium suorum angulorum valorem , & duobus rectis æqualitatem .

Quare sicuti ex ideali rerum evidentia certissime affirmare possum , tres trianguli rectilinei cujusque angulos duobus rectis æquari ; ita ex ideali rerum evidentia certissime affirmare possum rem creatam intelligentem , ac liberam stricta obligatione teneri supremo Legislatori obedire , quum hic illi præceperit justam esse , honestam , veridicam , religiosam , beneficam , cetera .



officiorum, siue obligationum scientia est; & sine supremo Legislatore, obligatio nulla est. (842).

LEMMA II. *Homini præter corpus organicum inest substantia spiritualis, libera, immortalis.*

Altera hæc veritas quoque unum ex primis moralis fundamentis est; nequit enim moralis spectare nisi ad substantias intelligentes, ac liberas, quæ suis facultatibus uti, & abuti possint, & a Legislatore supremo approbationem, aut improbationem, præmium, aut pœnam promereri.

1212. EXPLICATIO II. Ex duobus hisce fundamentis *sex sequentes propositiones* statuam, quas hic tantum proponam, quarum vero demonstrationes fusiùs expositas in nostra philosophia religionis, cujus summa sunt, inuenies.

PROPOSITIO I. *Idea Dei increati, & creatoris, Entis omni perfectionum genere infiniti cultus alicujus, ac legis, adeoque & religionis necessitatem trahit.* Religio enim in homine re ipsa non est nisi cultus religiosi exercitium, & divinæ legis observantia (148).

Primæ hujus propositionis demonstrationem inuenies in uniuersa parte prima philosophicæ dissertationis philosophiæ nostræ religionis.

PROPOSITIO II. *Idea religionis Deo, & homine digna necessitatem trahit Regula unica fidei, & morum, ac unica religionis.*

Idea hæc hoc ipso *absurdam Tollerantiam* excludit quamlibet religionem admittentem, quemvis scilicet cultum, fidem, moralem.

De hac re in nostra philosophia religionis consuli possunt numeri 132, & 223; prima dissertatio philosophica a pagina 280 ad paginam 287; & in dissertatione sequenti, pagina 352.

PROPOSITIO III. *In ignorantia, & depravationis statu, in quo modo jacet natura humana, quacumque harum causa sit; ut religio*

*fit digna Deo , & homini possibilis , necessario debet esse revelata .*

Seu , si mavis , idea religionis dignæ Deo , & homini possibilis infert necessario *naturalis religionis insufficientiam* , ac propterea *divina religionis necessitatem* , cuius Deus ipse cultum , & legem determinaverit revelatione supernaturaliter hominibus facta ( 145 ).

Tertiæ hujus propositionis explicationem , & demonstrationem invenies in universa parte secunda primæ philosophicæ dissertationis nostræ philosophiæ religionis. Consule etiam , si lubet , hac eadem de re numeros 47 , 118 , 119 , 120 , 128 , 138 , 139 , & 241 ejusdem philosophiæ religionis.

**PROPOSITIO IV.** *Si inter diversas religiones , quæ in orbe sunt , & se a Deo revelatione emanatas dicunt , aliqua sit , quæ unica pura sit & in doctrinis rationi consona ; quæquæ constanter ab orbe condito ad hos usque dies perpetuo perseveraverit ; hac illa est , quam Deus approbat , quæ re ipsa a Deo emanat , quam unicam , ceteris rejectis , homo sequi debet .*

Evidens siquidem primo est , religionem nullam doctrinas absurdas , aut falsas proponentem a Deo infinite intelligente , ac sancto esse posse . Evidens est deinde , quum Deus hic omni ætate colidebuerit religionis exercitio a se supernaturaliter emanatæ , & supernaturaliter homini propositæ , necessario religionem hanc , quæ unica inter omnes pura est , in doctrinis rationi conformis , & unica quoque omnibus sæculis existens invenitur , eam esse , cuius Deus auctor est , & institutor .

**PROPOSITIO V.** *Religio Christiana Catholica , quæ sola pura est , & in doctrinis rationi conformis , mundo coeva , sola cali , & terra ineluctabilibus testimoniis confirmata , sola totius divinitatis notis clarissimis , & permanentibus obsegnata , illa unica religio est , quam*  
homo

*homo amplecti, & sequi debet.* Ipsa sola enim & unica id omne continet, quod religionis a Deo probatæ, unicæ veræ religionis nota esse potest.

Duarum postremarum propositionum explicationem, & demonstrationem invenies in integris duabus dissertationibus, quibus philosophia religionis explicat.

**PROPOSITIO VI.** *Unica hac religio, quam homo sequi debet, nempe Christiana catholica, hominem arctissime, & omnimode subiicit universa natural legi, omnibus nationis legibus tum ecclesiasticis, tum secularibus (a), ut quisque, qui sacræ hujus religionis rudimenta novit, aperte scit.*

Quæ quum ita sint, ut quæcumque moralis propositio demonstratur, satis erit ostendere, propositionem hanc demonstrandam aut esse unum ex primis principiis, aut unius ex tribus hisce legislationibus consequentiam necessariam; scilicet, vel legislationis *Religionis naturalis*, vel legislationis *Religionis revelata*, vel legislationis *legitima auctoritatis*.

1213. **EXPLICATIO III.** Ex generali hac theoria facile erit solide statuere diversas *principuas moralis propositiones*, sive solo rationis lumine, quod in plerisque sufficit, ut decernatur sit ne aliquid justum, aut injustum, honestum, aut inhonestum, licitum, aut illicitum; imo & ad sententiam ratione comprobendam. Sive infallibili divinæ revelationis auctoritate, quæ *Dei ipsius ratio* est, quæque ipsa suprema ratio est eorum, quæ præcipit, aut vetat (150, & 151).

L 2

Quid-

(a) Quum hic leges, quibus tenemur auctor enumeret, & nationales etiam ecclesiasticas, optimo sane jure, commemoret, universalis ecclesia leges non erant omittenda. Interpres,

I. Quidquid ratio præcipit faciendum est, quidquid vetat, vitandum. Ratio enim *unum ex mediis* est, quibus Deus partem suorum præceptorum nobis edicit; illa scilicet, quæ in naturæ lege continentur (842, 863).

II. At ratio sæpius anceps non satis in omnibus moralibus certo definit. Tunc vero revelatio, quæ *aliud medium* est, quo Deus voluntatem suam nobis manifestat, definit ipsa, licitum ne illud sit, an secus.

Si ratio, & revelatio de aliquibus, quæ ad mores spectare videantur, silent, tunc hæc nec præcepta sunt, nec vetita (a); *libertas humana* siquidem pleno suo jure gaudet, quum nulla lex nota, generalis, aut peculiaris eam alligat, aut circumscribit.

### ARTICULUS III.

#### POTENTIA MOTRIX ANIMÆ HUMANÆ.

1214. OBSERVATIO. CERTUM est, animam humanam esse *causam vel efficientem*, vel *ocasionalem* variorum motuum, qui habentur in corpore, quod incolit, atque animat; experientia enim docemur, liberos corporis motus non nisi voluntatis nutu haberi, & necesarios ipsius corporis motus, ut cordis pulsationem, sanguinis circulationem, pulmonum exercitium, cessaturos, quum e corpore

(a) *Modo de his etiam ecclesia sileat. Meminerit auctor, se supra dixisse, rationem loqui de natura lege, revelationem de lege divina; non igitur per ipsum loquitur ratio de lege ecclesiastica. Sed si lex ecclesiastica loquatur, etiam ratione, & revelatione de re aliqua tacentibus, ab omni catholico religiose audienda est. Interpres.*

re anima abierit : Anima itaque certe *causa physica* est motuum corporis, sive efficiens sit, sive occasionalis. At vero efficiens ne est, an tantum occasionalis? Hoc investigare modo statui-  
mus, ac definire (267, & 272).

I. Veteres philosophi a Thalete ad Cartesium animam humanam passim censuerunt *causam effici-  
cientem* tum liberorum, tum necessariorum  
motuum humani corporis.

Thales, referente Plutarcho, (a) censuit, animam humanam ens esse se perpetuo propriis viribus movens; Pythagoras, numerum esse se moventem; Plato substantiam esse intelligentem se propriis viribus moventem.

Aristoteles plura falsa de anima sentiens, virtutem motricem cum magistro suo illi tribuit. Ejus vero sententia veteribus, & recentioribus peripateticis communis facta est.

II. Cartesius omnium primus de *intima hac facultate corpora movendi* philosophice dubitare ausus est, quam vetus philosophia vulgari præjudicio obsecundans animæ tribuebat. Ab hac Cartesii dubitatione ortum habuit systema causarum occasionalium. Porro sententia hæc verosimilior videtur, & per hos dies passim recepta est.

Quare in Cartesii, Neutoni, Malebranchii, & plerorumque recentiorum philosophorum sententia Deus est unica causa efficiens universi motus, qui in natura sive animata, sive inanimata habetur; anima vero humana, uti, & materia, non est nisi *causa occasionalis* illius, qui ipsi tribuitur.

III. Lockius, & Clarkius mediam inter Cartesium, & veteres philosophos sententiam amplexi

L 3

plexi

---

(a) *Plutarchus de placitis philosoph. l. 4. c. 2. Pythagoras numerorum nomine hic substantiam intelligit.*

plexi sunt. Causam occasionalem materiam voluerunt, non animam.

Corpora quævis, inquiunt, sunt tantum causa occasionalis motus in aliis corporibus excitati; quum enim omnino corpori inertia indita sit, hæc omnem motricem virtutem excludit.

At anima humana motuum, qui in humano corpore contingunt, *causa efficiens* est; ipsa enim intrinsecam habet activitatem, a qua motus hi produci possunt.

Celebres hi philosophi partem hanc veteris philosophiæ admittentes eam aut rationibus fulcire debuisse videbantur novis, ac solidis; aut ab objectionibus gravissimis tueri, quibus passim rejecta fuit: hoc tamen non præstiterunt.

#### MATERIÆ ACTIO, ET MOTUS.

1215. OBSERVATIO. Maximum visibilis naturæ phænomenon est ejus actio, & motus. Nihil intentatum reliquit philosophia, ut illud explicaret, ejusque causam detegeret.

1216. EXPLICATIO I. Aristoteles, celebris ille philosophiæ creator, materiæ universæ *activitatem intrinsecam* tribuit, sive naturalem virtutem se propriis viribus movendi.

Hinc per Aristotelem variæ in variis corporibus activitatis intrinsecæ, & nisus ad motum species. Hinc generalis naturæ animatæ, & inanimatæ actio, quæ ab omnibus hisce peculiaribus activitatibus resultat (177).

CONFUTATIO. Quatuor gravibus vitiis laborat hæc Aristotelis sententia, quibus relinquenda est.

Primum est, ipsam opponi magno *inertia materia phænomeno* notissimo, atque certissimo in universa illa naturæ materialis parte, quam observare, & experimentis subiicere possumus (759, & 880).

Alte-

Alterum est, hinc intelligentiæ phænomena exoriri a causis, in quibus nulla intelligentia est, imo quæ intelligentia carentes supponuntur.

Tertium est, non valere ad præcipua, atque constantia regni animalis, & vegetabilis phænomena explicanda, in quibus aliquid majus Entelechiis universæ materiæ communibus plane elucet.

Quartum est, iis omnibus gravissimis objectionibus impugnari, quibus atheismus proteritur, & cujus sententia hæc semper fundamentum fuit.

1217. EXPLICATIO II. Peripateticorum, & Academicorum scholæ sola materiæ actione animalis, & vegetabilis regni phænomena plurima explicare posse desperantes, *Naturas plasticas* excogitarunt; substantias nempe simplices, a se, & natura sua activas, nulla tamen intelligentia, nulloque sensu præditas, quarum munus esset ea producere, quæ in visibili natura mirabiliora sunt.

Hisce naturis in his scholis tribuebatur organica animalium structura, cordis, & pulmonum actio in animali regno; in vegetabili vero, organica vegetantium structura, aptorum succorum delectus, succorum in flores, fructus, & germina metamorphosis.

CONFUTATIO. Patet, naturas has plasticas *mera* tantum *commenta* in physiologia, in animali, & vegetabili mechanica, atque in universa physica esse posse.

I. Substantiis hisce intelligentia, & sensu carentibus explicari nequeunt phænomena, quæ in homine *Principium sentiens, & intelligens* omnino a materia distinctum indicant.

Hoc principio in homine supposito, cur illi virtus hominis activa non tribuatur, si homo re ipsa activa virtute pollet; potius quam cæco, & sensu experti principio, Naturæ plasticæ,

cæ, cujus actio inutilis simul est, & chimærica. *Inutilis*: animæ humanæ siquidem id omne tribui potest, quod naturæ huic plasticæ tribuitur: *chimærica*; substantiæ enim intelligentiæ carenti operationes tribuuntur, quæ intelligentiam, eamque maximam necessario supponunt.

II. Neque magis in brutis valent naturæ hæ plasticæ cognitione, & sensu carentes. In iis quoque earum actio inepta, inutilis, & chimærica apparet.

III. Nihil inagis præterea in vegetabili regno valere possunt. Patet enim, physicum regni hujus machinamentum necessario causam intelligentem postulare, quæ & ejus structuræ præfuerit, & ejus conservationi adhuc præsit; quidquid vero actionis in illo apparet, semper generalibus, aut peculiaribus motus legibus liberè a Deo naturæ visibilis auctore statutis, atque permanenter servatis tribui potest (*Phys.* 73, & 190).

Doctor Cudworthius in suo *Universi orbis intellectuali systemate* sæculo proxime superiore veteris philosophiæ naturas plasticas iterum e tenebris revocare conatus est; at philosophi ingenii sui misus fortasse commendantes, in suis naturis plasticis non nisi veterem chimæram e situ, in quo jacebat, eductam invenerunt.

1218. EXPLICATIO III. Strato Lampfacenus illustris peripateticus tertio æræ christianæ sæculo docuit, corpora omnia *in elementa per se activa* resolvi posse; ab hac vero primigeniorum elementorum activitate propriam cujusque corporis, & universæ naturæ genericam actionem proficisci. Hoc systematis monadum exordium fuisse videtur (a).

At

---

(a) *ETYMOLOGIA*. *Monas*: Ens unicum, ac solitarium: ens omnem a se compositionem excludens. Α *μονός*: *solus*.



At vero hæc Stratonis sententia iisdem quatuor vitiis laborat, quæ in Aristotelica, cujus hæc peculiaris tantum explicatio est, adnotavimus.

1119. EXPLICATIO IV. Celebris Leibniti-  
us, fortasse nil tale cogitans Stratonis peripatetici sententiam in eleganti suo de Monadibus somnio ex parte admisit (958, & 1112).

I. In philosophi hujus sententia Deus, angeli, animæ humanæ, atque brutorum, elementaria corporum principia, monades sunt; nempe substantiæ simplices omni intrinseca compositione carentes.

Monades, inquit, *simplices* sunt; hinc corporum compositionem explicat, quæ substantiarum partibus carentium collectio sunt.

Monades sunt *inextensa*; hinc corporum extensionem explicat, quam ex juxta positione substantiarum inextensarum oriri vult.

Monades omnes inter se *dissimiles* sunt; hoc est, inter existentes substantias binæ non dantur ejusdem naturæ, eademque perfectione donatæ. Hinc varietatem explicat, quæ in universa natura reperitur; puta, in hominibus indolis, & appetituum diversitatem; in mixtis, ac corporibus omnibus virium, ac proprietatum diversitatem.

Monades hæc *activæ* sunt; hinc actionem explicat, qua visibilis natura permanenter animatur.

Monades hæc sunt *rerum representativa*; hinc explicat & substantiarum intelligentium cogitationes, & sensibiles imagines, quas materiales substantiæ in nobis excitant (*Phys.* 50, & 53).

II. Apparet, Leibnitium in suo de Monadibus systemate, quod entia universa complectitur, *analytica methodo* processisse, intimam rerum naturam investigans a phænomenis, quæ a rebus emergunt,

Magnum principium, quo universa ejus theoria innititur, est: *Nihil in natura fieri sine ratione sufficiente*; & semper necessario in rebus ipsis intrinsecam rationem esse, qua fit, ut hic potius, quam ibi sint, hoc potius, quam alio modo, hisce cum proprietatibus potius, quam cum aliis.

Hinc infert, in universa natura monades binas omnino similes non idari, nec dari posse, sive in quibus nulla diversitas sit, nec quæ ulla ratione discerni pollint. Ceterum, inquit, nulla esset *ratio sufficiens* cur una potius in nostro orbe esset, quam in Saturno, aut in Syrio, ubi altera est: quod rerum naturæ repugnat.

Corollarium hoc Leibnitio novum principium præcipuum evadit, quod ipse *Indiscernibilium principium* dicit; seu quo probat, indiscernibilia in natura dari non posse.

III. In Leibnitii systemate monades tum spirituales, tum materiales *Principia activa* sunt, suarum operationum veræ causæ efficientes; at neque illæ in has, neque hæ in illas agere quidquam possunt (1112).

Utrisque simul cum intrinseca hac activitate inest *facultas rerum representativa*, quæ illis veras perceptiones tribuit, & qua veræ intelligentiæ sunt: hoc tamen discrimine, quod monades materiales *rerum perceptionem* tantum habent, non tamen perceptionis hujus sensum, aut conscientiam: contra vero monades spirituales & rerum perceptionem habent, & *perceptionis hujus sensum, aut conscientiam*: quod has animadversionis capaces, illas incapaces efficit.

1220. EXPLICATIO V. Illustris Vossius, unus ex præcipuis Leibnitii affectis, hac parte a magistri sententia jure recessit, qua materialibus monadibus intelligentiæ speciem tribuit.

Quare materialibus monadibus *intrinsecam activitatem* tantum tribuit, qua omnium vibi.

*libilis naturæ motuum principium physicum sunt, sive causa efficiens; quin Monas increata & creatrix in earum actionem quidpiam influat, aut agat: hac ratione Leibnitii sententia Aristotelicæ modo a nobis expositæ, & confutatæ re ipsa consentit (1216, & 177).*

1221. *NOTA. Virtus motrix*, seu proprietas motum producendi, & communicandi magnas inter philosophos vices subivit. Peripatetici eam & materiæ, & animæ humanæ tribuerunt. Cartesiani eam utrique denegarunt. Clarkius, & Lockius eam materiæ denegant, animæ humanæ tribuunt. Leibnitius, & Volfus eam animæ denegant, materiæ tribuunt. Non itaque in philosophorum placitis, sed in ipsa rerum natura hac de re veritas quærenda est:

I. Commune principium, cui olim philosophi materialistæ insisterant, ut activitatem intrinsecam materiæ tribuerent, erat; quod eam agere, & se movere intuebantur, nec aliquid extra ipsam agnoscebant, quod ejus actionis & motus causa efficiens esse posset.

In falsis principiis suis saltem recte procedebant. Quum nullam immaterialem substantiam nossent; a qua materialis naturæ existentia & actio profisceretur, patet, eos hanc actionem non nisi ipsi materiali naturæ tribuere potuisse (762).

II. Commune principium, cui per hos dies insistent *materia a se activa* assertores, uti Volfus, & Leibnitius, qui increatam, & creatricem substantiam admittunt, est: *ad Dei actionem, in naturalibus non esse confugiendum.* (1058, & 947).

At hæc philosophandi ratio mihi videtur *petitio principii*; est enim supponere, quod definiendum est; & axioma, ac veritatem certam facere, quod controvertitur (138).

Qua ratione probabunt, *Dei actionem in na-*

turæ phænomenis non esse petendam; si iis ostendatur, non repugnare, Deum naturæ motorem, & conservatorem esse; *phenomena vero natura*; ut nobis innotescunt, esse, & permanere non posse sine actione causæ infinite intelligentis, & activæ; quæ sane materia ipsa evidenter esse nequit; & quæ non nisi Deus ipse evidenter esse potest? (876, & 880).

PROPOSITIO PRIMA.

1222. *Materia non est causa efficiens variorum motuum, quos in visibili natura dignoscimus.*

*Horum itaque motuum causa efficiens est omnino a materia distincta.*

DEMONSTRATIO. Sive experientiam, sive rationem consulamus, certum est, ubique, & semper duas in materia deprehendi præcipuas proprietates, quibus manifeste ostenditur, eam esse non posse causam efficientem diversorum motuum, quos in visibili natura observamus; porro hæ sunt, *intrinsecus activitatis defectus, & intrinsecus intelligentia defectus*, ut alibi explicavimus, & demonstravimus (759, & 880).

Atqui evidenter repugnat, substantiam & activitate, & intelligentia carentem esse causam efficientem motus, qui in visibili natura datur. Hoc, ostendo motum considerans & in sua productione, & in sua determinatione, & in sua continuatione.

I. *Motus, qui in visibili natura datur, in sua productione consideratus, materia effectus esse nequit.* Sive enim materia in quiete, sive in motu posita consideretur; certum est neque intra se, neque extra se ullius motus causam efficientem esse posse; adeoque non producere ut causam efficientem motum, quo natura animatur.

Primo, *materia quiescens* substantia est activitate simul, & actione destituta. Atqui evidenter repugnat, substantiam propria activitate carentem, & a nulla extrinseca causa ad agendum determinatam motum ut causam efficientem producere.

Deinde *materia in motu* nequit esse magis causa efficiens motus, quam *materia quiescens*. Quid enim magis habet *materia in motu*, quam *quiescens*? *modificationem natura sua accidentalem*, sed quæ nullo modo extra illam esse potest, quam nec magis alteri *materiae* communicare potest, quam communicare possit aut suam rotunditatem, aut suos angulos, aut suam concavitatem, aut aliam figuram qualemcumque; *modificationem* denique, quæ non magis alteri *modificationi* sibi simili existentiam dare potest, ac *materia* alteri *materiae* existentiam impertiri possit.

Si quis arbitretur, corporis alicujus motum in aliud corpus transire posse, is se parum de motus natura philosophatum fuisse ostendet. Quid enim est corporis motus? est tantum *modificatio* corpori accidentalis. Atqui ea est *modificationum* natura, ut non nisi in substantia, quam modificant, existere possint; ea est, cui essentialiter repugnet, ut extra substantiam, cujus *modificationes* sunt, seu essendi modi, agant, aut subsistant, aut alio transeant (202, & 227).

Repugnat ergo, *corporis motum* in aliud corpus transire. Repugnat ergo, corpus alteri corpori motum suum communicare. Si ergo corpus A motum accipit occasione ictus, aut contactus alterius corporis B; motus hic in corpore A productus nihil est ex motu, qui exstebat in corpore B. Motus ergo in corpore icto productus ab alia causa a motu corporis percutientis diversa producitur.

II. *Motus, qui in natura habetur, in sua deter-*

*determinatione consideratus, in præcisa, & determinata scilicet sua qualitate, & quantitate, quibus definitur, nequit esse materia effectus. Motus hic enim, ut a physica, a mechanica, ab astronomia addiscimus, infinite varius est, & semper juxta immutabiles leges, in sua productione, & manifeste in causa producente intelligentiam supponit infinite promptam, & accuratam, quæ quovis instanti, & in quavis rerum circumstantia illum producere sciat certa, ac determinata quantitate, nullo excessu, nullo defectu, eaque præcisione, quæ omnem finitam intelligentiam evidenter superat ( 876, & 880 ).*

*III. Motus in visibili natura contingens in sua continuatione consideratus, nempe in existentia, quam habere pergit; postquam actio cessavit, a qua primitus ortus est, nequit esse materia effectus. Si enim supponamus etiam causas activas in natura materiali, nihilo facilius motus phænomenon explicabimus.*

Exempli gratia, saxum manu tenes, & hoc in scopum a te magis, minusve distitum coniicis. Non quæro, num brachium primitus motum huic saxo indiderit, seu motum, quo e manu effugit; quæro tantum, & peto qua vi, seu qua virtute saxum hoc moveri pergit postquam a manu sejunctum est? respondebis profecto, ratione primi impulsus a te illi impressi, quum in scopum jecisti.

At philosophica ne hæc responsio est? impulsus hic primitivus una est ex illis modificationibus, quæ tantum in actione sunt; harum vero natura est, ut esse desinant, quum produci desinunt.

Quare, etsi brachium tuum fuisset primi huius impulsus causa efficiens, quod non concedo: impulsus hic existere desiisset, quum in saxum agere desiisti statim ac a manu recessit. Primitivus igitur hic impulsus, qui in saxo jacula-

culato perseverat, a te *existentia sua perseverantiam* non habet. Ergo primus hic impulsus neque *existentia sua initium* a te habet.

IV. Ex his omnibus evidenter consequitur, siue *motus natura*, siue *materia natura* considerata, materiam non esse diversorum motuum causam efficientem, qui in visibili natura contingunt; eosque, ut existant, necessario indigere causa efficiente, quæ a materia omnino diversa sit. Q. E. D.

PROPOSITIO II.

1223. *Anima humana non videtur apta motum producere ut causa efficiens.*

Ergo verosimile est, varios motus tum liberos, tum necessarios humani corporis causam efficientem habere, quæ sit substantia ab anima humana omnino distincta.

DEMONSTRATIO. Animæ humanæ propria est *intrinseca activitas*, & *intrinseca intelligentia*. Hinc a natura sua binas proprietates excludit, quæ materiam ineptam efficiunt, ut sit causa efficiens motus.

At intrinseca hæc animæ intelligentia, & activitas tanta ne est, ut eam constituent aptam motum producere ut causam efficientem? Non videtur. Ut enim anima sit causa efficiens motus, præsertim regularis; qui in corpore ab ipsa animato habetur; deberet intrinseca ejus activitas *aliquod actionis medium* habere in partes movendas; & ejus intelligentia *aliquam partium movendarum distinctam cognitionem*. Atqui duo hæc animæ humanæ deesse videntur ad motus liberos, aut necessarios corporis, quod animat, excitandos.

I. *Anima humana nullum actionis medium habere videtur in partes humani corporis movendas*. Activa est; at ejus activitatis intrinsecam naturam circumscriptæ objectum esse viden-

dentur tantum modificationes quædam, quæ in ipsa sunt, & quarum ipsa subjectum est. Activa est; at ejus activitas ita limitata esse videtur, ut tantum producat tamquam causa efficiens quasdam ideas, quædam judicia, innumera ratiocinia, volitiones plurimas, ac liberas determinaciones; nulla ipsi data actione efficiente extra naturam suam, & in corpus, cui conjuncta est.

Si anima humana motum fibris, nervis, spiritibus animalibus corporis, cui conjuncta est, indere potest actione sibi propria, & intrinseca, ratione cujus re ipsa fiat motus producti causa efficiens: nulla alia ratione concipi potest motum hunc indere posse, nisi aliquo ex tribus hisce mediis: nempe aut *cognitionibus* suis, aut *volitionibus*, aut *sensationibus*, sive sensibus: triplices enim hæ modificationes omnes, quas novimus, accidentales animæ proprietates complectuntur.

Atqui sensus intimi testimonio nobis constat, nullam nos concipere proportionem, nullumque nexum inter cognitiones nostras, aut volitiones, aut sensationes, sive actus, & modificationes quascumque animæ nostræ, & nostrarum fibrarum, nostrorumque nervorum, & spirituum animalium motum. Imo potius concipere videmur, nullam inter varias animæ modificationes, & materiam quamcumque movendam proportionem, nullumque nexum haberi, aut haberi posse.

Exempli gratia, quænam *connexio efficiens* haberi potest inter volitionem meam, & brachii mei motum, aut quietem? Si mea volitio brachii mei motum ut causa efficiens pro libito producit, aut extinguit; quare volitio mea pro libito, & ut causa efficiens pulmonum meorum, sanguinis, spirituum animalium motum non extinguit?

II. *Anima humana partium humani corporis*

mo-



*movendarum nullam distinctam cognitionem habere videtur.* Quod tamen necessarium esset, ut diversorum motuum liberorum, & necessariorum, qui in ipso fiunt, esset causa efficiens.

Si quoque supponamus, habere humanam animam aliquod *actionis medium* in fibras, & organa corpus, quod animat, moventia; ut tamquam causa efficiens motus tum liberos, tum necessarios, qui dantur, produceret, necesse profecto esset, ut totum eorum artificium penitus dignosceret; ut brachii, pedis, linguæ, cordis, pulmonis, stomachi, ceterarumque partium fibras accuratissime distingueret; ceterum pedem, exempli gratia, moveret quum lingua movenda est; & machina humana exquisiti artis automatis sorti subesset, quod ignaro, & artificii inscio dirigendum, & ad motum disponendum committeretur.

Atqui sensus noster intimus monet, nihil horum nobis notum esse: [nos nullo pacto interiorius artificium dignoscere, quo machina nostra ad motum excitatur; nos fibras pedis, & brachii motrices a fibris oculi, & linguæ motricibus non distinguere: ubi motus incipiat, quo transmittatur, nos penitus ignorare, & cur hic potius, quam alius motus; qua ratione in nobis enascatur, qua perseveret & motus species, & quantitas a diversis nostris necessitatibus, positionibus, affectionibus, volitionibus requisita.

Nulla igitur ratione verosimile videtur, animam humanam esse causam efficientem motus, qui in corpore ab ipsa animato habetur. Ergo verosimile est, varios humani corporis motus seu liberos, seu necessarios, transeuntes, aut permanentes a causa efficiente produci, quæ ab anima humana prorsus distincta sit Q. E. D.

1224. COROLLARIUM. *Anima brutorum omni-*

*omnino inepta videtur ad motum producendum ut causa efficiens.*

**DEMONSTRATIO.** Si anima humana nequit ut causa efficiens motum producere in corpore, quod animat; eodem, imo potiori jure *Anima brutorum* inepta erit ad producendum ut causa efficiens motum, qui datur in corpore, cui conjuncta est, & cum quo unum Totum mixtum efficit.

Anima brutorum, ut alibi ostendemus, est *substantia immaterialis sensu pradita, & intelligentia carens* materiam organicam animans. Atqui substantiæ huic immateriali, ut & animæ humanæ, deesse videtur *actionis medium* in partes movendas, & *cognitio distincta* partium movendarum. Ergo non est, ut nec anima humana, causa efficiens variorum motuum, qui in corpore, cui conjuncta est, contingunt.  
Q. E. D.

1225. **NOTA.** Sequioribus, ac barbaris sæculis nonnullæ scholæ philosophico-theologicæ ut motus cælestes explicarent, cuique sideri, & planetæ, procul dubio elegans Platonis somnium imitatæ (1057) peculiarem spiritum, seu *Angelum motorem, & ducem* assignarunt, qui activitate, & intelligentia sua diversos illos motus efficiebat, qui in iis corporibus observabantur, aut haberi putabantur.

At *vetus hac opinio* fundamento, verisimilitudine, probabilitate destituta exolevit; & tanquam somnium excultis ætatibus evanuit.

I. Ut hæc munera creatis his intelligentiis, quas nos generico Angelorum nomine designamus, jure tribuantur; aliquam certam rei hujus probationem aut a ratione, aut a revelatione habere oporteret. Atqui nec ratio, nec revelatio probationem ullam præbent.

II. Nullum majus *actionis medium* ad corpora movenda concipitur in his cælestibus spiriti-

ritibus anima humana præstantioribus, quam in ipsa anima humana. Quare aptiores angeli ad cælestia corpora movenda non videntur; quam anima humana ad humanum corpus movendum apta sit.

III. Quæcumque angelo planetæ, aut cometæ motori, ac duci intelligentia supponatur, hæc profecto infinita non est. At enimvero quænam *intelligentia*, nisi *infinita intelligentia*, noscere poterit, ac definire accuratam, & præcisam motus compositionem (a), quam perpetuo in planeta, aut cometa produci debet, qui per omnia curvæ ellipticæ puncta excurrere debet vicentripeta semper variabili, & semper in duplicata inversa radiorum vectorum ratione?

IV. Munus angelis motoribus, ac ducibus assignatum æque corporum cælestium motui supervacaneum est, ac currus motui esset quinta rota. Quare muneris hujus inutilitas illud confictum esse satis ostendit.

### PROPOSITIO III.

1226. *Maxime verosimile est, Deum esse causam efficientem omnium omnino motuum in materiali natura animata, & inanimata contingentium; materiam vero, animam humanam, & brutorum esse illorum causas tantum occasionales.*

DEMONSTRATIO. Propositio hæc, ut patet, est tantum evidens jam hac in re demonstratorum confectarium.

I. Quo-

(a) Non infinita requireretur intelligentia, sed finita, & motibus hisce tum compositione, tum quantitate, tum varietate finitis proportionata. Probatio hac itaque nullam habet vim. Interpres.

I. Quoniam motus in visibili natura animata, & inanimata existit, patet causam efficientem habere debere. Quoniam causa hæc efficiens non est neque materia, neque hominum, neque brutorum anima; patet verosimillimum esse, causam hanc efficientem esse Deum.

Omnino rationi consonum est, Deum, cui materialem naturam a se semper essentialiter dependentem creare libuit, cui leges motus indidit aptissimas infinitam suam intelligentiam, atque potentiam perseveranter patefacere, ipsum esse etiam perpetuum ejus motorem, ut primitus ejus auctor fuit. Ipse solus noscere potuit quænam motus leges naturæ ab ipso conditæ congruerent; ipse solus has leges exequi posse videtur; ergo verosimillimum est, ipsum solum esse motus cujuscumque in universa natura animata, & inanimata causam efficientem.

II. Certum est, materiam, animam humanam, animam brutorum esse plurimorum motuum in natura visibili *causas physicas*. Quum itaque tres hæ causarum species physicarum, quæ veræ causæ sunt ( 272 ), non sint causæ efficientes motuum, quos oriri faciunt; reliquum necessario est, ut sint eorum causæ occasionales. Q. E. D.

1227. *NOTA*. Satis amplam alibi tradidimus *causarum occasionalium* theoriam, earum verum, & physicum influxum perpendentes, & explicantes in iis omnibus casibus, in quibus haberi potest; nempe in actione corporum in corpora, corporum in spiritus, & spirituum in corpora ( 267, & 484 ).

Ex hac generica, & prodroma theoria, quam hic luculenter in memoriam revocare opus erit; satis nitide, ac exacte concipi potest, qua ratione anima humana sit causa occasionalis variorum motuum, quos corpori indit; & qua ratione varii humani corporis motus sint plurima-

rimarum animæ modificationum causæ occasionales.

*Fluidi animalis* theoria, quam mox tradituri sumus, *causarum occasionalium* theoriam in omnibus, quæ ad animam humanam spectant, plenissime illustrabit ( 1247 ).

### OBJECTIONES SOLVENDÆ.

Præcipuæ difficultates, quæ in *causarum occasionalium* hypothesim congeruntur in motus productione, eo omnes tandem adducuntur, ut contendant, hanc hypothesim Pyrrhonismo favere; Deo indigna Deo tribuere; phænomenis, quorum nos principium sumus, non congruere; physicam universam aut destruere, aut pervertere.

Hypothesis causarum occasionalium fortasse Pyrrhonismo favet.

1228. OBJECTIO I. Si dicas, materiam, atque animas hominum, & brutorum non esse causas efficientes motus; dicis quoque, universum humanum genus a mundi origine ad hos usque dies in perpetuo errore versatum fuisse de iis, quæ magis cognitu obvia sunt; adeoque Pyrrhonismo victricia arma præbes. Quænam enim cognitiones jam certæ reputentur, si eas modo ejurare oportet, de quibus nunquam a mundi exordio usque ad Cartesii ætatem dubitatum fuit?

RESPONSIO. A mundi exordio ad Cartesii ætatem humanum genus de motus causa efficiente, ut, & de motus legibus minimum, aut pessime philosophatum fuerat. Si vero in permanente errore hac super re versatum est, sibi imputet. Mens humana falli potest; at ab errore resipiscendi semper jus habet.

I. Natura nullam generalis, & necessari erroris hominum menti causam præbet. Ipsa immu-

mutabilis quod olim docuit semper docet, nec unquam ipsa fallit.

II. At mens humana naturæ documenta prætergredi potest; & sibi culpa sua plurimos errores generales, non tamen necessarios procreare. Exempli gratia, semper natura docuit, corpus motum alteri corpori, in quod incurrit, motum excitare; plures humani corporis motus ab humana voluntate pendere; aliaque hujusmodi.

At nunquam docuit, percussi corporis motus causam efficientem esse corpus percutiens: varios humani corporis motus causam efficientem esse humanam animam, aut voluntatem.

III. Pyrrhonismus nihil obtinet a recentiorum de motu sententiis: hæc siquidem non humanam certitudinem tollere, imo vero illam validius statuere, atque aptius explicare, & adhibere nituntur.

Varia hæc motus phænomena, quæ ante Cartesium nota erant, & certa reputata tum in animata, tum in inanimata natura, suam semper servant certitudinem. Dubia methodica Cartesiani id præstiterunt, ut ignotas eorum causas melius inquirere docerent.

1229. OBJECTIO II. Materia motus, quorum occasio est, producere videtur; & nihil certo probat eos ab illa non produci. Quare igitur eorum causa efficiens non censeatur? idem de hominis, & brutorum anima dici potest.

RESPONSIO. Materia, anima hominis, & brutorum motuum, ipsis attributorum *causa physica* esse videntur, & re ipsa sunt. Non tamen inde sequitur illorum eas esse causas efficientes, potius, quam occasionales; ut jam demonstravimus.

I. Binæ rationes præcipuæ probantes, materiam motus, quem excitat, non esse causam effici-

efficientem, sunt *ipsa materia natura*, quæ sese activitate, & intelligentia destitutam ostendit; & *ipsa motus natura*, qui ab uno in aliud corpus transire nequit.

Si cum nonnullis materialistis supponatur, motum in materia a præcedente motu oriri, hunc ab alio adhuc præcedente; atque ita porro indefinite, ita ut nunquam ad motorem aliquem a materia distinctum perveniatur; supponerentur primo infiniti effectus sine causa, quod manifeste absurdum est (880). Supponeretur deinde, motum ab uno ad aliud corpus transire, ut nummus a mea ad aliam crumenam transit, aut ut aquæ gutta in spongiam absorbentem per ejus poros transit; quod æque absurdum est, quum hac ratione ut motus explicetur, ejus idea, & natura destruat.

II. Binæ præcipuæ rationes, quibus asseritur, animam humanam non videri causam efficientem motus, quem excitat in corpore, cui conjuncta est, sunt, quia & *medio actionis in partes movendas, & distincta partium movendarum cognitione* carere videtur; sine quibus non concipitur, posse illam esse humani corporis motuum causam efficientem.

#### CAUSARUM OCCASIONALIUM HYPOTHESIS FORTASSE DEO INJURIOSA.

1230. OBJECTIO III. Deo injuriosa, & Deo indigna tribuuntur, si dicatur ipse motus *unica causa efficiens*. Ex hac enim hypothese sequitur primo, Deum assidue in curru trahendo, in sarcinis ferendis, in planetis, cometis, maris fluctibus, diversis animalibus movendis esse occupatum; deinde Deum quotidie plurima turpia, ac scelestâ operari; exempli gratia, ipsum furtum, incestum, homicidium, aliaque plura perpetrare, Atqui hæc omnia Deo evidenter

denter repugnant; ergo falsum est motus omnis in natura animatæ, & inanimata producti esse Deum causam efficientem.

RESPONSIO. Tertia hæc objectio ab aliquo enthusiastic ignarum vulgus alloquente prolata apta esset in *maxime philosophicam sententiam* a nobis statutam animos concitare, qua Deus unica efficiens motus causa est cujuscunque, sive in liberis, atque intelligentibus substantiis, sive in iis, quæ libertate, & intelligentia carent. Nihil tamen habet, quod ab *ex-cultis animis* (vera rerum principia intelligentibus, easque recte perpendentibus non sit probandum.

In hypothesei *concurfus immediati*, quem ferme ii omnes admittunt a quibus sententia hæc nostra impugnari posset; Deus re ipsa, & physice cum causa creata producit tamquam *causa efficiens* motus quoscunque in homine, in bruto, in plantis, in mari, in atmosphæra, in cælestibus corporibus, in rerum universitate contingentes (1145, & 1148).

Quidquid igitur sententiæ nostræ maxime philosophicæ objicitur, æque concursus immediati hypothesei, sed æquæ nullo jure, objici potest. Nihil enim concursus immediati sententia præferret indignum Deo,\* ut omnes philosophi consentiunt, sive qui concursum hunc ut necessarium admittunt, sive qui ut superfluum rejiciunt.

Si itaque Deo indignum non est concurrere ut causam efficientem ad motus omnes naturæ tum animatæ, tum inanimatæ; neque Deo indignum erit esse causam efficientem, eamque unicam omnium horum motuum in sententia a nobis admitta; ut ex duabus sequentibus explanationibus facile innotescet.

1231. NOTA. *Magnum discrimen* est inter sententiam nostram, & immediati concursus  
hy-



hypothefim. Non tamen hoc quidquam officit qualitati *causa cujusque motus efficientis*, quam utraque fententia Deo tribuit.

I. In noſtra ſententia Deus ſolus motus omnino omnis cauſa efficiens eſt; neque res creata ſive animata, ſive inanimis, ſive libera, ſive neceſſaria quidquam ut cauſa efficiens inſluit in motus productionem, & conſervationem.

II. In ſententia immediatum concurſum admittente, motus quilibet ab actione Dei ſimul & rei creatæ producitur; ita ut Dei actio ſit re ipſa cauſa efficiens motus completa, & totalis totalitate effectus; & actio quoque creatæ rei ſit motus cauſa efficiens completa, & totalis totalitate effectus; ita ut, iterum, res creata plenam, atque perfectam facultatem haberet ſolis ſuis intrinſecis viribus motum quemvis, quem eſſe facit, producendi; niſi neceſſe eſſet, Deum, ad perfectum ſuum dominium in rei creatæ actionem ſervandum, & exercendum, hunc ipſum motum indiviſibiliter cum re creata efficere.

1232. EXPLICATIO I. *Deo indignum non eſt, eſſe cauſam efficientem motus nihil illicitum continentis, neque peccato conjuncti.*

I. Abſurdum eſt, Deo injurioſum, atque impium, Deum ſibi fingere creatis rebus ſubjectum, & veluti ad agendum cum illis, & pro illis ad inſtar ſervi damnatum.

II. At religioſum, philoſophicum, rationi conſonum eſt, Deum conſiderare ut agens univerſale, & rerum omnium ab ipſo creatarum ſupremum dominum.

Sententia noſtra, qua Deus cujuſcumque motus in natura contingentis unica efficiens cauſa eſt, & *inſinitam Dei independentiam* luculentiffime exhibet, cujus voluntas infinite activa, & efficax nullo labore, nulla deſatigatione motum, & quietem omnibus impertitur ju-

xta quasdam immutabiles leges ab ipso statutas, & perseveranter servatas; & *universalem creaturarum rerum dependentiam*, quæ five animatæ sint, five inanimatæ, five liberæ, five libertate carentes nullum sibi motum efficere possunt, & quæ si intelligentes, & liberæ supponantur, illum parere nequeunt, nisi immediata Dei actione omnia in illis operantis, juxta Apostoli verba: *Omnia operatur in nobis*.

1233. EXPLICATIO II. *Deo ne indignum est esse causam efficientem motus aliquid illicitum continentis, & peccato conjuncti?*

Ut philosophice quæstioni huic satisfaciat, duo in quavis prava, & illicita actione necessario distinguenda sunt; quod in ipsa scilicet physicum est, & quod morale. Hic, ut patet, de actione, & motu creatæ rei liberæ tantum sermo est; huic enim tantum actio illicita, & prava tribui potest.

I. Quod in illicita actione *physicum* est, est actio ipsa considerata cum præcisione a libera voluntate eam eligente; determinante, volente.

Quod in illicita actione *morale* est, est *libera voluntatis deordinatio* hanc actionem eligentis, determinantis, volentis, frustra obistente lege divina, aut humana, a qua illam eligere, determinare, velle vetitum est.

II. Nullus omnino motus, quatenus physicus est, malus est, & pravus in se ipso, si a morali liberæ voluntatis deordinatione sejunctus sit: si enim motus hic a re creata supposita causa efficiente produceretur, aut vi adacta, aut coactione aliqua, contra quam frustra obniteretur, five in dementia, in qua omni libertate careret, *hic idem motus* nihil plane illicitum, aut pravam contineret.

*Motus* igitur *physicus* pravus non fit, nisi quatenus ad voluntatem liberam, & inordinatam refertur, quæ eum velit, ac determinet

con-

contra legem divinam, aut humanam illum ventantem velle, & determinare. Exempli gratia, Vetat Deus, latronem velle, & *causam occasionalem* ponere, a qua oritur motus, unde homicidium sequatur; porro causa hæc occasionalis est voluntatis liberæ electio, & determinatio; atque hæc illicitum, & pravam esse facit motum brachii, aut pugionis, aut fistulæ bellicæ homicidium producentis.

III. Sententia nostra, uti & concursus immediati sententia, illicitas hominis actiones Deo tribuit non secundum quod habent *morale*, in quo reatus est, sed secundum quod habent *physicum*, in quo nullus reatus est. Ergo neutra sententia quidpiam pravam, & infinita sanctitate sua indignum Deo tribuit.

1234. NOTA I. *Peccatum* dicitur quævis libera legis sive divinæ, sive humanæ obligatoriae transgressio ( 286 ).

Peccatum dividitur in peccatum actionis, & peccatum omissionis. *Peccatum actionis* est actio ab aliqua lege vetita. *Peccatum omissionis* est ommissio actionis ab aliqua lege præceptæ.

Quum causa actionem determinans, aut omitens caret *libertate*, non datur *peccatum proprie dictum*; leges enim divinæ, & humanæ non nisi subjectis liberis indicuntur; neque lex ulla subjectis non liberis indici potest.

1235. NOTA II. In peccato materiale a formali distinguitur. *Materiale peccati* est actio prohibita, sive ommissio actionis præceptæ. *Formale peccati* est defectus rectitudinis, seu conformitatis legi, qui in hac sive actione, sive omissione reperitur.

Theologi nonnulli formale peccati statuunt in aliquo positivo, nempe in *resistentia voluntatis legi*, cujus infractionem vult, & determinat.

Materiale, & formale peccati ferme in id

incidunt, quod nos diximus physicum, & morale peccati.

1236. **NOTA III.** Peccatum non attendendo nisi in *inordinata* animæ *determinatione*, sive in actu interno, quo se determinat vetitum facere, aut præceptum omittere: concursus immediati assertores adhuc peccatum ita circumscriptum dividunt in materiale, & formale.

In hac inordinata animæ *determinatione materiale peccati* dicunt actum liberum, quo anima vult actionem vetitam, aut omissionem præceptæ; *formale peccati* vocant defectum rectitudinis, qui in hoc actu libero, sive in hac volitione reperitur.

Deus, inquit, simul cum anima humana producit materiale hujus volitionis, non tamen formale, in quo unice consistit peccatum, & quod tantum est *defectus rectitudinis*.

1237. **OBJECTIO IV.** In nostra sententia; ut & in sententia immediati concursus Deus æque, ac homo, videtur reus in omnibus pravis hominis actionibus. Deus enim actiones has pravas efficit libero suæ voluntatis exercitio; Deus igitur est auctor non tantum physici, aut materialis, sed etiam moralis aut formalis actionis praviæ.

**RESPONSIO.** Quod existant hominis motus liberi sive liciti, sive illiciti *ab immediato humana libertatis exercitio pendet*; non item ab immediato divinæ libertatis exercitio. Actio Dei his motibus licitis, aut illicitis id dat, quod habent physici; actio hominis eorum existentiam determinantis libertatis suæ immediato exercitio illis dat, quod habent moralis.

I. In sententia Deum statuente causam unicam efficientem cujusque motus, homo vult, eligit, determinat motus liberos sui corporis,  
non

non illos producit. Deus hos quoque motus producit, quin illos velit, eligat, determinet.

Exempli gratia, quum homo existentiam actionis vetitæ vult, & determinat, uti furtum, aut homicidium, hanc vult, & determinat *immediato sua libertatis exercitio* hanc actionem determinate eligentis contra legis divinæ, aut humanæ inhibitionem.

Deus contra hanc actionem vetitam non vult immediato suæ libertatis exercitio. Tantum immediato suæ libertatis exercitio vult actionem producere, quam res creata libera eligit, & determinabit, atque hanc vult ut *Agens universale* in productione motus, quem res creata libera nequit producere.

Deus actiones nostras externas in motibus hisce liberis sitas non producit, nisi occasione *volitionum liberarum*, quibus nos eas eligimus, & determinamus. Deus ergo immediate suam libertatem non exercet in his actionibus liberis; non enim agit, nisi consequenter ad nostras liberas volitiones. Ergo *harum actionum liberarum moralitas* Deo imputari nequit; eas enim Deus non eligit, aut a se determinat: tantum vult in genere, ut Agens universale, actiones externas producere sive licitas, sive illicitas, quas voluntati nostræ eligere, & determinare libuerit.

II. In nostra sententia facile est, ut patet, objectionem refutare, seu nullam reddere. Non ita res habet in sententia *concurfus immediati*, qui admittitur non tantum ad externas actiones licitas, & illicitas, sed etiam in productione actuum animæ internorum, nempe liberarum volitionum, ac determinationum.

Qui immediatum concursum tenent, non ita facile effugium inveniunt, quum iis obliicitur, in eorum sententia Deum simul cum homine producere hanc *inordinatam animæ determinationem*, qua ipsa actionis illicitæ existentiam

eligit, ac determinat, puta, furtum, aut homicidium, & in qua *moralitas actionis hujus illicita* sita est, adeoque peccatum.

Contra vero qui immediatum concursum non admittunt nullam veram hac in re difficultatem solvendam habent; in eorum enim sententia anima tantum, non Deus re ipsa, & physice hanc eandem determinationem inordinatam producit, in qua unice *actionis illicita moralitas* sita est, adeoque peccatum.

1238. NOTA. Sententia immediatum Dei concursum admittens ad quasvis rerum creaturarum actiones *duobus* *præcipuis* *vitiis* laborare videtur, quæ tantum indicabimus.

Primum est, quod materiæ, animæ humanæ, animæ brutorum *virtutem efficientem* tribuit, quam non habent, & quæ prorsus conficta videtur.

Alterum est, quod Deo tribuit in actuum animæ interiorum productione, puta, suorum judiciorum, & liberarum determinationum *Actionem concomitantem, & coefficientem*, quæ hac in re supervacanea videtur; universalis siquidem, & permanens rei creatæ dependentia in internis actibus, quos a se producit, solo mediato Dei concursu perfectissime habetur. ( 1145, & 1148 ).

1239. OBJECTIO V. Ex sententia nostra, & ex responsione ad præcedentem objectionem sequitur primo, Dei actionem a libera rei creatæ determinatione perdere; quod Deum ens dependens efficit; deinde, Deum ministerium suum, & actionem exhibere pravis, atque illicitis actionibus; quod illum pravitatis harum actionum participem efficit.

RESPONSIO. Neutri ex vitiis hic obiectis obnoxia sententia nostra est, ut facile ostendemus.

I. In sententia nostra Deus est ens a rebus omnibus infinite independens etiam in nobis agens

agens consequenter ad actiones nostras liberas; neque enim a determinationibus nostris liberis movetur, & determinatur ad agendum in nobis; aut unice æterna, & semper permanente voluntate sua, qua illi placuit, quum materiales substantias condidit, esse earum Agens universale.

Deus æternum determinatus est producere, ut causa efficiens, diversas externas rei creatæ liberæ actiones sive ab ipso præceptas, & permissas, sive vetitas. *Dei determinationis* occasio est, non causa determinatio libera rei creatæ. Deus ad agendum movetur, & determinatur non a rei creatæ liberæ electione, & determinatione; sed a *Decreto libero* a se libere æternum statuto producendi quod physicum est in actionibus licitis, & illicitis, quas res creata libera voluerit existere.

Non inde sequitur, Deum æque se habere ad probas actiones, ac ad improbas. Utrasque quidem æque producit, hoc natura creatarum rerum liberarum exigente; at primas præcipit, aut suadet, & illis præmia se digna proponit; postremas sacris suis legibus, ac paratis pœnis impedit, quantum patitur intrinseca libertas homini concessa.

II. In nostra sententia Deus ut agens universale naturæ materialis ministerium, & actionem suam adhibet physico, & materiali, non morali, & formali actionum illicitarum liberarum. Neque in hoc nota ulla illi inuri potest, ut jam supra satis explicavimus ( 1233, & 1237 ).

Reus homo est, quum ministerium, & actionem suam alteri homini adhibet ad illicitam, & pravam actionem perpetrandam; utrique enim actio hæc vetita est; & uterque simul eam vult, eligit ac determinat *immediato sua libertatis*, qua abutitur, *exercitio*.

At Deus actionem, quam producit, nec vult,

nec eligit, nec determinat immediato suæ libertatis exercitio; nec illi lex ulla suprema vetat, ne sit materialis naturæ Agens universale.

*Agens peculiare*, five subditum illud sit, five nulli subiectum, lege divina regitur illi vetante, ne ad actionem ullam illicitam se determinet.

*Agens universale* non nisi essentiali voluntatis suæ rectitudine regitur, quæ illi non vetat, ne sit causa efficiens physici, & materialis in diversis quibuscumque materialis naturæ motibus.

**CAUSARUM OCCASIONALIUM HYPOTHESIS**  
**• FORTASSE NOSTRORUM MOTUUM**  
**PHÆNOMENIS CONGRUERE**  
**NEQUIT.**

1240. OBJECTIO VI. Si anima humana non est causa efficiens, sed *occasionalis* tantum diversorum motuum humani corporis, sequetur, hominem semper posse aut suo, aut alteri cuivis corpori quam libuerit indere indefinitam motus quantitatem; productio enim motus necessario pendet a libera volitione illum petente, & ejus existentiam determinante: porro humana voluntas semper petere, & determinare potest quam libuerit tum in proprio, tum in aliis corporibus *indefinitam* motus quantitatem.

**RESPONSIO.** Deus, qui motus nostros liberos producit consequenter ad liberas nostras volitiones, non pro voluntatis nostræ libidine eos producit, sed ad *leges generales* ab ipso statutas, a quibus motus productionem pendere vult.

I. Liberæ animæ nostræ volitiones nequeunt esse *causa occasionalis* nisi primitivi motus impressi aut spiritibus nostris animalibus, aut fi-  
bris



bris nostris motricibus. Porro causalitas hæc occasionalis semper aut spirituum animalium, aut fibrarum motricium naturæ est proportio- nata ( 271, & 1250 ).

II. Primitivus hic spirituum animalium, aut fibrarum motricium motus est deinde *causa oc- casionalis* motus reliquo nostro corpori imprimendi; puta carni, atque ossibus, quibus bra- chium, aut crus constat; atque ita de ce- teris.

III. Motus hic nostri corporis est tandem *causa occasionalis* motus aliis corporibus, quæ attingimus, imprimendi.

Hinc sequitur, non a voluntatis nostræ li- bidine pendere, ut nostro corpori *arbitrariam* motus *quantitatem* tribuamus naturam nostram excedentem: neque aliis corporibus a nobis se- junctis, & quæ attingere non valemus; neque iis, quæ attingere valemus, sed quorum mas- sa immensa esset; hæc enim vim habent resi- stendi motui cujusvis primitivo spirituum nostro- rum animalium, aut fibrarum nostrarum mo- tricum, a quibus universa vis motrix nostri corporis, & corporum, procedit, quæ ut cau- sa occasionalis posset ad motum excitare ( Phys. 286, & 310 ).

1241. OBJECTIO VII. Si Deus est unica causa efficiens motus; ad quid mirum & hu- mani corporis, & brutorum artificium? Quare post vehementes motus, quos Deus tantum ef- ficat, lassus, & defatigatus sumus?

RESPONSIO. Si Deus nullas certas leges in motus productione & communicatione se- queretur, objectio aliquid valeret; sed positis hisce legibus, nihil valet.

I. *Mirum* hominis, & brutorum corporis *arti- ficium*, cui evidenter infinita intelligentia præest, in nostra hypothese non est inutile.

Inservit enim evidenter, juxta Dei disposi- tiones, quantum opus est, primo ne diversæ

animalis corporis partes diffingantur, aut luxentur in diversis concussionibus, quas in eorum ministerio subire debent; deinde, ut vel minimus motus sensibiliter, juxta individui exigentiam, diversis partibus sensibilibus aut insensibilibus humani corporis communicetur, quæ juxta generales communicationis motus leges contingere nequirent in hominis, aut brutorum corpore, si rudis illud, & informis moles esset.

Unius lucis fasciculi motus satis sensibiliter tenuissimas oculi fibras concutit, ut claram atque distinctam objecti lucem hanc emittentis, aut reflectentis sensationem habeam. Si hic idem motus non fibras maxime mobiles in intimis oculi offenderet, sed rudem, aut nimis gravem materiam tantum, quid contingeret? se nimium dividens, aut nimiam resistantiam inveniens nullus fieret, & insensibilis, nec claram, atque distinctam sensationem pareret, cujus occasio est.

Non igitur oculi fibrarum tenuitas, ac mobilitas in nostra hypothese inutilis est; juxta enim generales communicationis motus leges necessariae sunt, ut sensationis, quam experior, occasio sint.

Idem dici potest de organis auditus, olfactus, gustus, tactus, de universo mirabili humani corporis machinamento, eadamque ratione de omnium brutorum corpore.

II. Satis frequens disputationum philosophicarum vitium est, ut contra hypothese[m] aliquam objiciatur, quod *contra omnes hypotheses* æque facit, ne illa quidem excepta, quæ admittitur, aut quæ impugnatae necessario sufficienda est. En rei hujus exemplum, quod breviter innuere opportunum est. Nostræ hypothese[i] objicitur, quod nobis in quavis alia hypothese[i] insolubile videtur.

Nonne absurdum est dicere (ut dicunt, aut di-

dicere tenentur qui animam volunt causam efficiensem motus sui corporis), animam *lassitudinis sensationem* experiri, quod in ipsa post violentos, ac diuturnos motus vis motrix exhaustiatur? Quid enim est hæc animæ vis motrix? est ne anima ipsa? At anima non exhaustitur. Est ne quid in anima ab ipsa distinctum? At anima est substantia simplex omnem naturam substantialem compositionem excludens, quæ tantum virtutem, aut vim motricem habere posset.

Quænam igitur hujus *sensationis lassitudinis* causa, aut occasio est, quam post diuturnum, aut nimis gravem laborem experimur? Facile est in nostra hypothese præclarum hoc problema solve. Quare itaque hanc lassitudinis sensationem experimur? quia in nimis diuturno, aut nimis violento motu nimis magnam *spirituum animalium dissipationem, atque jacturam* corpus nostrum patitur; atque hæc spirituum animalium jactura est causa occasionalis, cui Deus hanc sensationem adjecit; ut sitis sensationem partium humidarum jacturæ, sensationem famis partium nutrientium jacturæ adjecit.

1242. OBJECTIO VIII. Si homo suorum motuum non est causa efficiens, quare illi agentis denominatio tribuitur, quum non agat?

RESPONSIO. Diversi hominis motus, præsertim qui liberi vocantur, homini jure tribuuntur; ipse enim conditionem ponit, seu *causam occasionalem*, quæ hos motus parit.

Homo igitur vere *physice* in hos motus *influit*; neque enim haberentur, si actu suæ voluntatis homo eos existere non faceret (272).

1243. OBJECTIO. IX. Nulla major datur connexio inter Dei voluntatem, & motus productionem in natura, ac inter meam voluntatem, & productionem motus in meo corpore. Ergo aut negandum a Deo posse motum produci;

duci; aut fatendum ab anima humana posse quoque produci.

**RESPONSIO.** Omnia Dei actionem in materialem naturam annunciant, & ostendunt: nihil animæ humanæ in humanum corpus actionem indicat, aut probat. Nulla ergo a Deo ad animam humanam, aut ab hac ad Deum illatio valet.

I. Deus est ens natura, & perfectionibus essentialiter infinitum. Ejus igitur voluntas concipitur necessario infinite per se activa, & efficax, etsi ignotus nobis sit modus, quo agit. Intelligitur ergo, posse ejus voluntatem motum in materiali natura producere, etsi ignota nobis connexio sit hujus voluntatis cum motu producendo.

II. Contra homo natura, & perfectionibus essentialiter limitatus est. Intelligitur ergo, non posse quoscumque effectus producere. Intelligitur ergo effectus, quibus nullam proportionem dicit, illi non esse tribuendos.

Atqui hujusmodi est motus humani corporis qui datur, nec esse potest aut a materiali, aut a spiritali substantia, quarum compositum hominem constituit (1222, & 1223).

III. Motus regulares, & permanentes naturæ visibilis necessario ostendunt *virtutem motricem in divina voluntate*; evidens enim est, motus hos dari; nec dari posse, nisi voluntate efficiente causæ infinite intelligentis, & activæ: porro hæc non nisi Deus esse potest (876 & 880).

Motus humani corporis liberi, aut necessarii non item *in humana voluntate virtutem motricem* indicant: fieri enim evidenter potest, ut Deus sit eorum causa efficiens, & ut humana voluntas sit eorum causa tantum occasionalis.

IV. Anima nostra, fortasse inquires, ita virtutem suam motricem sentit, ut existentiam suam sentit; ergo de illa, ut de hac certa est.

At

At in hoc manifestus est error, & æquiuocatio, qua *sensus persuasionis* cum sensu objecti hujus persuasionis confunditur.

Anima nostra putare potest, aut sibi persuadere, se in *corpus suum virtutem activam* habere, quin hinc sequatur, hanc activam virtutem habere sicuti putare potest, aut sibi persuadere, materiam virtutem activam habere, quin hujus opinionis, aut persuasionis objectum re ipsa existat. At error nihil probat; & *persuasio non est semper demonstratio*, saltem apud philosophos (185, & 388).

1244. OBJECTIO X. Si Deus esset cujuscumque motus causa efficiens, nullus daretur motus vitiosus; & venator, exempli gratia, in leporem collimans, illum nunquam non traiceret. Venator enim quantum in se est omnia præstat, quæ ad ictum in leporem dirigendum sunt necessaria. Deus vero nunquam fallitur in directione, & motu fistulæ venatoriæ tribuendo, ut lepus traiciatur; ergo lepus semper traici deberet.

RESPONSIO. Deus est, qui & corporis nostri, & corporum, in quæ agere videmur, motus efficit. At nos sumus, qui eorum magis, minusque promptam, & magis, aut minus aptam directionem determinamus: porro motus hi tandem a primitivo spirituum nostrorum animalium, aut fibrarum motricium motu derivantur.

I. Deus in motu producendo nunquam fallitur. Semper immutabiliter præcisam motus qualitatem, & quantitatem efficit, quam ex generalibus communicationis motus legibus postulat *causa occasionalis* a re creata sive materiali, sive immateriali, intelligente, sive non intelligente libera, aut necessaria illi exhibita.

At res creata intelligens, & libera, de qua hic sermo, non semper Deo causam occasionalem exhibet, unde motus consequatur ab ipsa  
in-

intentus. Tunc vero non motus ab ipsa intentus, sed omnino diversus emergere debet; ipsa vero tunc fallitur, non auctor motus.

Exempli causa, cur venatoris ictus leporem, aut perdicem non attingit, in quam collimat? quia in spiritibus suis animalibus, vel in suis fibris motricibus motus qualitatem, & quantitatem determinat, quæ cetera non ita disponit, ut venatoria fistula in leporem, aut perdicem trajiciendam recte dirigatur. Idem dicas de ludente pilis eburneis in abaco, qui in pilam, in quam collimat, ea, quam trudit, non impingit; deque similibus.

II. Experientia, & consuetudo sensim sine sensu animam docent *causam occasionalem* ponere, aqua in spiritibus animalibus, sive in fibris motricibus motus enasci debet aptus effectum certo producere, quem intendit.

Exempli gratia, quid in venatore præstat venandi consuetudo? Efficit, ut anima exerceatur & assuescat eam velle motus qualitatem, & quantitatem, quæ in spiritibus animalibus, aut in fibris motricibus necessaria est, unde oculus, & brachium celeritate, & directione opportuna moveantur: Efficit quoque, ut anima exerceatur, & assuescat cito, & exacte angulos directionis definire, sub quibus fistula venatoria collimari debet, ut scopus attingatur.

Quare venator ictu suo aberrat, quia vel diligentiam non satis adhibens, vel experientia carens voluntate sua exigit, ac determinat in spiritibus animalibus, vel in fibris motricibus *motum ineptum*; seu motum, quo juxta generales communicationis motus leges, objectum, in quod collimat, attingi non debet. Non ita aberrabit, quum experientia, & usus illum docuerint in suis spiritibus animalibus, aut in fibris motricibus quantitatem, qualitatem, directionem motus ab effectu obtinendo requisitam aptius determinare.

Idem

Idem dici potest de ludentibus pilis eburneis in abaco, aut reticulo in sphæristerio, ac de ceteris. Illos usus docet *causam occasionalem* aptius dignoscere, ac determinare, a qua intentorum motuum series universa procedit.

*CAUSARUM OCCASIONALIUM HYPOTHESIS UNIVERSAM FORTASSE  
PHYSICAM EVERTIT.*

1245. OBJECTIO XI. Si Deus in universa natura animata, & inanimata unica motus causa efficiens est; *scientia physica* jam nulla est. In hac enim hypothese phænomenon quodvis explicabitur dicendo, ita contingere, quia Deus ita illud efficit; Exempli gratia, terram circa solem converti, quia Deus illam circa solem convertit; saxum ad centrum terræ gravitate tendere, quia Deus illud ad hoc centrum impellit; mare æstuarè, quia Deus in illo æstum producit; cetera. Atqui patet, physicam ita pertractare, esse illam ex scientiarum albo delere ac nullam reddere.

RESPONSIO. Si Deus solus visibilis naturæ motus produceret nulla in motus productione certa, & immota lege servata, profecto physicæ studium inane esset; neque a præsentibus phænomenis de præteritis, aut de futuris judicium ferri posset.

At si Deus in universa natura motum producat *certas, atque immutabiles leges* sequitur, quas detegere, ac apte dignoscere oporteat, ut effectus exacte determinetur, qui jam sequutus est, aut sequi debet in quamplurimis & futuris phænomenis; patet, adhuc physicam scientiam esse menti nostræ exercendæ, atque erudiendæ maxime opportunam.

Quid igitur est *scientia physica* in hypothese, qua Deus sit, motuum quorumcumque unica causa efficiens? Scientia est naturam variorum corporum, quantum fieri potest, observans, ac dete-

detegens ex peculiaribus eorum proprietatibus, ex effectibus, quos pariunt, & ex legibus, quibus reciprocae eorum actiones fiunt: quæ illa, quæ constanter, & immutabiliter in diversis corporibus contingunt, esse probat ab aliqua *immutabili natura lege*; quæ iteratis, & accuratis observationibus paucas aliquot detegit ex his immutabilibus legibus, ad quas, tamquam ad causas physicas, omnia magna mundi hujus visibilis phænomena referantur, atque ita *Dei secreta* detegit, sive ordinem, quo progreditur in universali, & permanente actione sua in materiales substantias immensam hanc rerum universitatem constituentes (284, 947, 1221).

Exempli gratia, motus telluris circa solem, seu saxi ad telluris centrum unice a Deo producitur vi *legis generalis gravitationis* omnia omnino corpora permanentemente afficientis, & cujus influxus physicus in corpora diverso modo æstimari debet ex diversis eorum massis, atque ex diversa a centro motus distantia. Ut igitur vel hic telluris circa solem, vel hic saxi ad telluris centrum motus apte dignosceretur, & accuratis observationibus, & acutissimis ratiociniis, & diuturnis meditationibus physicae studiosi indiguerunt.

In nostra hypothesi Physica adhuc scientia est dignissima, cui humanum ingenium operam navet; ejus enim scopus est *verum ordinem* dignoscere, quem *Deus* sequitur in universali sua actione, qua naturam universam regit, ac permanentemente animat.

1246. NOTA. Quid itaque poterit communis objectio, quam toties tanta jactantia proferunt entelechiarum assertores, dicentes: si Deus fiat omnis notus causa efficiens, naturam universam fieri *ineptam machinam*, quæ manum artificis reparantem, & corripientem perpetuo postulat? illa, ni fallor, eo sophismate, seu paralogismo tota continetur, qui dicitur

muta-



mutatio theſis, ſive ignoratio elenchi, & quo ſententiæ, quæ impugnatur, vitium tribuitur, quo nullo pacto laborat.

In hypotheſi cauſarum occasionalium viſibilis natura machinamentum eſt infinita intelligentia, qua conceptum fuit, & infinita activitate, qua munus ſuum implet, digniſſimum. Porro *mirabile hoc machinamentum* ſuccedentibus ſæculis, nec immutatur, nec reſtaurari indiget, nec labitur; æternum ſtare poteſt ut eſſe cœpit, ſemper idem & actione, & ſuæ actionis principiis.

Suæ actionis principia non ea ſunt ſane, quæ inanis philoſophia vellet a qua ſcilicet materia ſtatuitur ea intelligentia, & activitæ donata, quam ejus natura excludit. Quid inde? non propterea aut vitioſa, aut lapſabunda hæc principia ſunt, neque eorum actio manu indiget perpetuo reparante, & corrigente. Sunt enim tantum hæc principia immutabilis Dei voluntas, & infinita ejus activitas, ſemper eadem ab initio temporum, & ſemper eadem futura. (1221).

## ARTICULUS IV.

### FLUIDI ANIMALIS AD DIVERSA ANIMÆ HUMANÆ MUNERA RELATIO.

1247. OBSERVATIO. *F*luidum animale conſiderari poteſt ut cauſa occasionalis actionis animæ noſtræ in corpus, & corporis in animam. Hac ratione fluidi animalis theoria ad metaphyſicam perfectio pertinet.

Quæcumque humani corporis pars animæ ſedes ſit, quæ tamen non niſi in cerebro ſtatu poſſe videtur (1062); certum eſt; *medium communicationis* dari inter animam noſtram, & corpus noſtrum; atque hoc medium, quodcum-

cumque sit , illico ad animam impressiones transmittere , quibus corpus afficitur ; & corpori motus communicare , quos anima postulat aut imperat ; medium hoc esse debere tenuissimum , atque celerrimum , aptum vel minimo temporis instanti actionem suam a cerebro ad extrema corporis , & ab his ad cerebrum transmittere .

I. *Fluidi animalis existentia* passim a doctissimis naturæ studiosis , ab eruditissimis physiologis admissa , in dubium revocata fuit , seu potius impugnata diversis temporibus , a nonnullis , qui peculiaribus opinionibus famam aucupantur .

Num proinde existentia hæc incerta erit ? non sane . Quænam physica veritas oppugnatores non habuit ? sanguinis circulus nonne oppugnatores habuit etiam postquam ab Harveo demonstratus fuit ? nonne hos habuit universalis gravitas in duplicata inversa distantiarum ratione etiam postquam omnium cælestium phaenomenorum observatio probavit , esse hanc unam ex præcipuis naturæ legibus ? nonne hos habuerunt cometæ etiam postquam periodicus eorum reditus calculo definitus , & prædictus fuit , & postquam eorum reditus & calculum , & prædictionem probavit ?

Anne hic iterum memorabimus , unum ex insensissimis fluidi animalis oppugnatoribus eum eundem fuisse , qui postremis temporibus cometas corpora cælestia permanentia esse , & periodicas revolutiones peragere negavit ? At enim vero non magis ejus jacula in fluidum animale , quam in cometas valuerunt . Facile est peculiare sententias admittere : eas philosophorum reipublicæ admittendas probare non ita facile est .

II. *Fluidi animalis , seu spirituum animalium existentia* a sensibili , & perpetua suorum effectuum observatione tanta soliditate statuta , ac  
de-

demonstrata videtur, quanta quævis alia physica veritas esse possit.

Qua enim ratione animalis machinamenti motus explicetur, & concipiatur sive in homine, sive in brutis sine fluidi tenuissimi, ac maxime mobilis ministerio, quod nervos permeet, musculos, fibras, membranas omnes; ut eas modo extendat, modo comprimat, modo contrahat, modo producat, ut eas a quiete ad motum, aut a motu ad quietem traducat; quodque libere per tenuissimos hos tubos excurrens aptum sit perseveranter, & celerrime vel minimam actionem ab animæ sede ab omnes corporis partes, & vel minimas partium corporis impressiones ad animæ sedem transmittere?

### FLUIDI HUIUS NATURA.

¶ 248. EXPLICATIO. In Physica nostra animadvertimus, fluidum animale esse *fluidum electrico* maxime analogum; & mira phænomena, quæ in hujus tenuissima natura, & actione celerissima deteguntur, probabile reddere quidquid mirum, & concipi difficillimum illius natura, & actio præsefert (*Phys.* 1102).

I. *Fluidum animale* nihil aliud esse videtur; nisi tenuissima, ac maxime mobilis pars, seu vis perfectissima sanguinis, & humorum.

Substantiæ omnes animales, & vegetabiles immensam tenuissimarum, ac volatilium particularum copiam continent, quæ aptæ sunt fieri *spiritus animales*, & re ipsa fiunt in diversis mutationibus, quas in naturali corporis animalis machinamento substantiæ hæc subeunt. Eas homo educit e leguminibus, e fructibus, e liquoribus, quibus alitur. Taurus e fœno, epaleis quoque, & ex aqua, quibus tantum nutritur.

Tenuiores, magisque volatiles alimentorum partes quum e perfecta digestionem excedunt sangu-

guini commifcentur, & cum ipfo circumunt: ad cerebrum fucceffive deferuntur, ubi fubftantia corticalis eas feperat, & a fanguinis maffa educit; a fubftantia corticali poft earum fecretionem ad fubftantiam medullarem tranfeunt, ubi omnino perficiuntur; indeque ad fibras, & nervos, qui ut totidem cylindri, cujus axis perpetuus tubus eft, eas per omnes animalis corporis partes diffundunt.

II. Quum in corpore animato & *arteria* fint quæ a corde in partes omnes alendas, & vivificandas fanguinem vehunt; & *vena*, quæ ab omnibus hifce partibus fanguinem ad cor reportant; verofimillimum eft, in animato corpore & *nervos arteriales* efle, qui a cerebro in omnes partes motu, & fenfu donatas fpiritum animale m traducant; & *nervos venofos*, qui a partibus omnibus fpiritum animale m ad cerebrum iterum deducant.

Hinc in animali machina *fpiritu m animalium circulatio*, ut fanguinis; neque enim altera ad animalia, & vitalia munera minus altera eft neceffaria.

Hinc etiam fumma cum probabilitate *anastomofes*, feu valvulæ, quibus fluidi animalis vafa communicant, ut in fanguineis vafis habentur.

Observationes anatomicæ anastomofes in fanguineis vafis, in quibus vifibiles funt, aperte demonftrant. Analogo iudicio fimiles anastomofes in fluidi animalis vafis jure fupponuntur, in quibus oculo percipi nequeunt, attamen æque neceffariæ funt (*Phyf.* 540).

#### FLUIDI HUIUS MUNERA.

1249. OBSERVATIO. *Fluidi animalis munus* eft in corpore animato motum, & fenfum parere. Fluidi hujus exinanitio, aut interceptio utrumque intercipit, atque impedit. Eorum  
ita-

itaque causa physica est sive efficiens, sive occasionalis; quum vero causa efficiens esse nequeat, erit *occasionalis*.

I. Spiritus animalis, seu vitalis (uterque terminus enim omnino synonymus est) pura materia est, tenuissima illa quidem, & maxime mobilis; at semper pura materia. Nequit igitur quas materia essentialiter excludit proprietates habere.

Quare spiritus, seu fluidum animale nequit a se motum, aut sensum habere, aut impertiri. Potest tamen, ex legibus a Deo in natura statutis, esse eorum causa occasionalis (277, & 1042).

II. Naturæ studiosi, & physiologi corpus animale partiuntur in partes sensibiles, & insensibiles.

*Sensibiles partes* dicunt, quæ sua agitatione, & vibratione animæ occasio esse possunt perceptionis alicujus objecti sive cum voluptate, sive nulla voluptate, sive cum dolore, sive dolore nullo.

*Partes insensibiles* vocant, quas concutere, dividere, separare possumus, quin ullam hujusmodi perceptionem animæ tribuant.

Ex omnibus anatomicis observationibus *Sensibilitas* ita considerata in nulla animali parte habetur, nisi nervosa sit. Ossa, cartilaginee, adeps, sanguis sensibilitate carent.

1250. EXPLICATIO I. *A spiritu animali in corporibus animatis pendat motus*. Facile probatur.

I. Si diutius alimenta sumere omittamus, vires deficiunt, propterea quia spiritus animales, qui eorum circuitione omnes machinæ animales partes motrices ad motum excitare debent, transpiratione evanuerunt; nec nutritione renovati, ac restaurati fuerunt.

II. Si nervus aut obstruatur, aut arcte ligetur; partes corporis animalis obstructæ, aut liga-

ligato nervo inferiores, & quibus obstructio, aut ligamen impedit, ne libere cum cerebro communicent, ubi præcipua fluidi animalis officina est, motu destituuntur. Fluidum movens siquidem interceptum est, nec ejus actio motrix ad illas usque fertur.

III. Si fluidum animale apte elaboratum libere, & copiose per omnes animati corporis nervos, & musculos excurrat; partes omnes motum sibi proprium perfecte obtinent, quemque animæ præsentia, aut voluntas postulat (271).

IV. *Horum spirituum animalium vis*, sicuti & virium omnium mechanicarum, est *productum eorum massa in velocitatem*. Eorum massa est veluti infinite parva; at eorum velocitas est veluti infinite magna. Hinc in hominibus, & in diversis brutis diversa virium motricium summa.

Habituum corporis, ætatum, positionum diversitas, majorem, aut minorem in ejusdem speciei individuis, puta, in hominibus, spirituum animalium copiam efficit, sive majorem, minoremve in hisce spiritibus velocitatem. Hinc in illis diversa activitas, seu diversa vis motrix.

V. Brachium meum, sive pes meus aliquando *motum* quendam *spontaneum* habent, quem non impero, & qui a se ipso veluti oriri videtur; spiritus quippe animalis nimia copia nervorum, & musculorum tubis, seu vasis inclusus, magno impetu erumpit ratione excessus, & vehementer aut brachium, aut pedem urget, quo vasis directione illi viam præbet: non secus ac aquæ magna in copia sustentatæ tandem aggeres, aut stagni ripas diruunt, & magna vi obstaculum omne propellunt.

1251. EXPLICATIO II. *A spiritu animali in corpore animato pendent sensus*, sive objectorum perceptio, Neque hoc difficiliter demonstratur.

I. Ex omnibus anatomicis observationibus, sensus, sive objectorum perceptionis causa, sive occasio immediata semper est aliqua nervorum vibratio in iis orta præsertim ex fibrosis, aut membranosis expansionibus, in quas desinunt. Exempli gratia:

*Sensatio visus* per eam oculi membranam fit, quæ retina nuncupatur, quæque non nisi nervi optici expansio est.

*Sensatio auditus* per innumeras fibras fit longitudine, & tensione diversas, quæ aurem convestiunt, & eam veluti naturalem cytharam efficiunt; quæque sunt expansio nervi auditorii.

*Sensatio olfactus* fit per membranam nerveam duplicem nasi cavitatem convestientem, & in qua propagantur suis extremitatibus nervi olfactorii.

*Sensatio gustus* fit per fasciculos nerveos, & pyramidales linguæ, & oris superficiem convestientes.

*Sensatio tactus* fit per cutis fasciculos nerveos, & mamillares, qui non nisi variorum organorum tactus expansio sunt (12, & 455).

II. At vero qua ratione varix hæ sensationes fulgur, & cogitationem ipsam celeritate æquantibus ab externa organi extremitate ad cerebri centrum feruntur, ubi animæ sedes est? Exempli gratia: qua ratione, quove miro machinamento levis titillatio, quæ vix plantas pedis mihi vellicat, ejusque nerveos fasciculos, tanta vi ab hac pedum extremitate usque ad capitis mei centrum transmittitur, & communicatur, adeo, ut vivide sentiatur eo ipso temporis momento, quo excitari incipit?

Putandum ne jure est, ut dicere coguntur, qui fluidum animale proscribere vellent, levem hanc nerveorum fasciculorum pedis vellicationem posse in magnis nervis, quorum expansio sunt, *sensibilem vibrationis motum* producere, qui infinite minimo instante per uni-

ver-

versam solidorum, & liquidorum massam certa lege feratur ad sedem animæ, & cui tam nitide, ac vivide adnexa sit instantanea perceptio causæ illum a sede animæ tam procul excitantis? Nequaquam sane. Patet enim, juxta leges communicationis motus, sensibilem hunc vibrationis motum illi valde similem, qui in sonoris cytharæ, aut lyræ fidibus vibrantibus excitatur, a simili causa non oriri.

Valde itaque rationi consonum est dicere, impressionem in externa organorum parte factam ad animam transmitti, illique communicari instanti infinite minimo a *fluido animali*; quod omnibus nervorum, ac fibrarum cylindricis vasis diffusum, ferme infinita mobilitate, ac vibrandi vi præditum, instanti temporis admittit, & ad cerebrum, cum quo continenter communicat, transmittit vel minimos motus, quibus in partibus a cerebro vel remotissimis afficitur.

1252. OBSERVATIO. Ab hac theoria habetur explicatio phænomeni hujus physiologici, quod, quum ad alia plurima referatur, peculiarem animadversionem meretur. *Quare nervus arte ligatus sensibilis esse desinit?* etsi concutiat, vellicetur, incidatur, modo hoc infra ligaturam fiat.

Ratio hujus est, quia portio fluidi animalis in hoc nervo contenti infra ligaturam non amplius illi alteri hujus fluidi parti libere communicat, quæ ad animæ sedem aditum habet. Hinc concussio, & agitatio, quæ fiat infra nervi ligaturam, quum pungitur, & vellicatur, ad fibras non transmittitur, quæ ad animæ sedem usque protenduntur. Experimentum hoc demonstrare videtur:

I. Partes, quas nos in corpore animato sensibiles vocamus, a se, & per se *sensum* non habere.

II. Partes hæc sensibiles sensus causam, aut occasionem non esse, nisi quatenus nihil earum cum animæ sede communicationem intercipit.

III.



III. Ut anima *objecta percipiat*, opus esse, ut impressio in sensus facta, aut in partes sensibiles ad illam transmittatur per quid ab affectis fibris diversum.

• IV. *Medium hoc communicationis*, nihil aliud esse posse videri, nisi fluidum maxime tenue, ac mobile, quod perpetuo per fibrarum, & nervorum cylindricas cavitates diffusum admittere continenter possit diversas impressiones, quibus afficiuntur; atque has impressiones usque ad animæ in cerebro sedem deferre; atque ita diversarum animæ perceptionum *causa occasionalis* fieri.

**SOMNI, AC VIGILIÆ STATUS AB  
HOC FLUIDO PENDET.**

1253. EXPLICATIO I. *Somnus* est animæ munerum suspensio, aut interruptio: munerum intellige intelligentiæ, & sensus; sicuti vigilia est eorum exercitium. Duplex hic animæ status a fluido animali pendere videtur.

I. *Status animæ in vigilia* est, ut ideas habeat, aut contempletur, quas sibi vel ipsa effigit, vel in intimâ sua substantia jam enatas invenit; ut diversas a diversis circumstantibus objectis sensationes experiatur; ut corpori, quod animat, ac regit, varios liberos motus imprimat.

Causa horum omnium occasionalis est liber, & ordinatus fibrarum motus ad sedem animæ pertingentium; hujus vero actio fluidi animalis occasio est.

Quamdiu fluidum hoc has sedis animæ fibras agit, ac percellit; anima sensationes habet, ideas, cogitationes, desideria, volitiones: agit: vigilat.

II. Huic vigiliæ statui *somni status* succedet quum scilicet hæ sedis animæ fibræ non amplius ab animali fluido agitantur, & percel-

lentur, quod in perpetua sua circulatione magna ex parte semper dissipatur, quodque post quoddam tempus imminutum, extenuatum, ac veluti exhaustum nequit amplius sensibilem, & permanentem hisce fibris motum imprimere.

Si quando fibrarum sedis animæ agitatio primum magna ex parte imminuatur, deinde omnino cesset; *Causa occasionalis* idearum, iudiciorum, ratiociniorum, sensationum, volitionum, motuum liberorum, quæ omnia vigiliæ notæ sunt, cessat, nec amplius agit. Hinc sopor, hinc demum profundus somnus.

III. Huic somni statui adhuc vigilia succedit; & fluidum animale novæ hujus mutationis adhuc causa occasionalis est.

In placidi, ac profundi somni quiete, ex *generalibus naturæ legibus*, quibus unio animæ cum corpore tum in homine, tum in brutis occasionem obtulit, cordis, & pulmonum motus perseverat: digestio fit, & perficitur: sanguis circuit, & novos cujusque generis succos sibi admiscet.

*Novum fluidum animale* conficitur, & in cerebro elaboratur, per diversa vasa, & in diversa receptacula ferme exhausta distribuitur, atque diffunditur; & tandem post diuturnius, aut brevius tempus tanta copia est, tantaque vi pollet, ut iterum agens, & sedis animæ iterum fibras percellens *vigiliam* pariat; statum nempe, in quo anima iterum causa occasionali suorum præcipuorum munerum intelligentiæ, & sensationis instructa, illa iterum exercere pergit.

Ex his intelliges, quare diversa ejusdem speciei, puta humanæ, individua alia aliis diutius somno indulgere indigeant. Ratio est, quia in aliis citius, in aliis serius fluidum animale reficitur.

1254. *NOTA*, Censuit Cartesius, *animam humanam semper cogitare*; nullam tamen sen-

sententiæ suæ solidam rationem attulit ; scimus vero tanti esse sententiam aliquam, quanti rationes, quibus probatur.

Nulla ratione probabile videtur, animam humanam alto somno demersam, nec somniantem, re ipsa cogitare,

Si vero tunc aliquam cognitionem habet, multo verisimile est, non aliam hanc esse, quam suæ existentiae cognitionem. Hac vero cognitione, quum semper eadem sit, non admodum afficitur.

1255. EXPLICATIO II. In somno anima humana *somnia*, seu modificationes cognitionis, & sensus iis admodum similes, quas in vigilia habet, obtinere nequit ; atque horum phænomenorum causa occasionalis adhuc erit fluidum animale.

I. Ex præcedenti explicatione quum omnes *sedis anima fibrae* quiescunt, & inertes sunt, anima omni idearum, cogitationum, sensus, desiderii, amoris, aversationis, aliorumque hujusmodi perceptione caret. Hic status somni est.

II. In hoc somni statu, quo *sedis animæ fibrae* quiescunt, & inertes sunt, si quæ ex his fibris casu ita seorsim agitentur, ut antea in vigilia agitatae fuerant ; anima *somnia* habebit, quasdam nempe ideas, cogitationes, sensationes, sensus, molestiæ, aut voluptatis, amoris aut odii modificationes.

III. *Somnia* hæc passim ad objectum ordinate non referentur ; fibræ siquidem in animæ sede casu excitatae, & oscillantes inter se ordinatam rationem non habent ; & magna earum pars, quæ ceterarum nexum, & seriem efficere deberent, iners perseverat. Exempli gratia ; video ab Alexandro fractum bello, & folio depulsum Atabalippam in Peruvia ; tres enim fibræ, quarum fremitus in me ideas Alexandri, Atabalippæ, & victoriæ excitare debet, præter ordinem in me solitariae fremuerunt.

IV. Aliquando somnia hæc ordinata erunt, & aliquo pacto ad eorum objectum apte referentur; tunc enim paucae illæ fibræ casu excitatæ, & in sede animæ oscillantes casu quoque ordinatæ & aptam in seriem erunt dispositæ. Exempli gratia: somnians videbo ab hoc eodem Alexandro subactam Græciam, Persarum imperium eversum, Porum victum, eumque Alexandrum Babylone mori; quia fibræ, quarum munus est has ideas in me excitare, ex fluidi animalis renovati, ac reparati impulsu casu in meo cerebro juxta naturalem hanc seriem fremuerunt (562, & 564).

1256. EXPLICATIO III. In accidentali somni statu si anima quasdam cogitationes, aut sensationes habet natura alicui ex his *motibus liberis* connexas, quos pedibus, aut manibus suis indere solet, exempli gratia, in statu vigiliæ quum has easdem cogitationes, aut sensationes habet;

Anima toto horum somniorum tempore eodem pedibus, ac manibus suis motus imprimet perinde ac si re ipsa vigilaret. In utroque statu causa occasionalis eadem est; ergo & idem effectus esse debet.

Ex his magnum phænomenon explicatur *Motuum somnambulorum*. Noctu alte dormientes somnambuli e lecto surgunt, vestes induunt, quo somnium ducit pergunt: aliquando quoque eadem opera mechanica peragunt, quæ interdum vigilantes facere consueverunt; sæpius etiam ea æque bene exequuntur.

*RATIONIS PERTURBATIO AB HOC  
FLUIDO PENDET.*

1257. EXPLICATIO: Bonus animæ status in ordine ad munera intellectus æque ab hujus fluidi actione, & motu pendere videtur.

I. Si diversæ hæ sedis animæ fibræ, cujus  
ordi-

ordinatus motus rectum ordinem statuit in cogitationibus, ac sensibus, & *recta rationis statum* efficit, temere, & inordinate agitentur, nulla serie servata; ut in ebrietate, ac vehementibus febribus; erit hic *depravata rationis status*; brevistamen, qui spiritibus tumultuantibus, unde oritur, dissipatis, & ipse cessabit.

II. Si diversæ hæ fibræ sedis animæ ad ideas & sensus ejus naturæ consentaneos excitandos destinatæ nullam permanentem nitidam, atque sensibilem vibrationem patiuntur: *permanens hic nitidarum, & sensibilium vibrationum defectus* occasio erit permanentis idearum, & sensuum defectus. Hic *stupiditatis, aut imbecillitatis status est* (1166).

III. Si fibræ hæ ædem sedis animæ, a quibus & cogitationes, & sensus habentur, perseveranter magno impetu, ac maxima irregularitate agitentur; *permanens hac vitiosa, & inordinata agitatio* perseveranter ideas simul junget discordes, cogitationes pariet incongruas, judicia absurda, inania desideria, inanes timores. Hic *amentia status est*.

IV. Si hæ ædem fibræ sedis animæ, a quibus sensationes, & ideæ sunt, aliquando, magis, minusve diuturno tempore, motus quosdam obtinent violentos, & convulsivos; *motus hi violenti, & convulsi* animæ occasio sunt idearum exardentium, furentium desideriorum, rabidarum sensationum, noxiarum determinationum; ex quibus in universo animali machinamento exorientur inordinati impetus sibi, & propinquis periculosi. Hic *Furoris, aut phrenesis status est* (1169).

#### HABITUS NATURALES AB HOC FLUIDO PENDENT.

1258. EXPLICATIO. *Habitus naturales* dicuntur quædam animæ, & corporis dispositiones, quæ actibus sæpius iteratis comparantur.

I. Habituum naturalium causa est nescio quædam impressio in anima perseverans, qua fit, ut rem aliquam quem jam fecimus libentius, aut facilius faciamus; sive quod rei hujus imago frequenti usu altius mente defixa sit, adeoque facilius excitetur, & vividius eluceat; sive quod fibræ, & nervi, qui dato modo occasione imaginis, aut sensationis rei hujus agitari consueverunt, motum, quem habere solent, facilius iterum admittant.

Hinc digladiandi usus, cytharam pulsandi, exotica lingua loquendi, ligata, aut soluta oratione scribendi, in his omnibus facilitatem parit.

II. *Fluidum animale* in universa physica, & mechanica habituum nostrorum ratione partem magnam habere videtur. Organorum agitatio diversarum in anima affectionum, seu modificationum occasio est. Hæ vicissim organorum agitationis occasio sunt; at medium physicum, quo habituales hi organorum motus fiunt, qui animæ operationum modo *causæ* sunt, modo *effectus*, est fluidum animale.

Fluidum animale ex frequentiori per quasdam vias transitu, ex his promptioribus, validioribusque quorundam organorum vibrationibus animæ vicissim perceptiones parit, sensationes, affectiones, quas aut nullatenus habuisset, aut quas sine hoc habitu non ita vividas habuisset. Atque hæc est hujus fluidi actio considerata tamquam *una ex causis* quarundam animæ idearum, sensationum, atque affectionum.

III. Naturales habitus in *mechanicos*, & *mores* partiri possent, ut artes, vel mores respiciunt.

NATURARUM VARIETAS TUM  
PHYSICA, TUM MORALIS.;

1259. OBSERVATIO . Naturarum diversitas , quæ tanta vi in varias animæ humanæ operationes influit , tamque varios hominum mores efficit , & in ordine physico considerari potest , & in morali .

In utraque consideratione hæc naturarum diversitas maximam sive ut causa , sive ut effectus ad fluidum animale rationem habet .

1260. EXPLICATIO I. Naturarum diversitas in ordine physico considerata in diversa solidorum , & fluidorum corpus animale componentium constitutione sita est : *Fluidorum* quidem , uti sanguinis , humorum , spirituum animalium ; quæ diversa prædita sunt in diversis corporibus mobilitate , tenuitate , pinguedine , inflammabilitate , activitate : *solidorum* vero ; uti carnis , ossium , cartilaginum , membranarum , muscutorum , nervorum , fibrarum , quæ in diversis corporibus , tum & in eodem corpore modo majorem habent , modo minorem resistantiam , & elasticitatem .

In corporis animalis machina & vis organica habetur , quæ actionem imprimit , & vis elastica , quæ in actionem receptam reagit . Ex binis hisce viribus conjunctis enascitur natura .

I. *Vis organica* , quo nomine eam naturæ studiosi , & physiologi vocant , præcipue in acris actione posita est , qui majori , minorive energia se in aerea vasa insinuat , ibique dilatatur ; in sanguinis , & humorum actione , qui majori , vel minori velocitate per vasa sanguinea , & lymphatica circunt : in actione fluidi animalis , quod majori , vel minori copia , & vi impulsum per intimos nervorum , & fibrarum meatus , muscutorum extensionem , & dilationem parit .

Prima hæc vis diaстоles, sive cordis dilatationis tum in homine, tum in brutis præcipua, & fortasse unica causa esse videtur.

II. *Vis elastica, & reagens* in naturali quarundam animalis corporis partium, uti vasorum aereorum, sanguineorum, lymphaticorum, nervorum, ac fibrarum omnium, proprietate sita est, qua constringi, & contrahi continentur, quum extensiones, aut dilatationes passæ sunt, quibus earum partes sejunctæ fuerunt.

Postrema hæc vis, a qua systoles, seu cordis contractio nascitur, ad magnum *elasticitatis corporum* phænomenon spectat, de quo in *Physica* fufius egimus, & quod in universam materialem naturam sive animatam, sive inanimatam maxime influit (*Phys.* 226, 326, 540).

III. A diversa *binarum harum virium animalium* activitate, organicæ scilicet agentis, & elasticæ reagentis, procedit *naturarum diversitas*, quæ hinc aut diversa valetudine, aut diverso robore præditæ sunt, & diverso modo ad varias in anima perceptiones excitandas aptæ sunt. Itaque Natura physice considerata est in quovis individuo *peculiaris constitutio* orta ex proprietatibus, & reciprocis fluidorum, & solidorum actionibus, quæ corpus animale ad animalia munera diversa facilitate & perfectione obeunda aptum efficit.

1261. EXPLICATIO II. *Natura in ordine morali*, seu in ordine ad animam considerata est in quovis individuo quædam veluti *peculiaris anima constitutio* sæpius peculiari corporis constitutioni valde analoga, & quæ ab hæc veluti pendere, ac procedere videtur.

I. Exempli gratia; anima in corpore natura bene constituto residens omnino diversa esse videtur, ac diverso modo percipere, & sentire ab anima, quæ in corpore perpetuo languente, cacochymo, hypocondriaco locata sit.

II. Quum a bono, aut malo corporis habitu pen-



pendeat bonus, aut malus corporis habitus; patet, *maximam relationem* dari debere inter respectiva animæ, & corporis munera; & bonum, aut malum animæ statum in corporis habitum maxime influere posse; sicuti bonus, aut malus corporis habitus in animæ statum maxime influere potest.

Aliquando vel sola gravis tristitia optimum corporis habitum vitiare valet; sicuti magna corporis mutatio sufficit, ut anima omnino diversa esse videatur.

1262. **EXPLICATIO III.** Naturæ in ordine ad physicum, & ad morale consideratæ passim dividuntur in biliosas, sanguineas, melancholicas, phlegmaticas; atque hinc quatuor veluti hominum classes statuuntur physica, & morali eorum constitutione distinctæ.

I. In *bilioso* bilis magna copia dominatur: humor hic est amarus, subflavus, resinofus, & sulphureus, quî in jecore a sanguine separatur ut ad alimentorum dissolutionem, & ad chili secretionem inserviat.

Bilis, principium inflammabile, fermentescens, irritabile, maxime attenuatum, atque activum, naturæ vim, atque energiam impertiens animam ad magna incitat, aliquando etiam prætermodum; atque hoc tum in iis, quæ recta sunt, tum in iis quæ prava sunt.

II. In *sanguineo* sanguis magna copia dominatur, præsertim pinguior, minus irritabilis, magis homogeneous, minus effervescentiæ obnoxius, modice calidus, & mobilis. Sanguinei plerumque uniformi, atque hilari natura donati sunt.

III. In *melancholico* magna copia dominatur niger humor atrabiliaris, gravis, tenax, tristis, incommodus, acer, inflammabilis, ab exaltata, & fermentescente bile exortus, quæ magna ex parte serositate, & ductilitate deposita, fermentum tamen, & elasticitatem non amisit.

Natura, atque indoles melancholica peculiari modo propensum reddere videtur ad misanthropiam, ad panicos terrores, ad cordis palitationes, ad dira somnia, ad gravem tristitiam, ad prava molienda, ad seditiones excitandas.

IV. In *phlegmatico* phlegma magna copia dominatur: humor aqueus, insipidus, frigidus, & apathicus, proinde sale, calore, actione, vi, glutine destitutus.

Inertia, & insensibilitas phlegmaticæ naturæ proprietates esse videntur.

1263. EXPLICATIO IV. Si quem hominem in ordine ad moralia natura seu corporis habitus efficere debeat consideremus; biliosus ad magna obeunda comparatus videtur; sanguineus ad hilaritatem; melancholicus ad meditandum; phlegmaticus ad nihil.

I. Biliosus ad ea aptus est, quæ vim, & energiam postulant; sanguineus, ad ea quæ animi hilaritatem, & jucunditatem requirunt; melancholicus ad ea, quæ animi constantiam, & obfirmationem; phlegmaticus ad ea, quæ inertiam, & patientiam tantum exigunt.

II. Biliosus ad voluptatem ardens est, nec molestia deterretur; sanguineus molestiam fugit, & in voluptatem vehementer fertur. Melancholicus parum voluptate movetur, parum molestia deterretur. Phlegmaticus voluptatem, & molestiam parum sentit.

1264. NOTA. In ordine tum physico, tum morali naturæ tot, tamque variis modis componuntur, miscentur, complicantur, mutantur, imo sæpius adeo a se diversæ apparent; ut ferme nihil certi inferri possit, si a generis de peculiaribus iudicium feratur.

Qua ratione, exempli gratia, ducatur *linea separationis*, quæ mente ducenda concipiatur inter naturam sanguineam, & biliosam; in quibus semper necessario habetur sanguinis, & bil-

bilis commixtio, cujus analysi non nisi ex conjecturis plerumque incertissimis mente fieri potest?

Ceterum si ex physicis de moralibus judicium feramus, ex qualitatibus corporis scilicet de animæ qualitatibus, quibus erroribus non exponimur? præsertim nisi animadvertamus, *animam*, qua humanum corpus regitur, natura sua liberam, ut plurimum non obstringi a principii organa materialia constituentibus, quibus conjuncta est, & quorum ministerio operatur. Aliqua ratione ab iis quidem pendet in suis intelligendi, & sentiendi muneribus, & in modo, quo res videt, & sentit; at non ita facile est in quo dependentia ista sita sit, & quo adducere debeat, definire. Præstans anima turpe *Æsopi*, & *Socratis* corpus informabat. Quot turpes animæ elegantiora corpora informant?

Natura, seu corporis habitus peculiare quædam propensiones parit; aut anima semper eas prohibito sequi potest, aut iis obistere.

UNIVERSÆ HUIUS ANIMÆ HUMANÆ  
THEORIÆ SYNOPSIS.

1265. OBSERVATIO. Philosophi nonnulli ab *anima humana* definitione initium faciunt; & ex definitione ab ipsis posita ejus naturam explicant.

Præpostera hæc methodus est. In hac res cognita supponitur, ut cognoscenda exhibeatur. Propterea hæc quædam petitionis principii, aut circuli vitiosi species est.

*Anima humana natura*, ut & cujusvis alius substantiæ, non nisi analysi apte dignosci potest; ex suis scilicet proprietatibus, viribus,

effectibus rite perpenſis ; ut alibi monuimus ( 1035 ).

Observationes experimentales a nobis in univerſo hoc tractatu de animæ humanæ natura, & facultatibus propoſitæ, & explicatæ ſequentes veritates nobis exhibere videntur, quæ univerſæ hujus theoriæ veluti ſynopſis erunt.

1266. CONSECTARIUM I. *Anima humana eſt ſubſtantia eſſentialiter a materia diſtincta, & ab omnibus materia proprietatibus, & modificationibus.* Cogitatione enim, & ſenſu donata eſt ; & demonſtratum eſt, materiam nunquam cogitare, aut ſentire poſſe ( 1042, 1046, 1068 ).

1267. CONSECTARIUM II. *Anima humana eſt ſubſtantia eſſentialiter ſpiritualis.* Omnibus enim ſæculis, & in omnibus nationibus talem perpetuo ſe exhibet intelligentia magis minusve acuta, judicio magis, minusve ſolido, ratiociniis magis minusve profundis, omni cognitionum genere ; cognitionibus magis minusve reflexis, invicem connexis, futura, præſentia, præterita attingentibus, non ſenſibilia tantum, ſed & maxime inſenſibilia aſſequentibus, exempli gratia, officiorum leges, meriti prætium, gloriæ illecebras, præclari facinoris meritum, principiorum veritatem, conſequentium connexionem, veri, & pulcri gradus in phyſicis, & in moralibus. Porro ſubſtantia his attributis ornata & unanimi conſenſu dicitur, & re ipſa eſt ſubſtantia ſpiritualis ( 1047 ).

1268. CONSECTARIUM III. *Anima humana eſſentia non eſt actualis cogitatio, ita ut in ipſa idem ſit eſſe, & cogitare.* Verosimillimum ſiquidem eſt, ipſam in ſomno non cogitare, neque in exiſtentia ſuæ exordiis ; ipſa etiam cogitationes mutat, nec proinde eſſentiam mutat quum de triangulo meditari deſinens de ſphæra meditari incipit, aut de cubo,

bo; & facile intelligitur, substantiam hanc cogitantem innumeris cognitionibus in Archimede, & in Neutono ditatam, non propterea essentiam suam amissuram, si peculiarem aliquam cognitionem amitteret. Nulla ergo ex his cognitionibus ejus essentia est; ergo neque earum summa.

Cartesius *essentiam spiritus* in cognitione, & *essentiam materia* in extensione statuit. In primo erravit, ut modo ostendimus; & in altero errasse alibi ostendemus. Cogitandi facultas proprietas est spiritui essentialis; actualis cogitatio modificatio est spiritui accidentalis. ( 1254, & 1378 ).

1269. CONSECTARIUM IV. *Anima humana substantia est intelligens, & sentiens*; omnia enim in ipsa duplicem hanc, intelligendi scilicet, & sentiendi facultatem ostendit.

Ejus *intelligentia* innotescit ex diversis cognitionibus, quibus sese magis, minusve ditatam semper ostendit; modo naturalia corporis, quod animat; organa, a quibus hujus facultatis exercitium pendet; vitiata non sint.

Ejus *sensibilitas* & ex sensationibus propriis dictis apparet, quibus physico rerum ordini communicat, & ex sensibus intimis a sensationibus non dependentibus, quibus ad sociale, & moralem ordinem elevatur ( 1176 ).

1270. CONSECTARIUM V. *Anima humana, substantia spiritualis, est natura simplex*; a natura sua siquidem omnem realem partium, & facultatum compositionem excludit ( 1051, & 1154 ).

1271. CONSECTARIUM VI. *Anima humana veram, & plenam libertatem habet in iis suis actibus, quos liberos vocant*. Horum enim actuum existentia, siue non existentia ab ejus voluntate, & electione omnino pendet.

Libertas hæc nobis constat sensu intimo: in  
ce.

ceteris hominibus innumeris patentibus effectibus, ac certis probationibus (1117).

1272. CONSECTARIUM VII. *Anima humana est vera causa physica suarum operationum, earum quoque, quarum est causa tantum occasionalis.* Harum enim operationum existentia ab ipsa pendet æque ac si earum esset causa efficiens libera, vel necessaria. (272, & 1223).

I. Exempli gratia, etsi *primigenias verum imagines* in me non producam ut earum causa efficiens, æque verum est in mea potestate esse mihi quum libuerit innumeras primigenias rerum imagines comparare, sive naturam observando, sive naturæ studioforum, physicorum, geometrarum, politicorum, doctorum quorumcumque opera perlegendo.

Ero itaque harum immaginum in me existentium causa physica, at libera earum, quæ ex mea electione enascuntur, necessaria earum, quæ sine meæ libertatis concursu producuntur (272; & 475).

II. Pari modo etsi non producam tamquam causa efficiens *motum, qui meum corpus animat*, certum est, me libere meo corpori plurimos motus indere, quorum existentia unice a libero meæ voluntatis exercitio pendet; & motus omnes necesarios, quibus animor, pendere, ut existant (quin ego qua id fiat ratione sciam) ab animæ meæ præsentia, & ab ejus cum meo corpore conjunctione (1223).

Est ergo anima mea horum variorum motuum causa physica, libera eorum, quos imperat; necessaria eorum, qui a sua voluntate non pendunt.

III. Idem dicas de meis *sensationibus organicis, & mentalibus*. Etsi harum sensationum non sim egomet causa efficiens; certum tamen est, plurimas dari, quarum existentiam unice a mea libera voluntate pendet, quasque mihi  
com.

comparo, aut quas comparare nolo, ut magis lubet, causam occasionalem ponendo, seu non ponendo, a qua earum existentia pendet, earumque, quæ me vel inscio, vel invito in me nascuntur, æquæ causam physicam esse animæ meæ præsentiam, ejusque corpori conjunctionem.

Aliarum itaque anima mea causa libera est, aliarum necessaria, semper tamen occasionalis, nunquam efficiens ( 267, & 462 ).

IV. Idem quoque dicas de *sensibus* meis *spiritualibus* in ordine sociali, & morali. Etsi eorum non sim egomet causa efficiens; certum est, in mea potestate esse, mihi, recte ratione utendo, honestatis, rectitudinis, humanitatis, grati animi, moderationis, beneficentiæ sensus comparare.

Sensus hi, atque horum sensuum habitus in me existent ab exercitio mearum cognitionum, animadversionum, ac perfectæ meæ libertatis; & eorum ero egomet causa physica, licet tantum occasionalis ( 1179 ).

1273. CONSECTARIUM VIII. *Anima humana moralitatis, meriti, & demeriti capax est.* Est enim intelligens, ac libera.

Ut intelligens, leges noscit a supremo Legislatore latas, & essentialem sibi impositam ab his legibus obligationem. Ut libera, veram potestatem habet illas servandi, aut infringendi, ut magis libuerit.

Si illas servat, quod debet facit, sæpiustamen non sine magna sui ipsius victoria; meretur; præmio proinde digna est: si eas infringit, supremum Legislatorem lædit; demeretur: poena digna est ( 1207 ).

1274. CONSECTARIUM IX. *Dogma immortalitatis anima non modo philosophia, & rationi non opponitur, imo ambabus omnibus numeris est consentaneum.* Nulla siquidem ratio probat, animam humanam interire debere  
cum

cum corpore, quod animat; imo maxime philosophicæ rationes probant, atque demonstrant, posse illam, & debere corporis dissolutioni superesse. Si itaque die una corpori, quod animat, superesse potest, quare non integro sæculo, non decies centenis millibus sæculis, non infinitis sæculis illi superstes esse poterit? ( 1086, & 1087 ).

Brevis hæc est synopsis Theoriæ, quæ ab humanis mentibus plurimi fieri debet, quum ipsius humanæ mentis theoria sit.

*Finis Tractatus Quinti.*



TRACTATUS SEXTUS.

*THEORIA ANIMÆ BRUTORUM.*



# THEORIA

## ENTIUM INSENSIBILIIUM

### S I V E

## METAPHYSICA UNIVERSA SACRA ET PROPHANA.

---

### TRACTATUS SEXTUS.

#### THEORIA ANIMÆ BRUTORUM.

**A** Nima brutorum, uti & humana, & *in ejus natura*, & *in ejus potentiis* considerari potest; in iis scilicet, quæ ejus substantiam, & suum esse constituunt, & in activis, ac passivis facultatibus, quæ ab ipsa pendent.

Duplici hac ratione binis sequentibus sectionibus, quæ sexti hujus tractatus partitionem facient, illam considerabimus. Porro partitionem hanc illi tractatus præcedentis similem consulto selegimus, ut utriusque objectum veluti alterum alteri ex adverso statutum invicem conferri possit, adeoque utriusque diversitas evidentius appareat ( 1037 ).

Binis hisce sectionibus tertiam adjiciemus, in qua de *iis natura legibus* agemus, quibus animale corpus crescit, & deperit; quæque & hominum, & brutorum animam simul respiciet.

## S E C T I O P R I M A.

## ANIMÆ BRUTORUM. NATURA.

1275. OBSERVATIO. **B**ruta vocantur substantiæ illæ omnes organicæ, & animatæ, quæ *intimum sentiendi principium* habent, aut habere videntur, sive internam facultatem sensationes habendi voluptatis, aut doloris, quin simul habeant *intimum rationis principium*, sive facultatem ad diversas suas perceptiones animadvertendi; atque ex illis ratiocinia instituendi, aut de abstracta rerum convenientia, aut oppositione ratiocinandi, sive de intelligibili causarum ad effectus, effectuum ad causas relatione, sive de principiorum cum consequentiis, atque harum cum illis nexu, ceterisque hujusmodi. Bruta vero sunt species omnes quadrupedum, avium, piscium, reptilium, insectorum.

1276. EXPLICATIO I. *Hominem* voco, sive animal rationis particeps, substantiam omnem organicam, & animatam, in qua sit *principium intimum rationis*, & *sensus*; sive hoc rationis, & sensus principium, in ipso detegam, sive secus. Hoc enim plane objectum est idæ illius, quam hominis habemus; quacumque demum ratione idæ hæc in nobis enascatur; & quæcumque incertitudo in ejus applicatione aliquando haberi possit.

I. Exempli causa, Minotaurus, de quo in poetarum fabulis sermo est, si re ipsa extitisse supponatur, homo ne erat, an non? monstrum dubia forma, quod foemina vivens, & animalum peperit, homo ne est, an non? illa scimiorum species adeo homini forma similis, quam

vocant Orang-Outan, ad speciem nehumanam pertinet, an ad brutorum? fortasse nescio, aut saltem fieri potest, ut anceps hac in re sim.

Hoc tamen certo scio: si minotaurus, si monstrum e muliere natum, si Orang-outan intimo rationis principio gaudent; ad classem rationis participem, non ad brutorum classem pertinere.

II. Hoc itaque *intimum rationis principium*, five *intima hæc cogitandi, & animadvertendi facultas* ea est, quæ *essentialem distinctionem* statuit & *lineam separationis* ducit inter hominem, & brutum; five *essentiale hoc distinctivum* cognoscatur, atque hæc *separationis linea*, five non cognoscatur.

1277. EXPLICATIO II. *Brutum* appello, five animal irrationale, substantiam quamvis organicam, & animatam præditam *intimo sensus principio*, & *omni rationis intimo principio destitutam*; five in illa *intimum hoc sensus principium* detegam, five non. Hoc enim evidenter est *objectum ideæ*, quam bruti habemus, quæcumque tandem ratione *ideæ hæc* in nobis enascatur; & quæcumque in ejus applicatione incertitudo aliquando haberi possit.

I. Exempli causa. Postremis hisce temporibus observarunt naturæ studiosi plantarum species quasdam, uti Polypos, quæ *intimum sensus principium* habere videntur, quasque Zoophyta vocant, five *plantas animalia*. Plantæ hæc animalia ne sunt, an vegetabilia? Fortasse ignoro;

Hoc tamen certo scio: si vere sensu gaudent si vere voluptatis, & doloris perceptiones habent, ad animalium classem eas pertinere.

II. Hoc itaque *intimum sensus principium*, quod ab animadvertendi, & ratiocinandi facultate sejunctum supponatur, illud est, quod *essentialem distinctionem, & lineam separationis* statuit inter regnum animale, & vegetabile;  
five

sive essentialē hoc distinctivum, atque hæc inter regnorum limites linea separationis cognoscatur, sive ignoretur.

1278. EXPLICATIO III. *Vegetabile* nuncupo substantiam omnem organicam, crescentem, & deinde pereuntem, & vitæ specie quadam gaudentem, omni tamen *intimo sensus principio* destitutam. Hujusmodi sunt arbor, arbutum, frumenti caulis, pratorum herba, hortorum flores, id omne denique, quod in campis, aut sylvis vegetat tantum, a quercu ad muscum.

**LINEA SEPARATIONIS INTER HOMINEM,  
ET BRUTUM, INTER BRUTUM,  
ET PLANTAM,**

1279. OBSERVATIO. *Recens* quædam philosophia paradoxa statuendi cupida omnes ingenii vires contendit, ut dubiam redderet *lineam separationis* a natura tanta perspicuitate ductam inter hominem, & brutum, inter brutum, & plantam.

*Sophismatis genus*, quo potissimum usa est, ut paradoxum statueret, illud est, quo ab incerto contra certum, ab ignoto contra notum illatio fit. Exempli gratia,

1280. QUÆSTIO I. *Datur ne essentialē distinctivum, linea vera separationis inter hominem, & brutum?* Negavit recens philosophus. Neque enim homo sublimi ingenio præditus re ipsa ab homine vulgari ingenio instructo diversus est; nec homo vulgari ingenio ab hebeti, & stupido; neque hebes, & stupidus ab imbecilli a nativitate; atque hic fortasse a bruto non differt; nullum enim *intimum intelligentia*, ac *animadversionis principium* in imbecilli a nativitate magis dignoscitur, quam in brutis.

CONFUTATIO. Patet, hanc philosophandi  
ra-

rationem rectæ rationi repugnare. Hoc enim id ipsum est, ac dicere, in innumeris subjectis intimum intelligentiæ, & animadversionis principium non esse, in quibus omnia hoc esse annunciant; propterea quia nonnulla subjecta sunt, in quibus principium hoc, quod in suis muneribus impediri non repugnat, non eadem evidētia sese prodit.

Æque, ni fallor, dici posset, certum non esse, in tellure animalia, & vegetabilia existere, quod iis similia in luna non detegantur; sive incertum esse, num in meridie dies sit, quod in vespertino crepusculo incertum sit dies ne, an nox sit ( 1049, & 1166 ).

1281. QUÆSTIO II. *Datur ne essentialē distinctivum, lineā separationis inter brutum, & vegetabile?* Negavit adhuc idem philosophus. Si enim innumera animalia sunt, quæ *motu progressivo* pollent, & quo a vegetabilibus scerni videntur: alia quoque nonnulla sunt, ut ostrea, & gallo-insecta, quæ illo carent; si vero animalia omnia *facultate sentiendi* prædita esse videntur; plantæ nonnullæ, ut polypi fluviatiles, eadem facultate, ac proprietate gaudent.

CONFUTATIO. Mea quidem sententia, ex his inferre, essentialē diversitatem non dari inter animam, & vegetabile, præpostera est philosophandi ratio.

I. Quod innumera animalia *motu progressivo* polleant probare videtur, animalibus intimum inesse motus progressivi principium, quo vegetabilia carent, & quo hæc ab illis distinguuntur, & differunt; si vero ostrea non progrediuntur, hoc non videtur probare intimo motus progressivi principio illa carere; sed tantum in iis motum hunc progressivum, ut in cane catenato, impeditum esse.

II. Postquam animadverterim, sentiendi facultatem in omnibus animalium speciebus sese pro-

prodere, nullo vero pacto hanc in vegetabilibus generatim apparere; si *speciem* aliquam *aquivocam* offenderem, quæ vegetabilis videretur, in qua tamen sensum inesse certo detegerem, deberem, ut mihi quidem videtur, recte philosophando, hinc inferre, non sane *sentiendi facultatem* vegetabili, & animali communem esse; sed illud, quod mihi ad vegetabile spectare visum est, re ipsa animalium speciem esse, cui, ut leoni, & formicæ, verum inest sensitivum principium, quæcumque tandem hujus principii natura sit.

III. Multa de polypis præsertim, de corallio, deque aliis productionibus his similibus disseruit recens hæc philosophia; ex quibus peculiarem classẽ, zoophytorum scilicet, seu animalium plantarum, instituere voluit.

Adhuc tamen videndum est, num inani fundamento systema, & sententiam suam exædificaverit; num ibi sensum esse putaverit, ubi tantum motus datur; num in peculiaribus hisce productionibus sensum esse arbitrata sit eo plane modo, quo in navi magnum nautarum numerum vehente sensus est, quo sensus est in alveari quindecim, aut viginti apum millia continente; num continens pro contento sumperit, ficto illi Micromegali similis, qui e Syrio, & Saturno in exiguum orbem nostrum descendens, navem in mari Baltico velificantem marinum animal esse putat; & exquisitissimo microscopio indiget, ut deprehendere possit, navem hanc plures geometras, & nautas vehere, qui illi includuntur, non tamen navis ipsa sunt.

IV. Ut ut tamen reshabeat, hoc primo certum est, *ubi sensus est, ibi principium sensitivum esse*, quæcumque deinde ejus natura sit. Certum est deinde, principium hoc sensitivum illud esse, quod speciem animale[m] vere, & essentialiter distinguit, atque verum separationis



nis lineam inter regnum animale, cui inest, & vegetabile, cui non inest; ubique statuit; species enim vegetabilis, cui inesset, jam hoc ipso species animalis fieret.

1282. NOTA I. In homine, ut in bruto *principium sensitivum* est, sive facultas perceptiones habendi voluptatis, & doloris; quæcumque hujus principij natura sit.

I. In homine principium hoc sensitivum est *anima humana*: substantia intelligens simul, & sentiens, omnino, & essentia sua a materia, & a quibusque materiæ modificationibus distincta; ut universo præcedenti tractatu jam ostendimus.

II. In bruto quovis principium hoc sentiens est *anima bruti*; exempli causa in leone est leonis anima, in ovis ovis anima, in formica formicæ; sive hæ animæ eadem intima natura præditæ sint, sive diversa; quod verosimilius est.

1283. NOTA II. In universo orbe nostro *unica tantum hominum species* est in plures *classes accidentaliter tantum diversas* divisa: ut in septima philosophiæ religionis parte, sive sectione ostendimus. Quare omnes animæ humanæ ejusdem intimæ naturæ re ipsa esse censendæ sunt; etsi fortasse majori, minorive intima perfectione inter se distinguantur; ita ut intelligentia, & sensibilitate duæ animæ humanæ sint inter se ut 1 ad 2, sive ut 2 ad 3, sive ut 7 ad 8, sive ut 14 ad 15, atque ita porro ( 1152 ).

Non ita de brutis sentiendum est. In orbis nostri parte tum solida, tum fluida *innumera sunt brutorum species*, quorum existendi, sentiendi, vivendi, generandi, sese conservandi modus æque varius videtur, ac eorum organa, & figura. Species hæ omnes *principium sensitivum* habent, quod voluptatis illecebris, & doloris metu agit; at in quavis specie principium

hoc munera, & sensationes omnino diversas fortitum esse videtur; adeoque & diversam naturam. Leonis anima, seu principium sensitivum a columbæ, aut salaris principio tamdiversum esse videtur, quam leonis corpus a columbæ, aut salaris corpore diversum est.

*VARIÆ PHILOSOPHORUM DE ANIMA  
BRUTORUM SENTENTIÆ.*

1284. OBSERVATIO. Quid est *anima brutorum*? quodnam est principium sensitivum, simile, aut diversum in diversis speciebus, quas omnes animat, ac dirigit voluptatis illecebris, aut doloris metu pro diversa eorum natura, eorumque fine? Quæstio hæc maximi momenti est tum in se ipsa, tum vel magis ratione eorum omnium, ad quæ in anima humana refertur.

I. Philosophi omnes omni ætate dederunt operam, ut hoc naturæ arcanum detegerent, Quum vero omnibus hisce conatibus parum admodum profecerint, dicendum sane, nonnulla esse in natura visibili, magisque nobis obvia, quæ magna ex parte vel acutissimi cujusque ingenii sagacitatem semper eludent.

II. In animæ brutorum theoria, ut in animæ humanæ, & in quavis alia philosophica theoria ignotum ex noto investigatur, & abdita, atque invisibilis causa ex effectuum ob oculos positorum observatione. Ex hac ne methodo exortæ sunt variæ philosophorum de anima brutorum sententiæ? Hac certe methodo bruta perpendenda, atque observanda sunt.

III. Quinque ab antiquis temporibus ad nos usque de anima brutorum sententiæ prodierunt, quæ illam successive statuerunt esse materiam organicam, formam substantialem, ens imaginarium, substantiam spiritualem, substantiam mediam inter materiam, & spiritum.

1285. SENTENTIA I. Materialistæ tum veteres, tum recentiores in brutis, ut & in homine verum *principium sensitivum* statuunt; hoc vero principium in brutis, ut & in homine, est tantum materia organica.

1286. SENTENTIA II. Peripatetici tum veteres, tum recentiores in brutis verum principium sensitivum statuunt; hoc vero principium est forma substantialis. At vero quid est forma ista substantialis? hoc ab ipsis nunquam apte definitum est.

I. Peripatetici, quorum nos genericam notionem in hujus operis præfatione tradidimus, in quibusque entibus materiam, & formam statuiebant; ut in nostra entium sensibilibus theoria explicavimus ( *Phys.* 157, & 158 ).

*Materiam* vocabant rem, in ente magis indeterminatam, formam vero rem determinantem. Exempli causa, in homine substantia organica erat ejus materia; substantia hanc organicam materiam animans, quæque hominem potius, quam scimium, aut leonem efficiebat, erat forma. Ita quoque in peccato actio libera erat peccati materia; defectus rectitudinis, seu conformitatis legis erat forma peccati.

Hæc *diversorum entium forma* substantialis erat, aut modalis, positiva, aut negativa; ut natura sua vel substantia erat, vel modus, quid positivum, vel quid negativum, sive ens, aut negatio entis.

II. *Veteres peripatetici* ut plurimum materialistæ erant. Hæc igitur substantialis brutorum forma verisimiliter, in eorum, ut in omnium materialistarum sententia, aut materia erat magis tenuis, aut aliquid substantiale ab ipsa materiæ substantia emanans.

*Recentiores peripatetici* materialistæ non erant; & in eorum indigesta sententia brutorum forma substantialis id ferme fuisse videtur, quod nos substantiam dicimus mediam inter materiam,

& spiritum. Erat hoc saltem aliquid melius *natura plastica*, cui neque cognitionem, neque sensum tribuebant ( 1217 ):

1287. SENTENTIA III. Cartesius nullum vult brutis inesse *principium sensitivum*. Pura automata sunt, & materia organica tantum; in vita plantæ vegetanti valde similia; motu automati artificiali valde similia, quod mechanicarum potentiarum patentium, aut abditarum ope movetur; cantu, aut voce tibicini automati Vocansoni valde similia, quod non nisi perfectum organum est. Videntur quidem sentire; modo voluptate affici, modo dolore, modo amore prosequi, modo odisse; at nihil tale iis inest, inquit Cartesius; apparet tantum; pura enim materia sunt; materia vero sensum omnem excludit.

Magnus sane Cartesius nobis videtur, quum ut qualitatum occultarum fabulas profligaret, agebat: cedo materiam, & motum: mundum inanimatum construam; seu quum ut sensibiles corporum qualitates e philosophia ejiceret, docebat, mundum ut re ipsa est, nihilo ei, qui apparet, similem esse; seu quum, ut ætatis suæ ingenia e veterno excitaret, elegantem suorum vorticum fabulam proferebat.

At vere exiguus nobis Cartesius videtur, quum nulla ratione dicere ausus est: bruta pura automata sunt sensu carentia. Profecto ætas illa, cui isthæc Cartesius loquebatur, valde in philosophia jejuna esse debebat, si sententiam adeo a recta philosophandi ratione alienam admittere poterat. Sane si per hos dies sententia hæc primum proferretur, ne quatuor quidem in universa Europa probatos homines inveni-  
rent, qui illam admittere, & sequi vellent.

1288. SENTENTIA IV. Nonnulli, at satis pauci recentiores philosophi, quorum sententia nunquam probata fuit, neque probari, & admitti meruit, brutis *animam spirituales* tribuunt;

at.

at humanæ specie inferiorem; animam cogitandi, & sentiendi capacem; sed moralitatis, meriti, & demeriti incapacem ex perpetuo libertatis defectu.

1289. SENTENTIA V. Sententia ex ipsa brutorum observatione veluti sponte enascens, quæque omnium prima prodire debuisset, si humana mens vel ab initio ad verum, aut ad verisimile tendere novisset, brutorum animam esse statuit *substantiam mediam inter spiritum, & materiam*; substantiam scilicet immaterialem, quæ neque spiritus est, neque materia; quæ inter utrumque medium tenet, quæ sentiendi facultate prædita, animadvertendi, & ratiocinandi facultate caret. Porro sententiam hanc explicare, & statuere pergimus, postquam ceterarum omnium vitia patefecerimus.

Sit ne sententia hæc eadem, quæ recentiorum peripateticorum, at aptius proposita, atque statuta, an non sit; nihil interest. Satis est si ipsa omnium sit rectæ philosophiæ, ac veritati maxime consentanea. Peripatetici, qui tandiu, ac toties inania protulerunt, non in omnibus errasse potuerunt (227). Philosophia vero, cujus peculiaris nota est amor veritatis, ubique, & semper, neglectis præjudiciis, & partium studiis, veritatem sequi debet.

#### PROPOSITIO PRIMA.

1290. *Inest brutis principium sensitivum, quod non est simplex materia organica; ut materialista perperam contenderunt.*

DEMONSTRATIO. Ut propositionis hujus veritas statuatur, satis est ostendere, bruta vere sensu esse prædita, materiam vero organicam sentire non posse.

I. Æque certum est, bruta sentire, adeoque sensitivo principio instructa esse, ac certum sit,

homines sentire, adeoque sensitivo principio præditos esse; iisdem enim probationibus æque in brutis, ac in hominibus sensus probatur; neque minus a recta ratione aberraret, qui hunc brutis negaret, quam qui hominibus; ut in altera tertiæ sequentis propositionis demonstratione patebit.

II. Materialistæ *principium sensitivum* brutis non recusant; at in brutis æque, ac in homine principium hoc esse volunt materiam organicam, & nihil præterea. Alibi vero ostendimus, materiam sive organicam, sive rudem, sive motam, sive quiescentem nunquam omnino sentire posse ( 1046, & 1068 ).

Ergo *principium sensitivum brutorum* non est simplex materia organica. Ergo principium sensitivum brutorum est a materia sive organica, sive rudi natura ipsa distinctum. Q. E. D.

#### PROPOSITIO II.

1291. *Anima brutorum, sive eorum principium sensitivum non est forma substantialis, qua sit aliquid a materia eductum, aut emanans; ut peripatetici complures sensisse videntur.*

DEMONSTRATIO. Modo vidimus, brutis inesse principium sensitivum, atque hoc a materia sive organica, sive rudi distinctum ostendimus.

Ergo principium sensitivum brutorum non est *forma substantialis*, quæ aliquid sit a materia eductum, aut emanans. Quid enim a materia educi, aut emanare potest, quod materiale non sit, adeoque natura ipsa ineptum, ut sit principium sensitivum? Q. E. D.

#### PROPOSITIO III.

1292. *Bruta non sunt automata sensu carentia, ut perperam Cartesius opinatus est.*

EX-

EXPLICATIO Cartesii sententia duabus genericis hypothesibus innititur, quas experientia, & ratio plane falsas ostendunt; nullum scilicet in brutis intimum esse principium motus; nullum in brutis esse intimum principium sensus ( 1287 ).

I. In Cartesii sententia *nullum* inest brutis *intimum principium motus*. Pura automata sunt a Divino artifice mira arte constructa, natura sua inepta ad motum ullum sibi comparandum; at aptissima, ut intime, & extime juxta *genericas mechanica leges* motus omnes admittant, quos non modo sensibilia corpora, sed & maxime insensibilia communicare possunt, cujusmodi sunt quæ lucem, sonum, sapes, odores, aliaque hujusmodi constituunt.

Quid igitur apes est, aut canis in sententia Cartesii? Bina puta automata sunt, diverso modo constructa, in quibus nullum est intimum principium motus, & quorum motus omnes producuntur ad genericas mechanicæ leges a corporum sensibilibus, aut insensibilibus in illa intime, aut extime, agentium impulsu.

Exempli causa, *apis in alveari* parvum automa est, quod nulla motus necessitate, nulloque desiderio afficitur; quodque perpetuo quiesceret, ut horologium abaco impositum, si nihil illud moveret. At odora corpuscula a floribus emanantia hoc apes automa ingrediuntur. Extemplo automa movetur. Horum, & sequentium corpusculorum impulsus ad mechanicas leges automa impellit; efficit, ut per varios alvearis anfractus descendat, illud deinde in aera evehit, ad flores trahit: os suum, & crura determinat, ut anthliarum prementium, atque adspirantium munus peragant: illud melle gravat, & replet.

At quæ corpuscula apem ad flores traxerunt, illam floribus adhærentem detinebunt. Non ita,

Cartesius inquit. Quum melle onusta, & saturata est, alia corpuscula, iteratis oppositis impulsibus, & semper ad mechanicas leges, eam a floribus expellunt, ac in aëra elatam ad alveare, unde exierat, revehunt, per varios favorum sinus ascendere cogunt, & in alveolo statuunt, ubi mel deponi debet.

Pari modo *canis venaticus* automa est multo majus, & ab ape structura omnino diversum. Nulla canem hunc urget necessitas, aut cupiditas leporem insequendi, & a lupo fugiendi; nihil ipsi inest, quo aut ut causa efficiens, aut ut occasionalis, aut in primum ferri possit, aut ab altero recedere. At leporem insequitur, propterea quia corpuscula a lepore emanata illum mechanicis legibus ad leporem insequendum trahunt; lupo fugit, propterea quia corpuscula a lupi corpore emanata illum mechanicis legibus a lupo avertunt, atque propellunt.

Deum immortalem! quamnam philosophiam, quamnam physicam, quam mechanicam? Quis putasset unquam, magnum Cartesium fabulas has protulisse, quæ, ut patet, philosophico illo vitio laborant, quod alibi vocari diximus sophisma causæ non causæ? ( 736 ).

Facile ab apis, & canis exemplo quisque intelliget, qua ratione Cartesius in præpostera sua hypothese phænomena universa explicet, quæ in brutorum omnium specie quavis observantur. Ubique *corpusculorum impulsus* omnia perficit in automatis quadrupedibus, in automatis avibus, piscibus, insectis, reliquisque.

II. Cartesius *omne brutis intimum sensus principium* denegat. Nihil in illis agunt voluptas, aut dolor. Lupus esuriens, qui agnum arripit, nulla majori voluptate afficitur prædam vorans, ac afficiatur marinus vortex navim demergens; neque fœus, cui sanguis e jugulo educitur, magis patitur, quam dolium, aut lagena, quum evacuatur.

Vel



Vel ipsa hypothesis hujus propositio profecto satis est, ut floci fiat, & confutata habeatur. Binæ sequentes demonstrationes eam omnino proterent, in quibus ostendemus, brutorum quorumcumque motus mechanicis legibus tantum non explicari; iisque intimū & motus, & sensus principium inesse, ut ubique, & semper putatum est.

1293. DEMONSTRATIO I. Si bruta essent tantum automata mobilia, *nullo instructa intimo motus principio* ab organica materia diverso, quod eorum motuum causa esset efficiens, aut occasionalis; patet, nec dissentit Cartesius, omnes brutorum motus *ad genericas mechanica leges referri debere.*

Atqui falsum est, ad has leges brutorum motus omnes referri posse. Hoc ostendo ex phænomeno, quod in una brutorum specie assumo, ut casu sese offert; hoc tamen, inutatis mutandis, facile cuicumque brutorum speciei accommodari poterit. Sit igitur canis venaticus, qui perdicum agmine excitato eas oculis, & cursu sequitur, & aucupem vocare videtur, ut eas insequatur.

I. Canis iste, inquit Cartesius, mechanice, seu ex mechanicis legibus trahitur ad perdices insequendas ab odoris corpusculis, qui magna copia ex harum avium corporibus emanant.

Ferme eodem jure dicerem, arcem, aut exercitum ad tormenta bellica trahi ex globis ferreis, qui ex hisce tormentis in arcem, aut in exercitum jaculantur. At enimvero corpuscula hæc canem repellere deberent potius, quam trahere.

II. Fiat modo, ut canis hic dum prædam magno impetu insequitur eadem via, eademque directione, qua recta ad perdices pergit, barathrum offendant. En statim sistit; deinde dextrorsum, aut sinistrorsum divertit; aliam viam quærit, qua nullo periculo, tuto illuc

ferri possit, quo ad terram delabi perdoes vidit; eo ferme pacto, quo se geret auceps, qui pone sequitur.

Si canis iste *purum automa* esset a corpusculis a perdicibus emanantibus motum, atque attractum, quum ad barathri oras pervenit, nonne in illud ex mechanicis legibus præceptum rueret motum suum prosequens? Non ita, Cartesius inquit; ex barathro enim corpuscula magna copia erumpunt, quæ canem sistant, & ejus cursus directionem mutant.

Vereor sane, ne sublimis Cartesii mens huic explicationi innumeris modis rejiciendæ plane acquiescere potuerit. Quare siquidem e barathro potius, quam e campis, e pratis, e circumstantibus sylvis corpuscula erumpunt? Quare corpuscula hæc e voragine emanantia canem non trahunt, ut perdicum effluvia, sed repellunt? Quare hæc eadem corpuscula, quæ tam opportune canem stiterunt, & alio diverterunt, non æque perdoes supervolantes stiterunt, & alio diverterunt? Nonne deliria inter se pugnantia ista sunt?

III. At enimvero & repellentia hæc corpuscula e voragine emanantia, & eorum repulsionem ultro admittamus. Ex hac ipsa hypothesis Cartesium sic urgeo, & ejus sententiam prorsus contero.

Corpuscula hæc repellentia e voragine emanantia, & canis motum mechanice mutantia, deberent plane ex mechanicis legibus in cane motum producere *e diametro oppositum*, aut *oblique oppositum* illi, qui a perdicum corpusculis in ipso producebatur, quemque hic nos motum primitivum nuncupabimus.

Ponamus primo, motum cani impressum a voraginis corpusculis esse *e diametro oppositum* motui primitivo, quo canis in voraginem ferebatur. Ex motus, & mechanicæ legibus canis susti debet si motus e diametro oppositi sint æqua-

æquales; canis regredi debet juxta præcedentem directionem si motus a corpusculis voraginis impressus major sit motu primitivo; canis in voraginem ferri debet si motus primitivus major sit motu a corpusculis voraginis impresso. Nihil horum tamen contingit (*Phys.* 344, & 345).

Ponamus deinde, motum cani impressum a voraginis corpusculis esse *oblique oppositum* motui primitivo, qui canem in voraginem trahebat. Ex genericis motus, & mechanicæ legibus pergere deberet canis per diagonalem parallelogrammi constructi directione, & proportionem binarum virium oblique oppositarum in ipsum agentium; quod plane non contingit.

IV. Quare, hæc omnia generatim sumendo, prorsus consequitur, in brutis motus haberi, qui a mechanicis legibus non diriguntur. Ergo bruta non sunt pura automata, quorum motus omnes a corpusculis eorum organa impellentibus efficiantur.

Ergo in brutis præter corpus organicum est *intimum motus principium*, a quo in illis motus producantur aut simplicis mechanicæ legibus oppositi, aut ab his legibus non pendent. Q. E. D.

1294. DEMONSTRATIO II. Rationi, & experientiæ repugnat qui asserat, *nullum* inesse brutis *principium sensitivum*, nullam veram sensationem; quod facile ostendemus nonnullis observationibus, & animadversionibus; ex quibus apparebit, æque recte rationi opponi qui brutis sensum negat, ac qui hominibus negaret.

I. Varia organa nos habemus, quæ in nobis sensationes veras pariunt, quas passim, aut saltem sæpius vel voluptas, vel dolor comitatur.

In brutis, in plerisque saltem eorum speciebus magis notis organa omnino similia deprehendimus. Quare ergo in brutis organa hæc idem munus non haberent, perceptiones obje-

torum scilicet, & voluptatis, aut doloris sensationes in illis excitandi?

II. In hominibus intimæ sensationes variis voluptatis, doloris, prosecutionis, averfationis signis manifestantur.

Sæpius in brutis *signa omnino similia* observamus, doloris, voluptatis, prosecutionis, averfationis. Ad quid signa hæc similia, nisi ut utrobique principium indicent, sive subjectum sentiendi capax?

III. Bruta videmus, ut aut voluptatis illecebræ, aut doloris metus postulare videntur, modo omnibus viribus in aliquid conniti, modo parcius illis uti. Illa videmus, ut rerum conditio, & eorum necessitas postulat, naturale motuum nostrorum machinamentum, quantum eorum organa patiuntur, imitari in iis omnibus, quæ in nobis absque rationis, & animadversionis directione fiunt.

Porro nonne hæc omnia *principium sensitivum* in brutis evidenter indicant, ut in nobis; quod a voluptatis illecebris, & a doloris metu impulsus physicus horum motuum machinamentum dirigit, & in ipsis, ut & in nobis a simplicis, ac materialis mechanicæ legibus recedit.

IV. Si *intimum natura iudicium* interrogemus, quod quum genericum est, & irresistibile, semper veritati conforme est; nescio quo secreto instinctu, quo trahimur, iudicamus, in brutis *verum principium sensitivum* esse; ut vero intimam hac persuasionem exueremus, natura ipsa nobis exuenda esset.

Intimum cuiusque sensum, ne Cartesianis quidem exceptis, hac in re appello. Cartesianus sententiæ suæ de brutis automatis vel maxime tenax canem, quem amat, domum redeuntem videat gementem, ululantem, plagis, ac vulneribus confectum. An ne hoc aspectu anima ejus cartesiana nullo doloris, misericordiæ sensu commovebitur? Poterit ne ipse fabulosa sua phi-

philosophia adeo contra intimas naturæ voces obdurescere, ut miseri hujus bruti sortem non doleat, neque illi opem ullam ferre studeat? At quæso quid ejus sorte dolendum, cur illi opitulandum, si re ipsa purum automa est, si nihil sentit, nec magis patitur, quam horologium lapsu diffractum, aut dissolutum?

Inane præjudicium hoc est, inquires. At enimvero *generalis persuasio* nationum, atque ætatum omnium; *persuasio necessaria*, quæ deponi nequit, nisi nobis persuadeamus (quod omnino fieri nequit), canem plagis, ac vulneribus confectum re ipsa non dolere quum altissimis ululatibus lamentatur, dici ne jure unquam poterit inane præjudicium? Ut hoc dici posset, probationes necessariæ essent evidentes omnino, & ineluctabiles. At quas afferunt? nullas, nisi inanem hypothesim nulla ratione suffultam.

Quæ quum ita sint, tum ex observationibus, tum ex brutorum operationum analysi jure censemus, ut humanum genus universum omni ætate censuit, bruta non esse pura automata, & in brutis verum haberi intimum sensus principium. Q. E. D.

#### PROPOSITIO IV.

1295. *Nulla ratione verosimile est, sensitivum brutorum principium esse substantiam spiritua-  
lem animæ humanæ specie inferiorem: ut non  
nulli recentiores philosophi suspicati sunt.*

EXPLICATIO: Ut propositio hæc statuatur, philosophice inquirere pergimus, dari ne possit principium pure sensitivum; appareat ne brutorum principium sensitivum substantia spiritalis specie animæ humanæ inferior: possit ne substantia spiritalis intelligentia perseveranter privari. Ex his tres deducuntur sequentes demonstrationes.

1296. DEMONSTRATIO I. *Nihil indicat, aut ostendit, substantiam sensu præditam & solo sensu, in rerum universitate repugnare.*

Qua enim ratione repugnaret, naturæ auctorem, qui *substantias sensu destitutas, & intelligentia creavit*, cujusmodi sunt substantiæ omnes tantum materiales; qui *substantias sensu, & intelligentia præditas creavit*, cujusmodi sunt substantiæ omnes spirituales, aut in his certe animæ humanæ, creare posse *substantias intelligentia destitutas, & sensu præditas*?

Potest enim, nullo absurdi metu, supponi, dari posse *substantiam immaterialem* a spiritu, & a materia distinctam, intelligentia destitutam, & sensibilitate ab intelligentia independente præditam.

Superest igitur tantum, ut ex observatione, & phænomenis videamus, num re ipsa substantia hæc immaterialis, *sentiens, & non intelligens* in natura detur; sive num in natura sint entium species sensu præditæ, & intelligentia destitutæ.

1297. DEMONSTRATIO II. *Nihil indicat, aut demonstrat sensitivum brutorum principium esse substantiam spiritualement.*

Quacumque enim ratione variarum substantiarum in nobis efformentur idææ (218): certum est ex ipsis rerum ideis, *notam*, qua substantia spiritualis distinguitur, esse facultatem cognoscendi finem quo agit, cognoscendi relationes quorundam mediorum ad datum finem, suas cognitiones successive perficiendi, alia objecta præter materialia, & sensibilia percipiendi. Atqui experientia, & observatio docent, nihil horum principio sensitivo, quo bruta animantur, convenire.

I. Dico primo, bruta finem, quo agunt, non dignoscere: Finis enim semper objectum abstractum est, idææ scilicet abstractæ objectum, in qua substantia intelligens aliquod bo-

num

num ideale sibi repræsentat, atque proponit, quod sibi comparare statuit.

Atqui nihil indicat, bruta abstractiones facere. Omnia e contra indicant, has non facere; & quoniam nunquam faciunt, nec facere posse. Præsentēs voluptatis illecebræ, præsens doloris metus omnium suarum operationum motores sunt.

Canis ægrotans cæca incommodi sensatione ductus in pratum pergit: ibi nulla experientia, nulla perquisitione inter innumeras herbas eam feligit, qua alvus solvi debet. Noscet ne finem, quo agit? ideam ne habeat valetudinis restituendæ, bilis ejiciendæ, plantæ aptæ hoc præstare, quam nunquam vidit? Patet tunc ejus intelligentiam vel Hypocratis scientiæ fore præferendam.

Apis laboriosa alveolos suos hexagonos construens tam exacte, tantæque industria, finem ne sibi proponeret, *minimo spatium maximum cellularum numerum includere, easque omnium amplissimas?* Patet tunc ejus intelligentiam pulcherrimum, & difficillimum geometriæ problema solventem vel ipso Archimede ingeniosiorē fore dicendam.

II. Dico deinde, *bruta mediorum ad finem obtinendum relationem non cognoscere*. Exempli gratia; in sylva lupis infesta prædam pone ab ipsis appetitam, ita tamen elevatam, ut saltu ad ipsam efferri nequeant; paulum distans pone scamnum, quod qui scandat, prædam attingere possit: præda erit in tuto.

Scamnum lupi videbunt, prædam videbunt, at *relationem inter scamnum, & prædam non videbunt*; neque enim relatio hæc est quid sensibile.

Si vero contingeret (quod absolute fieri potest), ut scamnum illis medium esset, quo prædam attingerent; casu hoc contingeret, quo fera hæc bruta sæpe invicem concertantia fortuito sca-

scamnum impulerint, & prædæ proximum statuerint.

III. Dico tertio, *bruta cognitiones suas non perficere*: sive ut bonorum suorum summam augeant, sive ut malorum summam minuant. Exempli gratia, homines, & fibri pontici eadem primitus architectura usi sunt.

Apud homines architectura successu temporum perfecta observatione, & animadversione tandem antiqua tuguria incommoda, & lapsabunda in elegantia ædificia, in magnificas ædes, in templa maiestate superba convertit, in quibus soliditas, & vitæ commoda, symmetria & partium multiplicitas, simplicitati totius ædificii conjuncta est; atque hæc ædificia injuriis temporum non infirmantur, & sequentibus sæculis ea sese ostendunt, quæ quum primum a fundamentis erecta fuerunt visa sunt.

Fibrorum architectura semper eadem est; nunquam perfectione crevit. Fibri ætate nostra nulla majori arte, quam veteres, ædificant. Semper eadem est tuguriorum, aut casarum forma, in qua parva eorum respublica locari debet: nullis aggeribus ad oras lacuum, aggeribus munita tuguria sunt ad fluviorum ripas. Etsi imperfecta, vitiosa, lapsabunda, innumeris incommodis obnoxia sit eorum architectura; non propterea quidpiam immutant, nec perficiunt. Atqui non ita perfecto res haberet si vel tenuissimo intelligentiæ lumine donati essent, quo ex perpeßis incommodis ventura præcaverent (1050).

Idem de quavis brutorum specie dici potest. Harum nulla est, quæ primitivo naturæ instinctui quidpiam perfectionis adjecerit; nulla, quæ quidpiam invenerit, quod speciei suæ id commodi afferre possit, quod humanæ speciei vel informis scala, vel rude scamnum exhibet.

IV. Dico tandem, *brutorum cognitiones supra materialia, & sensibilia non attolli*. In illis



illis nullum honoris, aut ignominiae principium nulla vitii, aut virtutis cognitio, nulla ordinis, symmetriae, pulchri physici idea.

Videat primo canis optimis organis instructus, aut scimius regiae Parisiensis domus peristylum. Eandem, quam tu, illud intuens sensibilem imaginem habebit; non tamen hac magis movebitur, quam rudis tugurii imagine moveatur. Omnia, ut tu, videbit, non tamen, ut tu, ordinem, & symmetriam percipiet.

Operam da, ut canem hunc, aut scimium erudias quantum ejus natura patitur; hoc facies ferulam ostendens, qua vapulat, aut escam qua trahitur; nunquam hoc facies illi officia, decus, honores proponendo. Porro hoc probat, *non intelligentia*, sed *sensu* tantum bruta regi, ac moveri.

1298. DEMONSTRATIO III. *Nihil indicat, aut probat, substantiam spiritualem perseveranter intelligentia munere privari posse.* Quare si cum nonnullis recentioribus philosophis dicamus, brutorum animam esse substantiam spiritualem specie inferiore intellectiva & sensitiva facultate praeditam, quae tamen solius sensitivae munera exerceat, & cujus *intellectiva facultas* libera, & efficaci Dei voluntate suis muneribus perpetuo impar reddatur; paradoxum proferemus plane ideis oppositum, quas naturae, & ejus Auctoris habemus, qui juxta philosophicum axioma nihil unquam frustra moliantur.

*Spiritus* enim etsi minus perfectus, etsi specie inferior adhuc natura spirituali donatus est. Si vero spirituali natura donatus est, quare ejus muneribus, & sine privabitur?

Cui unquam persuadeas, sapientissimum naturae Auctorem in brutis innumeras intellectivas substantias continenter creare, quae nunquam intelligentiae munere fungantur; spirituales substantias, quae in omnibus individuis  
sem-

semper, & ubique nobilioris suæ facultatis usu priventur? Æque jure dicerem, Deum continenter innumeros soles creare, qui nunquam luceant; in saxis, in metallis, in plantis innumeras substantias intima sentiendi facultate donatas creare, quæ nunquam sentiant.

At vero si tot absurda ex præsentī horum *inferiorum spirituum* fine consequuntur; minora ne ex futuro eorum fine consequentur? Quænam horum spirituum sors futura est soluto corpore organico, quod animant, & in quo quamdam sensationum seriem habuerunt. Ad nihilum redigentur ne, an ad metempsychosim confugietur?

**CONCLUSIO.** Ex tribus datis demonstrationibus statuendæ propositionis veritas evidenter consequitur. Si nihil obest, quominus principium sensitivum tantum in natura admittatur; si nihil probat, principium tantum sensitivum satis esse, ut diversarum brutorum operationum ratio reddatur; si absurdum est in brutis spiritum admittere suis muneribus perpetuo privatum; patet jam, nulla verisimilitudine gaudere eam nonnullorum recentiorum sententiam, quæ animam brutorum facit substantiam spirituales specie inferiorem Q. E. D.

#### PROPOSITIO V.

1299. *Inest brutis principium sensitivum, quod neque substantia materialis est, neque spiritualis; quod propterea esse debet substantia inter spiritum, & materiam media: substantia immaterialis facultate sensitiva prædita, & intellectiva carens.*

**DEMONSTRATIO.** Patet, quintam hanc propositionem esse tantum quatuor priorum corollarium; harum principia hic iterum recensemus.

I. Certum est, brutis inesse rerum principium  
sens.

*sensitivum*, eaque non esse *pura automata*. Quacumque enim arte elaboratum automa supponatur, patet illud semper puram machinam esse, & omnibus mechanicæ legibus alligatam; ut ipse Cartesius fatetur.

Atqui variæ brutorum actiones non pura automata indicant sensus expertia, & mechanicæ legibus omnino alligata. Quare æque absurdum esset voluptatis, & doloris sensationes brutis denegare, quas omnia in illis indicant; & motus tantum mechanicos illis tribuere, quos tantum in iis dari omnia inficiantur (1292).

II. Certum est, *sensitivum brutorum principium* non esse *puram materiam*; hæc enim quavis figura, & quovis motu donata nunquam aut voluptatis, aut doloris, aut sensationis. cujuslibet capax est (1046, & 1290).

Inest igitur brutis *substantia immaterialis*, & *sensitiva*, quæ veras sensationes experitur, & cujus veræ sensationes causa sunt occasionalis, & physica variorum motuum, quos in ipsis videmus.

Motus hi in brutis a solis mechanicæ legibus non oriuntur; eorum enim origo, & causa occasionalis est, ac physica primitiva substantia omnino a materia diversa; leges vero mechanicæ, ipso Cartesio facente, ac philosophis quibuscumque, substantias tantum materiales afficiunt, quarum universim reciprocas actiones dirigunt.

III. Certum est, substantiam hanc brutorum immaterialem, ac sensitivam; quæ in illis sensationum voluptatis, & doloris principium, aut subjectum est, quæque in illis motuum a mechanica non pendentium causa physica est, *spiritum proprie dictum* censerì non posse; caret enim notis, quæ spiritualement substantiam distinguunt, atque indicant; certum est præterea substantiam a spiritu diversam, & tantum

tum sensitivam videri satis esse ad ea omnia phænomena præstanda, quæ in brutis observamus; hæc enim omnia sensationes tantum exhibent voluptatis, aut doloris materialia objecta respicientes, & motus quosdam locales a mechanicæ legibus non directos.

IV. Certum est, *principium sensitivum*, quo bruta animantur, eas tantum essentielles, & præcipuas proprietates habere, quas in illo diversæ ejus operationes enunciant; *nullus enim in natura effectus est, sine causa, neque causa ulla sine effectu.*

Atqui brutorum operationes *substantiam immaterialem sensu præditam* in illis enunciant, non vero spirituales substantiam intelligentia, & ratione donatam. Ergo brutis præter corpus organicum inest *substantia media inter spiritum, & materiam*, immaterialis, facultate sensitiva prædita, & intellectiva carens. Q. E. D.

#### PRIMÆ HUIUS SECTIONIS SYNOPSIS.

Ex hæcenus traditis, ac demonstratis de anima brutorum hæc corollaria consequuntur.

1300. COROLLARIUM<sup>I</sup>. *Essentialis similitudo, & essentialis diversitas datur inter hominis, & brutorum animam. Quod non naturæ identitatem ullam, sed veram, atque perfectam inter binas has substantias natura alteritatem indicat; una itaque non est altera; at una nonnullas alterius proprietates eminenter habere potest.*

I. *Similitudo* in hoc sita est, quod utraque intimas sensationes experiri potest materialium objectorum præsentiam, & sensibiles qualitates respicientes; quod utraque veras voluptatis, & doloris sensationes habere potest ex materialium objectorum diversis impressionibus in diversa utriusque organa, quæ ipsæ animant.

II.

II. *Diversitas* in hoc sita est, quod alterius facultates semper in sensationibus sistunt, nunquam ad intelligentiam pertingunt; alterius vero facultates & intelligentiam, & sensationem complectuntur.

1301. COROLLARIUM II. *Anima brutorum, ut & humana, non nisi vera creatione existere potest.* Quum enim natura immaterialis sit, a materia, aut ab ejus modificationibus extrahi nequit, in qua neque formaliter, neque virtualiter existit (263, & 1054).

1302. COROLLARIUM III. *Anima brutorum, ut & humana, dissolutione, aut decompositione perire nequit.* Quum enim sit substantia immaterialis, partibus materialibus per accidens conjunctis, & per accidens separabilibus non constat; omnia vero indicant, substantiam esse in specie sua simplicem, nulla partium compositione conflata; uti & anima humana substantia est omnino simplex in specie sua, & ab omni partium compositione aliena (1057).

1303. COROLLARIUM IV. *Anima brutorum, qua dissolutione perire nequit, annihilatione perire potest.* Omnis enim ejus finis ad corpus, cui conjuncta est, animandum limitatus videtur, & ad quandam intimarum sensationum seriem percipiendam a materialium organorum ministerio pendentium; præterea cum cujusvis intellectualis cognitionis, ac sensus intellectualis incapax sit, tunc nullum amplius in natura finem habere videtur, quum nullum illi amplius sit corpus animandum.

Unicus finis, quem brutorum anima, corpore organico dissoluto, habere posset, esset, ut ad aliud ejusdem naturæ corpus animandum esset destinata; juxta vetus metempsychoseos (a)

fy-

(a) ETYMOLOGIA μεταψυχωσις, animarum ab uno ad aliud corpus transmigratio. Μετα, trans, ab ἐν in, & a ψυχή anima.

systēma, quod ad bruta limitatum absurdum non demonstratur, etsi nihil sit, unde probabile videatur.

1304. *NOTA.* *Metempsychosis* præcipuum erat scholæ Pythagoricæ dogma, quod Pythagoras ab Indis Brachmanibus mutuatus erat: porro doctrina hæc apud Indos, & Sinenſes etiam per hos dies admodum diffusa est.

I. Juxta tum veteres, tum recentiores metempsychoseos assertores animæ hominum, & brutorum nihil naturæ diversæ sunt.

Anima obscuri hominis, at virtutibus ornati, soluto corpore, quod animat, ad aliud humanum corpus animandum est destinata: fiet vero anima viri principis, aut regis, pro majori, minorique virtutis gradu.

Anima hominis vitiis turpis, corpore, quod animat, dissoluto, ad bruti alicujus magis, minusve immundi, & miseri corpus animandum est destinata, pro criminum suorum merito, ut tandem post datum transmigrationum numerum in aliud humanum corpus transeat (1056).

II. Patet, metempsychoseos sententiam generatim sumptam fabulosam esse, chymæricam, ridiculam, sanæ philosophiæ, & ipsi naturali rationi repugnantem. Anima brutorum nihil unquam naturæ animæ humanæ commune habuit, aut habitura est (1047; & 1299).

At si metempsychoseos sententiam ad bruta, eaque ejusdem speciei contrahamus, & si cuique brutorum speciei animam supponamus hujus ipsius speciei propriam, & ab humana omnino diversam, nihil omnino absurdi metempsychoseos hypothesis præferet.

Quid enim absurdi habebitur, si supponamus exempli gratia, Deum cervi modo enecati animam non destituere, sed pro anima, quæ creanda esset, ut cervæ jam prægnantis foetus animaretur, interfecti cervi animam foetui huic

tri-

tribuere? Idem porro de ceteris brutorum speciebus dici poterit.

1305. COROLLARIUM V. *Anima brutorum, ut & humana, sedem habet in præcipua aliqua parte corporis, quod animat; eadem enim rationes, quæ ostendunt, humanam animam non esse in universo humano corpore diffusam, ostendent quoque, leonis, tauri, ovis, aquilæ, columbæ animam toto horum animalium corpore non esse diffusam.*

Quare verosimillimum est, in cerebro sedem brutorum animæ sitam esse in speciebus omnibus, in quibus pars hæc corporis organica habetur; in speciebus vero cerebro carentibus; si tamen hujusmodi species dantur, sedem animæ in præcipua aliqua corporis parte organica esse positam, ubi aptius anima diversas materialium organorum impressiones admittere possit; & universo animali machinamento varios motus indere, quos animalis natura, & finis postulet (1062, & 1263).

1306. COROLLARIUM VI. *Anima brutorum substantia est essentia ipsa indivisibilis. Est enim substantia immaterialis; quam absurdum esset in binas, in trinas partes, aut in alias divisam supponere. Quare,*

I. Quum vermis, aut serpens, exempli causa, bitariam secatur, non animantis hujus animæ dividitur, quæ tota in ea, parte est, in qua ejus sedes est; neque præcipua hæc pars vitari, aut dividi potest, quin animal enecetur, seu quin animæ corpori conjunctio, a qua ejus vita pendet, dissolvatur.

II. Motus aliquandiu in secti vermis, aut serpentis partibus perseverans, animæ sectionem non indicat, in alterutra enim saltem parte motus hic non nisi mechanicus est, a residua quadam, & magis, minusve duratura sanguinis, humorum, nervorum, fibrarum, spirituum vitalium agitatione profectus.

III. Si re ipsa in natura daretur species aliqua animalis, quæ bissecta in utraque sectione vere, & permanenter viveret, quod neutiquam verisimile est; ideo hoc esset, quia quodvis hujus speciei *individuum* ratione peculiaris suæ organicæ structuræ *duplici*, *individuo* æquivaleret, in quo duplex anima tum ante, tum post partium divisionem haberetur.

1307. COROLLARIUM VII. Anima brutorum, ut & humana, nulli intimæ augmenti, aut decrementi vicissitudini obnoxia est. Quum enim immaterialis sit, nihil a materiæ influxu aut adipisci, aut amittere potest; materia enim non est nisi causa occasionalis magis minusque opportuna suarum operationum.

1308. COROLLARIUM VIII. *In brutis, ut in homine, ex Dei decreto mutua est inter animam, & corpus dependentia.* Hæc enim æquæ in brutis, ac in homine apparet; neque haberi potest, nisi libero, & efficaci Dei decreto, quod generica, & permanens naturæ lex sit omnibus animalium speciebus (1061, & 1075).

1309. COROLLARIUM IX. *Anima brutorum, ut & humana, non est causa efficiens neque suarum sensationum voluptatis, & doloris, quas in intima sua substantia experitur; neque variorum motuum, quos in corpore a se animato excitat.* Quæ siquidem rationes probant, animam humanam potentiam esse tantum passivam in suis sensationibus, & causam tantum occasionalem motuum, quos in corpore excitat, cui conjuncta est; eadem æque probant, & quidem potiori jure, brutorum animam in potentia sua sensitiva tantum passivam esse; & in sua potentia motrice causam esse tantum occasionalem.

I. Brutorum anima sensationes experitur voluptatis, & doloris, non tamen in ejus potestate est, ut eas sibi comparet, quibus oblectatur,



tur, eas evitet, quibus angitur; et si sæpius in ejus potestate sit causam occasionalem ponere, quæ has excitabit, illas extinguet.

Anima brutorum varios corpori, quod animat, motus indit, quorum aliqui voluntarii videntur, non tamen proinde liberi sunt (1100 & 1106).

At quoniam nulla in ipsa vis concipitur, qua in organa materialia agere possit, nec ullam certe habet mechanicæ horum organorum structuræ cognitionem: patet, non esse, nec esse posse nisi causam occasionalem variorum motuum, quos in ipso excitat, & quorum illa re vera causa physica est (272, & 1223).

1310. COROLLARIUM X. *In brutis, ut in homine, fluidum animale videtur esse præcipua & sensus, & motus causa physica.* Æque enim in brutis magis nobis notis, ac in homine, fluidum hoc eadem habet principia physica, easdem officinas, tubos, receptacula eadem; si vero fluidum hoc respectu sensitivæ, & motricis animæ facultatis consideretur, eadem in bruto, ac in homine munera sortitum esse videtur (1248, & 1249).

## S E C T I O II.

### POTENTIÆ ANIMÆ BRUTORUM.

1311. OBSERVATIO. **E**X brutorum operationibus rite perpenſis demonstratum est, & bruta præter corpus organicum immateriali substantia instructa esse, quæ eorum anima est, quæque nec spiritus est, nec materia.

At vero quænam hujus brutorum animæ facultates, seu potentiæ sunt? *substantia* hujus, inquam, *media* materiam inter, & spiritum? Inest ne illi, ut animæ humanæ, *potentia in-*

*intellectiva*, *potentia affectiva*? hoc qua majori brevitate fieri poterit definire pergimus.

**BRUTA POTENTIA INTELECTIVA  
DESTITUTA SUNT.**

1312. OBSERVATIO. Omnia in homine *intellectivam potentiam* indicant; nihil hujusmodi potentiam in brutis indicat. Ut hoc ostendamus satis erit nonnullorum brutorum operationes ad trutinam revocare, eorum, inquam, brutorum, quæ magis intelligentiæ proxima, aut minus ab illa remota videntur.

1313. ASSERTIO I. *Brutorum sensationes potentiam intellectivam in illis non indicant.* Possunt enim in potentia tantum sensitiva, (quæ re ipsa haberi potest) hæ sensationes existere (1296).

Ponamus dari potentiam hanc sensitivam tantum, nullo pacto intellectivam. Sensationes experietur voluptatis, & doloris, aliasque sine voluptate, & sine dolore. Id omne erit, quod bruta se esse indicant.

1314. NOTA. *Intrinseca sensibilitas* infinite in diversis sensitivarum potentiarum speciebus variari poterit; ut & intellectiva in diversis intellectivarum potentiarum speciebus infinite variari potest.

Nihil indicat, eundem intellectivitatis gradum inesse animæ humanæ ac diversis spiritibus, quos generico angelorum nomine nuncupamus. Nihil quoque indicat, eundem inesse sensibilitatis gradum sensitivo hominis, ac bruti principio; vel unius, & alterius brutorum speciei sensitivo principio.

*Sensitivum leonis principium* a talpæ, aut lumbrici sensitivo principio sensibilitatis gradu differre potest, quantum quercus ab arbusto, aut ab herba volumine differt.

1315. ASSERTIO II. *Imagines, quæ bruto-*  
rum

*rum sensationes comitantur , potentiam intellectivam in illis non indicant .* Possunt enim imagines hæ in bruto haberi , etsi omni intelligentiæ , judicii , rationis munere sit destitutum .

I. Quum hortum elegantibus areolis distinctum , aut arcem propugnaculis munitam intueor , intimam horum objectorum , & mentalem sensationem habeo , quam sensibiles horum objectorum imagines comitantur . In his nondum sum *potentia intelligens* ; si enim potentia essem tantum sensitiva , intelligentia omni , & ratione destitutus , adhuc easdem sensationes , & imagines haberem .

Verosimillimum est , canem , qui mihi comes est , eadem inspicientem easdem sensationes , & imagines habere ; visus enim organa habet meis valde similia , & ipsi *principium sensitivum* inest , quod immateriali , & sensitiva substantia sua immateriales intimas impressiones admittere potest materialibus lucis in oculum reflexæ impressionibus respondentes . In his omnibus nullam canis intelligentiam indicat ; si vero potentia intima has tantum sensationes , & imagines habet , non est potentia intellectiva .

II. Ex hac horti , & artis sensatione , & imagine in mea sensitiva potentia existente ; suarum diversarum partium harmoniam considero : earum dispositionem laudo , aut improbo , earum munera , & finem detego . Objecta hæc cum aliis , quorum ideam habeo , confero ; & quod video , perfectius , aut deterius judico iis , quæ vidi , aut imaginor . Judico quoque , aquam , quam ab horti concha assurgere video , a superiori receptaculo deduci ; tormenta , quæ in arcis propugnaculis sunt , me enecatura , si tali loco cum exercitu obsidionem iniens me sisterem ; ceteraque hujusmodi . In his non amplius *potentia tantum sensitiva* sum : incipio jam esse potentia intellectiva .

Si canis comes nihil habet , præter sensationes ,

nes, & imagines, quas & ipse habeo, ut re ipsa eas illum tantum habere omnia indicant, nec ullam habet animadversionem, nullum iudicium facit, nihil ratione infert, aut statuit de suarum sensationum, & imaginum objectis; patet, canem esse potentiam tantum sensitivam, nullo modo intellectivam.

1316. ASSERTIO III. *Brutorum opera intellectivam potentiam in illis non indicant.* Nihil enim indicat, a potentia tantum sensitiva hæc opera prodire non posse; omnia e contra indicant, hisce operibus *potentiam tantum sensitivam* præesse.

Si brutorum opera potentia intellectiva dirigeret, bruta experientia, & animadversione erudita non semper idem opus facerent. Altero opere ex parte saltem vitia illa vitarent, quibus primum simile opus ruinam passum est. Augerentur, & perficerentur eorum cognitiones; & infortunium, quod in eorum operationibus semel occurrit, ut imposterum illud præcaverent bruta erudiret. At experientia videmus, nihil horum in brutorum operibus inveniri. (1050, & 1297).

1317. ASSERTIO IV. *Memoria brutorum potentiam intellectivam in iis non indicat:* hæc enim brutorum memoria esse potest tantum, imo tantum re ipsa est *sensatio imminuta, & extenuata*; at sensatio necessarium non est potentia intelligentis indicium (1315).

Homo *memoria sensationis, & memoria intelligentia* donatus est. Prima illi perceptiones sensus physici in mentem revocat; altera suas animadversiones, sua iudicia, sua ratiocinia, suas meditationes, suas voluptates, & suas morales ordinis molestias illi in mentem revocat (508, & 1174).

In brutis aliquando memoria sensationis elucet, nunquam intelligentia (1338).

1318. ASSERTIO V. *Brutorum astutia, & stra-*

*stratagemata sive quum aggrediuntur, sive quum vim repellunt, substantiam intellectivam in iis non indicant; nihil enim indicat ad ea quidpiam requiri, præter voluptatis, doloris, timoris impressiones, nulla in his adhibita intelligentia; ut in iis occasio habeatur, qua ea omnia peragant, quæ sive ad alia bruta aggredienda, sive ut se tueantur ab ipsis fiunt.*

Inter bruta nullum fortasse scimio magis indusrium, & si ita loqui fas est, ingeniosum magis. At vel ex unica observatione, num in hoc bruto vel minimus intelligentiæ radius argui possit, judicemus.

Ut scimios capiant barbari Americæ, atque Africæ populi agmine instructo discordibus tympanis, rudibusque aliis musicis instrumentis crepitantes, ac versicolorata vexilla agitantes sylvas petunt scimiorum domicilia.

Accurrunt undequaque certatim scimii, magnisque vocibus aliquando ad duo, aut tria milia propinquis arboribus insistent, unde Indorum tripudia spectare possint.

Indi ocreas gerunt, quas sæpius exuunt, atque induunt insipientibus scimiiis, hac illac temere cursitant ocreis induti, & vexilla agitantes: post hæc recedunt, & nonnulla parva vexilla, ac plurimas parvas ocreas intus visco inunctas, aut laqueis munitas humi projectas relinquunt.

Statim ac barbari recesserunt, scimii imitatores ab arboribus desiliunt, parvas ocreas ibi abjectas arripiunt, pro iis decertant, eas induunt; nec eorum, qui primi capiuntur exemplo, ut insidias evitent commoventur.

Redeunt barbari. Scimii ocreas induti capiuntur: ceteri fugiunt. Paucos post dies eadem barbari insidias parant; & iterum scimii alii capiuntur.

Nulla igitur in his brutis intelligentia, aut ratio est; si enim vel minima esset, quæ indi-

tum sensitivam videri satis esse ad ea omnia phænomena præstanda, quæ in brutis observamus; hæc enim omnia sensationes tantum exhibent voluptatis, aut doloris materialia objecta respicientes, & motus quosdam locales a mechanicæ legibus non directos.

IV. Certum est, *principium sensitivum*, quo bruta animantur, eas tantum essentielles, & præcipuas proprietates habere, quas in illo diversæ ejus operationes enunciant; *nullus enim in natura effectus est, sine causa, neque causa ulla sine effectu.*

Atqui brutorum operationes *substantiam immaterialem sensu præditam* in illis enunciant, non vero spirituales substantiam intelligentiam, & ratione donatam. Ergo brutis præter corpus organicum inest *substantia media inter spiritum, & materiam*, immaterialis, facultate sensitiva prædita, & intellectiva carens. Q. E. D.

#### PRIMÆ HUIUS SECTIONIS SYNOPSIS.

Ex hæcenus traditis, ac demonstratis de anima brutorum hæc corollaria consequuntur.

1300. COROLLARIUM<sup>1</sup>. *Essentialis similitudo, & essentialis diversitas datur inter hominis, & brutorum animam.* Quod non naturæ identitatem ullam, sed veram, atque perfectam inter binas has substantias *natura alteritatem* indicat; una itaque non est altera; at una nonnullas alterius proprietates eminenter habere potest.

I. *Similitudo* in hoc sita est, quod utraque intimas sensationes experiri potest materialium objectorum præsentiam, & sensibiles qualitates respicientes; quod utraque veras voluptatis, & doloris sensationes habere potest ex materialium objectorum diversis impressionibus in diversa utriusque organa, quæ ipsæ animant.

II.

II. *Diversitas* in hoc sita est, quod alterius facultates semper in sensationibus sistunt, nunquam ad intelligentiam pertingunt; alterius vero facultates & intelligentiam, & sensationem complectuntur.

1301. COROLLARIUM II. *Anima brutorum, ut & humana, non nisi vera creatione existere potest.* Quum enim natura immaterialis sit, a materia, aut ab ejus modificationibus extrahi nequit, in qua neque formaliter, neque virtualiter existit (263, & 1054).

1302. COROLLARIUM III. *Anima brutorum, ut & humana, dissolutione, aut decompositione perire nequit.* Quum enim sit substantia immaterialis, partibus materialibus per accidens conjunctis, & per accidens separabilibus non constat; omnia vero indicant, substantiam esse in specie sua simplicem, nulla partium compositione conflata; uti & anima humana substantia est omnino simplex in specie sua, & ab omni partium compositione aliena (1057).

1303. COROLLARIUM IV. *Anima brutorum, qua dissolutione perire nequit, annihilatione perire potest.* Omnis enim ejus finis ad corpus, cui conjuncta est; animandum limitatus videtur, & ad quandam intimarum sensationum seriem percipiendam a materialium organorum ministerio pendentium; præterea cum cujusvis intellectualis cognitionis, ac sensus intellectualis incapax sit; tunc nullum amplius in natura finem habere videtur, quum nullum illi amplius sit corpus animandum.

Unicus finis, quem brutorum anima, corpore organico dissoluto, habere posset, esset, ut ad aliud ejusdem naturæ corpus animandum esset destinata; juxta vetus metempsychosæos (a)

fy-

---

(a) ETYMOLOGIA μεταψυχως, animarum ab uno ad aliud corpus transmigratio. Αμετα, trans, ab ἐν in, & a ψυχή anima.

systema, quod ad bruta limitatum absurdum non demonstratur, etsi nihil sit, unde probabile videatur.

1304. *NOTA.* *Metempsychosis* præcipuum erat scholæ Pythagoricæ dogma, quod Pythagoras ab Indis Brachmanibus mutuatus erat: porro doctrina hæc apud Indos, & Sinenses etiam per hos dies admodum diffusa est.

I. Juxta tum veteres, tum recentiores metempsychoseos assertores animæ hominum, & brutorum nihil natura diversæ sunt.

Anima obscuri hominis, at virtutibus ornati, soluto corpore, quod animat, ad aliud humanum corpus animandum est destinata: fiet vero anima viri principis, aut regis, pro majori, minorique virtutis gradu.

Anima hominis vitiis turpis, corpore, quod animat, dissoluto, ad bruti alicujus magis, minusve immundi, & miseri corpus animandum est destinata, pro criminum suorum merito, ut tandem post datum transmigrationum numerum in aliud humanum corpus transeat (1056).

II. Pater, metempsychoseos sententiam generatim sumptam fabulosam esse, chymæricam, ridiculam, fanæ philosophiæ, & ipsi naturali rationi repugnantem. Anima brutorum nihil unquam natura animæ humanæ commune habuit, aut habitura est (1047; & 1299).

At si metempsychoseos sententiam ad bruta, eaque ejusdem speciei contrahamus, & si cuique brutorum speciei animam supponamus hujus ipsius speciei propriam, & ab humana omnino diversam, nihil omnino absurdi metempsychoseos hypothesis præferet.

Quid enim absurdi habebitur, si supponamus exempli gratia, Deum cervi modo enecati animam non destuere, sed pro anima, quæ creanda esset, ut cervæ jam prægnantis fœtus animaretur, interfecti cervi animam fœtui huic

tri-



tribuere? Idem porro de ceteris brutorum speciebus dici poterit.

1305. COROLLARIUM V. *Anima brutorum, ut & humana, sedem habet in præcipua aliqua parte corporis, quod animat; eadem enim rationes, quæ ostendunt, humanam animam non esse in universo humano corpore diffusam, ostendent quoque, leonis, tauri, ovis, aquilæ, columbæ animam toto horum animalium corpore non esse diffusam.*

Quare verosimillimum est, in cerebro sedem brutorum animæ sitam esse in speciebus omnibus, in quibus pars hæc corporis organica habetur; in speciebus vero cerebro carentibus; si tamen hujusmodi species dantur, sedem animæ in præcipua aliqua corporis parte organica esse positam, ubi aptius anima diversas materialium organorum impressiones admittere possit; & universo animali machinamento varios motus indere, quos animalis natura, & finis postulet ( 1062, & 1263 ).

1306. COROLLARIUM VI. *Anima brutorum substantia est essentia ipsa indivisibilis. Est enim substantia immaterialis; quam absurdum esset in binas, in trinas partes, aut in alias divisam supponere. Quare,*

I. Quum vermis, aut serpens, exempli causa, bitariam secatur, non animantis hujus animæ dividitur, quæ tota in ea, parte est, in qua ejus sedes est; neque præcipua hæc pars vitari, aut dividi potest, quin animal enecetur, seu quin animæ corpori conjunctio, a qua ejus vita pendet, dissolvatur.

II. Motus aliquandiu insecti vermis, aut serpentis partibus perseverans, animæ sectionem non indicat, in alterutra enim saltem parte motus hic non nisi mechanicus est, a residua quadam, & magis, minusve duratura sanguinis, humorum, nervorum, fibrarum, spirituum vitalium agitatione profectus.

III.

III. Si re ipsa in natura daretur species aliqua animalis, quæ bissecta in utraque sectione vere, & permanenter viveret, quod neutiquam verisimile est; ideo hoc esset, quia quodvis hujus speciei *individuum* ratione peculiaris suæ organicæ structuræ *duplici*, *individuo* æquivaleret, in quo duplex anima tum ante, tum post partium divisionem haberetur.

1307. COROLLARIUM VII. Anima brutorum, ut & humana, nulli intimæ augmenti, aut decrementi vicissitudini obnoxia est. Quum enim immaterialis sit, nihil a materiæ influxu aut adipisci, aut amittere potest; materia enim non est nisi causa occasionalis magis minusque opportuna suarum operationum.

1308. COROLLARIUM VIII. *In brutis, ut in homine, ex Dei decreto mutua est inter animam, & corpus dependentia.* Hæc enim æque in brutis, ac in homine apparet; neque haberi potest, nisi libero, & efficaci Dei decreto, quod generica, & permanens naturæ lex sit omnibus animalium speciebus (1061, & 1075).

1309. COROLLARIUM IX. *Anima brutorum, ut & humana, non est causa efficiens neque suarum sensationum voluptatis, & doloris, quas in intima sua substantia experitur; neque variorum motuum, quos in corpore a se animato excitat.* Quæ siquidem rationes probant, animam humanam potentiam esse tantum passivam in suis sensationibus, & causam tantum occasionalem motuum, quos in corpore excitat, cui conjuncta est; eædem æque probant, & quidem potiori jure, brutorum animam in potentia sua sensitiva tantum passivam esse; & in sua potentia motrice causam esse tantum occasionalem.

I. Brutorum anima sensationes experitur voluptatis, & doloris, non tamen in ejus potestate est, ut eas sibi comparet, quibus oblectatur,

tur, eas evitet, quibus angitur; et si sæpius in ejus potestate sit causam occasionalem ponere, quæ has excitabit, illas extinguet.

Anima brutorum varios corpori, quod animat, motus indit, quorum aliqui voluntarii videntur, non tamen proinde liberi sunt (1100 & 1106).

At quoniam nulla in ipsa vis concipitur, qua in organa materialia agere possit, nec ullam certe habet mechanicæ horum organorum structuræ cognitionem: patet, non esse, nec esse posse nisi causam occasionalem variorum motuum, quos in ipso excitat, & quorum illa vera causa physica est (272, & 1223).

1310. COROLLARIUM X. *In brutis, ut in homine, fluidum animale videtur esse præcipua & sensus, & motus causa physica.* Æque enim in brutis magis nobis notis, ac in homine, fluidum hoc eadem habet principia physica, easdem officinas, tubos, receptacula eadem; si vero fluidum hoc respectu sensitivæ, & motricis animæ facultatis consideretur, eadem in bruto, ac in homine munera sortitum esse videtur (1248, & 1249):

## S E C T I O II.

### POTENTIÆ ANIMÆ BRUTORUM.

1311. OBSERVATIO. **EX** brutorum operationibus rite perpensis demonstratum est, & bruta præter corpus organicum immateriali substantia instructa esse, quæ eorum anima est, quæque nec spiritus est, nec materia.

At vero quænam hujus brutorum animæ facultates, seu potentiæ sunt? *substantia* hujus, inquam, *media* materiam inter, & spiritum? Inest ne illi, ut animæ humanæ, *potentia in-*

*intellectiva*, *potentia affectiva*? hoc qua majori brevitate fieri poterit definire pergimus.

**BRUTA POTENTIA INTELECTIVA  
DESTITUTA SUNT.**

1312. OBSERVATIO. Omnia in homine *intellectivam potentiam* indicant; nihil hujusmodi potentiam in brutis indicat. Ut hoc ostendamus satis erit nonnullorum brutorum operationes ad trutinam revocare, eorum, inquam, brutorum, quæ magis intelligentiæ proxima, aut minus ab illa remota videntur.

1313. ASSERTIO I. *Brutorum sensationes potentiam intellectivam in illis non indicant.* Possunt enim in potentia tantum sensitiva, (quæ re ipsa haberi potest) hæ sensationes existere (1296).

Ponamus dari potentiam hanc sensitivam tantum, nullo pacto intellectivam. Sensationes experietur voluptatis, & doloris, aliasque sine voluptate, & sine dolore. Id omne erit, quod bruta se esse indicant.

1314. NOTA. *Intrinseca sensibilitas* infinite in diversis sensitivarum potentiarum speciebus variari poterit; ut & intellectiva in diversis intellectivarum potentiarum speciebus infinite variari potest.

Nihil indicat, eundem intellectivitatis gradum inesse animæ humanæ ac diversis spiritibus, quos generico angelorum nomine nuncupamus. Nihil quoque indicat, eundem inesse sensibilitatis gradum sensitivo hominis, ac bruti principio; vel unius, & alterius brutorum speciei sensitivo principio.

*Sensitivum leonis principium* a talpæ, aut lumbrici sensitivo principio sensibilitatis gradu differre potest, quantum quercus ab arbusto, aut ab herba volumine differt.

1315. ASSERTIO II. *Imagines, quæ bruto-*

1477

*rum sensationes comitantur , potentiam intellectivam in illis non indicant .* Possunt enim imagines hæc in bruto haberi , etsi omni intelligentiæ , judicii , rationis munere sit destitutum .

I. Quum hortum elegantibus areolis distinctum , aut arcem propugnaculis munitam intueor , intimam horum objectorum , & mentalem sensationem habeo , quam sensibiles horum objectorum imagines comitantur . In his nondum sum *potentia intelligens* ; si enim potentia essem tantum sensitiva , intelligentia omni , & ratione destitutus , adhuc easdem sensationes , & imagines haberem .

Verosimillimum est , canem , qui mihi comes est , eadem inspicientem easdem sensationes , & imagines habere ; visus enim organa habet meis valde similia , & ipsi *principium sensitivum* inest , quod immateriali , & sensitiva substantia sua immateriales intimas impressiones admittere potest materialibus lucis in oculum reflexæ impressionibus respondentes . In his omnibus nullam canis intelligentiam indicat ; si vero potentia intima has tantum sensationes , & imagines habet , non est potentia intellectiva .

II. Ex hac horti , & arcis sensatione , & imagine in mea sensitiva potentia existente ; suarum diversarum partium harmoniam considero : earum dispositionem laudo , aut improbo , earum munera , & finem detego . Objecta hæc cum aliis , quorum ideam habeo , confero ; & quod video , perfectius , aut deterius judico iis , quæ vidi , aut imaginor . Judico quoque , aquam , quam ab horti concha assurgere video , a superiori receptaculo deduci ; tormenta , quæ in arcis propugnaculis sunt , me enecatura , si tali loco cum exercitu obsidionem iniens me sisterem ; ceteraque hujusmodi . In his non amplius *potentia tantum sensitiva* sum : incipio jam esse potentia intellectiva .

Si canis comes nihil habet , præter sensationes ,

nes, & imagines, quas & ipse habeo, ut re ipsa eas illum tantum habere omnia indicant, nec ullam habet animadversionem, nullum iudicium facit, nihil ratione infert, aut statuit de suarum sensationum, & imaginum objectis; patet, canem esse potentiam tantum sensitivam, nullo modo intellectivam.

1316. ASSERTIO III. *Brutorum opera intellectivam potentiam in illis non indicant.* Nihil enim indicat, a potentia tantum sensitiva hæc opera prodire non posse; omnia e contra indicant, hisce operibus *potentiam tantum sensitivam* præesse.

Si brutorum opera potentia intellectiva dirigeret, bruta experientia, & animadversione erudita non semper idem opus facerent. Altero opere ex parte saltem vitia illa vitarent, quibus primum simile opus ruinam passum est. Augerentur, & perficerentur eorum cognitiones; & infortunium, quod in eorum operationibus semel occurrit, ut imposterum illud præcaverent bruta erudiret. At experientia videmus, nihil horum in brutorum operibus inveniri (1050, & 1297).

1317. ASSERTIO IV. *Memoria brutorum potentiam intellectivam in iis non indicat:* hæc enim brutorum memoria esse potest tantum, imo tantum re ipsa est *sensatio imminuta, & extenuata*; at sensatio necessarium non est potentia intelligentis indicium (1315).

Homo *memoria sensationis, & memoria intelligentia* donatus est. Prima illi perceptiones sensus physici in mentem revocat; altera suas animadversiones, sua iudicia, sua ratiocinia, suas meditationes, suas voluptates, & suas morales ordinis molestias illi in mentem revocat (508, & 1174).

In brutis aliquando memoria sensationis elucet, nunquam intelligentia (1338).

1318. ASSERTIO V. *Brutorum astutia, & fra-*

*stratagemata sive quum aggrediuntur, sive quum vim repellunt, Substantiam intellectivam in iis non indicant; nihil enim indicat ad ea quidpiam requiri, præter voluptatis, doloris, timoris impressiones, nulla in his adhibita intelligentia; ut in iis occasio habeatur, quæ ea omnia peragant, quæ sive ad alia bruta aggredienda, sive ut se tueantur ab ipsis fiunt.*

Inter bruta nullum fortasse scimio magis indusrium, & si ita loqui fas est, ingeniosum magis. At vel ex unica observatione, num in hoc bruto vel minimus intelligentiæ radius argui possit, judicemus.

Ut scimios capiant barbari Americæ, atque Africæ populi agmine instructo discordibus tympanis, rudibusque aliis musicis instrumentis crepitantes, ac versicolorata vexilla agitantes sylvas petunt scimiorum domicilia.

Accurrunt undequaque certatim scimii, magnisque vocibus aliquando ad duo, aut tria milia propinquis arboribus insistent, unde Indorum tripudia spectare possint.

Indi ocreas gerunt, quas sæpius exuunt, atque induunt insipientibus scimiis, hac illac temere cursitant ocreis induti, & vexilla agitantes: post hæc recedunt, & nonnulla parva vexilla, ac plurimas parvas ocreas intus visco inunctas, aut laqueis munitas humi projectas relinquunt.

Statim ac barbari recesserunt, scimii imitatores ab arboribus desiliunt, parvas ocreas ibi abjectas arripiunt, pro iis decertant, eas induunt; nec eorum, qui primi capiuntur exemplo, ut insidias evitent commoventur.

Redeunt barbari. Scimii ocreas induti capiuntur: ceteri fugiunt. Paucos post dies eadem barbari insidias parant; & iterum scimii alii capiuntur.

Nulla igitur in his brutis intelligentia, aut ratio est; si enim vel minima esset, quæ indi-

tum sensitivam videri satis esse ad ea omnia phænomena præstanda, quæ in brutis observamus; hæc enim omnia sensationes tantum exhibent voluptatis, aut doloris materialia objecta respicientes, & motus quosdam locales a mechanicæ legibus non directos.

IV. Certum est, *principium sensitivum*, quo bruta animantur, eas tantum essentielles, & præcipuas proprietates habere, quas in illo diversæ ejus operationes enunciant; *nullus enim in natura effectus est, sine causa, neque causa ulla sine effectu.*

Atqui brutorum operationes *substantiam immaterialem sensu præditam* in illis enunciant, non vero spirituales substantiam intelligentia, & ratione donatam. Ergo brutis præter corpus organicum inest *substantia media inter spiritum, & materiam*, immaterialis, facultate sensitiva prædita, & intellectiva carens. Q. E. D.

#### PRIMÆ HUIUS SECTIONIS SYNOPSIS.

Ex hætenus traditis, ac demonstratis de anima brutorum hæc corollaria consequuntur.

1300. COROLLARIUM I. *Essentialis similitudo, & essentialis diversitas datur inter hominis, & brutorum animam.* Quod non naturæ identitatem ullam, sed veram, atque perfectam inter binas has substantias *natura alteritatem* indicat; una itaque non est altera; at una nonnullas alterius proprietates eminenter habere potest.

I. *Similitudo* in hoc sita est, quod utraque intimas sensationes experiri potest materialium objectorum præsentiam, & sensibiles qualitates respicientes; quod utraque veras voluptatis, & doloris sensationes habere potest ex materialium objectorum diversis impressionibus in diversa utriusque organa, quæ ipsæ animant.



II. *Diversitas* in hoc sita est, quod alterius facultates semper in sensationibus sistunt, nunquam ad intelligentiam pertingunt; alterius vero facultates & intelligentiam, & sensationem complectuntur.

1301. COROLLARIUM II. *Anima brutorum, ut & humana, non nisi vera creatione existere potest.* Quum enim natura immaterialis sit, a materia, aut ab ejus modificationibus extrahi nequit, in qua neque formaliter, neque virtualiter existit (263, & 1054).

1302. COROLLARIUM III. *Anima brutorum, ut & humana, dissolutione, aut decompositione perire nequit.* Quum enim sit substantia immaterialis, partibus materialibus per accidens conjunctis, & per accidens separabilibus non constat; omnia vero indicant, substantiam esse in specie sua simplicem, nulla partium compositione conflata; uti & anima humana substantia est omnino simplex in specie sua, & ab omni partium compositione aliena (1057).

1303. COROLLARIUM IV. *Anima brutorum, qua dissolutione perire nequit, annihilatione perire potest.* Omnis enim ejus finis ad corpus, cui conjuncta est; animandum limitatus videtur, & ad quandam intimarum sensationum seriem percipiendam a materialium organorum ministerio pendentium; præterea cum cujusvis intellectualis cognitionis, ac sensus intellectualis incapax sit; tunc nullum amplius in natura finem habere videtur, quum nullum illi amplius sit corpus animandum.

Unicus finis, quem brutorum anima, corpore organico dissoluto, habere posset, esset, ut ad aliud ejusdem naturæ corpus animandum esset destinata; juxta vetus metempsychoseos (a)

fy-

(a) ETYMOLOGIA μεταψυχωσις, animarum ab uno ad aliud corpus transmigratio. Μετα, trans, ab ἐν in, & a ψυχή anima.

systema, quod ad bruta limitatum absurdum non demonstratur, etsi nihil sit, unde probabile videatur.

1304. *NOTA.* *Metempsychosis* præcipuum erat scholæ Pythagoricæ dogma, quod Pythagoras ab Indis Brachmanibus mutuatus erat: porro doctrina hæc apud Indos, & Sinenses etiam per hos dies admodum diffusa est.

I. Juxta tum veteres, tum recentiores metempsychoseos assertores animæ hominum, & brutorum nihil natura diversæ sunt.

Anima obscuri hominis, at virtutibus ornati, soluto corpore, quod animat, ad aliud humanum corpus animandum est destinata: fiet vero anima viri principis, aut regis, pro majori, minorique virtutis gradu.

Anima hominis vitiis turpis, corpore, quod animat, dissoluto, ad bruti alicujus magis, minusve immundi, & miseri corpus animandum est destinata, pro criminum suorum merito, ut tandem post datum transmigrationum numerum in aliud humanum corpus transeat (1056).

II. Patet, metempsychoseos sententiam generatim sumptam fabulosam esse, chymæricam, ridiculam, sanæ philosophiæ, & ipsi naturali rationi repugnantem. Anima brutorum nihil unquam natura animæ humanæ commune habuit, aut habitura est (1047; & 1299).

At si metempsychoseos sententiam ad bruta, eaque ejusdem speciei contrahamus, & si cuique brutorum speciei animam supponamus hujus ipsius speciei propriam, & ab humana omnino diversam, nihil omnino absurdi metempsychoseos hyporthesis præferet.

Quid enim absurdi habebitur, si supponamus exempli gratia, Deum cervi modo enecati animam non destuere, sed pro anima, quæ creanda esset, ut cervæ jam prægnantis foetus animaretur, intersecti cervi animam foetui huic

tri-

tribuere? Idem porro de ceteris brutorum speciebus dici poterit.

1305. COROLLARIUM V. *Anima brutorum, ut & humana, sedem habet in præcipua aliqua parte corporis, quod animat; eædem enim rationes, quæ ostendunt, humanam animam non esse in universo humano corpore diffusam, ostendent quoque, leonis, tauri, ovis, aquilæ, columbæ animam toto horum animalium corpore non esse diffusam.*

Quare verosimillimum est, in cerebro sedem brutorum animæ sitam esse in speciebus omnibus, in quibus pars hæc corporis organica habetur; in speciebus vero cerebro carentibus; si tamen hujusmodi species dantur, sedem animæ in præcipua aliqua corporis parte organica esse positam, ubi aptius anima diversas materialium organorum impressiones admittere possit; & universo animali machinamento varios motus indere, quos animalis natura, & finis postulet ( 1062, & 1263 ).

1306. COROLLARIUM VI. *Anima brutorum substantia est essentia ipsa indivisibilis. Est enim substantia immaterialis; quam absurdum esset in binas, in trinas partes, aut in alias divisam supponere. Quare,*

I. Quum vermis, aut serpens, exempli causa, bitariam secatur, non animantis hujus animæ dividitur, quæ tota in ea, parte est, in qua ejus sedes est; neque præcipua hæc pars vitiari, aut dividi potest, quin animal enecetur, seu quin animæ corpori conjunctio, a qua ejus vita pendet, dissolvatur.

II. Motus aliquandiu in secti vermis, aut serpentis partibus perseverans, animæ sectionem non indicat, in alterutra enim saltem parte motus hic non nisi mechanicus est, a residua quadam, & magis, minusve duratura sanguinis, humorum, nervorum, fibrarum, spirituum vitalium agitatione profectus.

III. Si re ipsa in natura daretur species aliqua animalis, quæ bissecta in utraque sectione vere, & permanenter viveret, quod neutiquam verisimile est; ideo hoc esset, quia quodvis hujus speciei *individuum* ratione peculiaris suæ organicæ structuræ *duplici*, *individuo* æquivaleret, in quo duplex anima tum ante, tum post partium divisionem haberetur.

1307. COROLLARIUM VII. Anima brutorum, ut & humana, nulli intimæ augmenti, aut decrementi vicissitudini obnoxia est. Quum enim immaterialis sit, nihil a materiæ influxu aut adipisci, aut amittere potest; materia enim non est nisi causa occasionalis magis minusque opportuna suarum operationum.

1308. COROLLARIUM VIII. *In brutis, ut in homine, ex Dei decreto mutua est inter animam, & corpus dependentia.* Hæc enim æque in brutis, ac in homine apparet; neque haberi potest, nisi libero, & efficaci Dei decreto, quod generica, & permanens naturæ lex sit omnibus animalium speciebus (1061, & 1075).

1309. COROLLARIUM IX. *Anima brutorum, ut & humana, non est causa efficiens neque suarum sensationum voluptatis, & doloris, quas in intima sua substantia experitur; neque variorum motuum, quos in corpore a se animato excitat.* Quæ siquidem rationes probant, animam humanam potentiam esse tantum passivam in suis sensationibus, & causam tantum occasionalem motuum, quos in corpore excitat, cui conjuncta est; eadem æque probant, & quidem potiori jure, brutorum animam in potentia sua *sensitiva* tantum passivam esse; & in sua potentia *motrice* causam esse tantum occasionalem.

I. Brutorum anima sensationes experitur voluptatis, & doloris, non tamen in ejus potestate est, ut eas sibi comparet, quibus oblectatur,

tur, eas evitet, quibus angitur; et si sæpius in ejus potestate sit causam occasionalem ponere, quæ has excitabit, illas extinguet.

Anima brutorum varios corpori, quod animat, motus indit, quorum aliqui voluntarii videntur, non tamen proinde liberi sunt (1100 & 1106).

At quoniam nulla in ipsa vis concipitur, qua in organa materialia agere possit, nec ullam certe habet mechanicæ horum organorum structuræ cognitionem: patet, non esse, nec esse posse nisi causam occasionalem variorum motuum, quos in ipso excitat, & quorum illa vera causa physica est (272, & 1223).

1310. COROLLARIUM X. *In brutis, ut in homine, fluidum animale videtur esse præcipua & sensus, & motus causa physica.* Aequè enim in brutis magis nobis notis, ac in homine, fluidum hoc eadem habet principia physica, easdem officinas, tubos, receptacula eadem; si vero fluidum hoc respectu sensitivæ, & motricis animæ facultatis consideretur, eadem in bruto, ac in homine munera sortitum esse videtur (1248, & 1249):

## S E C T I O II.

### POTENTIÆ ANIMÆ BRUTORUM.

1311. OBSERVATIO. **EX** brutorum operationibus rite perpenſis demonstratum est, & bruta præter corpus organicum immateriali substantia instructa esse, quæ eorum anima est, quæque nec spiritus est, nec materia.

At vero quænam hujus brutorum animæ facultates, seu potentiæ sunt? *substantia* hujus, inquam, *media* materiam inter, & spiritum? Inest ne illi, ut animæ humanæ, *potentia in-*

338     *Theoria anima brutorum.*  
*Intellectiva, potentia affectiva?* hoc qua majori  
brevitate fieri poterit definire pergimus.

**BRUTA POTENTIA INTELECTIVA  
DESTITUTA SUNT.**

1312. OBSERVATIO. Omnia in homine *intellectivam potentiam* indicant; nihil hujusmodi potentiam in brutis indicat. Ut hoc ostendamus satis erit nonnullorum brutorum operationes ad trutinam revocare, eorum, inquam, brutorum, quæ magis intelligentiæ proxima, aut minus ab illa remota videntur.

1313. ASSERTIO I. *Brutorum sensationes potentiam intellectivam in illis non indicant.* Possunt enim in potentia tantum sensitiva, (quæ re ipsa haberi potest) hæ sensationes existere (1296).

Ponamus dari potentiam hanc sensitivam tantum, nullo pacto intellectivam. Sensationes experietur voluptatis, & doloris, aliasque sine voluptate, & sine dolore. Id omne erit, quod bruta se esse indicant.

1314. NOTA. *Intrinsæca sensibilitas* infinite in diversis sensitivarum potentiarum speciebus variari poterit; ut & intellectiva in diversis intellectivarum potentiarum speciebus infinite variari potest.

Nihil indicat, eundem intellectivitatis gradum inesse animæ humanæ ac diversis spiritibus, quos generico angelorum nomine nuncupamus. Nihil quoque indicat, eundem inesse sensibilitatis gradum sensitivo hominis, ac bruti principio; vel unius, & alterius brutorum speciei sensitivo principio.

*Sensitivum leonis principium* a talpæ, aut lumbrici sensitivo principio sensibilitatis gradu differre potest, quantum quercus ab arbusto, aut ab herba volumine differt.

1315. ASSERTIO II. *Imagines, quæ brutorum*

rum sensationes comitantur , potentiam intellectivam in illis non indicant . Possunt enim imagines hæ in bruto haberi , etsi omni intelligentiæ , judicii , rationis munere sit destitutum .

I. Quum hortum elegantibus zœolis distinctum , aut arcem propugnaculis munitam intueor , intimam horum objectorum , & mentalem sensationem habeo , quam sensibiles horum objectorum imagines comitantur . In his nondum sum *potentia intelligens* ; si enim potentia essem tantum sensitiva , intelligentia omni , & ratione destitutus , adhuc easdem sensationes , & imagines haberem .

Verosimillimum est , canem , qui mihi comes est , eadem inspicientem easdem sensationes , & imagines habere ; visus enim organa habet meis valde similia , & ipsi *principium sensitivum* inest , quod immateriali , & sensitiva substantia sua immateriales intimas impressiones admittere potest materialibus lucis in oculum reflexæ impressionibus respondentes . In his omnibus nullam canis intelligentiam indicat ; si vero potentia intima has tantum sensationes , & imagines habet , non est potentia intellectiva .

II. Ex hac horti , & arcis sensatione , & imagine in mea sensitiva potentia existente ; suarum diversarum partium harmoniam considero : earum dispositionem laudo , aut improbo , earum munera , & finem detego . Objecta hæc cum aliis , quorum ideam habeo , confero ; & quod video , perfectius , aut deterius judico iis , quæ vidi , aut imaginor . Judico quoque , aquam , quam ab horti concha assurgere video , a superiori receptaculo deduci ; tormenta , quæ in arcis propugnaculis sunt , me enecatura , si tali loco cum exercitu obsidionem iniens me sisterem ; ceteraque hujusmodi . In his non amplius *potentia tantum sensitiva* sum : incipio jam esse potentia intellectiva .

Si canis comes nihil habet , præter sensationes ,

*stratagemata sive quum aggrediuntur, sive quum vim repellunt, substantiam intellectivam in iis non indicant; nihil enim indicat ad ea quidpiam requiri, præter voluptatis, doloris, timoris impressiones, nulla in his adhibita intelligentia; ut in iis occasio habeatur, qua ea omnia peragant, quæ sive ad alia bruta aggredienda, sive ut se tueantur ab ipsis fiunt.*

Inter bruta nullum fortasse scimio magis indusium, & si ita loqui fas est, ingeniosum magis. At vel ex unica observatione, num in hoc bruto vel minimus intelligentiæ radius argui possit, judicemus.

Ut scimios capiant barbari Americæ, atque Africæ populi agmine instructo discordibus tympanis, rudibusque aliis musicis instrumentis crepitantes, ac versicolorata vexilla agitantes sylvas petunt scimiorum domicilia.

Accurrunt undequaque certatim scimii, magnisque vocibus aliquando ad duo, aut tria milia propinquis arboribus insistent, unde Indorum tripudia spectare possint.

Indi ocreas gerunt, quas sæpius exuunt, atque induunt insipientibus scimiiis, hac illac temere cursitant ocreis induti, & vexilla agitantes: post hæc recedunt, & nonnulla parva vexilla, ac plurimas parvas ocreas intus visco inunctas, aut laqueis munitas humi projectas relinquunt.

Statim ac barbari recesserunt, scimii imitatores ab arboribus desiliunt, parvas ocreas ibi abjectas arripiunt, pro iis decertant, eas induunt; nec eorum, qui primi capiuntur exemplo, ut insidias evitent commoventur.

Redeunt barbari. Scimii ocreas induti capiuntur: ceteri fugiunt. Paucos post dies eadem barbari insidias parant; & iterum scimii alii capiuntur.

Nulla igitur in his brutis intelligentia, aut ratio est; si enim vel minima esset, quæ indi-



viduam sensationem excederet, profecto inferrent, quod hesternæ die ceteris exitio fuit, illud quoque ipsis hodie exitio futurum.

**POTENTIÆ AFFECTIVÆ LIMITES  
IN BRUTIS.**

1319. OBSERVATIO. Omnia in brutis, ut & in homine *potentiam affectivam* indicant, nempe amandi, & odio habendi facultatem; at non utrinque iisdem limitibus continetur.

I. In homine *potentia affectiva* ad physica, & ad moralia extenditur.

Boni physici persecutio, mali physici averfatio *potentiam intellectivam* in homine non ostenderent; posset enim persecutio hæc, & averfatio in potentia haberi tantum sensitiva.

Boni moralis amor, mali moralis odium *potentiam intellectivam* in homine ostendunt; hæc enim entia abstracta sunt, quæ a potentia tantum sensitiva attingi nequeunt.

Mater ex sola naturali propensione filium amare potest. In hoc nullum intelligentiæ suæ munus exercet.

Rex ordinem, & justitiam diligere, assentionem fugere, calumnias detestari, regni gloriam, subditorum felicitatem velle potest. In his *intelligentem potentiam* suam exercet, qua tantum moralium horum abstractorum bonorum bonum, & malum intelligibile noscere potest.

II. In brutis ad physica tantum, & sensibilia *potentia affectiva* extenditur; nunquam ad moralia, & intelligibilia tantum elevatur.

Canis, exempli causa, herum amore afficit; hujus enim aspectus, seu recordatio intimas in illo sensationes excitat, quæ ad herum amandum alliciunt.

At herum ita nullo discrimine canis persequitur sive probus sit, sive hominum pessimus, sive amari, sive odio haberi mereatur; nihil  
siqui.

liquidem cani sunt probitas, aut improbitas, virtus, aut vitium; quidquid enim physicum ordinem prætergreditur, & ad moralia, & intelligibilia spectat canis animam, pure sensitivam potentiam, afficere nequit.

**BRUTORUM VOLUNTAS:**

1320. OBSERVATIO. Bruta sane voluntatem habent; at quænam est hæc *brutorum voluntas*? est aut voluptatis sensatio, quæ illa trahit ad objectum sensibile; vel molestiæ sensatio, quæ illa ab alio sensibili objecto retrahit.

Nulla intelligentia eorum determinationes regit, nulla deliberatio illas præcedit, aut dirigit. Inter sensitivam objecti cognitionem, & hujus objecti prosecutionem, aut fugam nullum temporis intervallum intercedit, quo possit deliberatio fieri, aut libertas, si qua esset, exerceri.

Quare brutorum voluntas *nullam in iis intellectivam potentiam indicat*; est enim tantum cæcus instinctus, qui nulla investigatione, deliberatione, & animadversione nulla ad objectum trahit, aut ab objecto arceat.

Si vero aliquando inter utrumque hæerere videntur; hoc a pluribus oppositis impressionibus procedit, quæ in eorum potentia sensitiva invicem configunt, donec una cæteris prævaleat.

1321. NOTA. Quum nulla *in brutis* intelligentia sit, *nec ulla libertas est*. Si vero eorum voluntatem aliquando vincimus, ac regimus; hoc tantum mediis sensitivam potentiam afficientibus obtinemus, nunquam iis, quæ intellectivam potentiam afficere possunt.

## BRUTORUM INSTINCTUS.

1322. OBSERVATIO. *Brutorum instinctus* dicitur quidquid facultatum, & industriæ eorum animæ inest, ut Totius, cujus ipsa præcipua pars est, bonum assequatur.

Deus semper in operibus suis admirabilis, & hominum captum superans instinctum brutis indidit variis eorum speciebus atque individuis magis, minusque perfectum, quo finem suum assequi possint. At vero quid hic instinctus est in substantia, quæ nec materia est, neque spiritus, quæ sensus capax est, cogitationis, animadversionis, intelligentiæ incapax?

I. *Instinctus hic videtur esse naturalis dispositio quadam magis, minusque perfecta ad quosdam sensus, ac motus objectum respicientes aptum sensus afficere.*

Intelligentia lux quædam est animam illustrans, atque irradians, illique res, & rerum relationes indicans. Instinctus veluti tactus est diversas impressiones sentiens, aptus objecta sensibilia percipere, at insensibiles eorum relationes exhibere ineptus. Intelligentia objectum perpendit, de eoque judicat: instinctus ejus præsentiam tantum indicat, illudque percipere facit.

II. *Instinctus hic, sive tactus, seu naturalis ad quosdam sensus, & motus dispositio, videtur esse ad quadam objecta propensio, ab aliis aversio; prout illa individuo utilia, aut noxia in præsentia circumstantia sunt.*

III. *Hinc brutorum instinctus, quacumque eorum natura, aut organorum structura sit, nihil cum humana ratione commune habet.*

„ Humana ratio, inquit philosophus quidam  
 „ Anglus, a brutorum instinctu plurimum differt. Illa perpetuo perfectibilis magis,  
 „ magisque progreditur; alter cito efformatus  
 „ quid-

„ quidquid perfectionis assequi potest adeptus  
 „ est. Ratio lento gradu ad objectum suum fer-  
 „ tur: instinctus illud illico attingit. In bru-  
 „ tis individuum quodvis paucis diebus termi-  
 „ num speciei suæ statutum assequitur: ejus  
 „ boni mensura cito repleta est; & perfecta  
 „ ejus natura semper in eodem statu perseve-  
 „ rat: si per sæcula viverent bruta, non pro-  
 „ pterea plures cognitiones obtinerent; non ni-  
 „ si easdem actiones semper repeterent; neque  
 „ desideriorum, aut voluptatum species in illis  
 „ augeretur. Homo si quamdiu sol lucet vive-  
 „ ret, novas semper veritates addiscere, &  
 „ scientiam adhuc esuriens e vita cederet “.

1323. NOTA I. Brutis valde similem instin-  
 ctum & homines habent; hoc tamen summo  
 discrimine, quod *hominum instinctum semper in-*  
*telligentia comitatur, aut sequitur*, quæ illum  
 perpendit, atque considerat, cohibet, aut li-  
 bere exerceri sinit, approbat aut improbat; *in*  
*brutis vero instinctus semper potentia est caca,*  
*& necessaria*, principiis carens, quibus diriga-  
 tur, luce, qua illustretur, ratione, quæ judi-  
 cet, approbet, aut improbet.

1324. NOTA II. Mira sæpius *hoc instinctu*  
*bruta* operantur, in quibus aliqua *intelligentia*  
 saltem inferioris ordinis *vestigia* facile suspica-  
 remur.

At vero quum animadvertimus substantiam  
 intelligentem notas habere, quibus substantia  
 animæ brutorum caret; quum animadvertimus  
 instinctum hunc, cujus naturam, & vires non  
 nisi imperfectissime cognoscimus, effectus parere  
 posse, quos intelligentia nostra non assequa-  
 tur; facile intelligimus, nullo experimento,  
 nullaque observatione, aut ratione probari,  
 quod in brutorum operationibus mirum videtur  
 substantiæ naturæ spirituali esse tribuendum;  
 neque enim *substantia media* inter materiam  
 & spiritum inepta esse videtur, ut eorum prin-

cipium sit, aut subjectum (1315, & 1316).

Magnum profecto discrimen inter hominis vel maxime rudis, & bruti vel in specie sua perfectissimi operibus semper apparet. Ille intelligentiam semper indicat, hoc nunquam. Ille cogitationes suas perficit, ab una id aliam progreditur, mediorum cum fine nexum detegit, sensibilem, & insensibilem relationes percipit: nullum horum in bruto est (1050).

#### ENTIUM NEXUS, LEX CONTINUITATIS.

1325. OBSERVATIO. Nonnulli recentiores philosophi *entium nexum*, seu catenam vocant perpetuam perfectionum seriem ascendentem, & descendentem, quam in diversis entium speciebus observarunt, aut imaginati sunt; qua putant ea sibi invicem fieri proxima, atque conjungi, non nisi imperceptibiles perfectionis diversos gradus inter speciem aliquam, illique proximam statuantes, a perfectioribus speciebus, ad perfectione infimas descendendo.

Nihil, inquiunt, natura saltibus operatur. Semper ab una ad aliam speciem transit perpetuo, & sensim sine sensu crescentibus, vel decrescentibus perfectionis gradibus, qui distinctivum discrimen ponunt inter species proximas, & contiguas: porro gradus hi species inter se permiscere, conjungere, ac veluti ansulis quibusdam colligere videntur; atque in contiguis speciebus ferme imperceptibiles non nisi in remotis speciebus probe distinguuntur. *Quod tamgit idem est; tamen ultima distant.*

Series datur, (pergunt) gradatim ascendens & descendens perfectionis in vegetabili regno a cedro Libani, aut a quercu Norvegiaca ad arbutum, aut herbam.

Serles quoque perfectionis perpetuo ascendens aut descendens datur in animali regno a leone, aut elephante ad ostrea usque, ad lumbricum,

cum, ad insectum microscopicum. Zoophytum, seu animal planta, *ansula* est, quæ natura ab animali regno ad vegetabile transitum facit.

Series quoque, addunt adhuc, perfectionis gradatim progredientis datur in corporibus universis: a substantia terrea ad materiam usque tenuissimam, a luto ad adamantem, a globo nostro opaco ad lucentissimos globos.

Anima brutorum, inquit tandem, videtur esse *ansula*, qua natura materiam spiritui alligat. Quidni & spiritus perfectiores *ansulæ* sint, quibus substantiæ creatæ increatæ substantiæ conjunguntur?

1326. NOTA. Hujus universalis catenæ ideæ celebritatem compararunt tres magni nominis viri, Lockius, Leibnitius, & Buffonius. A pluribus aliis illustribus viris impugnata fuit, qui in ipsa generatim sumpta non nisi ideam, ingeniosam illam quidem, viderunt; at natura ipsa ingeniosorem.

Lockius huic invento celebritatem in Anglia comparavit, illud vocans *Entium catenam universalem*, dum Leibnitius illud in Germania aut creabat, aut propugnabat vocans *legem continuitatis*. Buffonius ideam hanc admittens, corrigens, certis, & omnino necessariis limitibus circumscribens in Gallia celebritate donavit.

I. Lockius gradus perfectionis ascendentes inter hominem, & Deum statuit; alios vero gradus descendentes inter hominem, & nihilum. Hinc orta ejus universalis entium catena. „A  
„ nobis enim, inquit ipse, ad omnium infima  
„ usque descendendo, per gradus admodum bre-  
„ ves, & per perpetuam rerum seriem descen-  
„ sus fit, quæ in quovis gradu parum admo-  
„ dum inter se differunt. Pisces sunt alati,  
„ qui in aera attolluntur: aves sunt aquarum  
„ incolæ, sanguinem habentes frigidum, ut

„ sces, & quorum carniū sapor parum adeo  
 „ a piscibus distat, ut scrupulosis jejunii die-  
 „ bus illis vesci non sit interdictum (a) Am-  
 „ phibia terrestribus, & aquaticis animantibus  
 „ participant. Phocæ in terra, & in mari vi-  
 „ vunt: delphines sanguinem habent calidum,  
 „ & viscera sui similia, ne quid de Syrenni-  
 „ bus, & hominibus marinis dicamus.

„ Bruta sunt, quæ ita cognitione, & ratio-  
 „ ne pollere videntur, & animalia quædam,  
 „ quæ homines vocantur, tantaque est inter  
 „ *animalia*, & vegetabilia affinitas, ut si il-  
 „ lorum imperfectissimum, & horum perfectis-  
 „ simum sumas, vix notabile discrimen in his  
 „ invenias. Porro ad infimas usque, minusque  
 „ in organa efformatas materiæ partes descen-  
 „ dendo, videbimus, diversas species esse in-  
 „ vicem colligatas, nec nisi minimis, ac fer-  
 „ me insensilibus gradibus inter se differre.

„ Quare quum infinitam rerum omnium Au-  
 „ ctoris potentiam, atque sapientiam confide-  
 „ ramus; non injuria censemus magnificæ uni-  
 „ versitatis rerum harmoniæ, sublimique ideæ  
 „ consonum esse, imo & supremi hujus Archi-  
 „ tecti infinitæ bonitatis, ut diversæ rerum crea-  
 „ tarum species a nobis gradatim ita ad infini-  
 „ tam ejus perfectionem accedant; ut eas vi-  
 „ demus a nobis ad infima per minimos gra-  
 „ dus recedere. Quum vero hoc semel ut pro-  
 „ babile admittatur, jure arbitrabimur, multo  
 „ plures rerum creatarum species supra nos es-  
 „ se, quam infra; multo magis enim nos a  
 „ Deo infinito perfectione distamus, quam ab  
 „ infimis omnium rebus, & nihilo proximis  
 „ distemus “.

## II.

(a) *Lockius heterodoxus* scrupulosos inique  
 vocat: catholicos omnes, qui ecclesiasticas jejunii  
 leges religioso observant. Porro hoc est rerum  
 ideam pervertit.

II. Leibnitius suum monadum systema, & optimismi protulerat; in quo infinitis substantiis perfectione inæqualibus indigebat: si enim binæ monades in suo possibilitatis statu eodem perfectionis gradu donatæ fuissent, neutra creari potuisset (958, & 1219).

Hinc orta celebris sua *continuitatis lex*, qua, inquit ipse, nihil in natura per saltum fit, aut procedit; & qua natura ipsa semper, & ubique ab uno ad aliud ens, ac præsertim ab una ad aliam speciem transit perfectionis serie ascendente, & descendente: ita ut in rerum universitate nullum *formarum vacuum* sit, specierum scilicet; & species quævis a sibi proxima differt quam minimum fieri possit.

Hanc continuitatis Legem Leibnitius statuit in substantiis innanimatis, in animatis, in spiritibus, in variis corporum motibus, in entibus quibuscumque.

Nullus motus, si Leibnitium audias, ex abrupto incipit, aut desinit. Motus quivis sensibilis est *successiva collectio* motuum insensibilium. Quum vero motus hic sensibilis datur, cessare nequit, nisi gressu retrogrado per omnes gradus transeat, quibus effectus est.

Materia, per Leibnitium, magis, minusque rudis est in diversis corporibus, quæ componit; & per perfectionum perpetuam seriem gradatim transit a maxime rudi statu ad summam tenuitatem, & exquisitissimam organorum structuram.

Animæ humanæ, per Leibnitium, post hominis obitum adhuc tenui materiæ conjunctæ perseverant. Diversæ quoque angelorum species corporibus magis, magisque tenuibus conjunctæ sunt: Deus solus omnino corpore caret; Deus enim solus, inquit Leibnitius, est purus actus.

III. Celebris Buffonius Galliæ Plinius hanc Lockii, & Leibnitii hypothesim partim admittit



fit, partim rejecit. Fatetur, *legem continuitatis*, sive *entium nexum* non dari inter hominem, & bruta; & transitum a specie rationis particeps ad speciem ratione carentem ex abrupto fieri.

Fatetur quoque, se *legem continuitatis*, sive *entium nexum* inter vegetabile, & fossile non invenire; & transitum quoque ab uno ex his ad alterum regnum videri ex abrupto fieri.

At vero *legem hanc continuitatis* inter bruta, & vegetabilia nulla prorsus limitatione admittit; adeo ut per ipsum animalia, & vegetabilia, a quibus passim duo regna constitui volunt physici, unum, atque unicum tantum constituent; & vivens, atque animatum, per ipsum non jam est *entium gradus metaphysicus*, sed *physica animalis*, & *vegetabilis materiæ proprietas* ( 224 ).

1327. CONFUTATIO. *Hic entium nexus, lex hæc continuitatis* aliquid veri re ipsa habet, si inter limines illi a natura, seu potius a naturæ auctore constitutos relinquatur. At falsa est, & absurda, si universim ita sumatur, ut sumi nequit.

I. Evidens est *legem hanc* ita generatim sumi non posse, ut a Lockio, & Leibnitio sumitur. "Homo, & brutum, inquit Volterius, „ homo, & superiores substantiæ immensum „ distant. Substantiæ omnes a Deo infinitum „ distant. Orbes circa solem nostrum revoluti „ gradus hos insensibiles non servant neque in „ magnitudine, neque in distantis, neque in „ satellitibus „. ( *Phys.* 1430, & 1431 ).

II. Lockius, & Leibnitius ut genericam hypothesis suam faciant, procul dubio *judicio analogia* innituntur; atque hanc *continuitatis legem* in speciebus omnibus valere arguunt ex eo, quod ipsam in aliquibus speciebus videant, aut sibi videre videantur. Verum ex *judicio*

analogico inferri tantum potest a speciei parte ad speciem universam, non vero ab una, ad aliam speciem: ceterum in eam paralogismi speciem incurritur, quem alibi *termini extensionem* nuncupavimus ( 179, & 735 ).

Transitus ab homine ad brutum non leve Lockio, & Leibnitio negotium faceffit. Primus effugium quærit ab imbecillibus a natiuitate, quibus perperam homines brutis vult nectere ( 1166 ): alter plane fassus, mediam speciem inter homines, & bruta non dari in orbe hoc, quem incolimus, sed in aliis orbibus asserens dari posse, „ omnia, inquit, per gradus in natura procedunt, nihil per saltus: „ propositio vero hæc in mutationibus pars est „ *legis meæ continuitatis*. Naturæ vero pulcritudo, quæ perceptiones distinctas exigit, „ saltus quoque apparentes postulat, ac veluti „ musicos lapsus in phænomenis; & species „ permiscere gaudet. Quare etsi in alio orbe „ aliquo *species* inter hominem, & brutum „ *media* esse possint: in orbe nostro istæ non „ sunt “.

Neque minus laborabit Leibnitius in lege continuitatis in theoria motus servanda. Sit enim atomus perfecte mollis, aut perfecte dura. Atomus hæc in impenetrabile, & immobile obstaculum coniecta, ex universali motus theoria illico, & in instanti motum suum omnem amittere debet, lege continuitatis nullo pacto servata. Si vero motus hic sit ut 100, non centesima sui parte extingui incipiet, duabus centesimis partibus, quarta, dimidia, duabus tertiis partibus; atque ita porro; sed totus simul, individuus, primo ictus instante extinguetur ( *Phys.* 310, 315, 318 ).

III. Illustris Buffonius optime sensit, legem hanc continuitatis inter hominem, & brutum valere non posse; neque inter vegetabile, & fossile satisprehendi, At vero jure ne eam

generatim inter bruta, & vegetabilia admittit? Ab homine ad brutum, in ejus sententia, saltus arduus est, a ratione scilicet, ad rationis defectum.

Arduus quoque illi videtur saltus a vegetabili ad fossile; ab organica nempe structura ad organorum defectum; at enimvero saltus a bruto ad vegetabile nonne æque arduus est, a sensibilitate scilicet ad sensibilitatis defectum? ( 1277, & 1278 ).

IV. Hic entium nexus dari aliquo pacto videtur in animali regno, & ad bruta limitatus; in regno quoque vegetabili intra vegetantium terminos concluso, & a regno animali sejuncto.

Lex ista evidenter abrupta, fortasse etiam generatim fabulosa in physicis, aliquo pacto vivere videtur in politicis, in quibus crescente, & decrecente graduum serie magnates populum regi, & regem populo connectunt.

#### OBJECTIONES SOLVENDÆ.

Præcipua, quæ obijciuntur *substantia media* a nobis in brutis admissæ, quam *principium pure sensitivum* asserimus voluptatis, & doloris capax, intelligentia, & animadversione destitutum, huc tandem redeunt; ut contendant, vel phænomena, quæ in brutis videmus, esse posse dumtaxat motus locales, mechanicos proprietatum materiæ effectus, sive naturæ legum; vel nonnulla ex his phænomenis principium intelligens in brutis indicare; vel substantiam mediam inter materiam, & spiritum esse quid absurdum, & repugnans; adeoque ostendere substantiam, quæ detur, non esse materialem, esse illam spirituales ostendere.

**BRUTORUM OPERATIONES FORTASSE  
MOTUS TANTUM LOCALES.**

1328. OBJECTIO I. Omnia, quæ in brutis phænomena videmus, *motuum localium* series tantum sunt, qui omnes mechanicis legibus conformes sunt, & esse debent; brutorum enim corpus non nisi materia est organis instructa; materia vero sive rudis, sive in organa conformata, contra mechanicas leges nec movetur, nec moveri potest.

Quæ enim re ipsa in brutis phænomena videmus? Organa vitalia in ipsis deprehendimus quæ augentur, successive perficiuntur, deinde pereunt. Sanguinis, & humorum circulationem in iis invenimus, unde & spiritus animales in iis circuire suspicamur. Organa videmus, quæ contrahuntur, protenduntur, moventur, sive ut id apprehendant, quod nos eorum prædam dicimus, sive ut id effugiant, a quo capi possent, sive ut nutritionis, propagationis, aut alia quævis munera exerceant. In pluribus voces, seu cantus audimus, qui aer tantum modulatus sunt, & quos ut voluptatis, aut doloris, aut sensus cujusque expressiones nos sumimus: at sensus ille non magis iis inest, quam tibiæ insit, aut cytharæ, aut organo, quum in illis musici aut lætos, aut lugubres sonos modulantur.

Ergo in brutorum operationibus, seu phænomenis non nisi motus locales, & mechanicos videmus. At motus hi non nisi automata indicant; ergo nulla ratione sensum, & sensus principium brutis tribuimus.

RESPONSIO. Inanis hæc objectio omnia Cartesianorum fundamenta continens re ipsa merum sophisma est nihil, solidum continens, imo nihil imponens: in hoc quæ in brutis per  
sen-

fenſationes dignoſcimus cum iis, quæ ratiocinio deprehendimus confunduntur.

I. *Senſationibus* nos in brutis dignoſcimus phænomena tantum, quæ motus locales ſunt; hæc enim tantum ſenſibus percipi poſſunt.

Num propterea bruta pura automata cenſenda ſunt? non ſane; ceterum pari jure homines pura automata cenſere poſſemus; in iis enim non niſi motus locales mechanicis legibus conformes ſenſu percipimus.

II. *Ratione* in brutis, ut in hominibus, *principium ſenſitivum* detegimus a materia omnino diverſum; quod ſolis mechanicæ legibus nequaquam regitur; omnia enim in brutis ſenſibilitatem indicant, quæ materiæ convenire nequit; principium vero ſenſus effectibus indicatur, qui a puris mechanicæ legibus obtineri nequeunt.

Phænomena omnia, ſive operationes omnes, quas in brutis videmus, re vera *motus ſunt locales, & mechanici*; at motus ſunt, qui in illis inviſibile ſenſus, & motus principium indicant, quod puris automatis convenire nequaquam poteſt: motus ſunt a ſimplici materia non producti; ſed quorum cauſa efficiens, aut occaſionalis eſt principium omnino a materia natura diſtinctum.

Motus hi locales, & mechanici in brutis, ut & in homine juxta mechanicæ leges ſunt, ſive juxta certas, & immotās leges illas, quas in motus productione, & communicatione natura ſervat. At æque in brutis, ac in homine horum motuum cauſa, aut occaſio eſt ſubſtantia a materia diverſa, principium nihil materiæ commune habens, & a ſolis materiæ legibus non directum.

Aut nos natura perſeveranter, & invincibiliter fallit; aut certum eſt, diverſa motus phænomena, quæ in brutis videmus, in iis  
 prin-

principium indicare voluptatis, & doloris, amoris, & aversionis, timoris, & desiderii capax: quæ sane simplici materiæ convenire nequeunt ( 1046, & 1067 ).

III. Ut igitur Cartesii paradoxum statuatur, bruta nempe esse pura automata, non satis est ostendere, brutorum corpus in suis motibus mechanicæ leges servare: certum est enim, & humanum corpus ad mechanicæ leges moveri, quin proinde sequatur, hominem esse purum automa.

Ut Cartesii sententia statueretur, ostendere oporteret, mechanicos brutorum motus *intimum sensus principium* non indicare, quod eorum causa, aut occasio sit; ostendere oporteret, horum motuum in brutis causam, aut occasionem esse variorum corpusculorum emanationem e corporibus erumpentium, & brutorum organa afficientium. Porro hoc nemo ostendet: hoc enim rationi, experientiæ, observationi, genericis, & peculiaribus mechanicæ legibus evidenter adversatur.

1329. OBJECTIO II. Nulla potiori ratione anima immaterialis brutis, ac plantis tribuitur. At nemo philosophus per hos dies plantis immaterialem animam adscribit, cur ergo brutis adscribatur?

Ceterum nonne in Pentateucho expresse, & iterum legitur, brutorum animam eorum tantum sanguinem esse? ( a )

RES-

( a ) Homo quicumque de filiis Israel, & de advenis, qui peregrinantur apud vos, si venatione, atque aucupio cæperit feram, vel avem, quibus vesci licitum est, fundat sanguinem ejus & operiat illum terra. Anima enim omnis carnis in sanguine est; unde dixi filiis Israel: san-

gui-

**RESPONSIO.** In brutis *phænomena sensus* sunt, quæ in plantis non habentur. Non ergo mirum si *phænomena* hæc immaterialem animam in brutis annunciant, non in plantis. Falsum ergo non majori jure animam immaterialem brutis, quam plantis adscribi.

Schola peripatetica vegetabilibus animam vegetativam attribuit a materia, ejusque modificationibus distinctam. Recens philosophia in vegetabilibus materiam tantum in organa conformatam deprehendit; & animam hanc vegetativam inter fabulas ablegavit, unde olim emerferat. Ad sensus *phænomena*, quæ in brutis cernimus, explicanda, aliquid requiritur præter materiam, & motum; & materia, & motus satis est, ut vegetationis *phænomena*, quæ in plantis cernimus, explicentur (Phyf. 157, 191, 194).

I. Dicoprimum, ut *plantarum vegetatio*, augmentum, reproductio, interitus explicentur, satis esse germina quædam materialia cujusvis speciei a Deo primitus condita, & organis instructa, ac præsentis naturæ leges. Ad hæc, inquam, satis est materia, & motus; nullaque in primitivis hisce germinibus anima vegetativa supposita, aut forma plastica eorum ortui, atque actioni præsidente, fore, ut possint illa sibi proprios succos attrahere, in hoc potius, quam in aliud vegetabile assurgere; peculiare naturæ suæ proprietates adipisci, & a se ipsis

in-

---

*guinem universa carnis non comedetis, quia anima carnis in sanguine est; & quicumque comederit illum interibit. Levitici 17. v. 13. & 14.*

*Hoc solum cave, ne sanguinem comedas; sanguis enim eorum pro anima est. Deuteronomii 12. v. 23. &c.*

innumera germina producere illi similia, a quo orta ipsa sunt, & quibus perpetuo speciem suam propagare valeant. Exempli causa.

Quid requiritur, ut *peculiare germen* opportuno solo satum sensim sine sensu in speciei suæ vegetabile assurgat? ut peculiare succos attrahat, ac sicuti seligat naturæ suæ analogos, eosque rejiciat, qui inepti, aut heterogenei sunt? satis est, si *generica quadam dentur natura leges & permanentes impulsiones, attractionis, affinitatis*, quales nos dari perseveranter observamus (Phys. 77, & 88).

Ex immutabilibus hisce legibus a Deo latis, atque perpetuo servatis, nullius animæ vegetativæ, aut naturæ plasticæ ministerio, quas sequiori ætate peripatetici commenti sunt (1217), glans quercus, pomi semen, mali armeniaci nucleus, tulipæ bulbis, ranunculi radix, brassicæ, & frumenti grana, quæ omnia diversa substantia constant, diversis tubis instructa sunt, organa habent speciei, a qua procedunt, & quam propagare debent analogæ, *diversam* habebunt singula diversis terræ succis *affinitatem*: peculiarem singula naturæ suæ consentaneam, suisque organis tum intimis, tum extremis substantiam ebibent; atque ita totidem vegetabilia necessario efformabunt suæ speciei (342): ut satis ratione, & experientia duce in nostra entium sensibilibus theoria ostendimus (Phys. 565, 568, 558, 152, 136).

Quid opus est, ut *planta duæ* in eodem solo crescentes longe diversæ crescant, & altera, uti quercus, magnum robur ostendet, altera, uti vitis, aut cucurbita, laxis fibris serpat? satis est, si nutritii succi ab illa affinitate sua attracti sese invicem constringere, atque invicem arcte adhærere apti sint; ab altera vero nutritii succi attracti natura diversi sint, nec invicem eadem vi, eademque tenaci-

cita-



citare adhærere apti sint. ( *Phys.* 565 , & 221 ).

Hinc vero nullius animæ vegetativæ , aut formæ plasticæ ministerio diversa oritur constitutio , diversum robur , diversa natura , sapor , vires , qualitates , proprietates diversæ habentur in quercu , & vite , in nucis , & ficus pomo , in cortice Peruvienſi , & in hiosciam , aut cicuta ( 120 , & 342 ).

Quid opus est , ut rosa , lilium , viola , caryophyllum colores nobis diversos explicent ? satis est , si nutritii succi , a diversis hisce floribus attracti , ac in intimis suis organis elaborati , sese juxta respectivas suas affinitates simul colligentes , & in aere formam , & tenacitatem naturæ suæ consentaneam adipiscentes apti evadant diversas lucis radiorum species absorbere , & reflectere ; ita ut , si harum omnium plantarum flores æque explicatos supponamus , & eidem solis luci æque-expositos , at diversa singulos , sibi quæ propria textura formatos , alii solos rubros radios remittere apti sint , alii violaceos tantum ; hi varios radios simul mixtos , illi radios omnes , quicumque sint . Cetera ( *Phys.* 136 , 866 , 877 ).

II. Dico deinde , ad *brutorum* sensibilitatem , ac *sensum* explicandum aliquid evidenter requiri præter materiam , & motum , ac præter genericas , & permanentes impulsiones , attractionis , affinitatis , & vegetationis leges ; horum siquidem omnium idea nihil exhibet , quod ullo pacto sensibilitati , aut sensui simile sit ; horum scilicet omnium idea & sensibilitatem , & sensum necessario semper excludit . ( 1046 , & 1290 ).

III. Dico tandem , Pentateuci auctorem in hac suæ legislationis parte , quæ unice peculiarem nationis suæ indolem respicit , nullo pacto de *brutorum anima natura* philosophari ,  
aut

aut quidpiam definire voluisse; neque Cartesii, aut materialistarum in sententia de anima brutorum veluti præcursor fieri.

Quid igitur voluit Moyse innuere verbis in objectione allatis? Dux ipse asperæ nationis, feræ, crudelis, sanguinem appetentis ejus mores lenire voluit horrorem illi ab humano sanguine effundendo incutere indirecte contendit, quum ferino sanguine vesci illi vetuit, & religiosam sensum illi innuere ab animalium sanguine aversionem conatus est.

Vox *anima* vitam æque significat, ac animam ipsam, quæ vitæ principium est: porro prima prorsus significatione hic vox ista sumenda est ( § 79 ).

Sanguis *vita mechanica*, vitæ corporis organici in homine, & in bruto principium est. At neque in homine, neque in bruto sanguis *anima proprie dicta* esse potest, sive invisibile illud principium, cui in homine sensus competit, & cogitatio, in bruto sensus, non cogitatio ( 1042, & 1046 ).

#### ZOOPHYTA PROBANT FORTASSE SENTIENDI FACULTATEM MATERIE INESSE.

1330. OBJECTIO III. Quæ recens naturæ studiosi de *zophytis*, seu animalibus plantis detexerunt materialistarum sententiæ plurimum favere videntur; & eorum præcipue philosophorum sententiam proterere, qui in brutis animam immaterialem, seu *intimum sensibilitatis*, & *actionis principium* admittunt a materiæ substantia, & modificationibus re ipsa distinctum.

I. Certum est ex doctis Linnæi, Svammerdamii, Donati, Pallatii, Trembleii, Jussæi, Reaumurii observationibus; magnum dari in natura *plantarum animatarum* numerum; substantiarum nempe materialium plantis vegetatio-

tione, brutis sensu similibus; quæ nexum facere videntur, quo natura a specie tantum animalis, ad speciem tantum vegetabilem transitum facit ( 1326 ).

II. Certum est, in puris vegetabilibus animam immaterialem non esse a materia, ejusque proprietatibus, & modificationibus reapse distinctam. Quare ergo immaterialis anima zoophytis inesset, quæ tantam habent cum vegetabilibus nascendi, crescendi, pereundi ratione similitudinem? Si vero sylimbrio aquatico, exempli gratia, immaterialis anima non inest, quare fluviatili polypo insit prope ipsum, & ferme ut ipsum vegetanti? Idem de marinis polypis dicas.

RESPONSIO. Quæ de zoophytis recentiores detexerunt materialistarum sententiæ nequaquam favent, neque philosophorum immaterialem animam in brutis admittentium sententiæ officiunt; ex iis enim, quæ recens detecta sunt, sequitur, incertum adhuc esse *existantne zoophyta*; si vero etiam certo existant, philosophorum opiniones de animalium, & vegetabilium speciebus non immutare debent.

In iis, quæ zoophyta dicuntur, aut vera sensibilitas datur, aut non datur. Si datur, quæcumque eorum figura sit, vere species animales sunt, quæ, ut elephas, ut salar, ut bruchus, anima immateriali donatæ sunt; si non datur, zoophyta veræ species vegetabiles sunt, quarum intimum suorum munerum principium non est nisi materia, & motus juxta eas genericas, & permanentes naturæ leges, quæ vegetabilis regni formationem, & propagationem respiciunt.

1331. DEFINITIO. *Zoophyta*, seu animalia plantæ postremis hisce temporibus dictæ sunt quædam naturæ productiones, quæ simul & plantarum vegetationem, & animalium sensum obtinere videntur.

I. In peculiari hac substantiarum classe, quæ aut omnes, aut fere omnes aquaticæ sunt, aliæ immobiles sunt, eidem loco, plantarum more adhærentes, & motu omni progressivo destitutæ; aliæ mobiles feruntur, & motu progressivo admodum lento quidem, sed vero, ab uno ad alium locum transire possunt; uti limaces progrediuntur, lumbrici, atque insecta alia plurima lentissimis evolutionibus.

II. Ex hac peculiari substantiarum classe aliæ in mari tantum nascuntur, & vivunt; atque hæc potissima est earum pars; aliæ in aqua fluviatili tantum nascuntur, & vivunt; atque has accuratius physici norunt, atque observarunt.

Inter *marina zoophyta*, quæ recentiores physici in plura genera, ac in plures species partiuntur, recensere possumus cum Ruifckio, Linnæo, Donato, Pallasio, Svvammerdamio, sepiam, loliginem, leporem marinum, tritonem, Holothuriam, Thetiam, pulmonem marinum, pirum marinum, penoam marinam, urticas marinas, stellas marinas, corallinam cellulosam, spongiam marinam, atque alia plurima.

Inter zoophyta fluviatilia recenseri possunt polypi cristati, polypi longimani. Hos postremos Tremblejus diligentissime observavit atque in tres species distribuit (Phyl. 915).

1332. NOTA I. Plurimi præclari physici *zoophyta*, sive animalia *plantas* dari arbitrantur. Inter complures alios ita sentiunt Tremblejus, qui elegantissimas de fluviatilibus polypis observationes peregit; Linnæus, qui in suo naturæ systemate zoophyta in plura genera, pluresque species partitur; Donatus, qui in sua naturali historia maris Hadriatici vel unam immobilium zoophytorum classem in tres centurias distribuit; Pallasius medicus, qui in recenti de zoophytis opere hanc entium classem

in genera quindecim, & in species ducentas supra quinquaginta partitur; Valmonsius Bomarius, qui in suo naturalis historiæ lexico ita & ipse sentire videtur, etsi hoc eodem opere solidas rationes præbeat, quibus sententia hæc rejiciatur.

I. Ut aperte pateat quibus rationibus innitatur opinio vera zoophyta, seu vera animalia plantas in visibili natura admittens, huc referemus, quæ acerrimus hujus sententiæ vindex Auctor Lexici historiæ naturalis de *fluviatilibus* polypis habet. Hæc zoophytorum species omnium notissima est; ea propterea, quæ præcipuam universæ hujus entium classis notionem præbere debet.

„Fluviatilium polyporum historia, inquit  
„hic auctor, phænomena exhibet difficilia,  
„quæ credantur; legibus iis enim, quas genericas credebamus, opponuntur. Putassemus  
„ne unquam, animalia in natura esse, quæ  
„in frustra veluti concisa propagarentur? idemque  
„animal in octo, decem, viginti, triginta,  
„imo & quadraginta partes sectum, toties  
„multiplicari? polypi hac facultate gaudent,  
„ut veluti ex furculis propagentur.

„Animalia hæc progrediuntur, & locum mutant: motum hunc obtinent vi, qua polylent sese protendendi, contrahendi, quaquaversum convertendi. Motum hunc tamen  
„lentissime peragunt; integro die vix septem,  
„aut octo pollices procedunt. Modum quoque  
„progrediendi tenent satis lepidum, si citius  
„pergerent; rotantur, ut pueri solent.

„Polypus quisque ab ore ad extrema usque corporis saccus vacuus est, in quo membranae nullæ, viscera nulla apparent. Pellis  
„hæc totum animal efficit; quare jure suspicabimur omnia animalis machinamenti organa  
„pellis hujus crassitie contineri. Quum  
„microscopio polypi pellis expenditur, ejus

„tum

„ tum intima, tum extima superficies *granu-*  
 „ *lis* inspersa apparet, quæ animalis organa  
 „ censerî possunt. Certum est enim, quum gra-  
 „ na hæc evelluntur de animalis vita actum  
 „ esse.

„ Polypi non natant; cauda, & glutine quo-  
 „ dam corporibus, prope quæ sistunt, tenaci-  
 „ ter adhærent. Aliquando aquæ innatant pro-  
 „ no capite, cauda superius elevata: hoc vero  
 „ eadem ratione obtinent, qua acus probe ab-  
 „ sterfa aquæ imposita supernatat, minimis æ-  
 „ ris bullulis ipsi adhærentibus illam sustinen-  
 „ tibus.

„ In polypis oculi non apparent. Videmus  
 „ tamen, eos luce delectari, eamque exquire-  
 „ re. Hoc fortasse ideo faciunt, quia eorum cor-  
 „ pus quavis sui parte a luce afficitur. Opi-  
 „ nionem hanc confirmat experimentum: si  
 „ enim polypus bifariam secetur, partes binæ  
 „ sejunctæ, & ea ipsa, quæ acephala est, in  
 „ luce sese statuunt.

„ Polypi prædam non insequuntur; at exi-  
 „ gua insecta inter eorum brachia sponte in-  
 „ cidunt, quæ retis instar semper extensa sunt.  
 „ Polypus tertię speciei ad pedis unius dia-  
 „ metrum brachiorum suorum periphæriam ex-  
 „ tendere potest.

„ Tremblejus polypos de insecto eorum bra-  
 „ chiis irretito concertantes vidit. Eorum quif-  
 „ que vermem deglutire festinabat; quum tan-  
 „ dem, os ad os polypis jam proximis, horum  
 „ fortior certamini finem fecit hostem ipsum  
 „ vorans. De vorato actum esse putabatur;  
 „ non tamen ita contigit. Vorator ventri suo  
 „ inclusum illum detinuit, donec prædam ab  
 „ hoste eduxit; subinde incolumem illum evo-  
 „ muit. Ex hoc phænomeno censuit Tremble-  
 „ jus, polypum alteri polypo rem esse omnino  
 „ indigestam: porro hoc ipsum experimento  
 „ confirmavit. Polypum alteri polypo, quem

„ jejunio famelicum habuit, deglutiendum de-  
 „ dit. Hic post quatuor, aut quinque dies ex  
 „ alterius ventre erupit incolumis, ut prius-  
 „ quam voraretur. Nunc in ea persuasione su-  
 „ mus, ut polypus brachia sua evomat, si  
 „ quando illa cum præda deglutit.

„ Polypi omnes passim generandi facultate  
 „ pollent; & asserta illa lex, sine coitu fœ-  
 „ cunditatem non esse, ex polyporum obser-  
 „ vatione fallax ostenditur; tum quoque ex  
 „ observatis in curculionibus. Polyporum ge-  
 „ nesis in iis secundæ speciei aptius observa-  
 „ tur. In polypo exiguus tumor apparet, qui  
 „ verrucæ figuram induit; hoc polypi caput  
 „ est. Circa os brachia enascuntur. Aliquan-  
 „ do ex unico polypo duodeviginti quoque po-  
 „ lypi erumpunt, modo polypus laute enutri-  
 „ tus sit. Observatum est enim a copiosiori ci-  
 „ bo fœcundiores fieri. Nondum parvi polypi  
 „ omnino creverunt, quum jam polypos alios  
 „ progignunt ex eorum corpore erumpentes.  
 „ Hæc *arboris viventis species* mirum obser-  
 „ vatori spectaculum præbet. Quum polypus  
 „ prædam arripit, & deglutit, hæc in cete-  
 „ ros omnes polypos distribuitur, qui totidem  
 „ veluti rami sunt; hic vero quoque ex alio-  
 „ rum præda nutritur. Coloris mutatio, quam  
 „ tunc ex ipso escæ colore obtinent polypi  
 „ omnes rei hujus certissimum indicium est.

„ Ferventibus diebus polypus horis viginti-  
 „ quatuor efformatur, & separatur. Ut hoc  
 „ assequantur polypi contiguus corporibus ap-  
 „ plicantur, & in diversa nituntur. Tanta est  
 „ *polyporum propagatio* ab uno per ramos pro-  
 „ cedens, ut polypus unus veluti truncus ha-  
 „ beri possit, a quo polyporum decies cente-  
 „ na millia mense uno propagentur.

„ Quum hoc phænomenon spectare quis cu-  
 „ pit, polypum in manus suæ vola ponat non-  
 „ nullis aquæ guttis immersum: quum sese e

„ con-

„ contractione dilatavit, illum bifariam se-  
 „ cet. Pars, in qua caput est, eodem die,  
 „ quo separata fuit, progredietur, & vesce-  
 „ tur, modo aer repens sit. Altera pars horis  
 „ vigintiquatuor brachia germinabit; binis ve-  
 „ ro diebus polypus perfectus erit sua retia  
 „ tendens, & prædam vorans.

„ Utcumque experimenta permutentur, no-  
 „ va semper phænomena prodibunt. Quaque-  
 „ versum polypum seces, & in tæniæ quam-  
 „ tumvis exiles, totidem semper polypos ex  
 „ his habebis; Ipsum polypi caput biseca: ca-  
 „ pita hæc dimidia cito in duo integra ca-  
 „ pita formabuntur. Bina hæc capita iterum  
 „ biseca, quatuor habebis capita. Si quatuor  
 „ hæc capita adhuc biseces, octo eidem cor-  
 „ pori inserta capita habebis. Si corpus ipsum  
 „ ita incidas, octo habebis corpora uni capiti  
 „ adhærentia. En hydram non amplius fabu-  
 „ losam.

„ Tremblejus polypum ita invertit, ut ejus  
 „ intima extima fierent, non secus ac udones  
 „ invertuntur, quum exuuntur. Universam a-  
 „ nimalem œconomiam perturbatam putasses;  
 „ nihil tamen hoc polypo offecit, nisi quod  
 „ diebus quatuor, vel quinque illi expectan-  
 „ dum fuit, ut novum stomachum sibi refice-  
 „ ret. Adde, quod pluribus vicibus polypus  
 „ inverti potest.

„ Putabis fortasse polypos ita non propaga-  
 „ ri nisi quum secantur. Monet tamen Trem-  
 „ blejus, se polypos vidisse, qui se ipsi sepa-  
 „ rabant, & spontanea sectione multiplicaban-  
 „ tur. At hæc polyporum propagatio non usi-  
 „ tata censenda est: raro contingit, neque pro-  
 „ pagationi ex frustis est comparanda.”

II. Hanc fluviatilium polyporum theoriam,  
 analogia, atque inductione ducti marinorum  
 quoque theoriam esse nonnulli recentiores phy-  
 sci statuerunt. *Miras has natura produktiones*



tamquam totidem zoophyta esse arbitrati sunt, quæ mediam quamdam classem inter plantas, & bruta constituerent, duarum harum classium notas perturbarent, aut tollerent; animalia vegetabilibus neſterent, & anſula eſſent, quæ binæ hæc genera colligaret. Sequenti nota num mira iſta phænomena ea certitudine, ac veritate gaudeant, quæ illis tribuitur, perpendemus.

Non raro vera quædam phænomena in natura ſunt, quæ non ſatis recte omni ex parte dignoſcuntur; præſertim ſi rei miræ ſpecie quædam abripimur. Novimus vero vel unum phænomenon non rite perſpectum plures, gravesque errores in phyſica, ac in naturæ cognitione parere poſſe.

1333. NOTA II. Si plures celebres phyſici ſunt, qui *zoophyta* haberi tenent, plerique ſunt, qui ea dari negant, aut ſaltem dubitant, neque enim quæ ad ea ſtatuenda afferuntur, ſatis illis ſolida, ac firma videntur.

I. Ex *marinis polyſis*, qui potiſſima eorum pars ſunt, quæ *zoophyta*, vocantur, ii omnes qui *Corallia*, *Eſcaras*, *Alciones*, *Sponſias*, *Urticas*, *ſepiaſeſſiciunt*, aliasque ſubſtantias aſpectu vegetabiles ſunt tantum *varia parvorum inſectorum ſpecies* ſimul in mari viventes, ac innumeras contiguas cellulas elaborantes; quæ vegetabilis ſubſtantie ſpeciem præſeferunt.

Veteres phyſici cellularum harum congeriem plantam eſſe putaverunt: illa nonnullis recentioribus unum, atque individuum animal viſa eſt. „ At vero *Peiſſonelli*, *Reaumurii*, *Bernardi Juſſiæi* obſervationes, inquit auctor *lexici hiſtoriæ naturalis*, probarunt, varias „ has *marinorum corporum ſpecies* eſſe tantum „ cellulas ab inſectis vermibus elaboratas, „ eaſque *polyſis* eſſe, quod *veſpis* earum *nidi* ſunt “.

Hæ itaque cellulæ, ita veris naturæ ſtudioſis

sis testantibus, id sunt infectis eas incolentibus, quod concha ostreis, quod bombyci folliculus, quod apibus alveoli, quod vermibus ibi inclusis sunt quercuum gallæ.

Fiat, ut incautus observator alveare aperiens, quod videt vegetabilis regni productionem arbitretur. Erit ejus error veterum physicorum errori similis, qui in diversis polyporum sive in mari, sive in fluviis productionibus substantias tantum inanimatas, plantas tantum sibi videre visi sunt.

Fiat, ut alius æque incautus observator idem alveare aperiens, quod in illo continetur esse putet unicum, & individuum animal. Erit ejus error illi recentiorum physicorum similis, qui in diversis polyporum productionibus unicum tantum animal sibi videre visi sunt, non vero *animalculorum rempublicam*.

Postremus hic observator hoc errore persuasus caput unci hujus animalis esse putet superiorem aperti alvearis partem; eamque ab inferiori recisam, in simili alio alveari collocet. Animal, cui in alveari mutilato caput abscissum fuit, cito aliud caput obtinebit; abscissum vero caput in alio alveari positum cito aliud corpus sibi comparabit.

II. Valde verosimile est, tubulos, ac ramos *polypi fluvialis*, ut & marini, esse aut opus, aut domicilium minimorum plurium insectorum; sive hi inquilini ex propria substantia habitaculum sibi construant, ut aranea telam suam, ostrea conchas, bombyx folliculum, sive in corporibus jam præexistentibus sibi domicilium seligant, in eoque mutationes eorum naturæ, & indigentis analogas efficiant; ut gallinsecta in pluribus diversis plantis totidem diversas gallarum species excitant ad ea, cum prole ab hostibus, & a temporum injuriis protegenda destinatas.

Quam animalis, & vegetabilis confinia sæpius

pius ægre distinguantur ; facile credi potest , hanc naturalis historiæ partem vix inchoatam correctione , ac revisione indigere , quo in dies magis perficiatur ; & systemata condendi libidinem , quæ recentes observatores in zoophytas , & antizoochyttas divisit , primis aliquando ibi animatas substantias ostendisse , ubi vegetabilia tantum erant , alteris non nisi vegetabilia ostendisse , ubi vera animalia se ipsa inveniebantur ,

Lyonnetus de celebris Sveci physici Linnæi systemate loquens , contendit , „ nullo pa-  
 „ cto certum esse , insecta dari , quibus zoo-  
 „ phytorum nomen jure tribui possit ; saltem  
 „ nomen hoc echinis , sepiæ , stellæ , atque mari-  
 „ næ urticæ non esse tribuendum , hæc enim  
 „ omnia vera animalia sunt , forma sane exo-  
 „ tica ; at omnino apta animalia munera exer-  
 „ cere , & motum habere progressivum , qui a  
 „ plantarum natura omnino alienus est .

Sentit Lemery , „ veteres botanicos zoophy-  
 „ torum nomine plerasque plantarum species  
 „ nuncupasse , quæ & animalibus , & plantis  
 „ participare censuerunt , cujusmodi spongiæ  
 „ sunt , & penna marina ; in aquis enim , in  
 „ quibus nascuntur , moventur non secus ac  
 „ si animalia essent . At ex hoc motu anima-  
 „ lia non sunt dicenda , inquit ipse ; ab aquæ  
 „ enim in plantarum poros ingressu , & ab il-  
 „ lis exitu prognatus est . Finem facit , ad-  
 „ dens ; quum præjudiciis depositis , & ad re-  
 „ ctæ physices trutinam plantæ illæ expen-  
 „ duntur , quæ zoophyta nuncupantur , cujus-  
 „ modi est agnus scythicus : facile dignosci ,  
 „ eas puras plantas esse , nec animalis quidpiam  
 „ habere ; adeoque vera zoophyta dari non  
 „ esse censendum “ .

III. Ut hanc de zoophytis quæstionem pro viribus illustremus ; satis erit fortasse eruditis , nec partium studio distractis novam methodum indi-

indicare opera, propagationem, & fluviatilium polyporum naturam investigandi, decem jam, aut duodecim ante annos ab ingenioso physico Romeo Isleo propositam. Sagaci, ac perspicaci hoc artificio arcana hac in re naturæ mysteria referasse ipse mihi videtur.

Censet primo, polypos hos fluviatiles, organica quorum structura adeo mira visa est, verosimiliter non nisi involucrum, aut vaginam esse, qua multo minima insecta contineantur; quodque unicum individuum putatum est, illud animalculorum familiam, aut rempublicam esse; quæ sub eodem tecto sese receperunt.

Censet deinde, *granula* hæc, quibus polypī involucrum inspersum est tum intime, tum extime, esse singula *perfectum animal* oculis, & organicis facultatibus instructum; adeoque non amplius granula hæc tamquam totidem unius, atque unici individui oculos, ora, vasa, glandulas, receptacula esse considerata.

Censet adhuc; partem illam, quam polypī ventrem putaverunt, non esse nisi intimam rectis partem, qua animalcula hæc prædæ insidias parant: ea, quæ brachia dicunt, totidem esse filamenta hac illac diffusa, quæ protenduntur, contrahuntur, seorsim, aut simulagunt, quum fames urget: injuria veropolypos voraces dici; esca enim absumitur in alendis innumeris animalculis distributa *communi involucro* contentis; quod illis nassa est, & rete, quum tamquam polypus unicus haberetur.

Explicat tandem quod in natura, & propagatione polyporum singulare, & mirum est, sic procedens:

Novæ omnes, inquit, polyporum progenies aliæ prope alias domicilia sua construunt; & quum prædæ capiundæ causa alibi retia tendere coguntur, tunc novas colonias, novaque involucria ædificant.

Quum omnia hæc involucria communicantia  
Q 5 sint,

sint, unicam societatem eorum incolæ constituunt, & prædam invicem sociatim dividunt.

Si admirabundi unicum involucrum videmus, quod unicum animal esse nimis facile arbitrabamur, brevi avum fieri, abavum, atavum, tritavum, atque ita porro, alia tam cito involucra producens, a quarum singulis alia, atque alia producuntur; ad admirationem removendam satis est animadvertere, populosam hanc animalculorum rempublicam, quæ ovipara esse Jussæus, & Reaumurius detexerunt, maxime fecunda esse debere; frequentes illa emigrationes facere debere, novas deduci debere colonias, a quibus nova domicilia, novaque involucra construentur.

Mirum videri non debere, idem involucrum in plura frustra concidi posse, quin exigui ejus incolæ intendant; illi enim tantum, quos culter offendit, perire debent, ceteri incolumes perseverant; si vero filamenta, aut brachia incisa non generant, ideo hoc est, quia in solo involucro habitant granula, sive animalcula.

Hæc de flaviatilibus polypis Romei Islæi vere philosophica sententia est. Ac sane putandum est, quo diligentius productiones hæ, quas generico zoophytorum nomine nuncuparunt, perpenduntur; eo magis physicorum sententias ad modo à nobis expositam de flaviatilibus polypis accessuras, quam Reaumurii, & Jussæi de marinis polypis sententia olim prolata confirmat.

1334. NOTA III. Frustra tempus tereremus perpendentes, num organicum involucrum animalculorum domicilium marinos, & flaviatiles polypos incolentium *substantia* sic *animalis*, an *vegetabilis*.

Quid enim quæstio ista momenti habet? Animalium pili substantia animalis sunt vegetabili organorum structura. Tuberculi, quos gal-

gallinsecta incolunt, natura sunt partim animali, partim vegetabili.

Quare inter naturæ productiones zoophyta nuncupatas fieri potest, ut aliæ natura omnino animali sint, aliæ natura ie ipsa vegetabili; aliæ, & fortasse pleræque, natura partim animali, partim vegetabili pro diversa insectorum incolentium actione, & indigentia; ipsa enim naturæ instinctum sequuta semper naturæ suæ opportunum sibi domicilium parant.

Hæc polyporum involucra, & filamenta, cujuscumque naturæ sint nulla majori admiratione digna sunt, quam apum alveoli, aranearum telæ, bombycum folliculi, aliaque hujusmodi.

**BRUTORUM DOLORES CUM DEI JUSTITIA, ET SAPIENTIA FORTASSE COMPONI NEQUEUNT.**

1335. OBJECTIO. IV. Si bruta non essent pura automata, & sensu prædita essent, Deus, inquit Malebranchius, evidenter injustus, & crudelis esset; in divinæ siquidem providentiæ æconomia bruta ad asperrima perferenda damnata essent, quin in tot duris perferendis quidpiam mererentur, aut quidpiam emolumentum inde perciperent.

Quoniam itaque repugnat, Deum injustum esse, & crudelem, necessario bruta pura automata esse debent, & sensu carentia; quidquid vero voluptatis, aut doloris percipere videntur, id species tantum dici debet, & illusio.

RESPONSIO. Malebranchius sublimis Cartesii discipulus in magistri sui somniis exponendis, perficiendis, statuendis temporis plurimum trivit. Si rectius philosophatus fuisset magistri sententias inter somnia ablegasset. Quos ingenii nervos non contendit, ut vorticum fabulam fulciret! neque tamen tot conatibus

tibus aliud assequi potuit, quam ut hypothefim hanc fabulofam magis, magisque lapfabundam ostenderet. ( *Phys.* 1384., 1398., 1399. )

Probatio, qua hic bruta automata statuit, non magis stat quam stet illa, qua vortices statuere nititur. Vel in ipso fundamento labilis, probat tantum paradoxum esse, quod contra naturæ, & rationis voces statuere vellet.

I. Qua ratione constat, bruta magna malorum copia gravari? Species quævis hominis commodo, universæ naturæ bono, Dei gloriæ condita ubique, ubi a providentia locata fuit, quod ejus naturæ necessarium est invenit, sive alimenta consideres, sive conservationem, sive propagationem, sive naturæ suæ consentaneam felicitatem. ( 946. )

Bruta de præteritis non contristata, quibus amplius non afficiuntur, de futuris non sollicita, quæ non prævident, in præsentibus tantum occupantur. Præsentia vero illis passim aut voluptatem creant, quum suis appetitibus satisfaciunt; sive torporis tempus sunt, quum frigoris vehementia species quasdam omnino sopitas, atque inertes efficit; sive laboris tempus sunt eorum naturæ, & fini consentanei; sive breve doloris tempus aut naturæ deficientis vitio parti, sive ab extrinseca causa, a qua naturæ defectio initium habet, aut a qua natura destruitur.

*Sensibilitas physica* in brutis datur, ut in homine; nihil tamen probat æque exquisitam esse in irrationali specie, ac in rationali. Fieri potest, ut magis in homine perfectum sit *principium sensitivum*, magisque doloris, & voluptatis intensas sensationes admittat, quam in brutis; atque admodum rationi consonum est arbitrari, nos sæpius falso judicare, quum de brutorum sensationibus voluptatis, & doloris, a nostris analogis judicium ferimus. Potest nullo absurdo sensibilitas physi-

ca multo major in homine supponi, quam in brutis; major in una, quam in alia brutorum specie; in hac vero hypothefi fuorum malorum pars nobis intolleranda videtur non nisi, quia nulla ratione brutis æqualem nostræ sensibilitatem tribuimus.

Quævis brutorum species generatim majori bonorum copia gaudere, quam malorum copia anti videtur. Deus vero in operibus suis infinite sapiens, & in beneficiis conferendis infinite independens nulli animalium speciei majorem, quam qua fruatur, bonorum copiam impertiri tenebatur.

II. Unde nam constat, *naturam* quamvis *sensibilem* necessario postulare, ut supponit Malebranchius, ab iis malis physicis constanter, & perseveranter immunem esse, quæ aut a peculiari cujusque speciei constitutione, aut a genericis naturæ legibus sponte proficisci debent? Si ponamus bruta animam habere re ipsa voluptatis, & doloris capacem (quam hypothefin Cartesius, & Malebranchius veram esse negant, dari posse non negant); qua quæso ratione probarent, Deum genericas gravitatis leges immutare, aut suspendere debuisset, ne malum jam maturum ex arbore labens bruchum, aut formicam enecaret, quibus brutis Deus neque perpetuam beatitudinem, neque vitam servare tenetur?

In nostra philosophia religionis ostendimus, *malum physicum* a genericis naturæ legibus procedens divinæ erga hominem providentiæ non opponi; quarenam in brutis eidem divinæ providentiæ opponeretur?

III. Ex malorum excessu, quibus aliquando gravatur justus in præsentī vita, rectissime inferimus, ad divinam providentiam spectare, ut in alia vita hominis virtutes condigno præmio afficiantur. At enimvero perperam diceretur ad hanc eandem divinam providentiam tuendam,



dam, cum, quem nos hominem justum nuncupamus, esse tantum purum automa sensu carens.

Si Malebranchius assereret, præsentia brutorum mala compensationem a Deo exigere in alia vita, Indum philosophum, aut Pythagoricum ageret metempsychoseos sententiam statuere conantem (1304).

Quum vero ex idea Dei iusti, & ex idea malorum physicorum, quibus obnoxia videntur bruta, infert, ea esse pura automata sensu carentia; philosophum profecto non agit. Si quid enim ejus argumentum probaret, potius metempsychosim, quam bruta automata probaret.

IV. Adorandis suis finibus, quorum aliqui nobis noti sunt, plurimi ignoti Deus innumera bruta creat. Hæc ad merendum, & demerendum inepta bonorum summam naturæ suæ congruam habere videntur.

Quod mala quædam patiantur, quæ mens nostra non apte percipit brutis nostrum sentiendi modum tribuens, quæ mala aut a brutorum constitutione, aut ab eorum fine, aut ab universalis rerum ordine proveniunt; dicenda ne erunt pura automata, & sensu destituta; quasi vero, ni diceremus, Dei bonitatem, & justitiam nihil illis præterea debentis læsuri essemus; atque hoc natura, & ratione ipsa contra clamantibus? Ita ne vero sententiæ de re gravi inanibus fundamentis in philosophia statuendæ sunt? ita ne identidem etiam in magnis viris ratio dormitabit? *Quandoque bonus dormitat Homerus.*

Quo vero nomine eos appellabimus, qui ingenio, ratione, recte judicandi vi destituti sese Cartesii, aut Malebranchii discipulos prædicantes, summorum horum virorum somnia dumtaxat, & errores amplectuntur?

**ANIMÆ BRUTORUM FORTASSE PRINCIPIMUM INTELLIGENTIA ET  
RATIONE DONATUM.**

1336. OBJECTIO V. Substantia intellectu , cognitione, memoria, judicio donata necessario spiritualis est. Atqui hujusmodi est anima brutorum.

Canis, exempli causa, herum cognoscit, eumque a quovis alio discernit . Ipse panem , qui nutriendi facultatem habet, a saxo hac facultate destituto opime distinguit .

Equus citato cursu foveam offendens quam non nimis latam censet , eam saltu transilit ; si vero ad voraginem pertingat , cujus oppositam oram saltu assequi nequeat, sistitur , & alio divertit.

*Quot memoria, intelligentia, animadversionis, comparisonis, judicii phenomena* diversis ætatibus physici, sane ex observationibus, in brutis adnotarunt ! Porro hæc omnia nonne in brutis principium intelligens, & spirituale indicant.

RESPONSIO. Certum est, bruta veras cognitiones habere ; at vero ex experientia , & observatione investigandum est, num cognitiones hæ intellectuales sint, quarum objecta a sensibus non pendeant ; an vero cognitiones sint tantum sensitivæ, quarum objecta sint res materiales , atque sensibiles , quarum quoque occasio sint tantum res hæ materiales, atque sensibiles.

I. *Cognitiones intellectuales* substantiam spirituales indicant ; necessario siquidem principium intelligens supponunt , quod supra sensus , & sensationes eVectum abstractam rerum relationem, & intelligibilem ordinem assequatur .

II. *Cognitiones tantum sensitivæ* spirituales substantiam nequaquam indicant ; neque enim  
repu-

376     *Theoria animæ brutorum:*  
repugnat, *substantiam mediam* dari inter corpus, & spiritum sentiendi capacem, intelligendi vero facultate carentem; porro ex suis operationibus anima brutorum se prodit.

1337. EXPLICATIO I. *Brutorum cognitiones animam spirituales in illis non arguunt.* Non nisi cognitiones sensitivas siquidem in brutis deprehendimus. Hæ vero in subiecto haberi possunt, quod spiritus non sit, sed quod sensitiva facultate gaudeat, intellectiva careat. (1297, & 1315).

Supponamus organico Neutoni, Cornelii, Colberti corpori, non cogitantem, & animadvertentem animam conjunctam esse, quæ tam acute insensibiles physicorum, & moralium obsectorum relationes assequi valeat; sed *animam tantum sensitivam*; cujusmodi est, quam aquila, aut leo, aut catellus obtinent.

In hac hypothesi entia hæc humana figura donata, sensitiva, non vero intelligentia, visionis, olfactus, tactus, gustus perceptiones habebunt iis, quas nos experimur, valde similes, quin animam habeant spirituales: *cognitiones habebunt sensitivas*, quin intelligente, & animadvertente principio instructa sint. Non igitur cognitiones pure sensitivæ substantiam indicant re ipsa spirituales.

1338. EXPLICATIO II. *Brutorum memoria animam spirituales in iis non arguit.* Memoria enim est tantum præcedentium perceptionum renovatio. Si vero *perceptiones hæc sensitiva* tantum fuerunt; memoria, quæ has tantum iterum excitat, nihil magis indicat, quam indicent hæc ipsæ perceptiones.

I. In brutis, ut in homine verà datur memoria, vera scilicet facultas præterita reminiscendi; at diversas notas in homine, ac in brutis facultas ista præsefert.

In brutis memoria *sensibilium eventuum connectio* est; ita, ut eventus alicujus perceptio al-

terius perceptionem excitet , trahat , ac præsentem faciat .

In homine memoria *tum sensibilibus rerum , tum pure intellectualium operationum connexio est* . Porro hac ratione a brutorum memoria diversa est ( 1174 , & 1317 ) .

II. In brutis memoria a sensibili perceptione ad aliam quoque sensibilem procedit ex connexionem , qua olim conjunctæ fuerunt ; Exempli gratia , ferox molossus , cui ante mensem ritum gravi ictu percussus , tunc connexionem sensit inter perceptionem a præsentia , & forma mea in illo excitatam , & perceptionem a baculo , ac brachio meo in illo quoque excitatam . Post hæc prima perceptio in illo non excitatur , quin altera quoque excitetur .

In hominibus memoria a sensatione ad sensationem , ab idea ad ideam , a judicio ad judicium , a ratiocinio ad ratiocinium , a comparatione ad comparationem progreditur ; ex connexionem , quam antea inter hæc homini ostendit aut cæca sensus impressio aut clara rationis illustratio .

1339. EXPLICATIO III. *Brutorum prosequutio , & averfatio spirituales animam in iis non arguunt* . Hæ siquidem objecta tantum respiciunt sensus afficientia ; anima vero pure sensitiva affectivas , & averfativas impressiones admittere potest . Exempli gratia :

I. Canis herum beneficium amore prosequitur ; lupum quem sibi infensum sentit , averfatur ; heri enim præsentia , seu recordatio voluptatis in cane sensationem excitat , lupi vero præsentia , seu recordatio molestiæ sensationem parit .

II. Quadrupedia ferme omnia , & volatilia *æctus suo ardentiſſimo amore prosequuntur* , sed dato quodam tempore a natura statuto : hoc elapso amor hic cessat , & extinguitur : sensationum enim prolixior , aut brevior series ab infinita Dei sapientia disposita ad hos affectivos

motus ea inclinatur toto tempore ad speciei conservationem requisito. Cessat vero parentum amor a sola sensatione profectus quum sensationum series ista expletur: expletur vero, quum non amplius est necessaria.

1340. EXPLICATIO IV. *Brutorum opera intelligentiam, & animadversionem in iis non arguunt.* Hæc enim, uti sunt avium nidi, apum alveoli, fibrorum casæ; esse possunt mechanicum tantum cæci instinctus, & *caca sensationum seriei* opus, quibus variæ brutorum species ad ita agendum pro diversis earum organis, & finibus determinentur (1316).

Ceterum *perpetua* harum operationum uniformitas, in quibus nihil mutatur, nihil perficitur, satis probat, eas ratione duce non fieri; quidquid vero mirum in his elucet, id omne ab infinita illa intelligentia consequitur, quæ brutorum naturam condens eorum quoque effectus omnes mechanicos ad motus, & statutarum sensationum leges disposuit, ac prædeterminavit.

1341. EXPLICATIO V. *Nallum ex phænomenis, quæ in brutis observamus animadversionem, comparisonem, iudicium, ratiocinium in iis indicat.* In phænomenis illis siquidem, in quibus aliquid sensatione præstantius suspicari possemus; nullum est, quod philosophice inspectum, atque perpensum ad ea referri non possit, quæ nullam intelligentiam, & sensationem tantum præferunt.

1342. NOTA I. Physici nonnulli quasdam brutorum operationes perpendentes *effectus* quosdam *fortuitos* intelligentiæ esse arbitrati sunt. Putaverunt illi, bruta deliberare, animadvertere, media ad finem referre; in quibusdam enim phænomenis nostris similibus ea deprehenderunt, quæ a nobis profiscuntur, quum matura animadversione, & deliberatione agimus, & cum media cum fine, finem cum mediis conferimus.

Non

Non tamen a fortuito, & solitario phænomeno de phænomenis in genere judicium ferendum est; imo ex phænomenis generatim de fortuito, ac solitario phænomeno est judicandum. Atqui phænomena generatim sumpta permanentem in brutis animadversionis, comparationis, judicii, ratiocinii defectum ostendunt. Quare:

I. Si quis physicus, aut historicus referat, scimium cum Carolo Quinto latrunculis lusisse; ne credas.

Scimus, ut latrunculos moveat erudiri potest; nunquam tamen vere ludum ludere addiscet; nequit enim *unius latrunculi ad alium abstractam relationem* unquam percipere.

Sensatione sane noscit, regem pedite majorem esse. Nunquam tamen percipiet, num hic pedes regem vicerit; cognitionis enim hujus objectum est relatio abstracta, quæ extra sensationis sphaeram sita est.

II. Si quoque quis physicus asseveret, noctu lupos duos, ut molossum armenti custodem vorent simul convenire; ut alter in insidiis prope domum sistat, dum alter simulata fuga molossum extra domum trahit: quum vero satis abduxerint, tunc ambos collatis viribus illum aggredi, & vorare; ne hoc quoque credas. Lupi duo fame stimulante sociari instinctu possunt: at instinctu simul consilium inire nequeunt, ut finem propositum assequantur; ut enim hoc facerent, *abstractas relationes* percipere deberent; cognitiones vero abstractas eorum natura obtinere nequit.

Phænomenon aliquo pacto contigisse potuit. Potest enim casu fieri, ut duorum luporum alter a molosso fugiat, dum alter, qui retro latebat, molossum aggressus animos addere socio potest, illumque ad certamen revocare. In his omnibus vero, nullum haberi potest inter lupos *agendi consilium initum*; si enim eorum natura in phænomenis generatim consideretur, eam

eam ad abstracta percipienda, & ad operationem quamvis consilio deliberatam permanenter ineptam reperimus (1297, & 1318).

III. A brutis aliquando casu nonnulla fiunt, quæ apta quadam connexione iis similia sunt, quæ ab hominibus fieri videmus; quoniam vero hæc phænomena ab hominibus ratione, & consilio peraguntur; nos natura ipsa eadem consilio, ac ratione in brutis peragi putamus. Hinc nostri hac in re errores emergunt.

At vero qui ita philosophatur, casum pro natura sumit; a phænomenorum specie ad aliam omnino diversam illationem facit; nostrum bruti percipiendi, & agendi modum tribuit, ut eorum proprium percipiendi, atque agendi modum detegat. At vero hac ratione philosophia & ratio pervertitur.

1343. NOTA II. Magna illa quæstio de brutorum ratione in binas diversas sententias potestremis hisce temporibus philosophos divisit, quæ ambæ æque falsæ esse videntur.

Alii bruta vera ratione donari arbitrati sunt adeoque anima omnino humanæ simili; quæcumque talis animæ natura sit. Quare, inquiunt, brutis intelligentiam, & rationem denegemus, quum omnia eorum opéra ingenium, & intellectum præferant?

Alii hanc assertam brutorum rationem nihil aliud esse censuerunt, præter veram physicam necessitatem: quæ non magis veram animam in brutis supponat, quam in planta vegetante, aut in planeta suam ellipsem describente. Quare, inquiunt, intelligentiam, & rationem brutis tribuamus, quum cæca, uniformi, certa que impressione omnes suæ speciei proprias operationes peragant, & omnibus conservations necessariis consulant? si brutis ratio tribuenda est, æquo jure plantis, ac planetis tribuetur. Si apum industriam tanto artificio favos constructantium admiramur; vitis quoque, & phaseolorum in-

industriam admirabimur, qui tanto ordine flores, & fructus suos producant, ac filamenta sua, veluti totidem brachia, tam apte protendant, quibus adhæreant, ac regantur.

I. Evidens est *aliquid brutis inesse, quod plantis non inest*; si enim necessitas physica, si-ve causarum naturalium actio sufficit, ut omnia quæ ad plantas spectant, explicemus, non tamen ad omnia, quæ ad bruta spectant, explicanda sufficeret.

Etsi enim & apum industria in favis construendis, & vitis industriam in pampinis, ac racemis producendis admirer; concipio tamen, & sentio, in ape existere *principium sensus*, quod nulla physica necessitate explicari potest, quodque viti nullo pacto inest. Concipio, & sentio, etsi apis, & vitis operationes providentiam infinite intelligentem, & activam supponant, quæ & eas condiderit, & eas conservet, & agentes dirigat: non proinde sequi, apis, & vitis animas ejusdem speciei animas esse.

Quare postrema hæc sententia a Buffonio promota, Cartesianæ re ipsa non absimilis, in qua bruta *necessitate physica, & mechanica* omnia operantur, nulla ratione admitti potest.

Brutis inest vera necessitas physica; cognitione enim reflexa carent, adeoque libertate. At *vera sensibilitate* donata sunt, quæ ab hac eadem necessitate physica plantas, planetas, naturam inanimatam regente proficisci nequit.

II. Evidens est, *brutorum animam humanam animam inferiorem esse*; omnia enim in hominibus substantiam intelligentem, & animadvertentem indicant; nihil in reliquis viventibus, & animatis similem substantiam indicat.

An ne ex sola organorum diversitate procedit hominis a bruto diversitas? hoc absurdum materialistarum paradoxum, & assertum est.

„ Si equi ungula, inquit Helvetius, in huma-  
„ nam



„ nam manum mutaretur , equum cum homi-  
 „ ne de rationis usu , & de telluris imperio  
 „ certantem videremus “ .

Quo vero fundamento tam audax assertioni-  
 titur? nullo. „ Hic, qui philosophice ratioci-  
 „ nari arbitratus est , inquit sapienter recens  
 „ philosophus, non animadvertit, animal quod-  
 „ vis esse *peculiare* quoddam *systema* , cuius  
 „ partes omnes aliæ ad alias invicem referun-  
 „ tur. Si quadrupedis ungula in flexiles digi-  
 „ tos converteretur, adhuc in cerebro ungula  
 „ perseveraret “ .

Simii, ii præcipue, quos Pongos, aut Orang-  
 outans vocant, quorum statura, forma, orga-  
 na ita humanis similia sunt, ut eos *sylvestres*  
*homines*, seu sylvarum homines nonnulli nun-  
 cupent, scimii, inquam, digitos habent nostris  
 valde similes. Eos ne propterea videmus leges  
 ferre, urbes condere, arces munire, classes  
 construere, artem militarem instituere, typo-  
 graphias, ingenii, mercimonii, industriæ com-  
 mercia? eos ne ab austro ad boream, ab ortu  
 ad occasum peregrinari videmus, ut ab aliis  
 scimiis religionis, artis, naturæ bona perci-  
 piant, aut ut sua illis communicent? Nihil ho-  
 rum sane videmus. Neque ex universa eorum  
 mira industria, atque asserta ratione quidpiam  
 emerfit, quod simplici scalæ, vecti, scamno  
 comparari possit, quorum tamen ideam, for-  
 mam, usum ipsis ubique natura ipsa indicare  
 videtur.

Certum est, hominem cogitare, scimium  
 nunquam cogitasse. Defectus hic cogitationis  
 in scimio ex organorum ne vitio universæ e-  
 jus speciei perseveranter proprio proficisceretur;  
 ut cogitationis defectus in iis humanæ speciei  
 individuis, qui imbecilles aut nascuntur, aut  
 subinde fiunt, casu quodam contigit ex orga-  
 norum vitio individuorum dumtaxat proprio?  
 Non sane, Absurdum est enim, ut alibi osten-  
 di-

dimus, supponere ullam entium speciem iis perpetuo, & universim destitui, quæ eorum natura postulat. Genericæ speciei proprietates, & qualitates ab immutabili essentia, & natura procedunt. Quare quum nullus scimus unquam cogitaverit, dicendum est: *cogitationem speciei hujus non esse propriam*; atque hoc de quavis alia brutorum specie dici potest (1298).

*SUBSTANTIÆ IN MATERIAM, ET  
SPIRITUM DIVISIO FORTASSE  
PERFECTA.*

1344. OBJECTIO IV. Nullam *substantia* hujus *media*, quam in brutis supponimus, quæque nec materia est, neque spiritus, claram, atque distinctam ideam habemus. Ergo substantia hæc a philosophis non est admittenda; nihil enim ab iis admitti debet, nisi quod probe concipiatur, & de quo ex eorum ideis judicium ferre possint. Ceterum vetus substantiæ in materiam, & spiritum divisio *exacta* videtur, omnia complectens, nihil inter sua bina membra medium relinquens. Quare substantia hæc media, de qua sermo, omnino fabulosa videtur.

RESPONSIO. Inanis hæc objectio, quam ad fastidium aurium repetunt tirones philosophi, & limitatas in illis cognitiones, & invalescentia præjudicia satis indicat. Perpenderent vellem qui hæc objiciunt, quid sint, quæ ratione in ipsis fiant *diversarum substantiarum ideas*; tunc enim facile intelligerent, primo injuria obscuram dici ideam substantiæ mediæ inter materiam, & spiritum; deinde philosopho indignam esse persuasionem, in qua fortasse sunt, nullam inter materiam, & spiritum substantiam mediam dari posse. (213, & 218).

I. Idea *substantia media* inter materiam, & spi-

spiritum nil minus clara, minusve notis suis distincta in mente nostra est ideis substantiæ materialis, & substantiæ spiritualis; ut jam alibi ostendimus. Quare aut obscuritatis taxanda quoque est idea materiæ, & idea spiritus, aut ab hac nota idea substantiæ intermediæ tandem liberanda. Sicuti nimis probare nihil probare est; ita nimis impugnare nihil impugnare est (55).

Experientia, & ratio probant, nos *rerum existentium naturam* non cognoscere, nisi ex ideis, quas earum effectus in nobis excitant; hanc enim rerum naturam in se ipsam non intuemur. Ex hac observatione jam supra ostendimus, nos nihil magis materiam, quam spiritum cognoscere. Nunc nihil magis hominis, quam bruti animam nos cognoscere ostendamus.

Quam Cartesianus *substantia spiritualis* hominem animantis habet ideam? Eam habet, quam parit effectuum ab homine emanantium observatio. In homine intelligentiæ, & sensus phænomena observamus, quæ simplici materiæ tribui nequeunt. Ex his in nobis idea enascitur substantiæ sentientis simul, & intelligentis; adeoque substantiæ spiritualis.

Atqui hoc eodem modo *substantia* hujusmodi bruta animantis idea in nobis excitatur. In brutis physicæ sensibilitatis phænomena observamus, quæ materiæ proprietates excedunt, & ad spiritus proprietates non pertingunt. Ex his substantiam in brutis concipimus a materia, & a spiritu natura diversam, illa proprietatibus præstantiorem, hac deteriore; aptam intrinsece voluptatis, & doloris sensationes experiri, quod materiæ competere nequit; intrinsece ineptam ad intelligentiam usque attingi, quod spiritus proprium est: uno verbo, substantiam mediam inter corpus, & spiritum.

Ambarum itaque harum substantiarum ideam  
æque

æque habemus, illius scilicet, quæ hominem, & illius, quæ brutum animat. Si vero in postrema quid obscurum est; æque in prima obscurum quid invenies. At quæcumque in incomprehensibilibus hisce substantiis idea invenitur; eas dari ex effectibus æque constat. Primam spirituales esse certum est; alteram mediam esse inter materiam, & spiritum multo verosimillimum est ( 216, & 1299 ).

II. Vetus substantiæ in materiam, & spiritum divisio nihil in sententiam nostram probat, aut probare potest. Anne in binis hujus divisionis membris omnes, quæ haberi possint, substantias contineri probatum est? Non sane. Vel simplex enim regni animalis observatio nos docet, tertiam saltem substantiarum speciem a duabus illis diversam esse in natura; nihil vero probat, innumeras alias substantias a tribus hisce nobis notis speciebus adhuc diversas in natura dari posse.

Si nunquam alia bruta præter canem, & equum novissemus, fortasse non nisi in species duas hanc entium classem partiti essemus; & divisionem hanc nostram ut imperfectam oppugnantibus fortasse irasceremur. Num propterea leo, taurus, ovis, aquila, cete, salar, apes, formica species essent chimæricæ? Quin si quis ex effectibus accurate observatis tertiam dari brutorum speciem ostenderet a binis antea notis omnino diversam, tertia hæc species describenda ne esset, quod divisioni a nobis statutæ, aut admissæ non congrueret? Evidens est, non ita faciendum.

Idem dicemus de tribus substantiarum speciebus, de quibus quæstio, de spirituali scilicet, materiali, & media inter utramque. Effectus sunt, qui *materialem substantiam* dari ostendunt; alii sunt, qui *spiritualem substantiam*. Effectus demum sunt, qui neutri tribui

possunt, & qui tertiam a binis prioribus diversam substantiam dari ostendunt.

Afferi ergo potest, nihil veteri illa substantiæ in materiam, & spiritum divisione obstante, *substantiam* aliam in natura dari *immaterialem sensu donatam, intelligentia destitutam*, quæ brutorum anima est.

1345. OBJECTIO V. Quam multa in substantiam hanc mediam congeri possunt! Quomodo existit? quando? qua parte corporis? qua ratione in corpore, & in corpus agit, in quo existit? pereunte corpore, quod animat, quid illa fit? Quæ, & quanta in hac sententia mysteria!

RESPONSIO. Nulla alia sententia nostra mysteria continet, quam quæ cuiusvis animæ theoriæ, & cuiusvis materialis, & immaterialis naturæ observationi necessario adnexa sunt. In natura tunc quoque, quum magis nobis sese prodere videtur, alia obscura sunt, alia luce conspersa; quæ vero pars lucet ab obscura non obtenebratur ( 56 ).

I. Certum est, animam brutorum, ut humanam, non nisi *vera creatione* existere posse; non enim essentialem existentiam habet; neque a materia, aut a spiritu, a quibus essentia differt, & in quibus neque virtute, neque re ipsa continetur, extrahi potest ( 1301 ).

II. Verosimile est, animam brutorum, ut & humanam, tunc incipere existere in corpore organico, quod animare debet, quum organa corporis satis perfecta ejus præsentiam exigunt; eamque in præcipua aliqua parte corporis existere, a qua illud aptius regere possit ( 1305 ).

III. Verosimile quoque est, brutorum animam, ut & humanam, in corpus, quod animat, non agere, nisi ut *causam occasionalem*. In hac enim brutorum anima nullum concipitur, ut nec in humana, *actionis medium*, quo

in

in corporis organa agere possit, nec ulla *distincta cognitio* organorum; quæ præ ceteris in hoc corpore excitare debeat. Eadem ratione brutorum corpus causa est tantum occasionalis intimarum sensationum, quibus eorum anima afficitur ( 270, & 1309 ).

Hoc tamen hominem inter, & brutum discrimen est, quum tamquam causæ occasionales considerantur; quod in brutis phænomena omnia ab intimo ea animante principio emanantia a solis sensationibus proficiscuntur; in homine vero phænomena ab intimo eum animante principio emanantia partim a solis sensationibus, partim ab intelligentiæ operationibus procedunt.

IV. Certum videtur, in animæ brutorum muneribus, ut etiam in humanæ *perfectiōis progressionem* haberi; & in individuo recens animato nondum animam integrum, atque perfectum suorum munerum exercitium habere, ut habebit, quum corporis organa perfectam omnino structuram adepta fuerint. Hujus ratio est, quia in bruto, ut in homine, animæ munera a magis, minusve libero, atque perfecto organorum, quibus conjuncta est ministerio pendere videntur ( 1065, & 1308 ).

V. Certum est, in brutis, ut & in homine, essentielle organorum vitium inferre animæ a corpore separationem. Hinc bruti interitus.

Quum vero brutum interit, quænam *substantia sensibilis, & non intelligentis*, immaterialis, qua animatur, fors est? Duæ hac de re sunt philosophorum sententiæ: sentiunt alii, tunc animam a Deo ipso ad nihilum redigi, utpote nullum amplius habentem finem, quem assequatur. Alii, qui mitius metempsychosim sequuntur, sentiunt animam hanc a Deo conservari ad alia ejusdem speciei individua animanda ( 1304 ).

## S E C T I O III.

AUGMENTUM, ET INTERITUS CORPORIS  
ANIMALIS; ET HAC DE RE-NAT-  
URÆ LEGES.

1346. OBSERVATIO. **U**Niversæ de ani-  
ma tum hominum, tum brutorum theoria co-  
ronidem ponemus observationibus, atque ani-  
madversionibus nonnullis de augmento, atque  
interitu animalis corporis ab utraque animati.

Observationes, atque animadversiones hæ hu-  
manum corpus potissimum respicient. Facile erit  
eas certis limitibus circumscriptas brutorum  
corpori accommodare.

## AUGMENTUM.

1347. OBSERVATIO. Corporis animalis  
augmentum philosophi animadversione dignum  
est. Experientia constat, speciem humanam po-  
tissimum considerando, *factum* in matris sinu  
magis, magisque crescere usque dum nascitur.  
*Infantem* contra ad pubertatem usque minus,  
minusque crescere; *puberem* veluti ex abrupto  
crescere, & brevi eam corporis proceritatem  
assequi, quam semper obtinere debet, non nisi  
latitudine augmentum habiturum donec decre-  
scere incipiat, & deperire. Idem ferme de o-  
mnibus viviparis brutorum speciebus dici po-  
test. Hæc illustriores physici, celebris Buffo-  
nius præsertim, observarunt.

I. *Fœtus*, qui primitus non nisi molecula  
organica est, *punctum vivens*, & *salens*, ma-  
gis in dies crescens hanc ferme progressionem  
sequitur.

Men-

Mense primo pollicem ferme longus est; altero pollices duos cum quadrante; tertio, tres cum dimidio; quarto, pollices quinque, & ultra; quinto, sex cum dimidio, aut septem; sexto, octo cum dimidio, aut novem; septimo, undecim, & ultra; octavo, quatuordecim; nono, pollices duodeviginti.

Mediam hic mensuram sumimus inter majores fœtus, qui nono mense nascentes undeviginti, aut viginti pollices obtinent, & minores, qui quatuordecim tantum longi sunt.

II. *Puer* contra, qui pollices duodeviginti altus erat quum nasceretur, minus, minusque crescens, annos natus septem ferme pollices auctus est; altero anno quatuor ferme pollices augetur, tertio tres: deinde singulis annis ad pubertatem usque non nisi pollices duos crescet, aut unum cum dimidio.

III. Quum *pubertatem* attigit, natura in illo vires suas undequaque exerere videtur, ut opus suum expleat, atque perficiat. Brevi quam toto vitæ tempore habere debet, proceritatem obtinet.

1348. EXPLICATIO. Physiologiæ principis constat, physicum animalis vitæ machinamentum in homine, & in brutis plerisque a duabus causis præcipue pendere; a *vi* scilicet *expansiva* cordis, quod sanguinem premit, & ad omnia membra urget; & a membrorum *vi resistente*, quæ sanguinis impulsu coercentia ad cor remittunt. Hinc tria diversa phænomena explicantur, quæ in homine crescente, ac in universa illa animalis regni parte, cujus organa humanis magis analogia sunt, observantur.

I. Facile, & promptum *fœtus* in materna alvo incrementum & a maxima cordis expansiva vi procedit, & a maxima membrorum natura viscidorum, & mollium ductilitate, quæ



eorum extensioni, & expansioni minimam resistantiam opponunt.

Dum foetus in matris alvo crescit, majori proportionem vis expansiva cordis crescit, quam membrorum sese explicantium crescat vis resistens. Hinc in foetu incrementum ad nativitatem usque semper majus.

II. In *infante* jam nato activa aeris vis ambientis, & respirati, ciborum, quibus alitur, natura terrea magis, ac minus pinguis, ejus fibras, musculos, viscera, organa omnia, substantiam omnem magis, magisque confirmant, ac roborant.

Majori tunc proportionem membrorum expansioni resistentia crescit, quam crescat vis expansiva cordis, a qua membrorum expansio potissimum derivatur. Hinc infantis incrementum a nativitate ad pubertatem decrefcentibus gradibus procedit.

III. Infans jam *puer* effectus copiosos habet nutritios succos; quaecumque horum causa sit, in sanguine, & humoribus accumulatos. Hi magna vi vasa omnia dilatant, per quæ fluere debent. Horum pars successive, at brevi tempore condensatur, ac coagulatur in interstitiis a violenta venarum, arteriarum, fibrarum, membranarum, musculorum, carnis, membrorum omnium extensione effectis.

Expansionis vis a cordis, actione, & a nutritiorum succorum copia producta *majorem* aliquo tempore *rationem* habet, quam vis adhesionis, aut resistentia a membris opposita. Ex transitorio hoc vis excessu materialis natura *pueris individui* ita brevi crescit, & explicatur, ut *vis expansiva* sanguinis, & humorum, non amplius *resistentem* membrorum *vim* excedat, & vincat; hæc vero in dies crescunt, solidantur, confirmantur.

IV. Tandiu æquilibrium hoc inter vires expansion-

*Formatio & interitus corporis animalis.* 391  
panfionis, & adhæfionis magis, minusve perfecte perseverat; quamdiu prima vis *aequalitatis rationem* ad alteram servat.

At vero quum membrorum resistentia in dies crescat a prima infantia ad senectutem; vis vero activa cordis, sanguinis, humorum in homine triginta, aut quadraginta annos nato non amplius crescat; imo subinde in senium declinando magis, magisque minuatur; ab hoc æquilibrium ablato tandem animalis machinæ jactura, & solutio sequi debet; ut quamprimum explicabimus.

### PERIODI CERTÆ IN FOETUS FORMATIONE.

1349. OBSERVATIO. Satis fusc in altero physicae nostræ volumine de magno *Reproductionis entium viventium* phænomeno agimus in viviparis, & oviparis speciebus. Ibi ostendimus hanc viventium æque, ac vegetantium reproductionem semper fortasse abditum humanæ menti mysterium futuram; omnemque humani ingenii sagacitatem, etsi hac in re probabilitatem aliquam assequi fortasse potest, nunquam tamen naturæ arcanum omnino detecturam. Nos hic, jam fœtum in matrice, aut in ovo speciei suæ esse supponentes, tantum perpendemus num *perfecta sua formationis periodus* in primigenio suo domicilio antequam in lucem prodeat in eadem specie variabilis, an constans sit.

I. Omnium physicorum observationes ab Hippocrate, & Aristotele ad hæc usque tempora concordantes probant, in *omni vivipara brutorum specie gestationis tempus certum esse, & immutabile*; adeo ut, data die conceptionis in quavis vivipara brutorum specie, tempus ferme

definiri possit, quo fœtus omnino perfectus sit. Tempus hoc a natura statutum est, fore menses undecim equis, & asellis, menses novem vaccis, octo cervis, quinque ovibus, & capellis, duobus canibus, uno leporibus, & cuniculis; atque ita de ceteris.

Quare perfecta fœtus formatio in viviparis omnibus certam, ac definitam periodum habet a natura statutam, quæ in naturali rerum ordine varietati non est obnoxia. Fœtus ante tempus a natura definitum nosci potest; tunc vero nondum perfecte formatus est, *præcox* vero iste *ortus* a fortuitis causis procedit, quæ naturalem rerum ordinem perverterunt. Potest quoque fœtus ultra tempus a natura definitum fortuitis causis in matris utero detineri; tunc vero *serus* iste *ortus* aut fœtui, aut matri, aut utrique funestus est.

Tempus hoc gestationis in quavis brutorum specie a natura definitum neque ex varia climatis temperie, neque ex vario corporis habitu, neque ex varia alimentorum qualitate mutatur. In zona torrida æque, ac in frigida idem est gestationis tempus eidem speciei regiones illas incolenti; etsi tam varia illarum temperies sit, tam varia vegetabilia, quibus plurimæ brutorum species aluntur. Robustæ cervæ non citius fœtandi tempus advenit, quam infirmæ; imo sæpius primæ fœtus infirmus est, alterius robustus. Idem de ceteris brutorum speciebus dici potest.

Rei hujus ratio est, quia fœtus animalia, & vitalia munera in matris alvo a maternis muneribus ferme segregata sunt. In placenta locatus, quæ veluti sui pars est, organa sua habet, sanguinem suum, humores, motus suos habet; a matre vero nutritium succum tantum haurit, quem satis verosimiliter umbilico ebit, ore, poris suis absorbentibus: similis, inquit

quit recens physicus ( a ), plantæ parasitæ , quæ illam , cujus humore nutritur , destruere posset , se incolumi . Materna alvus speciei suæ congruum illi habitaculum præbet , calorem suæ dilatationi opportunum , succum nutritium naturæ suæ analogum . Cetera omnia in illo *immutabiles animalis œconomia* leges operantur ; ipsumque a matre independentem efficiunt , quamdiu matris habitus peculiaris vegetationis suæ œconomiam non vitiat .

Tempore a natura definito ; puta , octo mensibus exactis pro cervis , quinque vero pro ovibus ; fœtus a proprio suo habitaculo expellitur , non proprio pondere , quod obstacula , quibus detinetur , vincere non valeret ; non propria actione , fœtus enim mortuus æque erumpit , ac vivus ; non ulterioris dilatabilitatis in matrice defectu ; posset enim hæc duplicem sæpius continere , quum unum tantum emittit ; at ipsa matricis actione , quæ maxime irritabilis , natura ipsa summa vi contrahitur quo tempore fœtus jam maturus est ; quæque violenta hac contractione sese sarcina exonerat , cui ipsa non amplius utilis est , aut necessaria .

II. Mirum sane est , physicos , qui fœtus formationem *certis , & immutatis legibus* subesse concordēs fassī sunt , in viviparis brutorum speciebus ; tanto tempore nullis solidis rationibus *ordinem* in formatione humani fœtus *omnino diversum* admisisse .

Quarenam natura , quæ certas , & immutatas leges cuilibet brutorum speciei in gestatione statuit ; fœminis etiam certas , & immutatas

tas

---

( a ) *Ludovicus , seu Louis celebris chirurgus egregio opere suo de feris ortubus ; a quo hic nonnulla mutuamur .*

tas gestationis leges non statuerit? seu quarenam natura, quæ leges suas in brutorum propagatione nunquam intervertit, eas in humanæ speciei propagatione interverterit?

1350. *NOTA.* Celebris Hippocrates de naturalis partus limitibus agens eos a diebus centum, & octoginta duobus ad dies ducentos, & octoginta extendit; a sex mensibus scilicet ad menses novem, & dies decem. Aristoteles Hippocratis auctoritate deceptus hoc medicinæ oraculum omnino secutus est. Hanc vero sententiam assumens *dogma* veluti *philosophicum* statuit, de quo duodeviginti, aut viginti sæculis ne dubitandum quidem physici censuerunt.

I. Aristoteles ex Hippocratis sententia *variabilem periodum* humani fœtus formationi hoc pacto tribuens, hanc phænomeni, & naturæ in agendo varietatem inæquali matrum habitui tribuit, quæ inæqualitas, inquit, humanam speciem a communibus gestationis legibus eximit, quibus aliæ brutorum species obtemperant.

Quasi vero minor virium, & roboris in variis brutorum speciebus, quam in humana specie, inæqualitas haberetur; seu quasi hæc virium, & roboris inæqualitas naturæ leges, & ordinem pervertere posset in subiecto ab illis non pendente neque in humana specie, neque in diversis viviparis brutorum speciebus.

II. Recentiores physici de naturæ ordine, & legibus aptius eruditi, Aristotelis sententia rejecta, & *certas, atque immutatas leges* in humani fœtus formatione admittentes, ut in viviparis brutorum speciebus, plane agnoverunt.

*Perfectam hanc humani fœtus formationem* in universis hominum stirpibus sive in torrida zona, sive in frigidis, sive in temperatis, tum in veteri, tum in novo orbe *novem expletorum men-*

*mensum* periodum postulare , quin admodum ab hisce limitibus natura recedat .

Fœtum ante menses novem expletos nasci posse , quia fortuitæ causæ illum ante perfectam formationem e materna alvo expellere possunt ; & post septem menses satis perfecta esse ejus organa , ut vitæ spes sit ; ut experientia probat .

At fœtum diu ultra menses novem in materno sinu detineri non posse , nisi a fortuitis causis illic per vim detineatur , ac pereat . Eaque omnia , quæ tum in antiquis , tum in recentioribus historiis leguntur de quibusdam seris ortubus post menses undecim , aut duodecim , non nisi fabulam esse ab Aristotelis sententia enatam , ab inscitia admissam , ab infidelitate conjugali , & a peculiari auctoritate propugnatam ; aliquando etiam a legibus receptam , aut tolleratam .

1351. OBJECTIO . Sunt ne *natura leges* ita semper , & generatim immutabiles , ut esse supponuntur ? Quot mutationes & in animali , & in vegetabili regno leges hæ non subeunt ? Seu potius nonne aliquando peculiare phænomenon naturæ lex esse perhibetur , quum nullo pacto tali nomine dignum sit ?

Exempli causâ ; quare , quave ratione in humanorum fœtuum ortum *definita periodus* statuatur ; quum neque pro pubertate , neque pro virili ætate , neque pro senectute hujusmodi periodus habeatur ? in Europa puellæ nobiles non sunt nisi ad decimum tertium ætatis annum : ætate perfecte vigent anno quinto supra vicesimum . In Arabia , & in pluribus aliis Australibus octavo , aut nono ætatis anno nobiles sunt ; vicesimo quinto jam senescunt .

Pari ratione quare definitum tempus humani fœtus formationi statuatur , quum plantarum germinibus explicandis , & in terræ sinus formandis definitum tempus non sit ? In frigidis

regionibus citius feritur, serius metitur, quam in calidis: in eodem climate, atque in solo eodem germen grani frumenti, bulbi tulipæ, radice ranunculi, ceterarumque plantarum modo serius, modo ocius explicatur, pro diversis circumstantiis expliationi faventibus, aut officientibus; quare ergo id quoque germini, a quo animale corpus prodire debet, non contingat?

RESPONSIO. Certum est *immutabiles in natura leges* haberi; hoc enim, ut & corpora ipsa dari, experientia, observatio, ac certissimum sensuum testimonium testantur. ( 502 )

I. Lex naturæ nullam in suis effectibus mutationem patitur, quum nihil ejus influxum, & actionem impedit; *sapius tamen lex una natura cum alia natura lege configit; tunc vero ambarum legum effectus ex earum conflictu procedit.*

Exempli causa; datur *lex gravitationis*, qua globus ignivomus ad terræ centrum tendit; & *lex impulsione*, qua idem globus in tormento bellico finitóri normali positus pulveris pyrii actione sursum trudi debet. Hujus globi motus ambarum harum naturæ legum effectus est. Leges immutabiles sunt; sed toto tempore, quo globus a terræ centro recedit, invicem opponuntur.

II. Quandoquidem natura sese recte ordinatam, constanter, certis, & immutatis legibus obtemperantem ostendit in phænomenis omnibus, quæ nobis exhibet, & in omnium præsertim viviparorum brutorum propagatione; quare in humanæ speciei propagatione diversa esset?

Nulla omnino ratio afferri potest probans, naturam in humani fœtus formatione minus uniformem, atque constantem esse debere, quam in brutorum viviparorum speciebus sit. Quum vero experientia ostendat, in quavis  
bru-

brutorum specie naturam certas leges sequi ; quam validis rationibus opus esset , ut in humana fœtus formatione naturam variabiles leges sequi probaretur ?

Quæ quum ita sint , *humani fœtus formatio in materna alvo ita certis legibus , ac definita periodo alligata esse debet* , ut est in cervis , in ovibus , ceterisque ; leges enim animalis propagationis æque immutabiles , ac natura ipsa esse debent ; neque leges hæ majora obstacula in humana specie offendunt , quam in brutis .

III. *Definitam periodum non habet humana species , pubertatis , virilitatis , senectutis ;* varii enim hi status ab innumeris causis extrinsecis , & fortuitis plurimum pendent , quæ immediate in individuum agunt , quæque sub aliquo cælo id illi accelerant , quod sub alio retardant .

Cælum magis minusve fervens ; atmosphæra animali œconomix magis , minusve opportuna , alimenta magis minusve salubria , & activa , irritantia , apta organa vel explicare , vel deterere maximam in hominibus phænomenorum diversitatem ab infantia ad senectutem parere possunt .

Non idem vero de humano fœtu in uterò censendum . Ibi ille vegetans tantum , & uniformi in temperie tum hyeme , tum ætate vivens in Laponia æque , ac in Arabia , nullas externi aeris varietates sentit , aut patitur . Ibi , ut germen in ovo a gallina foto , peculiarem sibi rerum ordinem habet ; neque , ut vegetet , alio indiget , quam certo *animalis caloris* gradu , qui in humana specie semper ad sensum sub quovis cælo idem est ; & *liquore nutritio* , qui in matris vasis elaboratus jam , & dispositus , iterumque in fœtus vasis sese disponens paucas admodum ex iis varietatibus servat , quas soli , & cæli diversitas illi tribuere potuit .



IV. Si quod in humana specie inter matres discrimen est animalis caloris, & nutritii succi a quibus foetus formatio habetur; certo asseri potest, hoc tantum non esse, ut tempus a natura statutum ad foetus formationem admodum pervertere possit. Quum enim hæc temporis inæqualitas inter arctissimos limites contineatur in omnibus brutorum speciebus, quare ita quoque in humana specie non coarctetur?

V. In *ovipararum specierum propagatione* natura quoque certas, & immutatas leges sequitur. Nos vero experientia docet, foetus formationem quadraginta ferme incubationis dies postulare in ovo gallinæ Indicæ, viginti, aut unum supra viginti in ovo gallinæ, ferme duodecim in ovo passeris canarii; atque ita de reliquis.

Et si plura externa, & fortuita naturæ legibus opponantur in *oviparorum foetus formatione*, quam in humani foetus; certum tamen est, temporis diversitatem in eadem specie ex his causis minimam esse. Quare ergo in humano foetu tanta sit, quantam olim nonnulli esse voluerunt?

VI. *Plantarum vegetatio* in germinis explicatione certis quoque, & immutatis legibus regitur, quæ eadem semper ratione procedunt, nisi ab aliis naturæ legibus præter morem aut juventur, aut impediuntur.

At vero hæc plantarum vegetatio in germinis explicatione plurimum pendet, & a diverso, quo afficitur, caloris gradu, & a diversa humoris copia, qua penetratur, a diversa soli natura, quod ejus veluti matrix est, a fortuitis aliis causis, quæ alicubi, & quodam tempore vegetationem juvant, & accelerant; alibi, & alio tempore impediunt, & retardant; quæ in foetus saltem viviparorum vegettione non contingunt; ut supra ostendimus.

Quare ex *plantarum germinis explicatione* ad  
ani

animalis foetus vegetationem, praesertim in humana specie, ceterisque viviparis, nihil inferri potest.

VII. Quod magis facere videtur *pro variabili periodo formationis humani foetus* est; alicubi, & aliquando magistratus legitimos judicasse infantes undecimo, aut duodecimo mense natos a patris obitu.

At enimvero si magistratus infantes hos in ordine civili legitimos judicarunt, non proinde illos natura legitimos effecerunt. Si municipales leges illi statuere, mutare, interpretari possunt; in immutabilibus naturæ legibus jus nullum habent.

1352. *NOTA.* Non raro humanus foetus in utero notas quasdam contrahit, quæ *voluntates* passim dici solent. Has vulgus vehementibus quibusdam aut desiderii, aut timoris in matre prægnante impressionibus tribuere solet; etsi non nisi naturæ veluti ludi sint, & informes quædam concretiones, in quibus mater attonita similitudinem sibi videre videtur cum objectis quibusdam, quæ indicat; in iis tamen physicus nihil tale dignoscit (*Phys.* 559).

„ Quemadmodum sensationes nostræ, inquit  
„ illustris Buffonius, nihil habent simile ob-  
„ jectis, a quibus proveniunt; fieri jam ne-  
„ quit, ut desiderium, timor, terror, alia  
„ quævis, uno verbo, intima affectio, horum  
„ eorundem objectorum imaginem exhibere pos-  
„ sit (489, & 491).

„ Quum itaque foetus hac in re non magis  
„ a matre pendeat, a qua gestatur, quam o-  
„ vum a gallina illud fovante; non magis cre-  
„ derem, gallinam, quæ gallo collum obtorque-  
„ ri viderit, pullos obtorto collo producturam,  
„ quam illius foeminæ historiæ fidem habere,  
„ quæ quum facinoroso membra rota diffrin-  
„ gi vidisset, puerum diffractis membris pepe-  
„ rit.

„ At

„ At modo vera hæc esse supponamus: sem-  
 „ per dicam, a matris phantasia hæc produci  
 „ non potuisse. Quid enim præstant metus,  
 „ & terror? motum intimum, seu si mavis,  
 „ in matris corpore convulsionem cient, qua  
 „ matrix concussa, agitata, compressa, coar-  
 „ ctata, relaxata fuerit. Quid vero ex hac  
 „ agitatione sequi potest? nihil suæ causæ si-  
 „ mile. Si enim vehementissima hæc agitatio  
 „ fuit, intelligimus, foetus gravi ictu percul-  
 „ sumiri; quo enecabitur, lædetur, aut mem-  
 „ brum aliquod ceteris gravius affectum dif-  
 „ forme fiet. At qua ratione concipiemus,  
 „ motum hunc, seu commotionem matrici com-  
 „ municatam posse in foetu aliquid efficere si-  
 „ mile matris cogitationi; nisi si cum Harvejo  
 „ dicamus, matricem ideas concipiendi, & ea-  
 „ rum objecta foetui imprimendi facultatem  
 „ habere?

„ Foetus, ut monuimus, nihil cum matre  
 „ commune habet. Ejus munera a matre non  
 „ pendent, Sua habet organa, sanguinem suum,  
 „ motus suos; porro hæc omnia sua sunt, &  
 „ sibi peculiaria. A matre tantum habet nu-  
 „ tritium illum liquorem, seu lympham a ma-  
 „ trice desudantem. Si lympa hæc vitata  
 „ est, si lue celtica infecta, foetus ægrotat; &  
 „ vitia omnia foetum afficientia a matre illi  
 „ communicari patandum est ( 1349 ).

„ Scimus præcipue, luem contrahi, & nimis  
 „ multa sunt exempla probantia a patrum vi-  
 „ tio natos infici, & interire. Lues hæc so-  
 „ lidas ossium partes invadit; imo semper ma-  
 „ jori vi solidiores, & medias ossium partes  
 „ invadere videtur. Scimus enim ossium ini-  
 „ tium fieri a media illa parte, quæ prima du-  
 „ rescit, & diutius ante ossium extrema con-  
 „ crescit. Censeo igitur, si foetus, ut o-  
 „ mnino fieri potest, hoc morbo afficitur in  
 „ utero, fieri omnino potuisse, ut diffractis os-  
 „ sibus

„ sibus nasceretur , diffracta enim re ipsa ab  
„ hac lue fuerunt .

„ Rachitis eundem effectum parere potest :  
„ In regio museo sceleton est pueri rachitici ,  
„ cujus brachiorum , & crurum ossa in media  
„ eorum longitudine callos habent . Ex hoc  
„ sceleto inspecto dubitari jam nequit , puerum  
„ hunc quatuor horum membrorum ossa dif-  
„ fracta non habuisse dum in utero gestaretur .  
„ Subinde ossa conglutinata sunt , & in callos  
„ concreverunt .

„ Quum sæpius de his *puerorum notis* sermo  
„ sit , & quum passim magis fabulis , quam phi-  
„ losophicis rationibus fides habeatur ; ne cre-  
„ das , te unquam mulierculis persuasurum ,  
„ has filiorum suorum notas nihil commune  
„ habere cum desideriiis , quæ ipsæ explere non  
„ potuerunt . Ceterum nonne ab ipsis peti pos-  
„ set , antequam parerent , quænam earum de-  
„ sideria inexpleta fuerunt ; & quænam ex  
„ his notæ futuræ sint , quibus earum filii in-  
„ signiti nascentur ? Aliquando hæc matres in-  
„ terrogavi ; illæ mihi iratæ sunt , convictæ  
„ nunquam “ .

### *INTERITUS .*

1353. **OBSERVATIO.** Postquam qua ratio-  
ne incrementum fiat novimus , difficile non erit  
qua ratione interitus sequatur intelligere , sive  
in humano , sive in brutorum corpore . Ad hoc  
satis est mutationes considerare , quæ in ani-  
mali corpore fieri debent in *vi expansiva cor-  
dis* , sive visceris , quod ejus vices gerit , &  
*vim membrorum resistentem* .

Humanum corpus genericum hac in re no-  
bis exemplum erit ; quæ vero de hoc dicemus  
facile erit opportune modificata diversis bruto-  
rum corporibus accommodare .

I. Quo magis homo ætate progreditur , præ-  
fer-

fertim postquam omnino perfectum incrementum est assequutus, *diversa sui corporis partes in dies, & in annos magis magisque solidantur, & rigescunt.* Hoc experientia probat, & rerum natura rationem hanc sequi debet.

In machina animali ex legibus gravitationis, ex sanguinis, & humorum impulsu, ex musculorum pressione, & reactione plurima vascula perpetuo infirmantur, & vitiantur, paulatimque in totidem fibras fluidis impervias mutantur; ita vero mutata plurimæ insensiles circulationis, & nutritionis salubres vias intercipiunt.

Varia liquida, uti chylus, bilis, sanguis, cetera, in dies minus pingua, minusque fluida adhærent magis, difficilius permeant tenuia, ac magis resistentia vasa; majori difficultate corpus circumeunt.

Membrana, quam textum cellularem vocant quæque in cellulas retis instar divisa totum corpus convellit, diversis partibus modo pingue involucrum præbens, quibus servantur, & nutriuntur, modo molle, & tenax vinculum, quo cohærent, quin mobilitate destituantur; textus, inquam, cellularis mutabilis, & lædi facilis crassior in dies fit, ac rigidior; minus in dies, & annos flexilis evadit, magisque asper, ac magis liquidis permeantibus obstitens, a quibus alitur, atque actionem, reactionem, perfectionem mutuatur.

Cartilagine, corpora ea solida, quæ ab ossibus non nisi rigiditate, & duritie diversa videntur, florenti ætate flexilia, & elastica, magis magisque annis volventibus rigescunt. Ex his plurima tandem ossa fiunt; qua re animalis œconomia maxime immutatur.

Pulmo unum inter viscera amplissimum, & maxime leve, mira vescicularum, & vasculorum aereorum congeries, cui perpetua aeris actio, & reactio minus mollietiei, plus vero inflexi-

flexibilitatis inducit, [minus minusque in dies dilatationi consentit; magis, magisque perpetuæ sanguinis ejaculationi opportunus fit, quem in ipsum dexter cordis ventriculus propellit; hac vero semper aucta resistentia quum successive mechanicam cordis actionem infirmaverit, a quo universæ animalis œconomix motus pendet, tandem illam destruit, ac ad nihilum redigit (*Phys.* 540).

Sanguis ipse, fluidum illud a ceteris omnibus conflatum, substantia ista reliquarum substantiarum omnium nutritium succum continens; sanguis, qui ad annum usque trigessimum quintum massa, & volumine crescit, quin qualitate, & perfectione ad sensum decrescat; tandem viribus decrescit ea ratione, qua suorum vasorum resistentia crescit; & paulatim obstaculis cedens, quæ innumeras vias permeando offendit, non amplius in primis suis officinis perficitur, & lubricus fit; fluiditatem successive amittit, atque activitatem; substantia tandem fit minus pinguis, ac magis terrea. Hinc majores resistentias invenit dum circuit; quem ambitum quum minus libere, ac perfecte peragat, tandem animalem œconomiam perturbat, ac vitiat.

II. Quid ex his omnibus tandem consequitur? *natura postquam omnino explicata est, vis activa cordis, & sanguinis perpetuo minui debet, dum membrorum vis resistens perpetuo augeri debet.* Hinc vires hæ oppositive eo pervenire debent, ut actio primæ nulla sit respectu alterius.

Hinc physici machinamenti vitium gradatim procedens, a quo est alimentorum trituration, digestio, in nutritios succos mutatio, qui ad animalis naturæ jacturas reparandas instituti sunt.

Hinc successiva, etsi insensibilis, & diuturna præcipuarum partium organicæ structuræ de-

debilitatio; in nervis scilicet, in musculis, in omnibus sensus, & motus organis:

Hinc post magis minusque diuturnum tempus cartilaginum, ossiumque contractio, & compressio; quare quum *partes solida* non amplius, ut antea separatæ, & rectæ sint a nutriente substantia, quæ poros replebat, pondere, quo premuntur, constipantur: invicem accedunt, flectuntur, & diversas in partes incurvantur; & rerum ordinem pervertentes humores permeare difficilius sinunt, sanguinem ipsum, & spiritus vitales; atque omnia vitæ munera difficilius peragi sinunt.

Hinc, præter eas omnes interitus causas, quæ interius, & exterius exoriri possunt, senectus, defectio, dissolutio, mors; sive substantiæ immaterialis, ab organica, ejus structura vitiatur, separatio (1061, & 1345).

In hominibus, ut in plerisque brutorum speciebus hæc separatio habetur, & vita cessat quo ipso temporis momento *cordis actio* cessat; a qua primo procedit, & cum qua generatim, & sine remedio omnis œconomix animalis actio intercidit.

#### UNIVERSÆ ANIMÆ THEORIÆ SYNOPSIS; SIVE:

CONCLUSIO. *Anima humana, & anima brutorum* observationum, & ratiocinationum nostrarum hætenus argumenta fuerunt. Utraque substantiam materialem, & organicam animat, quin cum illa quidpiam natura commune habeat, Prima a suis operationibus sentiens & intelligens indicatur; altera suis ipsis operationibus sentiens tantum, non vero intelligens indicatur.

Ex observatione, & phænomenis demonstratum est, animam humanam esse *substantiam spirituales*.

Ex

Ex ipsa observatione, & phænomenis verosimillimum apparet, imo vero ferme demonstratum videtur, animam brutorum esse substantiam mediam inter materiam, & spiritum, natura ipsa ab hoc, & ab illa omnino diversam.

*Finis Tractatus Sexti.*



## T H E O R I A

## ENTIUM INSENSIBILIIUM

S I V E

METAPHYSICA UNIVERSA  
SACRA ET PROPHANA.

## TRACTATUS SEPTIMUS.



## THEORIA METAPHISICA MATERIÆ.

1354. OBSERVATIO. **M**ateria nomine, quæcumque ejus essentia; & natura sit, substantias omnes sensibiles intelligo visibilem hanc rerum universitatem componentes; substantias omnes, quæ in majorem, minoremve massam, in majus, minusve volumen collectæ aptæ sunt quovis modo aliquem ex nostris sensibus afficere, sive in illo organicam quamcumque concussionem parere, ex qua anima nostra ejus naturam, aut præsentiam noscere possit.

I. Materia & metaphysica consideratione perpendi potest, unice *ex idearum testimonio*; & physicis observationibus *ex sensuum testimonio*.

Postrema hac ratione materiam in universa physica nostra perpendimus; nunc eam prima ratione ultimo hoc metaphysicæ nostræ tractatu considerandam assumimus.

Evidens est, materiam aliqua ratione consideratam ad metaphysicam spectare; omnia enim in materia *sensibilia* non sunt, Exempli causa:

sa: quænam est materiæ essentia? quænam sensibilem materiæ accidentium natura est? Obiecta hæc sunt, quæ sensus non attingunt, de quibus experientia, & observatio notionem nullam præbent. Spectant hæc ergo ad metaphysicam, cujus ea omnia, quæ ex sensuum testimonio cognosci nequeunt, obiectum sunt.

II. Metaphysicæ de materia disquisitiones ad quatuor has quæstiones re ipsa adduci omnes possunt, quæ ejus essentiam, sensibilem qualitatem, existentiam, actionem respiciunt.

In quo sita est *materia essentia*; seu quænam est hæc proprietas ejus naturæ intrinseca, quæ illam materiam potius esse facit, quam aliud quidpiam?

In quo sita est *sensibilis materia qualitas*; seu quænam est hæc proprietas ejus naturæ intrinseca, vel extrinseca, qua sensus nostros afficere apta est?

Materia, quam videmus, semper ne extitit, aut aliquando *esse cœpit*?

Materia, quam agentem videmus, intrinsecam ne energiam habet, quæ ejus actionis verum principium, & causa efficiens sit; vel universam actionem suam habet a causa a se distincta, & ejus naturæ extrinseca?

III. Ex *quatuor hisce quæstionibus* duæ postremæ ex naturali rerum ordine in tractatibus de Deo, & de anima humana, ad quos necessario referuntur, jam pertractatæ sunt. Ibi satis ostendimus ex ipsa rerum idea, siue ex præcipuo omnium humanarum cognitionum principio (417):

Materiam de se *substantiam tantum inertem* esse; quidquid vero actionis habet, id a causa naturæ suæ extrinseca mutuari (759, 762, 880, 895, 1070, 1216, 1221, 1222).

Materiam de se esse tantum *substantiam causam* ad cogitandum, ad sentiendum, ad ideas prototypas, ad res invicem conferendas, ad se-

se certis legibus dirigendam, ad sese in organa efformandam, & ordinandam, ut eam efformatam, & ordinatam videmus, necessario ineptam; quidquid vero ordinis, symmetriæ, proportionis in visibili natura intuemur, a substantia infinite activa, & intelligente proficisci debere, quæ nihil natura cum materia cæca, & inerte commune habere potest ( 765, 795, 877, 897, 1042, 1046, 1049, 1068, 1216, 1222, 1226 ).

Materiam æternum non extitisse; & tantum initio temporum existere cœpisse *vera creatione*, & libera, atque efficaci entis ab ipsa natura distincti, & essentiali naturæ suæ exigentia, atque infinita naturæ suæ activitate æternum existentis actione ( 759, 798, 881, 884, 899, 900 ).

IV. Reliquum itaque est, ut quæ in materia ad *eius essentiam, & sensibilem qualitatem* spectant perpendamus. Hæc tractatu hoc discutietur, cui coronidis loco erit sectio peculiaris de metaphysicæ cum physica nexu, ac relationibus.

## S E C T I O P R I M A.

### ESSENTIA-MATERIÆ.

1355. OBSERVATIO. **N**atura, ut religio, mysteria sua habet. Qui se in utraque mysteria invenire miretur, recte nondum philosophari cœpit. Mens humana, ut oceanus, limites habet, quos prætergredi nequit; *usque huc venies*, dixit mari Deus, & non procedes amplius; & *hic confringes tumentes fluctus tuos*. Hæc quoque humanæ menti nimis alte se offerenti dicta intellige.

Inter materialis naturæ mysteria, unum est  
uni-

universis suis partibus veluti inhærens, essentia suæ nempe mysterium. Quænam *materia essentia* est; sive proprietas hæc intrinseca, qua fit, ut hæc substantia materia potius sit, quam spiritus, aut alia quæpiam substantia a materia, & a spiritu diversa?

Quæstio hæc ex iis est, in quibus quo magis philosophia imbuti sumus, magis hæremus. In problemate hoc solvendo omni ætate acutissimi philosophi frustra insudarunt. Natura eo magis mysterium celavit, quo magis illud detegere conati sunt.

**VARIÆ DE ESSENTIA MATERIÆ PHILOSOPHORUM SENTENTIÆ.**

1356. OBSERVATIO. Quidquid philosophia de *materia essentia* protulit, de ea scilicet specifica proprietate, qua materia potius efficitur, quam spiritus, aut substantia alia a materia, & spiritu distincta, quinque hypothesebus continetur, quas paucis indicare pergitur.

Ex harum expositione, quæ quidquid de materiæ essentia excogitari potest, complecti videntur, apparebit, hanc materiæ essentiam, sive *proprietaem hanc distinctivam*, qua materia determinatur, ut materia sit, & ignotam esse, & verosimiliter impolterum quoque ignotam futuram.

**TRIPLEX DIMENSIO DETERMINATA.**

1357. SENTENTIA I. Cartesius materiæ essentiam statuit in *triplici dimensione determinata*, sive in actuali, & determinata extensione in longum, latum, & profundum. In hac hypothese, seu sententia corporis cujusque essentia crescit, aut minuitur ea prorsus ratione, qua hujusce corporis actualis & de-

terminata extensio creſcit, aut minuitur. Ex his in Cartesii ſententia neceſſario ſequitur:

I. *Compenetrationem repugnare*, ſive absolute fieri non poſſe, ut duo corpora idem ſpatium occupent. Ceterum, inquit ipſe, duo corpora, quæ neceſſario eſſentias duas habent, jam unicam eſſentiam haberent: utraque enim identificata eſſent cum una, eademque determinata extenſione, quæ eorum eſſentiam formaliter conſtituit.

II. *Reproductionem quoque repugnare*; ſive absolute fieri non poſſe, ut unum, idemque corpus ſimul, & eodem tempore in duobus diverſis locis ſit, puta, Romæ, & Pariſiis, in cælo, & in terra. Ceterum, inquit ipſe, unicum idemque corpus, ſive una eademque eſſentia identificata eſſet cum duabus diverſis extenſionibus; adeoque cum duabus diverſis eſſentiis; hæc vero ex unico corpore corpus non unicum eſſiceret, ac de unica eſſentia eſſentias duas. (a.)

1358. *NOTA.* I. Nondum perpendentes poſſint ne haberi compenetratio, & reproductio, claram, atque diſtinctam notionem exhibere pergimus ſignificationis, quam binis hiſce terminis ſententiæ huius aſſertores, & oppugnatores tribuere ſolent.

I. *Compenetratio* cenſetur eſſe plurium materiæ elementorum unius in altero exiſtentia.

Exempli cauſa, compenetratio habebitur, ſi elementum A exiſtat in alio elemento B; ſive ſi bina hæc elementa exiſtant in tertio elemento C; quin hæc, quæ ante compenetrationem diſtinctum ſpatium ſingula occupabant,  
& mo-

---

(a) *Quam hic Reproductionem auctor appellas, theologi paſſim replicationem appellare ſolent, (Interpres)*

& modo unum tantum ex hisce spatiis omnia simul occupant, essentiam suam amittant; quin id ullo pacto esse desinant, quod intrinsece prius erant, etsi novum existendi modum acquirant compenetrata.

Pari modo, ponamus marmoreos globos duos diametro unius pollicis nullum habentes porum, aut vacuolum. Si divina omnipotentia primum globum in altero collocat, ita ut bini hi globi simul sumpti illud præcise tantum spatium occupent, quod alter globus occupabat, globi hi duo erunt invicem compenetrati.

Hinc apparet, compenetrationem nihil cum condensatione, aut compressione commune habere; sunt hæc enim phænomena physica, quæ tantum corporis partes invicem approximant, quin eas invicem compenetrent.

II. *Reproductio* censetur esse unius; ejusdemque corporis eodem tempore diversis in locis existentia.

Exempli causa, si divina omnipotentia efficere potest, ut idem corpus quodvis, horologium, sella, conclave, simul sit Romæ, & Parisiis, sive in Saturno, & in Jove; corpus illud erit reproductum.

Juxta communem catholicæ religionis doctrinam adorabile Christi corpus simul, & eodem tempore reproductione, & perpetuo miraculo existit in cælo, & in terra, in hostia Parisiis consecrata, & in hostia Romæ consecrata; quin reproductione multiplex fiat; quin intrinsece esse desinat idem unicum, individuum, totum simplex christi corpus diversis in locis simul existens.

1359. NOTA II. Ut apte intelligatur quod differat compenetratio a compressione, & condensatione, satis erit postremarum claram notionem tradere, atque hanc cum de prima traditis comparare.

I. *Compressio* est physica operatio, qua partes corporis integrantes coguntur invicem accedere, & minora vacua inter se relinquere ex mechanica pressione, cui resistere nequeunt.

II. *Condensatio* est physica operatio, qua partes corporis integrantes invicem accedunt ex naturali earum affinitate: quum invisibile aliquod fluidum partibus horum corporum integrantes interpositum, atque eas invicem accedere impediens, uti naturalis earum tendentia postulabat, e corpore evolat. Condensationi opposita est dilatatio. (Phys. 203, & 206, ).

Compressio, & condensatio ambæ sunt tantum integrantium corporis cujusque partium mutua approximatio, in illa a mechanicæ, in hac a naturæ viribus effecta.

III. Corpora omnia solida natura compressibilia sunt. Corpora omnia solida, fluida, liquida natura condensari possunt.

At compenetratio in nullo corpore sine miraculo, eoque primæ classis haberi potest.

### TRIPLEX DIMENSIO INDETERMINATA.

1360 SENTENTIA II. Catholici Cartesii discipuli quum viderint magistri sententiam cum præcipuis quibusdam de divina Eucharistia dogmatibus componi non posse, materiæ essentiam *in triplici dimensione indeterminata, & variabili* statuerunt. Ita sententiam Cartesii reformantes eam fidei, & rationi conciliasse putaverunt.

In hac sententia ita reformata determinata quævis materiæ quantitas, uti exempli gratia pedis cubici marmoris, in quo nec pori, nec vacuum ullum sit, essentia non est determinata pedis cubici extensio, sive factum ex tribus ejus dimensionibus, longitudine, latitudine, & profunditate; sed ejus essentia est extensio quæ.

quævis indeterminata, & variabilis, quæ augeri potest, & minui in infinitum; quin corpus hoc, quod necessario essentia suæ identificatum est, essentiam proinde mutet in omnibus, quas experiri potest, extensionis mutationibus.

Hac ratione sententia hæc, inquirunt, cum compenetracione, & reproductione componitur; cum *compenetracione*; si enim supponatur Christi corporis, ut alius cujusque, essentiam esse extensionem indeterminatam; non id quod est, esse desinet, nec essentiam suam amitteret, si miraculosa compenetracione ad triplicem ferme infinite parvam dimensionem redigatur in hostia consecrata, vel in vix sensibili ejus parte. Cum *reproductione*; si enim corporis Christi, ut alius cujusque, essentia supponatur esse extensio, seu triplex dimensio indeterminata; potest corpus hoc essentia non immutata, & quod est perseverans, naturalem, quam in cælis habet, extensionem servare, & accidentalem eam in terris acquirere, quam in innumeris consecratis hostiis obtinebit.

### PARTIUM IMPENETRABILITAS.

1361. SENTENTIA III. Gassendus ingeniosus epicurræi systematis restitutor materiam consideravit innumeris *elementis extensis*, & *indivisibilibus* constantem in infinito vacuo collectis, aut dispersis. Et materiæ essentiam meditatus, sive peculiarem eam proprietatem, qua ab omni non materia secernitur, sitam eam esse in partium constituentium impenetrabilitate arbitratus est.

In suis de materiæ essentia meditationibus Gassendus ita processisse videtur. Materiæ essentia in aliqua intima proprietate sita esse debet, quam semper habeat, & qua semper a



*\*14 Theoria metaphysica materia.*

quavis alia substantiæ specie differre possit . Porro in materia hujusmodi proprietas est *partium impenetrabilitas* .

I. Partium impenetrabilitas , dixerit puto , est *constans , & permanens materia proprietas* . Siquidem ,

Si materiam consideremus , eam comprimi , densari , ejusque partes proximas indefinite fieri posse censemus ; at nunquam fieri posse , ut ejus partes compenetrentur , sive ut una ex hisce partibus in alia sit .

Censemus quoque , quodvis materiæ elementum semper inamissibilem proprietatem habere exclusive in se existendi ; seu a spatio , quod determinate ejus substantia occupat , quodvis aliud elementum excludendi .

Hinc illi sequi visum , *impenetrabilitatem partium materia* ab experientia simul , & a ratione demonstrari .

II. Partium impenetrabilitas , perrexerit ille , est *proprietas materia intrinseca , qua ab alia quavis rerum specie distinguitur* . Siquidem ,

Ea a puro spatio distinguitur , quod & extensionem habet , & partes , ut materia ; sed in se toto , & in suis partibus penetrabile est .

Ea a divina substantia distinguitur , a spirituum creatorum , a brutorum animæ substantia , a substantiis demum immaterialibus quibusque , quæ & inextensæ sunt , & partibus carent ; & si partes in his concipere lubet , hæ non sunt impenetrabiles . ( 358. , & 1079. )

1362. NOTA . Maxime in principiis suis philosophica hæc meditatio est ; non talis tamen est , quum adhibetur . Certum est , materiæ proprietatem inesse , qua distinguitur , quæ ejus essentiam constituit , quæ eam materiam potius facit , quam substantiam aliam ; atque hanc peculiarem proprietatem , sive notam , sive ignotam , esse debere materiæ intrinsecam , quam semper habeat , & qua a quavis  
alia

alia substantiæ specie distinguatur . At falsum est ; hanc materiæ proprietatem in suarum partium impenetrabilitate esse sitam ; ut quamprimum ostendemus .

I. Quum materiam observamus , ac meditamur , quæ primum menti sese offerunt , sunt ejus *extensio* , & *impenetrabilitas* : quæ duæ proprietates re tandem in unam , eandemque recidunt . Hinc optimo jure inferimus , materiam in statu suo naturali extensione , & impenetrabilitate donatam esse .

At ut hanc extensionem , aut impenetrabilitatem *materia essentiam* esse dicamus ; ostendendum quoque esset , perseverare illas in miraculoso rerum statu ; ac repugnare , materiam unquam hac extensione , aut impenetrabilitate destitui , quam in suo naturali statu illi inesse deprehendimus .

II. Hæc Gassendi sententia a Cartesiana nomine tantum diversa est : utraque siquidem re ipsa in idem recidit .

Quid enim corporis , seu materialis elementi impenetrabilitas est , nisi proprietas determinata spatium occupandi , sive spatium hoc determinatum ita occupandi , ut ab illo corpus aliud quodvis , aut materiale elementum necessario excludat ?

Quare vero corpus , aut elementum erit , aut videbitur necessario impenetrabile , nisi quia *inamissibilem extensionem* habet , aut habere videtur , quæ alteri corpori , aut elemento insuperabile obstaculum ponit , ne in eodem loco sit , quod ipsum occupat ?

#### EXIGENTIA EXTENSIONIS , ET IMPENETRABILITATIS .

1363. SENTENTIA IV. In ideis , quas materiæ habemus , primas tenent extensio , & impenetrabilitas ; ecquæ a materiæ essentia ex-

cludi non posse videntur, in qua ad aliquid constitutæ profecto esse debent. Hinc orta est quorundam philosophorum opinio, qui materiæ essentiam statuunt *in simplici extensionis, & impenetrabilitatis exigentia.*

In hac sententia corpus quodvis determinata magnitudine, puta, pes auri cubicus; miraculo, & omnimoda partium suarum compenetracione omni omnino extensione privari potest, vera essentia sua non amissa, quæ in ipso tantum est impenetrabilitatis, & naturalis extensionis suæ exigentia.

Divina omnipotentia, inquit, substantia hujus corporis non destructa, eam eo adducere potest, ut nullam omnino veram extensionem habeat: potest enim corpus hoc ita miraculose omnino compenetratum adhuc *naturalem exigentiam* suam extensionis, & impenetrabilitatis servare, a qua ejus essentia constituitur.

At hoc ipsum corpus naturali hac extensionis, & impenetrabilitatis exigentia privari nequit, quin esse, & existere desinat: hæc enim exigentia sua vera essentia est, sive id, quod illud esse facit, quod est.

1364. NOTA. Ideo sententia hæc a philosophia aliena excogitata fuit, ut Eucharistiæ mysterium quibusdam falsis de hoc mysterio conceptis ideis conciliaretur.

I. In Eucharistia, inquit sententiæ hujus assertores, *materia est omnino inextensa*, corpus Christi scilicet; & *extensio sine ulla materia*, accidentia scilicet panis, & vini.

Hinc inferunt, materiæ essentiam non in determinata, vel indeterminata extensione sitam esse, quum materia omnino inextensa existat; non in partium impenetrabilitate; materia enim datur, (nempe Eucharisticum Christi corpus) in qua certissime datur partium compenetratio; sed *in simplici extensionis, aut impenetrabilitatis exigentia*; quum Christi corpus

pus miraculo naturali sua extensione, & impenetrabilitate in Eucharistia privatum, adhuc veram ibi naturalem essentiam suam servat naturalem ibi exigentiam suam tantum servans extensionis, & impenetrabilitatis.

II. Hæc extensionis, & impenetrabilitatis naturalis exigentia aliquando ab hujus sententiæ assertoribus dicitur *extensio*, & *impenetrabilitas radicalis*.

Naturalem hanc, & inamissibilem exigentiam considerant tamquam veræ extensionis, & impenetrabilitatis radicem omni corpori in naturali statu communem, quibus supernaturali miraculo privari potest.

*SUBSTANTIALIUM, ET PHYSICARUM  
PARTIUM MULTIPLICITAS.*

1365. SENTENTIA V. Quocumque modo materia concipitur, semper necessario concipitur ut substantialium, & physicarum partium collectio. Hoc vero indicare videtur, hanc partium multiplicitem, sine qua materia concipi nequit aliquam necessario in essentia sua partem habere, & fortasse essentiam ipsam constituere.

Hinc orta aliorum philosophorum sententia, qui quatuor præcedentibus opinionibus rejectis, materiæ essentiam, in *substantialium, ac physicarum partium*, quas in illa concipiunt, *multiplicitate* statuunt.

Per hos cujuscumque materiæ essentia, puta, illius, quæ orbem nostrum constituit, est partim omnium elementarium illam constituentium collectio. Porro materia hæc, ut materia, eadem perseverat, donec aliqua ex elementaribus ejus partibus ad nihilum non redigatur; sive partes hæc naturalem suam extensionem, & impenetrabilitatem servant, sive his omnino, aut partim miraculo priventur.

1366. NOTA. Hæc quoque sententia ad quædam philosophica principia cum Eucharistiæ dogmate concilianda excogitata fuit.

I. Christi corpus, inquiunt ejus assertores, in Eucharistia iis omnibus materiæ elementis constituitur, quibus in cruce pendens constabat, & quibus nunc in cælis constat.

Attamen divinum hoc corpus *eandem essentiam* in Eucharistia servans, non eandem, quam in cruce habebat, aut in cælis habet, extensionem determinatam servat; imo in quorundam theologorum sententia nullam omnino extensionem habet. Ergo essentia materiæ Corpus Christi in Eucharistia constituentis in extensione sive determinata, sive indeterminata sita non est.

At vero Corpus Christi in Eucharistia inextensum, eandem tamen essentiam servans omnia omnino eadem materiæ elementa obtinet, quæ in Cruce illud constituebant, & in cælis constituunt. Ergo ejus essentia in harum *partium elementarium* substantialium, & physicarum *collectione* statuenda videtur, quæ adhuc eedem intrinsece perseverant, post extensionem, & impenetrabilitatem amissam, quæque aut omnino, aut partim destrui non posse videntur, quin corporis, quod constituunt, aut omnino, aut ex parte destructionem inducant.

II. Quod Christi corpori, pergunt, miraculo contingit, id cuivis corpori contingere potest pari miraculo. Tunc corpus extensionem, & impenetrabilitatem amittet, non essentiam; modo nullum elementum, quo physice constituitur, amittat.

Ergo *corporis*, aut materiæ cujusvis essentia statuenda videtur non in determinata, aut indeterminata extensione, non in partium impenetrabilitate, non in extensionis, aut impenetrabilitatis exigentia, quæ commentum est; sed in *substantialium, & physicarum partium* mul-

*multiplicitate*; ita ut semper eadem materia sit, ubi eadem materia est: sive actu extensio habeatur, sive non habeatur.

TRANSUBSTANTIATIONIS DOGMA SENTENTIAE CUJUSVIS DE MATERIAE EXISTENTIA ADMITTENDÆ BASIS ESSE DEBET.

1367. OBSERVATIO. Nescio quæ recens philosophia in Eucharistiæ dogma insurrexit, quod cum illo aliqua ex suis sententiis conciliari non poterat. Nisi Transubstantiationis dogma extitisset, *materia essentiam* in trina determinata dimensione, vel in partium impene- trabilitate statuisset; in re scilicet, quæ nec materiam constituit, neque tunc constituisset, etsi nunquam eucharistica transubstantiatio extitisset. Ut certum quidpiam hac in re, & inconcussum statuamus, unde in materiae essen- tia inquirenda progredi tuto possimus:

I. Suppono primo, *Veritatem quamvis* sive speculativam, sive practicam a divina revelatio- ne statutam, semper ea omni firmitate gaude- re, qua veritas quævis ratione statuta, atque firmata gaudere possit; quum enim a Deo ipso revelatio divina emanet, saltem ea omni infal- libilitate prædita est, qua simplex ratio prædi- ta esse possit ( 162 ).

II. Suppono deinde, hypotheseim, aut senten- tiam quamvis alicui dogmati revelato, aut ali- cui rationis principio oppositam, a sana philo- sophia alienam esse; quum enim certæ verita- ti opponatur, erronea tantum, ac mendax ef- se potest.

III. Suppono tertio, corpus quodvis in aliam corporis speciem transubstantiatum *essentiam* suam *specificam* amittere posse, quin *genericam* amittat, qua ut materia constituitur; exempli causa, panem, quem manduco, & digero, qui-

que in me in sanguinem, in carnem, in ossa, in universam meam animalem substantiam transubstantiatur, naturam panis amittere, non materiæ in naturali hac transubstantiatione; sive panem hunc, quum substantiæ meæ pars effectus est, essentiam amittere, qua panis constituitur, quin essentiam amittat, qua ut materia, seu, ut ajunt scholastici, in esse materiæ constituitur.

IV. Suppono quarto, si corpus quodvis idem omnino est in duobus diversis statibus, puta, in statu suo naturali, & in statu miraculoso, in his illud *eandem essentiam* habere genericam & specificam, rei enim essentia id tantum re ipsa est, quod intrinsece rem hanc constituit eamque quod ipsa est esse facit, potius quam aliud ( 105, 120, 135 ).

Satis ostendimus primo physicæ nostræ volumine, *specificam corporum essentiam*, qua species a specie differt, & quamvis omnia materia sint, quæ tamen ea invicem distinguit, atque discernit, sitam tantum esse in figuræ diversitate, & elementorum, quibus constant, diversa compositione; & corpus quodvis alicujus speciei ut evadat corpus alterius speciei, tantum mutatione figuræ, & compositionis mutatione in principiis suis elementaribus indigere ( Phys. 189, 192, 144, 152 ).

V. Suppono tandem, juxta catholicum dogma, veram dari in Eucharistia *miraculosam transubstantiationem*; sive substantiam panis, & vini eucharistici vere, & re ipsa transubstantiari perpetuis invisibilibus miraculis in adorabile Christi corpus: ut post expressam Evangelii auctoritatem & sancta Tridentina synodus, & constans ecclesiæ traditio testantur.

## TRANSUBSTANTIATIONIS NOTIO.

1368. DEFINITIO. *Transubstantiatio* est substantiæ materialis in aliam materialem substantiam mutatio; ita ut res transubstantiata desinat id esse, quod erat, & id fiat quod in ratione substantiæ materialis nullo modo erat. ( 119, & 285 ).

Transubstantiatio vel naturalis est, vel supernaturalis. Naturalis est, quum solis naturæ viribus, aut legibus fit. Supernaturalis quum miraculo fit, & modis naturæ ordinem, & vires exsuperantibus.

1369. ASSERTIO I. Evidens est, *naturales transubstantiationes perpetuo dari* in regno tum animali, tum vegetabili, tum fossili; in his enim natura perpetuo reparatur, ac renovatur; nec nisi transubstantiationibus hoc obtinet.

I. In regno vegetabili terræ succi in omne genus plantas, & fructus transubstantiantur. Exempli causa, argillæ, & fimi substantia per diversos meatus, anfractusque vegetabilium organorum transiens naturam mutat, quod erat esse desinit, & alia omnino corporis species evadit; hic in mali, aut piri, aut peponis, aut caricæ substantiam mutatur, ibi in floris, folii, caulis, aut frumenti, arbusi, aut magnæ arboris substantiam; atque ita de ceteris.

II. Pari modo in animali regno substantia in substantiam natura omnino diversam mutatur. Exempli gratia, herba fit agni illam depascentis substantia; agnus vero lupi illum in denso nemore vorantis, aut aquilæ illum in suo nido laniantis, & edentis, aut hominis illo cœnantis substantia fit,

III. Ut habeatur naturalis transubstantiatio, debet res transubstantiata primam suam naturam prorsus amittere, & novam induere; exempli causa, frumentum non transubstantiatur quum fit farina; farina, & aqua non transubstantian-



tiantur quum panis fiunt. Panis nondum transubstantiatus est quum in chylum mutari incipit: at plene transubstantiatus est quum omnino sanguis, caro, cartilago, fibra effectus est.

1370. ASSERTIO II. Si natura familiares nobis efficit naturales transubstantiationes, Religio quoque familiarem nobis supernaturalium transubstantiationum ideam reddere debuit; huiusmodi enim transubstantiationes tum in veteri, tum in nova lege revelatio nobis exhibet.

I. Omnium divinorum librorum primus, nempe Genesis nos docet, primi hominis corpus e limo terræ conditum fuisse; & huius limi substantiam in ipso in humanam carnem mutatam & transubstantiatam fuisse.

Idem Genesis liber nos docet, omnium primorum animalium corpora terram fuisse in animalem eorum substantiam mutatam, & transformatam.

En itaque ex ipso rerum exordio supernaturales transubstantiationes omnino patentes, ac certas, quæ naturæ viribus fieri non potuerunt, ipsius naturæ principium, & origo fuerint; quæque certissime effectæ fuerunt; existit enim natura, quæ sine huiusmodi transubstantiationibus existere non potuisset.

II. *Miraculosa hæc transubstantiationes non tantum initio temporum, & rerum effectæ fuerunt; evangelium enim docet, Jesu Christi ætate aquam in Canæ nuptiis miraculo in vinum mutatam, & transubstantiatam fuisse. Genesis quoque nos docet, Abrahami ætate corpus uxoris Loth ( 974 ), miraculo in statuam salis inter Sodomam, & Segor mutatum, & transubstantiatum fuisse ( a ).*

III.

---

( a ) *Formavit igitur Dominus Deus hominem de limo terra, & insuflavit in faciem ejus spiraculum vite. Gen. 2; 7.*

Fora

III. Ut ergo supernaturales transubstantiationes impugnentur, quasi vero haberi nequeant, ut nonnulli fecere recentiores philosophi, & vetus, & novum Testamentum ejurandum est. Præterea & vera philosophia ejuranda est, quæ quum Deum videat naturales transubstantiationes perpetuo operari, nequit sine patenti absurdo illi potestatem denegare supernaturales, & miraculosas, quum illi libuerit, transubstantiationes operandi.

1371. NOTA I. Inter *miraculosas*, de quibus adhuc, & *miraculosam transubstantiationem*, quæ in Eucharistiæ Sacramento contingit, aliqua similia sunt, aliqua dissimilia.

I. *Similitudo* in eo est, quod utrobique habetur miraculosa materialis substantiæ in aliam materialem substantiam mutatio infinita Dei potentia effecta.

II. *Dissimilitudo* in eo præcipue est, quod in iis intrinsecam naturæ mutationem vera etiam sensibilibus accidentium mutatio comitata est; in hac vero permanent eadem accidentia cum intrinseca naturæ mutatione.

Ceterum in illis nihil compenetrationem, aut reproductionem substantiæ postulat, aut supponit; hæc vero hujusmodi compenetrationem, & reproductionem supponere videtur.

1372. NOTA II. Juxta communem theologorum sententiam aliud habetur *præcipuum descri-*

*Formatis igitur, Dominus Deus, de humo cunctis animantibus terra, & universis volucribus cali, adduxit ea ad Adam. Gen. 2. 19.*

*Ut autem gustavit architrictinus aquam vinum factam. Joan. 2. 9.*

*Respiciens uxor ejus post se versa est in statum falis, Gen. 19. 26.*

*serimen* inter eucharisticam transubstantiationem, & alias miraculosas transubstantiationes, quarum in sacris literis mentio fit.

Discrimen est, quod in his mutatio fit nulla transubstantiatæ materiæ annihilatione, quæ tota permansit sub nova forma, & novæ naturæ corpus effecit; in illa e contra, inquit, mutatio fit *annihilatione materiæ panis, & vini*, & creatione, sive reproductione (a), materiæ constituentis Corpus Christi in eodem spatio, & sub iisdem speciebus, sub quibus existerat substantia panis, & vini, quæ nullo modo amplius existit.

Verum sententia hæc, quæ fortasse verosimilior est, adeo solide statuta non est, ut veritas certa dici possit. Scriptura enim, & traditio *veritatem eucharisticam transubstantiationis* statuentes, non definiunt, ad nihilum ne redacta sit substantia panis, & vini, ut ejus loco substantia corporis Christi substituatur; an vero substantia hæc panis, & vini fiat ipsa substantia corporis Christi ineffabili transubstantiatione, quæ primam identice alteram faciat.

**SYNODI TRIDENTINÆ SANCTIONES DE  
TRANSUBSTANTIATIONE EU-  
CHARISTICA.**

1373. OBSERVATIO. In nostra philosophia religionis ostendimus, in Jesu Christi ecclesia esse *Tribunal infallibile*, ad quod spectat post perpensas sacras literas, & traditionem controversias absolute definire, quæ de dogmatibus, & de moralibus insurgere possunt; hoc vero infallibile Tribunal a Deo ipso religionis auctore erectum, esse legitimis Pastores legiti-  
mos

(a) *Auc potius substitutione, Interpres.*

mos Apostolorum successores, sive Ecclesiam docentem simul collectam, sive dispersam.

I. Universus Christianus orbis, si nonnullos Vicleffistas jam in Constantiensi Concilio anathemate damnatos excipias, unanimis credebatur realem Corporis Christi præsentiam in Eucharistia; quum audaces duo novatores æque pravi Philosophi, ac ignari Theologi, Lutherus, & Carlostadius, ineunte jam sæculo decimo sexto temere contra universalem hanc fidem insurgere ausi sunt.

Tenuit Lutherus, *Corpus Christi re ipsa in Eucharistia Sacramento existere sub speciebus panis, & vini*; & evangelicas locutiones nimis perspicuas, atque expressas esse, ut ullus hac de re esse possit dubitandi locus. At contendit, Christi corpus re ipsa in Sacramento non esse, nisi quo temporis momento sumitur, non autem *permanentiter existere*; panem vero, & vinum ibi quoque in propria eorum natura existere nulla intrinseca mutatione; quod in sacramento *consubstantiationem* efficit, non transubstantiationem. Hæc re ipsa est hac de re Lutheranorum doctrina, qui a magistri doctrina non recesserunt.

Carlostadius jam exoletum Berengerii, & Scoti Erigenis errorem e tenebris evocans propria auctoritate definivit, Evangelicas locutiones omnes, quæ tam dilucide, atque aperte realem Christi præsentiam in Eucharistia statuere videntur, *figurata atque allegorica significatione* esse sumendas. Qua interpretatione assumpta temere tamquam principio, etsi aperte sacris literis, & traditioni opposita, contendit in Eucharistia post consecrationem non nisi panem, & vinum haberi; hunc vero panem, & hoc vinum esse tantum *signa, & symbola corporis Christi*, quæ in christianis illa fide suscipientibus eisdem gratiæ, & salutis effectus ope-

operantur, quos in iis ipsum Christi corpus operaretur.

Hanc Carlostadii doctrinam re ipsa admiserunt Calvinus, Zuinglius, Oecolampadius, & eorum aſſectæ, qui generico *Sacramentarium* nomine nuncupati sunt, quod ecclesiæ doctrinam de sacramentis oppugnant.

II. Ut Lutheri, Carlostadii, Calvini, Zuinglii, aliorumque sacramentarium, ac novatorum errores protereret, utque inconcussam Christi, & Apostolorum doctrinam de eucharistia in fidelium animis magis, magisque solidaret, Ecclesia in sancta Tridentina Synodo congregata solemniter ex sacris literis, & traditione definivit, in Eucharistiæ sacramento substantiam panis, & vini consecratione totam mutari, & transubstantiari in substantiam corporis, & Sanguinis Jesu Christi; post consecrationem Jesum Christum totum esse tum sub speciebus panis, tum sub speciebus vini, tum sub qualibet separata harum specierum parte.

„ Si quis dixerit in Sacrosancto Eucharistiæ  
 „ sacramento remanere substantiam panis, &  
 „ vini una cum corpore, & sanguine Domini  
 „ nostri Jesu Christi; negaveritque mirabilem illam,  
 „ & singularem conversionem totius substantiæ  
 „ panis in corpus, & totius substantiæ  
 „ vini in sanguinem, manentibus dumtaxat  
 „ speciebus panis, & vini; quam quidem conversionem  
 „ Catholica Ecclesia aptissime Transubstantiationem appellat, anathema sit. *Trid. sess. 13. Can. 2.*

„ Si quis negaverit in venerabili Sacramento  
 „ Eucharistiæ sub utraque specie, & sub  
 „ singulis cujusque speciei partibus, separationem  
 „ facta, totum Christum contineri, anathema sit. *Trid. sess. 13. can. 3.*

Ex solemnibus hisce Catholicæ Ecclesiæ definitionibus, quæ tantum doctrinam semper ab ipsa

ipsa receptam, semperque perseverantem exponunt, & palam faciunt; corpus Christi post consecrationem totum est sub speciebus, sive apparentiis panis, & vini; sub his vero nulla omnino superest panis, aut vini substantia.

1374. *NOTA I. Miraculosa eucharistica transubstantiatio* aut tamquam *sacrificium*, aut tamquam *sacramentum* constituens ex catholica doctrina considerari potest.

I. Virtute verborum sacramentalium supra panem prolatorum, panis fit corpus Christi; virtute verborum Sacramentalium supra vinum prolatorum, vinum fit Sanguis Christi. *Separatio hæc mystica* est, quæ in divino hoc mysterio sacrificium constituit.

II. Quum vero Jesu Christi Corpus, Sanguis, Anima, & Divinitas in præsentī statu inseparabiliter in cælis unum Totum indestructibile, & indivisibile constituent, sequitur, in hostia consecrata Sanguinem, Animam, & Divinitatem Jesu Christi re ipsa, & necessario ejus corpori conjunctas esse; non ratione directæ, & formalis verborum sacramentalium efficacitatis, quæ supra panem proferuntur, sed ratione præsentis inseparabilitatis Corporis, Sanguinis, Animæ, & Divinitatis Jesu Christi; sive ratione *concomitantia*.

Idem dici debet de vino in calice consecrato. In hoc simul cum Christi sanguine, corpus, anima, & divinitas Jesu Christi, sive totus Christus concomitantia continetur; ut Sanctum Tridentinum Concilium docet: *sub utraque specie totum Christum contineri*.

En tibi sub hisce panis, & vini apparentiis tum in hostia, tum in calice *Eucharistiam ut Sacramentum*; ut signum nempe sensibile vivificæ virtutis in ipso in ordine ad gratiam, & salutem latentis.

1375. *NOTA II. Miraculosa hæc mutatio*, seu transubstantiatio nihil habet, a quo christia-

stianus philosophus abhorreere possit. Ratio illam evidenter docet; posse Deum illam operari: sacræ literæ, traditio, & ecclesia illi certissime testantur, velle Deum illam operari; ergo Deus illam re ipsa operatur.

Quare Deus, cujus infinire activa, ac potens voluntas initio temporum efficaciter argillæ dixit: *esto humana caro* in homine: esto hæc, aut illa *animalis caro* in brutis: esto hæc aut illa *substantia vegetabilis* in plantis; nequibit substantiæ panis, & vini efficaciter dicere: *mutator, & transubstantiator in hanc carnem, in hunc sanguinem* (1370)?

Qui hanc Deo facultatem deneget, ejus naturam, existentiam, actionem ignorare vult, & præpostere ratiocinando blasphemare.

PERPETUA CATHOLICÆ ECCLESIAE  
DOCTRINA DE EUCHARISTICA  
TRANSUBSTANTIATIONE.

1276. OBSERVATIO! In Jesu Christi ecclesia ab apostolorum ætate ad sæculum usque decimum sextum *universalis, ac permanens persuasio* fuit, Christi corpus re ipsa, & substantialiter in Eucharistia existere miraculosa transubstantiatione; & hoc *Christi corpus* sub eucharisticis speciebus invisibiliter præsens esse corpus illud ipsum, quod Spiritus Sancti ministerio in utero Virginis Matris formatum fuit, quod in cruce immolatum fuit pro mundi salute, quod modo in cælesti regno ad dexteram Dei Patris sedet.

Facile universalem, ac permanentem ecclesiæ Christi persuasionem evidenter ostendere possemus innumeris Scriptorum patrum per succedentia christianæ religionis sæcula auctoritatibus ac demonstrare. At paucas tantum maxime perspicuas, & expressas indicabimus, quæ *traditionis nexum* inter apostolos, & nos satis efficien-

ficient, & aperte indicabunt, catholicam Christi ecclesiam semper in obvia, & literali significatione evangelicas locutiones de eucharistica transubstantiatione sumpsisse.

I. Divus Ignatius Martyr sæculo primo epistola ad Smirnenfes, quæ una est ex septem, quas ab ipso scriptas fuisse certum est, ita scribit de discipulis agens Simonis, & Menandri, qui duo hæresiarchæ erant illa ætate. „ Ab  
„ eucharistia, & oblatione abstinent; eo quod  
„ non confiteantur Eucharistiam carnem esse  
„ Salvatoris nostri, quæ pro peccatis nostris  
„ passa est “.

Ergo primo Christianæ religionis sæculo credebatur ecclesia, Christi eam ipsam carnem, quæ pro mundi peccatis passa erat, re ipsa, & substantialiter in Eucharistia existere; & sine hac fide, quæ præcipuum articulum continet, non amplius hominem verum christianum esse, sed hæreticis Simonis, & Menandri discipulis similem fieri.

II. Divus Irenæus Lugdunensis Episcopus, altero christianæ religionis sæculo, libro quinto contra hæreses, capite secundo hæc habet: „ Eum calicem, qui est creatura, suum sanguinem, qui effusus est, proprium; & eum  
„ panem, qui est creatura, suum proprium corpus confirmavit “.

III. Divus Ambrosius Mediolanensis Episcopus quarto sæculo, libro *de initialibus* capite nono, expresse ait: „ Hoc, quod conficimus,  
„ corpus ex Virgine est: vera utique caro Christi, quæ crucifixæ est, quæ sepulta “.

IV. Divus Joannes Chrysostomus Patriarcha Constantinopolitanus ineunte quinto sæculo, homilia vigesima quarta in secundam ad Corinthios hæc habet: „ Id, quod est in calice,  
„ est id, quod fluxit e latere, & illius participes sumus “.



V. Divus Petrus Chrysologus Episcopus Ravennas, progressio jam quinto sæculo, sermone sexagesimo septimo, ita ecclesiæ doctrinam de Eucharistia explicat. „ Ipse est panis, qui sa-  
 „ tus in Virgine, fermentatus in carne, in  
 „ cruce confectus, in fornace coctus sepulchri,  
 „ in Ecclesia conditus, illatus altaribus cæle-  
 „ stem cibum quotidie fidelibus subministrat “.

Ergo primis quinque Christianæ religionis sæculis constans hæc, & immutata persuasio permansit; *corpus Christi* scilicet re ipsa, & substantialiter in Eucharistia existere; & eucharisticum hoc Christi corpus re ipsa, & substantialiter *idem* esse, quod miraculo in Mariæ sinu formatum fuit, & pro communi salute in cruce immolatum.

VI. Quidam Joannes Scotus Erigenes, natione Hibernus nono sæculo nulla ratione protulit, eucharistiæ sacrificium, & sacramentum non esse verum Christi corpus, & sanguinem, sed figuram tantum, seu repræsentationem cruenti sacrificii, quo Christus mortuus est, & cœnæ, quæ hoc præcessit. Error hic ab ecclesia tunc damnatus oblivioni datus fuit.

Berengerius quidam Rhemenfis Archidiaconus undecimo sæculo errorem Joannis Scoti Erigenes e tenebris evocans asseruit ipse quoque, Eucharistiæ sacramentum esse tantum *figuram corporis, & sanguinis Christi*; nullamque in panis, & vini consecrati substantia veram mutationem fieri. Error hic post varias hypocrisis confictas retractationes, tandem serio, & sincere a Berengerio ejuratus fuit; atque iterum inter oblivionis tenebras sepultus jacuit ad Lutheri, & Carolostadii ætatem, qui iterum eum in medium protulerunt.

Professio fidei ab ecclesia Berengerio proposita, qua ejus ejuratus error damnabatur, ipseque in fidelium communionem iterum admitte-  
 ba.

batur post errorem abjuratum nobis perfecte manifestabit perpetuam ecclesiæ de Eucharistia traditionem.

Professio hæc fidei, quam in Conciliorum collectione ex typographia Regia Parisiensi invenies pagina 378., est hujusmodi.

„ Panem, & vinum per mysterium sacrae  
„ orationis, & verba nostri Redemptoris substantialiter converti in veram, & propriam  
„ & vivificantem carnem, & sanguinem Jesu  
„ Christi Domini nostri; & post consecrationem esse verum Christi corpus, quod natum  
„ est de Virgine, & quod pro salute mundi  
„ oblatum in cruce pependit, & quod sedet ad  
„ dexteram Patris; & verum sanguinem Christi,  
„ sicut, qui de latere effusus est; non tantum  
„ per signum, & virtutem sacramenti, sed in  
„ proprietate nature, & veritate substantiæ“.

Ergo Berengerii, & Scoti Erigenis ætate, qui sacramentarium omnium antesignani fuerunt, Ecclesiæ catholica eorum errores damnans ac proterens credebatur realem corporis Christi præsentiam in Eucharistia; & corpus hoc Jesu Christi eucharisticum *illud identice ipsum* esse credebatur, quod miraculo in sinu Virginis conceptum, in cruce pro salute nostra immolatum, modo ineffabili gloria, & æterna beatitudine in cælis fruitur.

VII. *Cathechismi catholici* omnes tum veteres, tum recentiores de Eucharistia agentes unanimiter doctrinam habent omnino consentaneam unanimi, & immutabili sacrarum literarum, Apostolorum, Sanctorum Patrum, & universæ Christi ecclesiæ doctrinæ; quæ numquam a Christianæ religionis exordiis ad hos usque dies varia fuit; contra quam impia quorundam audacia fideles Christo nationes aliquas rebelles facere potuit, quam tamen Christi ecclesiæ semper propugnavit, atque tutata est, novatores omnes illam  
im.

impie impugnantes, ac deferentes anathemate damnans, & e sinu suo ejiciens.

1377. **NOTA.** Evidens est, quidquid de *essentia materia* excogitari potest, semper necessario Eucharistiæ dogma respicere; in Eucharistia siquidem materia est, quæ ut materia eandem, quam cetera corpora, existentiam habere debet.

Necesse ergo fuit antequam sententia ulla admitteretur, aut reiiceretur, a fidei, & nitida explicatione initium facere eorum, quæ *catholicum de Eucharistia dogma* respiciunt; ut *certa* veluti *principia* statuerentur, a quibus hac in re subinde progredi, & quibus tuto vel in sententia statuenda, vel in refellenda insistere possemus.

#### PROPOSITIO PRIMA.

1378. *Essentia materia in triplici determinata dimensione sita non est, ut Cartesius censuit.*

**EXPLICATIO.** Si in triplici determinata dimensione *essentia materia* sita est; jam ubicumque habetur trina hæc determinata dimensio, ibi materia existit, & quidem tanta materiæ quantitas; & ubicumque materia, & data materiæ quantitas existit, ibi triplex habetur determinata dimensio; atqui hoc plane falsum demonstratur & a puri spatii theoria & eucharistici Christi corporis; hoc est & a rationis, & a fidei momentis (1357).

1379. **DEMONSTRATIO I.** Evidens est, purum spatium suppositum omnino corpore vacuum triplici gaudere determinata dimensione, immutabili, ut alibi ostendimus; & tamen spatium hoc non esse materiam. Non ergo ubicumque datur *triplex determinata dimensio* ibi materia, & tanta materia existit. Ergo per Cartesium ibi habetur materia, & tanta materia,

teria, ubi nulla materia est (352, & 358).

I. Frustra, ut argumentum eludat, postulabit Cartesius, trinam determinatam dimensionem, quam essentiam materię facit, esse *extensionem solidam, & impenetrabilem* in suis partibus. Ab ipso enim petam quid hac partium impenetrabilitate intelligat, quam triplici dimensionem adiicit, in qua per ipsum materię essentia sita est.

Si hac partium soliditate, & impenetrabilitate tantum intelligit *extensionem*, in qua alia *extensio collocari nequeat*; respondebo, spatium in quo modo existit tellus, locari non posse in spatio, in quo modo existit Syrius; & binæ hæc spatia, si materia modo in ipsis locata, & quavis alia materia vacua supponantur, adhuc fore veram materiam, quum trinam eam dimensionem habeant, quæ materię essentiam constituit; quumque in trina hac dimensione partes habeant sese invicem excludentes, & quarum una in altera esse nequit.

Si hac partium soliditate, & impenetrabilitate eam intelligit, qua *materia essentiam* constitui supponit; ejus sententia dicet, essentiam materię in eo sitam esse, quod materię essentiam esse supponit: atque hæc erit inepta petitio principii (738).

II. Frustra, ut difficultatem eludat, dicet Cartesius, purum spatium non dari: *omnia in natura plena esse*; mundum solida, & impenetrabili extensione infinitum esse; spatium vero, in quo modo, exempli gratia, tellus est, esse tellurem ipsam, & nihil præterea.

Hoc effugium ad plurima tum in metaphysica, tum in physica absurda adducet. Harum prima ostendit, vacuum dari posse (352, & 353); altera vacuum dari (*Phys.* 1387 & 1389).

Neutonus, & Lockius ut materię creationem eluderent, & ut materię æternæ absurdum effugerent, *singularem sibi materia ideam*

effinxerant, quæ præter eorum intentionem excogitata videtur, ut Cartesii de materiæ essentia sententiam ridiculam redderent. Velit Deus, inquiunt, hexapedam cubicam, exempli gratia, puri spatii fieri corpori cuius inaccessam, & impenetrabilem. Hexapeda hæc spatii erit hexapeda materiæ: habebit enim triam dimensionem, soliditatem, & impenetrabilitatem.

III. Frustra, ut difficultates a vacuo, aut a puro spatio desumptas eludat Cartesius, dicet, se nomine extensionis solidæ, & impenetrabilis, in qua materiæ essentiam statuit, *extensionem substantialem* intelligere.

Ab ipso enim petam quid hac *qualitate substantia* intelligat, quam materiæ extensioni tribuit, & quam puri spatii extensioni denegat.

Si reponat, se tantum intelligere *facultatem a se, & per se existendi*; addam qualitatem hanc puri spatii, æque ac materiæ propriam esse (358, & 359).

Si dicat, eam a se, & per se existendi facultatem intelligere, quæ specificè materiæ convenit; adhuc monebo, esse hanc petitionem principii, quum definitam, ac determinatam supponat hanc materiæ essentiam, quæ definienda est, & determinanda.

IV. Hinc patet, etiam præciso Eucharistiæ mysterio, materiæ essentiam *in triplici determinata dimensione* philosophice statui non posse; hujus enim triplicis dimensionis idea aut nihil exhibet, quod veras de materiæ essentia notiones præbeat, aut ad falsas consequutiones adducit, quibus ibi materia statueretur, ubi nulla materia est. Q. E. D.

1380. DEMONSTRATIO II. Sententia hæc Cartesii ratione falsa demonstratur; æque ex eucharistici dogmatis revelatione falsa demonstrabitur.

I. Certum est primo, essentiam alicujus corporis,

poris, quidquid ipsa sit, corpori huic esse identificatam; res enim, & essentiam rei unum, & idem sunt. Ergo ubicumque corpus est, ibi ejus essentia est (105).

Atqui fide constat, auctoritate scilicet æque saltem infallibili, ac ratio sit, in Eucharistia existere idem Christi corpus, quod in cruce immolatam fuit. Ergo in Eucharistia corpus Christi eandem habet essentiam, quam in cruce habebat (1373, & 1376).

At patet, Christi corpus in Eucharistia non eandem habere *triplicem determinatam dimensionem*, quam in cruce pendens habebat. Ergo triplex determinata dimensio, quam in cruce Christi corpus habebat, materiæ hoc corpus componentis essentiam non constituit.

In Eucharistia *eadem essentia* perseverat, non *eadem triplex dimensio*, quæ in cruce habebatur. Ergo hæc essentia, & hæc dimensio separabiles sunt; ergo una non est alia.

II. Certum est deinde, quod Christi corpori miraculo contingit, id simili miraculo cuivis alii corpori, puta, quercui, marmori, monti, telluri, contingere posse. Ergo corpus quodvis suam triplicem dimensionem determinatam amittere potest, sua essentia incolumi.

Ergo cujusque corporis essentia sine sua triplici dimensione existere potest. Ergo *essentia materia*, sive corporis cujusque in triplici determinata dimensione sita non est. Q. E. D.

1381. COROLLARIUM I. Fide, & certissima sacrarum literarum, & traditionis auctoritate constat ipsum Christi corpus, quod in cruce pependit, & quod modo in cælis regnat esse simul, & eodem tempore in cælis, in hostia consecrata Parisiis, in altera Romæ; cetera.

Porro evidens videtur, corpus Christi tot in diversis locis idem ubique existere non posse, nisi reproductione. Ergo *reproductio evidenter*

*a dogmate reali praesentia corporis Christi in Eucharistia descendere videtur.*

1382. COROLLARIUM II. Ex iisdem certissimis fidei principiis idem ipsum Christi corpus, quod in cruce pependit, totum, atque integrum est non tantum in minima hostia consecrata, sed in quavis minima sensibili ejus parte postquam fracta, & divisa est; *separatione facta*, ut ait Tridentinum Concilium (1373).

Atqui evidens videtur, Christi corpus totum existere nequire in exigua hostia, adeoque potiori jure in quavis minima sensibili ejus divisa parte, nisi compenetracione. Ergo *compenetratio ex reali corporis Christi praesentia in Eucharistia evidenter descendere videtur.*

**IN EUCHARISTIA NON SUFFICIT CONDENSATIO, SED VERA COMPENETRATIO EST NECESSARIA.**

1383. OBSERVATIO I. Frustra ad explicandam minimam extensionem, qua Christi corpus in Eucharistia continetur, & ad *vera compenetracionis* miraculum non admittendum, ad compressionem, aut condensationem solam confugeretur.

Quaecumque hac dere afferantur experimenta; evidens est, nunquam fieri, ut humanum corpus, ut illud est Christi Domini, statura perfectum compressione, aut condensatione, nulla compenetracione admissa, ad volumen adeo exiguum adducatur, ut illud est particulæ vix sensibilis hostiæ consecratæ.

I. Condensatio, & compressio *intrinsecam*, & *absolutam* corporis *extensionem* non mutant, siue extensionem huic corpori convenientem ex collectione suorum elementorum, deductis vacuis disseminatis. Illæ *extrinsecam* tantum, & *relativam extensionem* mutant, siue

ex-

extensionem tum ratione materiæ, tum ratione vacuorum huic corpori convenientem (1359).

Corpus compressum, seu condensatum magis invicem proxima habet elementa. Corpus non compressum, nec condensatum magis invicem remota habet elementa sua. At in utroque *elementorum summa*, sive hæc magis proxima, sive magis remota sint eadem est: eadem est intrinseca, & absoluta elementi cujusvis extensio, seu trina dimensio; ergo & eorum summa.

Ut hoc clarius appareat: sit *pollex auri cubicus*, quem poris, ac vacuolis omnibus carentem suppono. Intrinseca, & absoluta elementorum omnium pollicem hunc constituentium extensio, sive in massam collecta illa sint, sive in partes infinite parvas divisa supponantur & per immensum spatium dispersa, semper res ipsa est pollex cubicus omnino. Summa enim partium omnium alicujus totius sive conjunctæ sint, sive separatæ, toto nec major est, neque minor.

Non nisi *compenetratione* concipitur, posse pollicem hunc auri cubicum amittere dimidium, puta, intrinsecæ, & absolutæ suæ extensionis; seu non nisi si horum elementorum dimidium in altero dimidio existeret. Ergo si corpus aliquod idem perseverans, & totam suam ipsam essentiam servans intrinsecæ, & absolutæ suæ extensionis dimidium amittit, non nisi *compenetratione* amittit.

II. Sapiens Gassendus de *naturali materia impenetrabilitate* meditatus optime statuerat, condensationem in corpore omnino haberi posse donec omnia ejus elementa *perfecte contigua* fuerint; post hæc amplius non dari; sive si ulterius procederet, non condensationem fore, sed *compenetrationem*.

Non tamen ita maxime exiguam extensionem explicabat, quam Christi corpus vix sensibili obtinet hostiæ consecratæ particula; at ita phæ-



nomenorum condensationis rectam notionem exhibebat.

III. Quæ frustra excogitarunt recentiores quidam philosophi, ut simplici condensatione eucharisticæ trasubstantiationis mysterium explicarent, tantum *veterem compenetrationis sententiam* validius confirmarunt; quæ quidem sententia dogma fidei non est; at maxime philosophica consequutio est.

Sequenti observatione prodromam notionem afferimus eorum, quæ adducuntur, ut in Eucharistia condensationis tantum phænomena admittantur.

1384. OBSERVATIO II. Recentiores nonnulli Newtoni & Keilii experimentis de corporum poris abutentes contenderunt, quid minimum esse quidquid materiæ corpora constituit; exempli gratia, materiam omnem, qua terrestri orbis constat, nulla compenetratione ad volumen adduci posse sola condensatione malo, aut nuci juglandi, aut lenti æquale: universam humani corporis perfecti materiam centum quadraginta, aut centum quinquaginta pondi nulla compenetratione, solaque condensatione locari posse in spatio illi æquali, quod hostiæ particula occupat vicesimam, aut tricesimam lineæ partem quaquaversum extensa.

I. Ex hac assertionem adeo communi sentienti rationi opposita sic procedunt. Si substantia Aristi, exempli gratia, corpus constituens potest nulla compenetratione, solaque condensatione tota esse in minimo spatiolo ab hostiæ non consecratæ particula occupato, quare substantia tota corporis Christi in minima hostiæ consecratæ particula existere non poterit? si vero ita se res habet, *compenetrationis hypothesis* tantum in Eucharistia novum, & superfluum mysterium invenit.

II. Attamen hoc condensationis paradoxum, quo tota terrestris orbis materia ad mali, aut lea-

sentis volumen nulla compenetracione adduci potest, quodnam tandem fundamentum habet? experimenta physica; inquirunt, & demonstrationes physicomathematicas.

1385. NOTA. Non bene, inquirunt, *materia compenetratio* concipitur; atque hac ratione eam ab Eucharistiæ mysterio ejicere vellent.

At non melius sane *prapostera condensatio illi suffecta* intelligitur, qua perfectum humanum corpus totum, & naturali symmetria in minima sensibili hostiæ particula continetur, in qua tum ante, tum post hanc condensationem multo plures pori deteguntur, quam habeant diversæ humani corporis partes, quæ ibi condensatæ supponuntur.

I. Non sane miraculosa materiæ compenetratio concipitur. At hæcevidenter fluere videtur ex miraculo, quod in Eucharistia fides testatur: hoc satis est, ut reverenter admittatur.

Non magis fabulosa condensatio intelligitur nec ratione, nec fide innixa. Minus hæc igitur admittenda.

II. Compenetrationis hypothesis est vetus, & communis theologorum doctrina: hoc titulo magis reverenda est.

Condensationis hypothesis recens est, inepta & absorta in Eucharistiæ mysterio: hac ratione nec philosophica est, nec theologica.

## PROPOSITIO II.

1386. *Essentia materia in triplici indeterminata, & variabili dimensione a Cartesii discipulis excogitata sita non est.*

DEMONSTRATIO. Nonnulli Cartesii assellæ falso putant, magistri sui sententiam de essentia materiæ hoc tantum vitio laborare, quod Eucharistiæ dogmati adversaretur. Quare hoc tollere censuerunt materiæ essentiam in

triplici indeterminata, & variabili dimensione  
fluentes. Nos iis ostendere pergimus, illos  
neque hac ratione quod intendunt obtinere.  
(1360).

I. *Extensio* generatim, seu triplex dimensio ge-  
neratim Cartesianis est essentia materiæ, seu  
corporis generatim sumpti.

Ergo *corpus determinatum*, seu determinata  
materiæ quantitas essentiam habere debet, sive  
extensionem, aut triplicem dimensionem de-  
terminatam. Quum enim essentia rei a re di-  
stincta non sit; patet, essentiam rei determi-  
natæ aliquid determinatum esse debere.

II. Si essentia materiæ in *triplici indetermi-  
nata dimensione* consisteret, corpus determina-  
tum, seu determinata materiæ quantitas esset  
aliquid indeterminatum; corpus enim hoc ali-  
cui indeterminato identificatum esset; quod e-  
videnter repugnat.

Ergo essentia corporis determinati, sive de-  
terminatæ materiæ quantitatis necessario est  
aliquid determinatum; ergo nequit esse quid in-  
determinatum.

III. Nulla in natura datur extensio, seu  
trina dimensio *in se indeterminata*. Quævis e-  
nim assignabilis in natura extensio suas veras,  
ac determinatas dimensiones habet. Corpus quod-  
vis cujusque speciei semper in se necessario a-  
ctuales suas, ac determinatas dimensiones ha-  
bet; quæ quidem augeri, ac minui possunt re-  
productione, ac compenetracione; sed tamen  
etiam post quamvis mutationem *in se determi-  
nata* erunt.

Ergo essentia determinatæ quantitatis mate-  
riæ in extensione indeterminata sita non est,  
quum hæc neque existat, neque existere possit.  
Q. E. D.

## PROPOSITIO III.

1387. *Essentia materia in suarum partium impenetrabilitate non est sita, ut censuit Gassendus.*

DEMONSTRATIO. Notavimus jam Cartesii, & Gassendi sententias nomine tantum diversas esse; & partium impenetrabilitatem ab hoc admissam esse re ipsa extensionis inamissibilitatem ab illo assertam.

Ergo Cartesii confutatio Gassendi confutationem trahit; atque hoc eo magis, quod utraque sententia nulla positiva ratione probatur, & tantum quadam apparenti verisimilitudine munitur (1362, & 1378).

I. Et si *partium impenetrabilitas* semper in materia esset, siue et si elementorum penetratio dari non posset, non tamen in hac impenetrabilitate essentia materiæ philosophice statui posset. Nequit enim essentia rei in eo statui, quod jam existentem materiæ essentiam necessario supponit.

Atqui hanc essentiam jam existentem necessario supponit partium, siue elementorum impenetrabilitas; debent enim partes hæ, siue elementa prius esse materia, quam impenetrabilis materia sint.

II. Falsum est, partium impenetrabilitate *materia essentiam* constitui; existit enim materia, corpus Christi eucharisticum, quod vere materia est, & hac impenetrabilitate caret.

Non nisi compenetratione intelligitur, corpus idem perseverans posse absolutam, & intrinsecam suam extensionem amittere. Atqui hanc amittit Christi corpus in Eucharistia; ergo eam compenetratione amittere dicendum est (1383).

In Eucharistia corpus Christi hac impenetrabilitate caret; ergo hæc corporis Christi essentiam

tiam non constituit; ergo pari ratione nullius alius corporis essentiam constituit. Q. E. D.

PROPOSITIO IV.

1388. *Essentia materia in simplici impenetrabilitatis, & extensionis exigentia non est statuenda.*

DEMONSTRATIO. Evidens est, si *essentia materia* in simplici extensionis, & impenetrabilitatis exigentia statuatur, in re statui, cuius nullam ideam habemus, quæque non modo materiæ naturam non explicat, imo ideas quas natura de illa habemus, prorsus evertit. Hoc posito sic procedo. Quum de *essentia materiæ* philosophamur, sententiam admittere non debemus, cuius objectum non concipitur, seu quod omnibus, quas natura materiæ habemus, ideis adversatur; nisi extrinseca evidentia, certissimæ scilicet rationes ideis, quas materiæ habemus, extraneæ, eam admittere nos cogant.

I. Sententia materiæ essentiam statuens in simplici extensionis, seu impenetrabilitatis exigentia *sententia est, cuius objectum non percipitur.*

Quid enim est hæc extensionis, sive impenetrabilitatis exigentia in materia, & in corpore, cuius elementares partes ita compenetratæ supponuntur, ut nullam amplius realem extensionem habeant? est ne substantia? est ne modificatio? est ne proprietas activa, aut passiva? hoc nunquam definietur.

II. Sententia materiæ essentiam statuens in simplici extensionis, sive impenetrabilitatis exigentia, *omnibus, quas natura habemus, materia ideis adversari videtur.*

Quidquid enim de materia concipimus, aut sentimus, realem, sive magnam, sive parvam extensionem in ipsa supponit.

Si tentemus materiæ portionem sive infinite magnam, sive infinite parvam omni vera extensione carentem concipere, quæque uno latere ad ortum, altero ad occasum obversa non sit; fieri hoc non posse dignoscemus.

Concipe materiæ extensæ volumen quodvis; tum cogitatione illi omnem omnino extensionem adime. Quum jam nullam extensionem concipis, nec ullam materiam concipis.

Quare idea materiæ in nobis semper alicui extensionis ideæ connexa est. Si vero materia omnino inextensa supponatur, id supponitur, quod non nisi omnino convincentibus rationibus admitti potest.

III. Sententia materiæ essentiam in simplici extensionis, & impenetrabilitatis exigentia constituens *neque solida ratione ulla, neque revelationis auctoritate probatur.*

Ideo enim tantum excogitata hæc sententia fuit, ut *phenomenon gratis suppositum* explicaretur; qua ratione scilicet Christi corpus sine ulla vera extensione in eucharistia suam essentiam servet.

At quamprimum ostendemus, nullo absurdo, & salva omnino catholicæ ecclesiæ doctrina de Eucharistia, Christi corpori in hoc Sacramento *aliquam veram extensionem* tribui posse.

Ergo sententia hæc statuens materiæ essentiam in impenetrabilitatis, & extensionis exigentia, neque solida ratione, neque revelationis auctoritate probatur.

Ergo sententia hæc rationibus destituta, nostras materiæ ideas pervertens, materiam simplicitate spiritui ferme æqualem faciens, rectæ philosophiæ adversatur, nec admittenda est.

Q. E. D.

## PROPOSITIO V.

1389. *Essentia materia in partium physicarum, & substantialium multiplicitate non est statuenda; ita ut hac partium multiplicitas materiam determinet, ut sit potius hac, quam alia substantia.*

**DEMONSTRATIO.** Si in partium physicarum, & substantialium multiplicitate materię essentia statuatur, in eo statuitur, quod vel nihil cum materię essentia commune habet, aut quod materię essentiam supponit, non constituit. Ostendo.

I. Si materię essentiam in physicarum, & substantialium partium multiplicitate statuas, quin definias, num partes hæ ipsę materia natura sint, idem erit, ac si angelorum collectioni attributum materia des, exempli gratia; idem erit, ac si ex hac angelorum collectione Totum materiale efficias; erit enim hoc Totum partibus physicis, & substantialibus compositum; adeoque hoc Totum erit necessario materia, quum id habeat, quod materię essentiam constituit, nempe partium physicarum, & substantialium multiplicitem.

Frustra dices, angelorum collectionem esse totum tantum ideale, non totum proprie dictum; quare enim decem, aut viginti angeli totum non sint; sint vero unum totum decem, aut viginti lucis, aut aeris moleculę?

Frustra etiam dices, totum ex angelorum collectione tandem ad partes simplices & indivisibiles adduci posse; totum vero materiale post quamvis divisionem adhuc in infinitum esse divisibile. Hinc enim sequeretur, aut collectionem angelorum non cessare esse materiam, nisi quatenus ad simplices unitates redacta consideratur; aut materiam desinere esse materiam si, ut censuerunt Epicurus, Zeno, Gassendus,

Lei.

Leibnitius, elementis indivisibilibus, & infinitilibus constaret.

Infinita divisibilitas est, si lubet, præcipua materiæ proprietas; veram ipsa materiæ essentiam supponit, non constituit.

II. Si materiæ essentiam in partium physicarum, & substantialium multiplicitate statuas, ut partes corporum sunt; jam *materia essentiam supponis potius, quam explices.*

Non enim materiæ essentiam explicas, definitionem dando, quæ *petitione principii* laborat, nec unquam quod explicandum est explicat. Atqui hujusmodi est materiæ definitio tradita in hac sententia, in qua materia tantum est *partium physicarum, & substantialium collectio.*

Ut hoc pateat, peto ab hujus sententiæ assertoribus quid sit materia? respondent, esse compositum ex partibus physicis, & substantialibus. At vero partes hæ, quæ per illos materiam constituunt, sunt materia. Adhuc igitur ab iis quærendum est in quo earum essentia posita sit, seu quænam proprietas distinctiva sit, quæ illas materiam potius efficit, quam exempli causa, spiritum.

Si quoque reponant, partes has físicas, & substantiales materiæ portionem quamvis constituentes, esse ipsas *Tota subalterna* determinata esse materiam ab hac physicarum, & substantialium partium multiplicitate, quibus ipsa quoque composita sunt; pater eandem instantiam in infinitum fieri posse de horum Totorum subalternorum partibus physicis, ac substantialibus, quæ in materia semper necessario & antecedenter *materia* sunt.

Hæc ergo definitio materiæ essentiam non assignat, aut explicat, semper enim ignotam relinquit distinctivam illam proprietatem, quæ materiam in ratione materiæ constituit, & materiam esse facit, potius quam aliud.

Fa-



Pateantur ergo oportet, falso se *materia essentiam* in partium physicarum, & substantialium multiplicitate statuisse, neque hanc essentiam recta definitione explicasse. Q. E. D.

1390. *NOTA.* Quid de philosopho dicemus, qui ut lucis essentiam explicaret, lucem definirer *partium lucentium collectionem*, seu partium, quæ sunt lux; qui ut aquæ essentiam explicaret, diceret eam esse *aquearum partium multiplicitem*, seu quæ sunt aqua? Idem omnino de iis dicas, qui materiæ essentiam statuunt in ejus partium multiplicitate.

Posita materia infinite divisibili, ut re ipsa est; dici poterit, inexhaustam partium substantialium, & physicarum multiplicitem esse materiæ distinctivam proprietatem; at nunquam dici poterit, hac partium multiplicitate ejus essentiam constitui; quin enim constituat, jam necessario constitutam supponit.

#### PROPOSITIO VI.

1391. *Essentia materia statui non debet, ut recens auctor contendit, in extensione sine activitate.*

*DEMONSTRATIO.* Si materia concipiatur necessario aliqua extensione donata, & quavis intrinseca activitate semper necessario destituta; philosophice, & ad rationis, & experientiae normam materia concipitur. At non inde sequitur, hac extensione, atque inertia materiæ essentiam constitui; ac materiam definendam esse: *extensum iners*. Ostendo.

I. Ex hac materiæ definitione purum spatium materia erit: in spatio enim puro, ut in materia, vera extensio datur; spatii vero æque, ac materiæ extensio, iners esse videtur (1379).

Frustra dices, Leibnitii sophismata adducens in *spatii infiniti existentiam*, spatium nihil esse

se rei; purum spatium esse tantum entium co-existentium ordinem, & relationem. Philosophi non assentientur. Per hos dies ita spatii ideæ ferme statutæ sunt, ac geometrica pleraque; neque de spatio infinito jam magis, quam de cubi, aut sphaeræ proprietatibus dubitatur (349, & 358).

II. Ex hac materiæ definitione, extensio unum ex essentiæ suæ constitutivis esse deberet. At jam ostendimus materiæ essentiam neque in determinata, neque in indeterminata extensione sitam esse.

Quare si extensio una est, ut re ipsa est, ex materiæ proprietatibus, non jam est ut ejus essentiæ constitutivum, quo materia fiat (1394).

III. Ex hac materiæ definitione inertia quoque unum esse deberet ex ejus essentiæ constitutivis. At hæc essentia, quæ necessario *quid positivum* esse debet, poterit ne ab inertia, quæ quid negativum est, constitui?

Inertia tantum est intrinsecæ activitatis negatio. At vero quid positivi ponere potest in ente aliquo pura negatio? Poterit negatio esse quid limitans, non vero quid constituens essentiam. Essentiæ adnexa esse potest ut proprietas negativa, qua limitetur, & circumscribatur, non ut proprietas positiva, in qua essentia sita sit.

Ex his omnibus sequitur, materiæ essentiam non extensionem inertiae adjectam; neque sententiam hanc antea confutatis magis esse philosophicam. Q. E. D.

#### COROLLARIUM COMMUNE.

1392. *Essentia materia, sive intima proprietas substantiam determinans, ut sit materia potius, quam alia substantia species, latet, fortasse etiam semper latebit.*

DE.

**DEMONSTRATIO.** Pater, hoc corollarium ex omnibus hactenus demonstratis varias de materiæ essentia opiniones confutando plane sequi.

I. Certum est, hanc *materia essentiam*, seu essentialem, & immutabilem proprietatem, qua substantia materialis intrinsece determinatur, ut sit materia potius, quam, exempli causa, spiritus, in materia existere; evidens enim est, essentiam materiæ non posse in materia non existere, cum qua necessario est identificata.

Verum quid hæc essentia est, siue proprietates ista specifica, & distinctiva materiæ? nemo philosophus ab Aristotele ad hæc usque tempora definire potuit. Quare materiæ definitio adhuc desideratur.

II. Ab Aristotele ad Cartesium vix in materiæ essentiam inquisitum fuit. Tantum substantiæ omnes sensibiles materia vocatæ fuerant; nec quærebatur quare substantiæ sensibiles intrinsece determinatæ sint, ut sint materia potius, quam aliud.

At post Cartesium ad hos usque dies plurima præclara ingenia omni conatu in materiæ essentiam inquisiverunt; ex sententiis vero eorum apparet, omnem eos lapidem movisse, ut hanc essentiam detegerent, si humanæ mentis acumine detegi posset.

Materiæ essentia non nisi ex phænomenis detegi potest. Atqui si phænomena materiæ per duo, vel tria annorum millia a philosophis, & a physicis observata materiæ essentiam non detexerunt, sperandum ne melius eam impostherum cognitum iri? multo ergo verosimile est *materia essentiam* hactenus ignotam & impostherum ignotam futuram. Q. E. D.

1393. **NOTA.** Aristoteles omnium primus materiam *generatim*, & *abstracte* consideravit, ut ad ejus essentiam investigandam consideranda

da est; ac in metaphysica sua meditatione de materia, & de corporibus ea tradit, quibus fortasse nihil magis philosophicum unquam tradetur.

I. Aristoteles materiam ut materiam tantum considerans, & a proprietatibus specificis, quas in diversis corporibus obtinet præscindens, eam exhibet ut *subiectum primum, & permanens*, a quo emanat quidquid nascitur, & in totum naturale astringitur; & in quod redit quidquid dissolvitur. *Materia est subiectum primum uniuscujusque rei, ex quo insito, & remanente fit aliquod totum per se, & non per accidens, & in quod ultimum, si quid corrumpitur, abit.*

Ut materia, alibi ait Aristoteles, nullam habet ex specificis proprietatibus, quas in diversis corporum speciebus observamus, quasque ipsa non induit nisi in hæc corpora transformetur. In hoc statu, atque ita considerata ipsa est, *id, quod per se neque est quid, neque quale, neque quantum, neque quidpiam eorum, quibus ens determinatur, neque eorum negationes.*

Quod potest nihil aliud significare, nisi materiam posse, quin materia esse desinat, omnes sensibiles qualitates amittere, quas in corporibus observamus, ne triplici quidem eorum dimensione excepta: *neque quantum.*

II. Materiam ipse considerans ut corpora mixta constituentem, puta substantias animales, vegetabiles, fossiles, eam concipit veluti in quatuor primordiales elementorum species divisam, quæ omnes aliquid præter materiam sunt, & singulæ specificam suam formam habent, qua intrinsece determinantur ut sint una *terra* sive elementum terrenum, altera *aqua* sive elementum aqueum, alia *aer*, sive elementum æereum, alia *ignis*, sive elementum igneum.

Quatuor hæc elementa, sive quatuor hæc elementares materiæ species, per Aristotelem sunt

sunt principia physica mixtorum hunc visibilem mundum constituentium. Atque hæc per clariores physicos recentiores sunt vera omnium sensibilium principia, seu primordialia constitutiva ( *Phys.* 156, 158, 171, 187 ).

Sane, ut Aristotelis ætate hæc de materia differerentur, mira, & omni ætate miranda ingenii vi opus erat.

#### PROPOSITIO VII.

1394. *Extensio, seu trina solida dimensio, etsi non sit materia essentia, est tamen proprietas omnino a materia inseparabilis: ita, ut nunquam materia sine aliqua triplici solida dimensione existere possit.*

DEMONSTRATIO. A triplici sive determinata, sive indeterminata dimensione materiæ essentiam non constitui jam ostendimus. Nunc ostendemus, materiam aliqua triplici solida dimensione nunquam omnino destitui posse; atque hanc triplicem dimensionem, etsi variabilem, quum semper materiæ insit, satis esse, ut ab omni non ipsa optime distinguatur.

I. Etsi a triplici dimensione materia non constituitur; certum tamen est, nunquam sine aliqua majori, vel minori, semper absoluta, & positiva, exempli causa, pollicis cubici, aut centesimæ millesimæ, vel deciescentesimæ millesimæ partis pollicis cubici, extensione materiam neque miraculo existere posse.

Id enim de rebus affirmandum, quod necessario in earum idea continetur; atqui in idea materiæ semper aliqua vera extensio positiva solida continetur.

Exempli causa, si de substantia sermo sit veram, & solidam extensionem habente, nec dicatur quid hæc substantia sit; mens materiam concipit.

Si de substantia sermo sit nullam extensionem

nem habente; mens materiam non concipit, seu potius substantiam indeterminatam concipit, nihil cum materia commune habentem.

Ergo vera, & solida extensio semper necessario in materiæ idea continetur. Ergo hæc proprietas est semper necessario materiæ conveniens, & ab illa inseparabilis, etsi infinito variari possit.

II. Sit volumen cujusque materiæ indefinite magnum, cujus *triplex intrinseca, & absoluta dimensio*, demptis poris, & vacuis, sit pollex cubicus. Dico, materiam hanc triplicem suam hanc dimensionem amittere non posse; nisi altero ex tribus hisce modis, annihilatione, condensatione, compenetracione.

*Annihilatione* tantum extensionis amittet, quantum materiæ ad nihilum redactæ. Scilicet si dimidia tantum ad nihilum redigatur, dimidia tantum extensio amittetur, nec tota amittetur, nisi materia tota ad nihilum redigatur.

*Condensatione*, volumen materiæ quantumvis magnum nunquam poterit, [neque miraculo ad spatium pollice cubico minus redigi; & post condensationem intrinseca, & absoluta extensio eadem omnino perseverabit. Idem prorsus de compressione dicendum ( 1383 ).

*Compenetratione* tandem intrinseca, & absoluta elementorum omnium extensio hoc volumen componentium ad dimidium pollicem cubicum adducetur, si horum elementorum dimidium cum altero dimidio compenetratur, ad quartam ejuspartem, si pars dimidia jam compenetratorum cum reliqua iterum compenetratur; atque ita porro.

Verumtamen utcumque pergat compenetratio, elementum, cui cetera compenetrantur, quantumvis minimum, semper in se *veram triplicem solidam dimensionem* habet; quæ eadem quoque erit omnium elementorum miraculo  
cum

cum illo compenetratorum. Quare etiam in hypothefi maximæ compenetrationis, quæ haberi poffit, nunquam materia fine aliqua vera, folida, pofitiva extenfione exiftere poteft. Q. E. D.

1395. *NOTA.* Omnis proprietas essentialis eft a rebus inſeparabilis; at non omnis proprietas inſeparabilis eſt essentialis.

I. Exempli cauſa, materiæ proprietas inſeparabilis eſt figura & ubicatio indeterminata; neque enim materia fine aliqua figura, & nullo ſita concipi poteſt.

At bene concipitur, materiam eſſentia, & natura non mutata; locum, & figuram mutare poſſe; & proprietatem variabilem, etſi inamiſſibilem eſſe non poſſe eſſentialem; hæc ſiquidem ſemper & inamiſſibiles, & invariabiles ſunt.

II. Pari modo extenſio aliqua folida indeterminata, maior, aut minor, proprietas eſt a materia inſeparabilis; non tamen eſſentialis, & materiæ eſſentiam conſtituens.

Materia enim, eſſentia non mutata, extenſionem mutare poteſt. Corpus cubicam hexapedam extenſum poris, & vacuis carens eſſentiam ſuam omnino ſervabit nihil mutatam, ſi ejus elementa omnia in pollicis, aut lineæ cubicæ ſpatium compenetratione includantur.

### OBJECTIONES DILUENDÆ.

Præcipua, quæ veritatibus hac ſeſſione ſtatutis opponuntur, ſunt: philoſophiam a fide non pendere: Euchariftiæ Sacramentum fine tranſubſtantiatione haberi poſſe; corporum compenetrationem, & reproductionem eſſe *αδυνατα*: materiæ eſſentiam ignotam dicere, eſſe materialifmo arma præbere: veram, & poſitivam extenſionem in euchariftico Chriſti corpore admittere eſſe Patrum, ac doctorum catholicorum doctrinæ adverſari.

PHILOSOPHIA A FIDE FORTASSE NON  
PENDET.

1396. OBJECTIO I. Philosophia a fide, ejusque mysteriis præscindendi jus habet; ergo Cartesii sententia de materiæ essentia jure tamquam vera admittetur, etsi cum Eucharistiæ mysterio conciliari nequeat.

RESPONSIO. Alibi monuimus ( 1193 ), Cartesii sententiam, etiam præcisa fide, cui adversatur, fore parum philosophicam. At quoniam hic de jure a fide præscindendi sermo tantum est, de hoc tantum in responsione nostra agemus. ( 1379 ).

I. Philosophiæ scopus est veritatis inquisitio. Quicumque ergo alio collimat, deceptor est, fabularum venditor, non philosophus.

II. Veritas sibi ipsi non opponitur. Quidquid ergo certæ, & inconcussæ veritati opponitur manifesto falsum est, nec a philosopho admittendum.

III. Mysteria sunt *veritates revelata*, a Deo ipso nobis manifestatæ, quæ quod comprehendere nequeant, non propterea certissimæ veritates esse desinunt; ab auctore enim naturæ infallibili, & veraci proponuntur.

Ergo sententia omnis alicui religionis dogmati, vel mysterio opposita manifeste falsa est. Ergo est velle in errores sponte labi, si quis jus philosophiæ tribuat sententias tuendi fidei Mysteriis repugnantes: hac ratione quis sese pervertit, & reverendas veritates reiicit, ac insana quadam libidine sese illusioni, errori, & mendacio devover.

Si ergo philosophus jus habet a religionis mysteriis præscindendi ab iis cum ratione conciliandis abstinens; certum saltem est, nunquam posse, quin philosophi, seu veritatis amantis nomen ejuret, sententiam ullam ex-



cogitare, aut tueri sacris veritatibus oppositam, quibus fidei mysteria, aut dogmata continentur. ( 150, & 152, ).

IV. Qui philosophiam a fide præscindere posse contendit, is duplex tribunal esse supponit, fidei alterum; rationis alterum; quin hoc ab illo pendeat; & in hoc aliquid verum esse posse, quod in illo falsum sit; quod omnino falsum, & absurdum est, ut contra Ponponacium philosophum contendentem, animæ immortalitatem ex fide veram esse, non vero ratione, definivit sacrum Lateranense Concilium sub Leone X. *Quum verum vero minime contradicat, omnem assertionem veritati illuminata fidei contrariam omnino falsam definimus.*

1397. OBJECTIO II. Cartesius de materia, seu corporis in genere essentia differens *corpus naturale* definire contendit; cui ab ipso allata definitio ad amissum congruit, non vero corpori Christi Eucharistico, quod *corpus supernaturale* est, cum quo definitio hæc nihil commune habere debet.

Dummodo Cartesiana definitio corpori naturali, quod ejus objectum est, apte congruat, nihil interest, si corpori supernaturali, cui extranea est, non congruat. Quæ ergo ex Eucharistia Cartesii sententiæ opponuntur inania sunt.

RESPONSIO. Objectio hæc a præcedenti non differt, nisi quatenus ibi manifesta appareret, hic vero æquivocatione, & sophismate involuta proponitur.

I. Quamcumque corpus aliquod subeat status mutationem, evidens est, quamdiu *idem corpus* perseverat *eandem quoque essentiam* servare: essentia siquidem corporis alicujus ab eo diversa esse nequit; nisi si absurde supponatur, rem aliquam a se ipsa differre posse.

Si ergo in Eucharistia existit Christi corpus,  
sive

sive illud naturale voces, sive supernaturale, ibi *illius corporis essentia* existit.

II. Ex fide in Eucharistia idem re ipsa existit Christi corpus, quod in cruce pependit. Ergo in Eucharistia existit re ipsa eadem *corporis Christi essentia*, quam in cruce pendens obtinebat.

Quum ergo in Eucharistia Christi corpus eandem essentiam servet, quam in cruce habebat, nec tamen ibi *eandem triplicem dimensionem* servet; jam triplex hæc dimensio non est essentia corporis Christi.

1398. NOTA I. Frustra dicet Cartesius inani effugio, definitionem a se traditam corpus tantum naturale respicere.

I. Definitio essentiae materiae objectum habet necessario quidquid corpus est, quidquid corporis essentiam habet.

Ergo necessario ejus objectum sunt non modo corpora in naturali statu existentia, sed quæ etiam in statu miraculoso existunt, aut existere possunt, si in hoc statu adhuc corpora, & materia sunt.

II. Miraculum, & miracula quocumque nunquam efficere possunt, ut res eadem perseverans essentiam mutet: nulla enim miracula efficere possunt, ut res sit, & non sit; ut sit quod est, & simul non sit quod est.

Ergo quæcumque miracula in Eucharistia eluceant; quum ibi re ipsa Christi corpus idem sit, fieri nequit, ut ibi essentia hujus corporis diversa sit.

1399. NOTA II. In Eucharistia corpus Christi juxta diversos respectus & naturale corpus est, & supernaturale.

I. *Corpus naturale* est in se, & in suis physicis constitutivis; in Eucharistia enim re ipsa eadem habet constitutiva physica, quibus constabat, quum juxta naturalem rerum ordinem existeret.

II. *Corpus supernaturale* est miraculoso modo, quo existit: non enim modus, quo in Eucharistia existit; similis illi est, quo in naturali rerum ordine existebat.

In statu naturali corpus Christi existebat cum sua triplici naturali dimensione. In statu Eucharistico existit sine hac triplici naturali dimensione miraculo compenetrations.

In statu naturali existebat, & vivebat ex circulatione sanguinis, ex alimentorum digestionem, ex omnibus animalis œconomix muneribus.

In statu Eucharistico, ut in statu glorioso in cœlis, novo, & supernaturali modo existit, & vivit, quem fides nobis testatur, & potest ratio, si lubet, investigare.

In Sacramento, & extra Sacramentum semper *idem corpus* est, & *eadem essentia*. At hoc idem corpus, hæc eadem essentia, hoc idem ens individuum in statu Eucharistico modum habet existendi admodum ab eo diversum, quem in naturali statu sibi proprium obtinebat.

**TRANSUBSTANTIATIO IN EUCHARISTIÆ  
SACRAMENTO FORTASSE  
I N U T I L I S.**

1400. OBJECTIO III. Lutherani, Calvinistæ, Zuingliani, Sacramentarii omnes *Eucharistia Sacramentum* admittunt, quin transubstantiationem admittant. Ergo hoc Sacramentum sine transubstantiatione haberi potest.

RESPONSIO. Lutherani, Calvinistæ, Zuingliani, Sacramentarii assertum quoddam *Eucharistia Sacramentum* admittunt, quod sibi confinxerunt, aut quod proprio arbitrio deformatunt.

At vero hoc Sacramentum ab ipsis confictum, & deformatum illud ne est, quod referunt Evan-

Evangelia, quodque Christiana Ecclesia ab ejus incunabulis ad seculum usque decimum sextum venerata est? minime sane; ut facile probatur ex apertissimis Evangelii locutionibus, & ex perpetua plurium ecclesiæ patrum doctrina a temporibus apostolicis usque ad Concilium Tridentinum. ( 1373, 1376, 1402, ).

Nihil refert, sacramentarios quoscumque Sacramento eucharistico ab ipsis confecto, & deformato eandem spiritualem vim tribuere, quæ vero Eucharistico Sacramento a Jesu Christo instituto, & ab Ecclesia catholica servato tribuenda est. Non hominum mens, sed *divina institutio* vim tribuit sacramentis.

1401. OBJECTIO IV. Quum sensus evangelicarum locutionum obvius, & naturalis adeo rationi adversetur in omnibus ad eucharisticam transubstantiationem spectantibus; quare non eas sensu figurato accipiamus, ut sacramentarii plures fecerunt? Quam multæ sunt locutiones tum in veteri, tum in novo testamento, quæ nunquam nisi sensu figurato acceptæ fuerunt, propterea quia in obvio, & literali sensu absurdæ essent?

RESPONSIO I. Si liceret sensu figurato scripturæ locutiones sumere, quas obvio, & naturali sensu semper catholica Ecclesia intellexit, jam patet, nihil jam in sacris literis certum fore; & tunc licere secundam Trinitatis personam dicere incarnatam sensu figurato; dicere Christum natum fuisse, vixisse, passum, & mortuum fuisse, a mortuis surrexisse sensu tantum figurato. Porro in hac hypothesis quid jam erunt dogmata omnia revelata?

Quare patet, aut scripturæ locutiones *in sensu obvio, & literali* sumendas esse, quum ita semper a fidelium universitate sumptæ fuerunt; aut universas sacras literas considerandas tanquam inania verba nihil significantia,

& quibus quæ magis libuerit significatio appingi possit.

II. Si ab evangelicarum locutionum obvio, & literali sensu recedendum fuit in iis, quæ ad Eucharisticam transubstantiationem spectant, ( sacramentarios tantum hic alloquor ), propterea quia sensus hic rationi adversari videbatur; num & a sensu obvio, & literali in iis recedendum erit, quæ in evangelio ad Trinitatem spectant, ad Incarnationem, ad universalem corporum resurrectionem, ad æternam reproborum damnationem, & ad cetera præcipua religionis christianæ dogmata; quandoquidem sensus hic æque saltem rationi adversari videtur?

III. At enimvero quare nam ita rationi opposita transubstantiatio eucharistica sacramentariis videtur, hominibus scilicet, qui se Christianos dicunt, qui Deum se credere profitentur infinite liberum, & potentem, cujus nutu omnia in natura esse cœperunt, & ad nihilum redigi possunt?

Non sane mirarer, si materialistarum ratio a transubstantiatione abhorreret; neque enim causam ullam agnoscunt, a qua fieri possit; at in sacramentariis principiis utique haberi potest; & unice ex sacris literis, & ex traditione videndum est, num eam Deus decreverit, & voluerit.

1402. OBJECTIO V. Cui suadeas nonnulla verba ab ecclesiæ ministro prolata illico in corpus Christi transubstantiare panem, & vinum Eucharisticum? Nulla hic inter causam, & effectum proportio.

RESPONSIO. Miraculosi hujus phænomeni *possibilitatem* suadebimus cuicumque credenti Deum esse infinite potentem; illud vero *re ipsa dari* cuicumque sacris literis, & traditioni credenti.

Repugnat, verba sacramentalia esse transubstantia-

stantiationis causam efficientem ; non tamen repugnat , ea esse illius causam occasionalem , sive , ut theologi loquuntur , causam motivam .

I. *Causa efficiens* miraculi transubstantiationis , ut miraculi cujusque , est Deus ipse infinite potens , & liber , a quo libere statuta fuerunt , & libere interrumpi , ac mutari possunt semper , & in omnibus naturæ leges .

Quare *infinita* hæc *potentia* , quæ unico voluntatis actu initio temporum mundum creavit , & unico quoque voluntatis actu quovis momento temporis universam naturam movet , atque animat , non poterit , quum libuerit , eodem voluntatis actu *substantiam panis* , & *vini in substantiam corporis Christi* mutare ? Ratio posse probat ; fides velle ; ergo facit . ( 1375 ).

II. *Causa occasionalis* , sive motiva miraculi transubstantiationis sunt verba sacramentalia ad hoc a Christo instituta .

Pridie , quam moreretur Christus cum suis apostolis cœnans , sumpto pane , ac vino , supra panem dixit : *Hoc est corpus meum , quod pro vobis tradetur* ; supra vinum : *Hic est sanguis meus , qui pro vobis effundetur* ( a ) . Hæc ipsa fuit sacramenti eucharistiæ institutio : hæc celebris epocha eucharisticæ transubstantiationis .

Ut Deus , efficaciter per se operatus est sacra hæc verba proferens *miraculosam hanc mutationem* . Ut Deus , & ut permanentis religionis institutor , decrevit , & voluit , miraculosam hanc mutationem perseveranter fieri , & renovari , quoties verba ab ipso instituta , & consecrata sacramentaliter supra panem , ac

V 2

vinum

---

( a ) *Luc.* 22. 19. 20. *Math.* 26. 27. 28. *Mar.* 4. 23. 24. *Joan.* 6. 52. 54. *I. Cor.* 11. 24. 27.

vinum proferentur ab hominibus sacro sacerdotii caractere insignitis, atque ita ad suorum ministrorum & vices hac in re agentium dignitatem elevatis.

*Verba hæc sacramentalia*, & divina sunt transubstantiationis causa occasionalis, aut motiva. Sunt causa occasionalis transubstantiationis, quatenus occasione horum verborum sacramentaliter prolatorum Deus sua sapientia, & fidelitate est efficaciter determinatus ad miraculum a se decretum operandum. Sunt *motivum transubstantiationis*, quatenus verba hæc sacra meritis Christi convestita hæc merita repræsentantia, efficaciter Deum movent ad hoc ipsum miraculum primitus a Christo pridie, quam pateretur, operatum renovandum. Hæc est catholicæ ecclesiæ doctrina de Eucharistiæ Sacramento. Est ne in hoc quidpiam, a quo mens revelatione illustrata abhorreere possit?

1403. OBJECTIO VI. Philosophus tantum id, quod evidenter concipit admittere debet. Quis vero eucharisticam transubstantiationem ita concipiat?

RESPONSIO. Objectionis prima propositio, quæ axiomatis instar effertur, uno sensu vera est, altero falsa.

I. Vera est, si ejus significatio sit, nihil a philosopho admitti debere, quod certis principiis, & solidis rationibus non innitatur; sive, ut ait Leibnitius, sine ratione sufficiente.

II. Falsa est, si significet, nihil philosophum admittere debere, quod plene, perfecteque non intelligat. Ceterum de existentia materiæ dubitare posset; non enim, nisi admodum confuse percipit quid ipsa sit; imo de sua ipsa existentia dubitare posset; non enim nisi admodum confuse percipit quomodo existat, & quid ejus existentia sit.

III. Philosophus tamquam verum admittere debet quidquid agnoscit necessario connexum veri.

veritati in se certæ, aut ab evidentia sive intrinseca, sive extrinseca manifestæ: etsi res hæc in se omnino obscura sit, & percipi nequeat. ( 56 ).

Atqui hujusmodi est Transubstantiatio eucharistica: ipsa enim quum divinæ revelationis veritati infallibiliter connexa sit; etsi fortasse in se concipi nequeat, a quovis philosopho divinæ revelationis veritatem admittente omnino admitti debet.

**TRANSUBSTANTIATIO EUCHARISTICA  
CUM CARTESIANA SENTENTIA  
DE ESSENTIA MATERIÆ FOR-  
TASSE COMPONI POTEST.**

1404. OBSERVATIO. Sententia Cartesii de essentia materiæ libentissime a sacramentariis omnibus admissa fuit; propterea quia catholicum dogma de eucharistica transubstantiatione oppugnabat.

Cartesius, qui nihil tale sane cogitabat, sententiam suam cum eucharistica transubstantiatione conciliare conatus est. Ipse opus cœpit: ejus affectu illud sunt prosequuti; at meditata conciliatio non apparuit; plane siquidem fieri non poterat.

**TRANSUBSTANTIATIO PANIS, ET VINI  
EUCHARISTICI IN SENTENTIA  
CARTESII.**

1405. EXPLICATIO. Cartesius, cui systemata confingere facile erat, cito systema excudit, quo triplicem determinatam dimensionem, in quâ materiæ essentiam statuebat, cum vera eucharistica Transubstantiatione conciliaret.

I. Materia, inquit ipse, in omnibus corporibus est homogœnea. Quod hodie caro, & sanguis est in homine, antea frumentum fuit,



uva, aqua, fructus, legumen, avis, piscis; reliqua. ( 119, 120, 1369, (.

Alimenta, quibus alimur, natura in substantiam nostram mutantur: ea quoque, quibus Christus vesceretur, in carnis, & sanguinis sui substantiam natura ipsa mutabantur.

II. Ex hac maxime philosophica positione materiae homogeneae, ac generica naturalium transubstantiationum notione Cartesius binas sequentes quaestiones, sive hypotheses proponit, quibus trinam suam dimensionem cum eucharistica transubstantiatione conciliare se posse putat.

Quare nam supponere non possumus, Christum quum Eucharistiam instituit, id miraculo, & divinorum suorum verborum virtute fecisse, quod natura ipse fecisset ex interna, & mechanica suorum vitalium organorum actione; suorum divinorum verborum nempe virtute in carnem, & sanguinem suum convertisse panem, ac vinum, quae duo accepit, benedixit, ac apostolis distribuit; ut eundem hunc panem, hoc idem vinum in carnem, ac sanguinem suum convertisset intima, & mechanica suorum organorum vitalium actione, si illa in cibum suum sumpisset?

Quare quoque supponi nequeat, verba sacramenti nunc id ipsum miraculo operari, quod sacra Christi verba in Eucharistiae institutione miraculo operata sunt?

III. In duplici hac hypothesis, inquit Cartesius, optime in Eucharistia transubstantiatio habetur; & materia transubstantiata trinam suam dimensionem plane servat; neque enim materia transubstantiata existens sub speciebus panis, & vini est totum corpus, totusque sanguis Christi domini; sed tantum *hujus sacri corporis, ac sanguinis pars*, qualis effecta esset, si Christus panem, & vinum, super quae sacramenti verba prolata fuerunt, comedisset.

1406. CONFUTATIO. Philosophica hæc explicatio, quæ primo intuitu ingeniosa admodum, & apta videtur, nullo pacto a catholicis philosophis, quibus unice exhibetur, admitti potest; neque enim transubstantiationi Eucharisticæ, ut a sacris literis, & a traditione proponitur, est consentanea.

I. Ex communi ecclesiæ doctrina *Transubstantiatio eucharistica est mutatio totius substantia panis, & vini in substantiam corporis, & sanguinis Christi*; ita ut nihil omnino ex prima substantia remaneat, exceptis speciebus, sive accidentibus; & ut prima substantia identice altera fiat, & quæ substantia transubstantiatur, & illa, in quam transubstantiatur non jam sint duæ substantiæ similes post transubstantiationem, sed una eademque substantia.

In Cartesii hypothesi panis, & vini substantia *transmodificatione intrinseca* fit substantia similis illi corporis Christi, non vero re ipsa, & identice substantia ipsa corporis Christi; Cartesiana siquidem transubstantiatio a naturalibus transubstantiationibus non differt nisi modo miraculoso, quo fit. Porro in naturalibus transubstantiationibus substantia existens A non fit substantia existens B, sed tantum substantia similis substantiæ B.

II. In catholicis principiis *transubstantiatio Eucharistica ipsam panis, & vini substantiam afficit, & intacta relinquit accidentia, quæ eadem prorsus remanent post transubstantiationem.*

In principiis Cartesii transubstantiatio Eucharistica panis, & vini substantiam non immutat, eam, inquam, homogeneam substantiam intrinsece diversarum formarum capacem, & quæ post transubstantiationem sub alia forma eadem remanet.

Per catholicos transubstantiatio eucharistica est vera elementorum mutatio, vera transub-

*stantiatio*, quæ facit, ut substantia A fiat identice alia substantia B.

Per Cartesium transubstantiatio eucharistica est *simplex transmodificatio*, quæ facit, ut substantia A fiat natura similis alii substantiæ B.

Prima *realem identitatem* producit inter substantiam, quæ transubstantiatur, & corpus Christi, in quod transubstantiatur.

Altera *realem similitudinem* tantum producit inter substantiam, quæ transubstantiatur, & corpus Christi in quod transubstantiatur.

Per catholicos in mille hostiis consecratis non nisi *idem*, & *unicum Christi corpus* existit, in quod æque ubique omnium harum hostiarum substantia transubstantiata fuit.

Per Cartesianos in mille hostiis consecratis mille existerent *similia Christi corpora*; seu potius mille similes portiones totidem Christi corporum.

III. Juxta communem ecclesiæ doctrinam: *Eucharisticum Christi corpus re ipsa idem numerice est, eademque individua physicarum, & substantialium partium collectio, qua pro mundi salute in cruce pependit (1373, & 1376).*

In Cartesii hypothesi, (præter individuae naturæ alteritatem, de qua supra), eucharisticum Christi corpus esset *pars tantum veluti infinite parva* adorabilis hujus corporis cruci affixi; & Christus apostolis fucum fecisset dicens de pane consecrato, & transubstantiato: *hoc est corpus meum, quod pro vobis tradetur (1402).*

Sicut enim dici non posset sine manifesto terminorum, & idearum abusu, minimam panis, & vini quantitatem, quæ meorum organorum mechanica actione in meam substantiam convertitur, vere, & simpliciter esse corpus meum; ita dici nequit sine pari abusu, & re ab his terminis expressa non mutata, minimam panis, & vini quantitatem miraculo in æqua-

æqualem corporis Christi quantitatem mutatam vere, & simpliciter esse corpus Christi.

IV. Ex communi ecclesiæ doctrina *corpus Christi nihil magis habet in parva hostia, quam in magna: æque in utraque totus est.*

In Cartesii hypothese magna hostia plures elementares Christi corporis partes continet, quam parva; plura enim in illa, quam in hac fuerunt elementa transubstantiata. Si enim ante consecrationem prima erat alterius quadrupla, Christi corpus eucharisticum in prima post consecrationem quadruplum erit Christi corporis in altera.

1407. **NOTA.** Patet, alia insolubilia contra Cartesianam hypothesim objici posse. At ex dictis satis patet, *veram transubstantiationem eucharisticam*, cum Cartesiana sententia de materiæ essentia in trina dimensione determinata non conciliari; & quidquid heterodoxum sapit sententia hæc Cartesii, a qua nota eam hac hypothese Cartesiani liberare conati sunt, æque sapere etiam post hypothesim hanc inventam.

**DIVERSA CHRISTI CORPORA EUCHARISTICA, IN QUORUNDAM PHILOSOPHORUM SENTENTIA.**

1408. **EXPLICATIO.** Nonnulli Cartesii affectæ, ut in Eucharisticæ transubstantiationis explicatione sibi nomen compararent, supposuerunt, Christianam religionem tantum docere, Christi corpus realiter, & substantialiter esse in Eucharistia: nec definire *quodnam Christi corpus* in Eucharistia sit; num quale erat in mirabili sua conceptione, aut quale quum moretetur, aut quale fuit tempore aliquo inter hæc medio.

Ex hoc facile conciliare sibi visi sunt triplicem essentialem materiæ dimensionem cum triplici Eucharistici Christi corporis dimensione.

I. Certum est, inquiunt, humanum corpus, etsi in incrementis, & decrementis plures subeat mutationes, ab eo tempore quo organis instructum, & animatum esse incipit in materno sinu ad mortem usque, censendum semper esse *idem humanum corpus*: corpus hominis, exempli gratia, octoginta annos nati censendum esse *idem humanum corpus*, quod homo hic habebat annos natus quinquaginta, viginti, decem, menses quatuor, quum nasceretur, quum conceptus fuit.

En itaque *idem humanum corpus* sub dimensionibus admodum diversis. Hoc enim, quod firma ætate duos ferme materiæ pedes cubicos continet, est tantum *molecula organica* quum esse incipit: est tantum *punctum vivens*, & *saliens* diebus aliquot a conceptione; quartam tantum pollicis cubici partem materiæ habet uno, aut altero mense a conceptione (135, & 1347).

II. Verosimillimum est, pergunt illi, humanum Christi corpus postquam mirabili Dei actione conformatum fuit, *per hos omnes incrementi gradus* humanæ naturæ proprios transisse; juxta Apostolum enim Jesus Christus, dempto peccato, cæteris hominibus similis esse debuit. *Debuit per omnia fratribus similari.* Rom. 2. 17.

III. Patet, (addunt), facile ex his trinam dimensionem materiæ essentialem cum variabili, & semper veluti infinite parva eucharistici Christi corporis extensione conciliari.

Quare in minima hostia, sive in vix sensibili hostiæ particula erit cum sua triplici determinata dimensione corpus Christi, ut erat quum conceptum fuit; in hostia indefinite majori erit cum sua triplici determinata dimensione ut erat diebus aliquot a conceptione; at in nulla hostia consuetæ magnitudinis erit *idem corpus Christi* quale fuit pridie, quam pateretur.

In hac hypothesi *perfecta* erit *identitas* inter panem, qui transubstantiatur, & Christi corpus, in quod transubstantiatur. Exempli gratia, hostiæ duæ, quæ singulæ cubicam lineam materiæ contineant, poterunt ambæ in idem individuum Christi corpus transubstantiari, quale erat quum non nisi *cubicam* humanæ substantiæ *lineam* continebat: binæ hostiæ singulæ harum duplæ poterunt singulæ in idem individuum Christi corpus transubstantiari, quale erat quum duas tantum cubicas humanæ substantiæ lineas continebat.

Hac ratione, tandem inferunt, optime cum sententia hac ecclesiæ doctrina conciliatur, juxta quam in quibuscumque hostis consecratis unum, idemque Christi corpus est, & idem re ipsa est, quod in utero Virginis conceptum fuit, & in cruce immolatum: quæ duo esse nequeunt, nisi in hypothesi, qua humanum corpus sit semper *idem humanum corpus*, etsi plures a conceptione ad obitum mutationes subjerit.

1409. CONFUTATIO. Cartesiana hæc explicatio & *falsa est*, & *parum orthodoxa*; quare non admittenda.

I. Falsa est; supponit enim veram, & realem identitatem inter corpus hominis, puta triginta, aut quadraginta annos nati, & ejusdem hominis corpus quum primum organis instrui, & animari cœpit: quod idem est, ac supponere veram, & realem identitatem inter antiquam quercum, & germen, quo e glande emerfit.

Tota hæc explicatio futili æquivocatione innititur, qua in entibus organicis identitas moralis cum individuali identitate confunditur.

Inter corpus hominis, puta, quinquaginta annos nati, & ejusdem hominis corpus in utero datur *identitas moralis*; hac enim in re moralis identitas importat dumtaxat vitam iisdem

468 *Theoria metaphysica materia.*  
vitalibus organis perseveranter continuatam ;  
(135).

At inter ejusdem hominis corpus quinquaginta annos nati , & in utero existentis non datur *individualis identitas* : neque enim utrumque est eadem numerica , & individua physicorum constitutivorum collectio .

II. Explicatio *hec parum orthodoxa* est ; in christianæ fidei principiis siquidem Christi corpus realiter , & substantialiter idem est in *hostia diametro duorum pollicum* , & in *hostia particula diametro unius lineæ* .

Atqui juxta hanc explicationem Christi corpus non idem esset realiter & substantialiter in hostia , & hostiæ particula , de quibus modo ; inæquales enim hæ duæ magnitudines duos respiciunt diversos corporis Christi status ; & , ceteris paribus , corpus Christi in prima esset ad corpus Christi in altera , ut quadratum diametri primæ ad quadratum diametri alterius ; sive ut 576. ad unum .

Ceterum juxta hanc explicationem corpus Christi eucharisticum nunquam illud esset , quod in cruce immolatum fuit . Et Christus apostolis illuisset : iis dicens de pane , & vino consecrato : *hoc est corpus meum , quod pro vobis tradetur ; hic est sanguis meus , qui pro vobis effundetur* ( 1402 ) .

1410. NOTA. Quum ecclesiæ Patres , & ex ipsi<sup>s</sup> cathedismi catholici dicunt , eucharisticum Christi corpus *idem* esse , quod in cruce pependit , quod in Bethleem natum est , quod Spiritus Sancti afflatu in sinu Virginis formatum fuit ; patet ipsos terminos *identitatis* non eodem sensu sumere .

Priori loco de *individuali identitate* loquuntur juxta ipsius Christi locutiones ; altero , & tertio loco de *identitate* tantum *moralis* loquuntur , quæ relationem organicam , & vitalem de-

designat corporis cruci affixi cum corpore in Bethlehem nato, & cum corpore in sinu Virginis a Spiritu Sancto formato.

**CORPORUM MATERIA ESSENTIALIS,  
ET ACCIDENTALIS JUXTA  
QUOSDAM PHILOSOPHOS.**

1411. **EXPLICATIO.** Ut triplicem materiæ essentialē dimensionem cum triplici dimensione, quam in Eucharistia obtinet Christi corpus in cruce immolatum concilient, nonnulli Cartesii affectæ, corporum physica constitutiva dividunt saltem in regno animali, & vegetabili in materiam essentialē, & in accidentalem.

I. *Materia corporis essentialis* in hac sententia est quidam textus filamentorum tenuissimorum, quem corpus amittere nequit, quin definat esse quod est.

II. *Materia corporis accidentalis* sunt molculæ illæ accessorix, varii succi nutritii, qui perpetuo fluxu sese poris, & primordialibus filamentis insinuantes, illa extendunt, protrahunt, dilatant, evolvunt, & augent.

III. Corpus Christi in hac sententia essentialē tantum materiam, qua in cruce constabat, in Eucharistia continet. Ibi materia omni accidentali, quam tunc habebat, spoliatum est; hæc siquidem essentiam suam non constituebat, eamque amittere poterat, quin defineret esse, quod erat.

In Eucharistia, per hos philosophos, re ipsa existit idem numerice corpus *individuum*, quod in cruce pependit; in Eucharistia siquidem existit *eadem materia essentialis collectio*, quæ corpus in cruce immolatum efficiebat.

Corpus hoc eucharisticum, nulla compenetracione, ad minimum volumen adductum est; *materia enim essentialis* corporis in cruce immo-



molati accidentali materia exuta ad minimum volumen nulla compenetracione redigi potest.

1412. CONFUTATIO. Pater, sententiam hanc inane effugium esse ad lapsabundam causam tuendam excogitatum.

I Sententia hæc omnes, quas habemus animalis, & vegetabilis regni ideas pervertit.

Patet enim, exempli causa, nos quum corpus humanum ad perfectum statum jam adductum dicimus, nihil simile illi corpori intelligere, quod Cartesiani hic obtrudunt.

II. Neque Cartesiana hæc sententia aptius consentit catholicis principiis de eucharistia.

Inauditum est enim in catholica Christi ecclesia, ejus corpus eucharisticum non jam illud ipsum esse, quod in cruce pependit, sed quamdam tantum primordialium, & inamissibilem filamentorum texturam, quibus divinum hoc corpus in cruce immolatum confingitur.

#### DE TRANSUBSTANTIATIONE EUCHARISTICA VARIGNONII SENTENTIA.

1413. EXPLICATIO: Celebris Varignonius ex Regia scientiarum academia magnus idem geometra, ac philosophus, ipse quoque Cartesii sententiam de essentia materiæ cum *transubstantiationis mysteriis* in Eucharistia conciliare conatus est. Quare philosophicum systema confinxit, quod geometrica methodo proposuit, & quo fortasse nihil ingeniosum magis hac in re excogitari potest, posita in triplici determinata dimensione essentia materiæ.

In sua sententia materiæ homogeneitate, & divisibilitate in infinitum ingeniosissime utitur; at nimis inanibus Levenockii, & Hartsoekerii inventis indulgisse videtur (*Phys.* 142, 60, 354, & 557).

I. Supponit, quo momento verba sacramentalia proferuntur, Deum cuius *insensibilis* panis,  
& vi-

& vini *parti* motum quemdam intellium miraculo indere, quo partis hujus insensilis elementa singula novas formas induant, & diverso modo aggregentur, ea ratione, qua opus est, ut ex eorum collectione novum exiguum corpusculum conficiatur ita organis instructum in sua parva mole, ut perfectum humanum corpus instructum est.

In hac hypothese in pane, & vino eucharistico innumera habebantur *organica corpuscula*, ut *humanum corpus*, quorum quodlibet in se insensile, aliud non erit, & omnia sunt invicem separata.

Nondum tamen ex hac hypothese hæc corpusculorum collectio est corpus Christi; erit tamen hac altera hypothese.

II. Supponit quo momento in pane, & vino eucharistico corpuscula hæc omnia formata sunt, *animam Christi* illis miraculo uniri, ut ea animet, ac vivificet.

Tunc etsi in pane, & vino consecrato innumera sint corpuscula organica humano corpori omnino similia, unicum tamen habebitur Christi corpus; unica enim ibi erit humana Christi anima; & *unitas corporis animati* tantum ab animæ unitate est, quæ singulas ejus partes animat, & vivificat.

1214. NOTA. Ex duabus hisce hypothesebus, sive ex duobus hisce philosophicis postulatis, omnia per Varignonium transubstantiationis mysteria explicantur. Exempli gratia:

I. In hac hypothese *hostia dua consecrata*, quarum una Romæ sit, altera Parisiis, etsi tantum distent, *unicum, idemque Christi corpus* continebunt; corpuscula enim organica hostiæ Romæ existentis, & illa Parisiis existentis, etsi re ipsa invicem distincta, tamen animantur, vivificantur, determinantur, ut sint idem humanum Christi corpus ex una eademque anima, nempe Christi.

Lo-

Locorum distantia non obest, quominus eadem Christi anima, & hostiam Romæ positam animet, & Parisiis existentem. Si enim hominis anima, sive toto corpore diffusa supponatur, sive aliqua cerebri parte præcipua circumscripta, simul & caput, & pedem animare potest, etsi ad pedes quinque invicem distent; quare non æque duo corpora animare poterit invicem distita hexapedas quinque, seu leucas, seu terræ semidiametros; atque ita porro?

II. In hac hypothese hostiam in plures partes dividendo, non propterea dividetur Christi corpus; *corpora enim organica*, quæ separantur, integra remanet, & insecta singula in quavis hostiæ divisæ portione; eaque sive simul juncta, sive separata semper unicum Christi corpus conficiunt, quum ab una eadem Christi anima sint animata.

III. In hac hypothese eucharisticum Christi corpus Romæ, & Parisiis idem omnino est, quod in cruce pependit, quod in sinu Virginis formatam fuit, quod modo gloriosum in cælis est, etsi materia, qua constat Romæ, & Parisiis non eadem individua materia sit, qua in cruce, & in utero Virginis constabat, a qua modo in cælis constat; duplex enim hæc materia eadem individua anima est animata; & plura corpora organica unum, & idem corpus sunt quum unica individua anima animentur.

Eadem ratione eucharisticum Christi corpus idem omnino est Parisiis & Pekini, etsi materia illud Parisiis constituens non eadem sit, qua Pekini constituitur.

IV. In hac hypothese, quotcumque sint hostiæ consecratæ, *unum tantum* in cælo, & in terra *habebitur Christus*; quum enim homo sit compositum ex corpore humano, & anima humana; ut homo fieret multiplex, deberent corpus, & anima simul hujus hominis fieri multiplices.

V. Tandem in hanc hypothesi post consecrationem permanebunt *eadem* panis, & vini *apparentia*; quum re ipsa mutatio facta non fuerit nisi in insensibilibus panis, & vini partibus; partes vero hæ insensiles sensus non afficiunt.

Insensiles panis, & vini partes quum singulæ seorsim intrinsece transubstantientur, & fiant singulæ infinite minimum humanum corpus, sensibilibus positione non mutantur. Ergo earum collectio eandem sensibilibus in organa, quibus attingetur, impressionem facere debet.

1415. CONFUTATIO. Hoc Varignonii systema methodo, usu, consecrariis maxime philosophicum, non æque principiis est. Quum ad Cartesii sententiam tuendam excogitatum fuerit, quæ Transubstantiationis mysteriis non congruebat, quidquid illi deerat suffecit, aptius explicavit, ac protulit; eadem tamen principiorum vitia continet, ac nova adjecit.

I. In Varignonii, ut in Cartesii Systemate Transubstantiatio eucharistica est *simplex transformatio*, & transmodificatio.

Quare Eucharisticum Christi corpus non *idem individuum* est, quod in cruce pependit: ipsum majus est in majori hostia, quam in minori, quod catholicis principiis non est consentaneum.

II. Præter vitia systematis Cartesiani, alia habet propria Varignonianum, quorum præcipuum est singularis illa corporum animatio, & individuatio.

Per Varignonium, & in systematis sui principiis, supponi poterit animam humanam simul animare corpus in terra, alterum in luna, tertium in Saturno, quartum in Syrio, quintum in cynosura, indefinita alia corpora in totidem solitariis syderibus, nulla inter illa communicatione; & omnium horum corporum collectionem

nem ita inter se distinctorum, ac sejunctorum unum tamen, atque unicum corpus humanum efficere; quod sane recta philosophia nunquam admittet.

Etsi enim non satis fortasse dignoscamus quæ ratione anima humana simul diversas animæ ejusdem humani corporis partes; satis tamen experientia, & observatione scimus, ad habendam *communem animationem* necessarium esse perpetuum organorum nexum inter partes; eamque cessare quum inter animales partes datur *continuitatis solutio*.

Anima brachium animat quum illud organorum machinamento adnexum est. Simul ac vero vel pollicem distet brachium a reliquo corpore; illud non amplius animationis particeps erit, quam ab anima obtinebat.

**COMPENETRATIO, ET REPRODUCTIO  
PHÆNOMENA FORTASSE REPI-  
GNANTIA, ET CHIMÆRICA.**

1416. **OBJECTIO VII.** Philosophus id tantum admittere debet, quod evidenter in rebus concipit. Ergo compenetrationem, & reproductionem admittere non debet, quæ concipi nequeunt, & rectæ rationi adversantur.

**RESPONSIO.** Philosophus principia meditari assuetus, quæque iis adnexa sunt, atque ex iis fluunt percipere, omnia, quæ *ex certa, & inconcussa veritate* descendere necessario videt admittere debet. Si ergo compenetratio, & reproductio necessario ex certa, & inconcussa veritate descendant, ex catholico scilicet dogmate realis præsentiae Jesu Christi in eucharistia; illas philosophus admittere debet, sive concipiat, sive non.

I. *Compenetratio* non est dogma formale fidei; at ex formali fidei dogmate consequi videtur; ex eo scilicet, quo docemur, Christum

totum, ideoque ejus corpus, & animam, esse in quavis sensibili panis, & vini consecrati particula.

Nunquam ratio directe, & *a priori* demonstrabit, compenetrationem dari posse ( 70 ); neque enim formaliter concipit qua ratione miraculosum hoc phænomenon haberi possit.

At nunquam probabitur *a posteriori*, miraculosum hoc phænomenon, cujus possibilitas ex facto probari videtur, in se repugnare; nulla enim solida ratio probat, elementum A existere non posse in elemento B. At vero hoc demonstrandum est, ut compenetratio, quæ non clare concipitur, dari non posse ostendatur.

Jam monuimus, recentiores nonnullos in eucharistia *condensationem* tantum admittere; atque sententiam hanc, quæ nobis non adridet, catholicæ fidei non adversari. Si magis compenetratione sententia hæc placeat, admitti potest: modo in aliam ex confutatis sententiis heterodoxis non dilabatur.

II. *Reproductio* ipsa quoque non est formale fidei dogma; sed omnino ex formali fidei dogmate necessario consequi videtur, quo docemur, Christum realiter, & substantialiter in omnibus hostiis consecratis esse, & in singulis earum partibus separatis. Non ostendet ratio *a priori* mirum hoc phænomenon dari posse; at neque ratione demonstrabitur, phænomenon hoc, cujus possibilitas *a posteriori* demonstrata est, haberi non posse.

Miraculum reproductionis, a quo plerique heterodoxi maxime abhorrent, adeo ne repugnans est, ut contendunt ( a )? Anne demonstra-

stra-

---

( a ) Quum de heterodoxis loquimur Lutheranos excipimus; qui quum consubstantiationis

stratum est, *individuum substantiam*, quam Deus alicubi locavit, non posse eodem tempore alibi etiam existere?

Exempli gratia. Individuum quodvis X ex possibilibus contemplemur. Certum est per heterodoxos, ac philosophos omnes Deum credentes, posse ejus omnipotentiam individuum hoc possibile existens efficere.

At qua ratione probabunt, Creatoris actionem semel in hoc individuo exercitam ut illud existens efficiat in loco A, non posse iterum in illo ipso individuo exerceri, ut illud reddat existens in loco B? Qua ratione probabunt divinam omnipotentiam prima creatione in hoc individuo exhaustam esse?

Nequit, inquit, humana mens concipere qua ratione Deus iterum existens redderet individuum X. At vero melius ne humana mens concipit qua ratione Deus hoc individuum efficiat primo existens?

Postremam hanc veritatem admitto, quod solidis, & inconcussis rationibus certissima elucescat. Quare primam quoque non admittam, si æque solidis, & inconcussis rationibus certissima fiat?

1417. *NOTA.* Corporum compenetratio, & reproductio duobus posterioribus sæculis ab omnibus philosophis heterodoxis, & Cartesianis acriter impugnata fuit. At enim vero quid tandem objecerunt? nihil solidum, imo nihil solidum apparens; ut enim utramque oppugnant,

---

*nomine realem Christi præsentiam in eucharistia admittant, debent in illa quoque cum Catholicis veram, & realem reproductionem admittere; qua Christi corpus, & anima possint simul existere in calo, & in terra, Dresda, & Holmla.*

rent, dixerunt tantum, neutram concipi posse; quasi vero rem negare possis, quod eam non concipias. Concipimus ne exempli gratia, materiæ creationem? & eam ne negare licet, quod concipi nequeat?

Quum Cartesiani vehementius in corporum compenetrationem, & reproductionem insurrexerint; duo hæc, quibus adeo indignantur, cum eorum principiis conferamus.

I. Debet ne Cartesianus adeo a *corporum reproductione* abhorreere, qui entium conservationem perpetuam esse creationem tenet, quique vult, transitum a loco in locum idem esse, ac corpus ad nihilum redactum esse in loco A, & creatum in loco B? (890).

At si Deus quovis instanti potest ad nihilum corpus redigere in puncto A, & hoc ipsum corpus creare in puncto B; quare illud creare non poterit in puncto B quin destruat in puncto A? Si vero potest, & facit, jam habetur reproductio.

II. Adeo ne Cartesianus a *duorum corporum compenetratione* abhorreat, qui in materiali natura omnia plena vult, & in ea tamen Deum, angelos, animas humanas admittit? Si omnia in visibili natura materialibus substantiis plena sunt; quomodo in ea sine vera compenetratione existet divina substantia? Si vero hæc materialibus substantiis compenetratur, quas movet, & perpetuo per Cartesianum creat; qua ratione probabit, materialem substantiam A non posse alteri substantiæ B compenetrari?

Neque melius spiritualis substantiæ cum materiali compenetratio concipitur, quam duarum materialium; & tamen in Cartesianis principiis fatendum est, aut divinam substantiam nullibi existere, adeoque omnino non existere, aut existere compenetratam universæ materiæ, aut saltem alicui materiæ parti (932).

1418. OBJECTIO VIII. In *hypothesi compen-*  
ne-



*netrationis* corporis Christi in hostia consecrata circumscripti, aut hoc non erit corpus humanum, aut monstrosus erit; in hac enim hypothesis caput, pedes, latus dexterum, & lævum simul confusa, & permixta erunt, nullo ordine, nulla humani corporis symmetria.

RESPONSIO. Hypothesis compenetracionis aut descendit, aut descendere videtur aperte ex dogmate realis Christi præsentiae in Eucharistia. Ergo utcumque hujus compenetracionis consecratoria inintelligibilia sint, adhuc admittenda sunt.

II. Deus revelans, Christi corpus realiter, & substantialiter esse in eucharistia, nos non docuit qua ratione ibi existat, neque utrum ibi sit modo simili humano corpori, an-secus.

III. Compennetracionis hypothesis nullam monstrosam, ut objicitur; partium permixtionem inducit; utcumque enim parva hostia sit, aut ejus particula; ut corpus Christi contineat, sensibilis esse debet, adeoque hujusmodi, ut infinitas insensibiles partes continere possit alias extra alias (1427).

Quare in minima hostia, vel in minima sensibili ejus parte existere poterit exiguo spatio humanum Christi corpus eodem ordine, eademque organorum dispositione, quam in perfecta statura obtinet. Exempli causa, partes caput constituentes ad certum limitem inter se compenetratae hostiae extremum occupare poterunt; partes pedum æque inter se compenetratae aliud oppositum extremum occupare poterunt; atque ita de ceteris.

IV. Non sane philosopho dignum est supponere, corpus aliquod *uno tantum modo* existere posse. Nonne magis philosophicum esset censere, Deum, qui certum cuique viventi, & vegetanti existendi modum tribuit, potuisse, eorum natura non mutata, innumeros diversos existendi modos illis tribuere?

Qua

Qua igitur ratione probabit philosophus, *supernaturalem existendi modum*, quem Christi corpus obtinet in eucharistia, non esse proprium humani corporis existendi modum? imo, fortasse perfectiorem, & præstantiorem illo, quem in naturali suo statu obtinet?

1419. OBJECTIO IX. Ut Christi corpus simul esset in cælo, & in terra, Romæ, & Parisiis; necessario unicum esse deberet, & non unicum, in se circumscriptum, & non circumscriptum: quæ repugnant.

RESPONSIO. Quod existit non repugnat. Atqui fide constat, infallibili scilicet Dei testimonio, reproductionem dari; & Christi corpus esse simul in cælo & in terra, Romæ, & Parisiis; ergo reproductio non repugnat.

I. Corpus, quod reproducatur, non propterea *unicum corpus* esse definit; & in se circumscriptum; hic enim reproductionis idea alteritatem non infert, imo identitatem dicit naturæ.

Locorum multiplicitas in corpore reproductio naturæ multipliciter non inducit; corpus enim reproductum cum diversis locis, quæ occupat, non est identificatum, nec quidquam ex illis est.

II. Non concipit mens humana quomodo corpus reproduci possit, & in diversis locis simul esse. Ex his inferes, reproductionem incomprehensibilem esse, non impossibilem (a).

REA-

---

† (a) Ex hac responsione clarius fortasse inteliges quid reproductionis nomine auctor significari velit. Si reproductionis vocem attendamus, videtur ista significare, novum Christi corpus in quavis hostia creari, sive idem Christi corpus iterum in quavis hostia consecrata creari.

At

**REALIS EXTENSIONIS HYPOTHESIS IN  
EUCHARISTICO CHRISTI CORPORE  
FORTASSE HETERODOXA.**

1420. **OBJECTIO X.** Si realis extensio in eucharistico Christi corpore admittatur, plerisque Sanctis Patribus, catholicis doctoribus, & orthodoxis catechismis, qui de eucharistia egerunt, contradicatur. Per hos siquidem.

I. Corpus Christi in eucharistia existit ad modum spiritus; ergo sine ulla reali extensione existit; saltem sine ulla extensione materiæ simili.

II. Christi corpus in quavis hostiæ consecratæ parte totum est; ergo nullam realem extensionem habet. Si enim haberet, quam nos admittimus, in hostia consecrata, non totus esset in quavis hujus hostiæ parte; patet enim, hostiæ partem, quæ caput contineret, pedes non contenturam; & vice versa.

**RESPONSIO.** Quum in eucharistico Christi corpore realis extensio admittitur, id admittitur, quod in ipso materiæ, & corporis qualitas semper necessario supponit; ut jam alibi ostendimus (1394).

Reliquum igitur est, ut ostendamus, sanctis pa-

*At profecto non hac esse videtur catholica de eucharistico Christi corpore sententia; sed idem omnino Christi corpus, nullo pacto iterum creatum, aut reproductum, esse simul divina omnipotentia miraculo & in calo, & in quovis terrarum loco, ubi hostia consecrata sunt. Quamobrem supra monuimus quam auctor reproductio- nem vocat, eam replicationem appellari. Porro postrema hac vox catholica doctrina magis congruere videtur, Interpretes.*

patribus, catholicis doctoribus, catechismis orthodoxis non adversari qui realem, variabilem, at semper positivam in eucharistico Christi corpore extensionem admittit.

I. Facile est primæ objectionis hujus parti satisfacere. Quum patres, doctores, catechismi catholici docent, Christum in eucharistia esse ad modum spiritus; non hoc omni terminorum rigore accipiendum esse voluerunt.

Entia omnia specificum suum existendi modum habent aliquo pacto æque ac essentiam ipsam sibi proprium. Ut vero repugnat, *spiritum* omni terminorum rigore ad modum corporis existere; ita quoque *corpus* omni terminorum rigore ad modum spiritus existere repugnat.

Patet itaque, si patres aliqui, doctores, catechismi catholici docent, Christi corpus in eucharistia existere ad modum spiritus; eorum locutiones necessario aliqua modificatione ad veram suam significationem esse adducendas.

Qua itaque significatione sumendæ sunt? hac ipsa. Ex spirituum proprietatibus una est, ut alicubi existere possint, quin ab eodem loco aut alium spiritum, aut corpus quodvis excludant. Porro hic est Christi in eucharistia existendi modus. Ibi innumeræ adorabilis hujus corporis partes elementares invicem compenetratæ miraculo in eodem spatio existunt, quin sese ex eodem spatio, quod singulæ totum occupant, invicem excludant.

II. Non magis urget altera objectionis pars. Ut diluatur satis est in ejus probatione quod ex fide est ab eo, quod non est, separare.

Ex fide est, Christi corpus totum, atque integrum in tota hostia consecrata existere, & in quavis sensibili ejus parte, quum ab hostia integra pars hæc ejus separata fuit: *separatione facta* ( 1373 ).

Non vero ex fide est; Christi corpus totum,

atque integrum esse in quavis hostiæ consecratæ parte ante veram, & effectam hujus hostiæ divisionem in partes.

Quum materia omnis in infinitas partes divisibilis sit, si totum Christi corpus integrum in quavis hostiæ parte esset, jam totus Christus in una, eademque hostia infinities esset. Porro hac ratione frustra, & nulla ratione miracula multiplicarentur, non vero hic est Dei infinite sapientis naturæ, & religionis auctoris agendi modus.

1421. **NOTA.** Essentia cujusvis sacramenti importat, ex permanente Ecclesiæ doctrina, ut sit *signum sensibile*. Hinc sequitur, ibi sacramentum cessare, ubi sensibilitas cessat. Quare.

I. Juxta ecclesiæ doctrinam si hostiæ consecratæ pars adeo exigua fiat, ut in se amplius sensibilis non sit; tunc quum sacramentum esse desinat, desinit quoque Christi corpus continere; & novo miraculo, aut primi cessatione id redit, quod erat ante transubstantiationem.

At quantumvis parva hostia sit, aut ejus pars, modo sensibilis sit in se, patet veram extensionem habituram, & aptam *reali extensioni* respondere, quam nos eucharistico Christi corpori tribuimus, ut jam supra adnotavimus, & explicavimus ( 1418 ).

Ergo intactis fidei principiis vera, & realis extensio eucharistico Christi corpori tribui potest, major quidem, aut minor, sed semper positiva; extensio scilicet major, aut minor, cui hostiæ consecratæ species respondent.

II. Juxta ecclesiæ doctrinam quum hostia consecrata dividitur, Corpus Christi, quod unice totum erat in tota hostia consecrata, totum est post hujus hostiæ divisionem in quibusque libuerit sensibilibus ejus partibus separatis.

Non tamen hinc sequitur, hostiæ consecratæ di-

divisionem esse *novam* veluti hujus hostiæ *consecrationem*. Hinc tantum sequitur, hanc hostiæ consecratæ divisionem esse *generalem*, & *permanentem conditionem*, cui multiplex eucharistici Christi corporis existentia alligata est; seu qua ex unica totius hostiæ consecratione, Christi corpus totum existere debet in omnibus sensibilibus, & separatis partibus hostiæ consecratæ ( a ).

1422. OBJECTIO. Qui *materia essentiam* ignotam dicit, materialismo arma ministrat, ac scepticismo. Si enim materiæ essentiam ignoramus, sequitur, nos asserere non posse, animam humanam materialem non esse; Deum ipsum non esse puram materiam; realem materiam inter, & spiritum distinctionem intercedere.

RESPONSIO. Ut res a redistinguatur, earum essentiam dignoscere non est necesse. Satis est in illis proprietatem aliquam dignoscere semper necessario ab una inseparabilem, & alteri repugnantem. Atqui in materia, & in spiritu proprietates peculiare, & distinctiva cognoscuntur, quæ semper sufficiunt, ut aptissime altera ab altero distinguatur.

I. Hujusmodi ex una parte est *extensio realis*, & *solida* planis, & angulis circumscripta; quæ etsi variabilis, ita tamen materiæ propria est, ut nunquam omnino a materia separari possit; & utcumque in se major, aut minor etiam indefinite, nunquam ullo pacto, spiritui convenire potest. 1079, & 1394.)

II. Hujusmodi ex alia parte est *facultas intellectiva*, quæ semper necessario materiam a

X 2

spi-

( a ) Hic multipliciter loci intelligas velim, non corporis Christi, quod semper unum, & idem est. Interpres.

spiritu distinguit, nec unquam nisi in spiritu esse potest; materiæ vero nunquam convenire potest ( 1042, & 1063 ).

Itaque, quin spiritus, & materiæ essentiam cognoscamus; habere possumus, imo habemus *signa distinctiva*, quibus certissime materiam a spiritu, & a materia spiritum secernamus.

III. Binæ hæ distinctivæ, & incompatibiles proprietates, extensio scilicet realis, & solida in materia, & facultas intellectiva in spiritu, certissime demonstrantur & a diversarum harum substantiarum observatione, & ab evidentibus confectariis ab hac observatione profectis: quæ fusc in animæ humanæ theoria pertractata sunt.

## S E C T I O II.

### QUALITAS SENSIBILIS MATERIÆ

1423. DEFINITIO. *Qualitatem sensibilem materia*, seu tantum *materia sensibilitatem* hic nuncupabimus id, quo materia nobis sensibilis fit; seu proprietatem quamcumque intrinsecam, aut extrinsecam, quæ materiam aptam reddit aliquem ex sensibus nostris afficere, quicumque is sit, sive oculus, sive auris, gustus, olfactus, tactus; quin hætenus perpendamus num qualitas ista sensibilis, seu proprietas sensus afficiendi causam habeat materiæ intrinsecam, an extrinsecam.

### P R O P O S I T I O.

1424. *Quidquid illud sit, in quo consistat sensibilis materia qualitas; certum est, materiam, & sensibilem materia qualitatem non idem esse.*

DE-

**DEMONSTRATIO.** Videtur primo intuitu sensibilis materiæ qualitas, & materia unum, & idem esse; atque hæc peculiaris materiæ sensibilis qualitas necessario esse hæc materia, & unice hæc materia. Non tamen ita se res habet. Siquidem.

I. Ex fide, hoc est ex divina revelatione constat, in eucharistia existere *substantiam corporis, & sanguinis Christi*, quin ejus qualitas sensibilis ibi existat: in eucharistia existere *qualitatem sensibilem panis, & vini*, quin ibi substantia sit panis, & vini.

Ergo existere potest materia quin existat sensibilis ejus qualitas. Ergo sensibilis materiæ qualitas existere potest, quin existat materia. Ergo qualitas sensibilis materiæ, & materia non sunt unum & idem; altera enim sine altera existere potest.

II. Patet, quod miraculo in eucharistia contingit, corpori nempe Christi sensibili qualitate exuto, & sensibili panis, & vini qualitati ab horum substantia sejunctæ, æque pari miraculo cuivis alio corpori evenire posse: puta, arbori, quadrupedi, avi, pisci, metallo, monti, planetæ, ceteris.

Ergo in materia quavis ejus substantia, & qualitas sensibilis non sunt unum; & idem; ambæ enim sejunctim existere possunt. Q. E. D.

1425. **NOTA.** In philosophicis, ac theologiceis scholis passim *accidentia absoluta* vocantur illa, quæ *materia sensibilem qualitatem* constituunt, quæcumque horum natura sit quæ absolute sine substantia existere possunt, & extra materiæ substantiam; quæque proinde materiæ accidentalia sunt.

Juxta notionem, ac denominationem hanc, accidentia absoluta, & sensibilis materiæ qualitas generatim unum, & idem sunt duobus diversis terminis, ac synonymis, expressum.

Quum



Quum vero notio hæc, ac denominatio neutiquam repugnet, nihil cogit diversam assumere.

**ACCIDENTIA MODALIA, ET ACCIDENTIA ABSOLUTA.**

1426. DEFINITIO. *Accidentia materia*, seu corporis generatim in modalia, & absoluta dividuntur. *Accidens* in genere id est, quod res habere potest, & non habere, quin, quod est, esse desinat (132, & 226).

I. *Accidentia modalia* dicuntur diversæ modificationes, seu diversi substantiæ modi existendi; quæ modificationes neque existere, neque concipi possunt sine substantia, & non nisi in substantia, quam modificant.

Hujusmodi sunt, exempli causa, in pane non consecrato ejus figura, resistentia, color, sapor, ubicatio; quæ omnia, quatenus hujus panis modificationes, nequeunt sine hoc pane existere, & tantum in hoc pane, & cum hoc concipi possunt. Idem dici potest de cujusvis alius substantiæ sive materialis, sive immaterialis modificationibus, aut existendi modis. (202, & 209).

II. In eucharistia *accidentia absoluta* vocantur species eucharisticæ, sive hæ apparentiæ panis, & vini, quæ post transubstantiationem subsistunt; quum panis, & vinum non amplius panis, & vinum sunt; quæcumquedemum harum *Eucharisticarum specierum* ita sine naturali earum subjecto, pane, & vino subsistentium natura sit.

Eadem ratione *accidentia absoluta* vocarentur similes species, sive apparentiæ, quæ sine earum naturali subjecto existerent; si Deus in aliis materialibus substantiis, puta in arbore, aut flumine, simile miraculum illi operaretur, quod in pane, & vino eucharistico operatur. (1373, & 1380).

1427. **NOTA.** Maximum inter *modalia*, & *absoluta* accidentia discrimen est.

Accidentia *modalia* sunt *status realis*, ac *physicus*, seu *physicus*, & *realis* existendi modus rei, quam modificant, & cui inhærent: contra vero accidentia *absoluta* sunt tantum *status apparens*, seu *apparens* existendi modus rei, quam intrinsece modificare videntur, re ipsa tamen non modificant.

Exempli causa: figura hostiæ non consecratæ, quatenus *accidens modale*, est modus, quo re ipsa hostia hæc intrinsece in se, & in omnibus suis lateribus, seu planis terminatur.

Hujus ipsius hostiæ seu consecratæ, seu non consecratæ figura, quatenus *accidens absolutum* est modus, quo hæc hostia apparet, aut apparere mihi potest in omnibus suis partibus terminata; sive ita re ipsa in se terminata sit, sive appareat tantum.

#### PROPOSITIO

1428. *Aliquod accidens absolutum necessario admittendum est; quacumque ejus natura sit.*

**DEMONSTRATIO.** Divina fides testatur, & docet, substantiam panis in hostia, & vini in calice post consecrationem non remanere. Hæc eadem divina fides, experientia comite, nos docet, sensibilia panis, & vini accidentia post consecrationem in hostia, & in calice remanere.

Atqui accidentia sensibilia ita sine subiecto subsistentia ea ipsa sunt, quæ nos *accidentia absoluta* nuncupamus. Ergo, quæcumque eorum natura sit, certum est, esse admittenda; sive admittendas esse veras substantiæ apparentias, quin hæc substantia existat. Q. E. D.

VARIÆ DE ACCIDENTIUM ABSOLUTORUM  
NATURA SEU DE SENSIBILI MA-  
TERIÆ QUALITATE, PHILOSO-  
PHORUM SENTENTIÆ.

1429. OBSERVATIO. Non ita proum est accidentium absolutorum naturam, ut eorum existentiam, dignoscere, atque statuere.

Ut quid amplecti hac in re possimus aptius dignoscamus, de maxime ardua, ac sublimi hac quæstione diuersas philosophorum sententias breui proponam, atque perpendam.

Inter has primæ tres *sensibilem materia qualitatem* in re aliqua statuunt, quæ vel directe, vel indirecte ad objectum sensu perceptum spectat; postrema, quam sequemur, eam statuit in re objecto sensu percepto omnino extranea. Primæ tres objectivas, & materiales species admittunt; postrema mentales tantum, & formales species admittit.

MODIFICATIONES SINE SUBJECTO.

1430. SENTENTIA I. Volunt philosophi nonnulli, id omne, quod in eucharistia dicitur *accidens absolutum*, nempe colorem, saporem, figuram, extensionem, resistantiam, gravitatem, ubicationem, esse tantum accidentium modalium collectionem miraculo a subiecto separatorum, a substantia scilicet, quam naturaliter modificare debent.

1431. ASSERTIO. *Species eucharistica, quas hic ad genericum exemplum assumemus accidentium absolutum, non sunt accidentia modalia a subiecto separata, siue existentia sine subiecto.*

DEMONSTRATIO. Accidentia modalia, ut alibi ostendimus, aut sunt tantum entitates *per se non subsistentes*, quæ ut existant, & sub-

subsistant essentialiter exigunt inhærere subiecto suo ; aut sunt tantum *substantia modificata relationes* , quæ nullo pacto sunt entia a substantia modificata distincta . ( 227. & 228. ) .

In utraque hypothefi accidentia modalia nequeunt , ne miraculo quidem , sine substantia modificata existere , & subsistere . Ergo *species eucharistica* , quæ sine panis , & vini substantia existunt , non sunt accidentia modalia panis , & vini miraculo ab eorum subiecto , substantia scilicet panis , & vini , separata . Q. E. D.

### QUANTITAS RADICALIS , SEU QUANTITAS INTERNA .

1432. SENTENTIA II. Alii philosophi unicū accidens absolutū admittunt , quod abstracto nomine *quantitatem radicalem* vocant , seu quantitatem internam . Per ipsos enim termini hi , ( si tamen quid significant ) sunt synonymi .

I. In hac sententia quantitas radicalis est veluti *ens medium* inter substantiam , & modificationem . In ipsa modificationes , seu accidentia modalia existunt , & subsistunt ; ipsa vero in substantia existit , & subsistit .

Modificationum omnium , ut figuræ , coloris , saporis , motus , aut quietis , ceterarumque *subiectum immediatum* non est substantia ipsa , quam modificant . Earum subiectum immediatum est quantitas radicalis , cuius subiectum immediatum est substantia modificata , a qua miraculo separari potest .

II. In hac sententia explicatur accidentium sensibilium permanentia in Eucharistia post transubstantiationem . Deus panis , & vini substantiam destruens *quantitatem radicalem* conser-

vat panis in hostia, vini in calice. Hac ratione eadem perseverant, atque subsistunt sensibilia accidentia panis, & vini, quorum unicum immediatum subjectum erat, & adhuc est quantitas hæc radicalis miraculo conservata.

1433. ASSERTIO. *Sententia statuens sensibilem materia qualitatem in quadam quantitate radicali miraculo a substantia separata, & naturaliter sustentante modalia substantia accidentia, antiphilosophica est, & nullatenus admittenda.*

DEMONSTRATIO. Patet, quantitatem hanc radicalem ad sensibilem materiæ qualitatem in genere, & speciatim ad sensibiles eucharistiæ species explicandas excogitatum, *inane commentum* esse; quod in natura non datur, quod obscurum per obscurius explicat, quod nemo philosophus Tanæ mentis admittere potest.

Ut hoc aperte pateat, aliquem, si quis hac ætate superest, obsoletæ hujus sententiæ assertorem adeamus, eumque urgentes non inania verba proferre cogamus. Amice, illi dicerem, quid intelligis hac tua quantitate radicali, quam sententiæ tuæ basim facis? quid mente percipis quum de eucharisticis speciebus agens dicis: *quantitatem radicalem panis, & vini?*

I. Est ne hæc *extima superficies* cujusque elementi, seu partis cujusque integrantis panis, & vini?

At *extima hæc superficies* est substantia panis, & vini illuc usque pertingens, & ad illa spatii puncta terminata.

II. Est ne *spatium ipsum*, in quo ante transubstantiationem erat panis, & vinum, & in quo, illa peracta, existit corpus Christi?

At *spatium hoc* aderat ante accidentia panis,

nis, & vini; & his cessantibus adhuc perseverat. Spatium hoc itaque ad panem, & vinum non spectat, nec horum accidens est.

III. Est ne *qualitas* aliqua *occulta* panis, & vini hisce corporibus insidens, in his sensibilis, & ab his separabilis? Profecto hoc omnium optime sententiæ tuæ congruere videtur.

Ast, amice, defecit jam qualitatum occultarum imperium: eas sana philosophia victrix profligavit, & gothica hæc, aut araba somnia proscripsit. Neque jam in corporibus quidpiam agnoscit præter materiæ substantiam diversis modificationibus distinctam intrinsecis, & accidentalibus figuræ, & motus. (120. & 177.)

IV. Quid tandem intelligis, aut quid intelligi potest hac radicali quantitate, quæ panis, & vini eucharistici sensibilitatem efficit, imo corporum quorumcumque in natura universa? nihil, omnino nihil. *Verba sunt sensus vacua*, & objecto destituta. Ergo quantitas hæc radicalis a philosophicis lyceis est eliminanda. Q. E. D.

*SUPERFICIES, SIVE ATMOSPHERÆ  
TERMINANTES.*

1434. SENTENTIA III. Cartesius ut *sensibilem corporum qualitatem* salva transubstantiatione eucharistica explicaret, excogitavit, corporum substantiam immediate in se sensibilem non esse, sed mediis extraneis substantiis eam involventibus, quin ejus partes sint; has vero concipit tamquam situm quemdam, sive lanuginem, aut atmosphæram circa corpora diffusam, & circa quamvis integrantem corporis partem.

I. Certum est, inquit Cartesius, in corpore quovis, puta in pane, & vino, *innumeros poros* esse, aere, igne, materia subtili, brevi

diversis fluidis repletos, qui ejusdem corporis substantia non sunt; hic enim aer, hic ignis, hic æther, fluida hæc diversa evolare possunt, renovari, qualitate, & quantitate mutari, quin corpus re ipsa idem esse desinat.

Substantia itaque corporis cujusque propria poris hisce, atque hisce fluidis in innumeras veluti *partes integrantes* divisa est, quarum quælibet veluti in fluido sibi extraneo demersa est; ipsa vero quasi nucleus est in ambientium fluidorum meditullio, quibus atmosphæræ instar involvitur.

Quare *propria* corporis cujusque *substantia*, nunquam immediate in se erit sensibilis; nunquam enim ullo sensu percipi poterit, nisi medio inter illam, & sensum involucro, sive atmosphæra, cujus ipsa nucleus est.

II. Ex hac vere philosophica hypothese facile est, inquit Cartesius, explicare qua ratione post eucharisticam transubstantiationem adhuc eadem panis, & vini apparentiæ perseverent.

Deus panis, & vini substantiam in Christi corpus, & sanguinem mutans intactum relinquat fluidum, quo panis, & vini substantia involvitur. Post transubstantiationem eadem habebitur sensibilitas, quæ prius; tum antea siquidem, tum postea sensibilitas sita est tantum in impressione, quam faciunt diversa fluida, quibus substantia panis, & vini, & subinde corporis Christi involvitur.

Sensibilitas panis non est sensibilitas vini, neque quæ mellis, & absynthii; diversa est enim corporum sensibilitas juxta fluidorum diversitatem poros replentium; fluida vero unius corporum speciei poros replentia, & partes integrantes involventia, puta panis, non eadem sunt, quæ alterius speciei poros replent, & partes integrantes involvunt, puta vini, mellis, absynthii, silicis.

Hæc

Hæc est de sensibili corporum qualitate Cartesii sententia : quæ a plerisque recentioribus philosophis male percepta , & male confutata fuit .

1435. CONFUTATIO. Physica Cartesii systemata ingeniosæ fabulæ sunt nulla ratione suffultæ , nec rerum naturæ consentaneæ , cum primo intuitu facientes , & inanes facili animadversione detectæ .

I. Qua ratione probabit Cartesius , *substantiam* corporum propriam , atque constituentem materiam , puta , panem , vinum , ferrum , argentum , non posse , etsi assertis fluidis involutam , sensibus , & tactu præsertim attingi ?

Quare tactus organum corpus aliquod valide premens , puta panem , pomum , metallum , usque ad immediatum corporis contactum non pertingeret ; nec fluida maxime mobilia removere poterit , quæ corporis elementis , & organo valide agenti , ut substantiam attingat , sunt interposita ?

II. Qua ratione probabit Cartesius , aerem , ignem , diversa fluida , quibus corporum substantiam involutam supponit , natura ab his corporibus esse diversa ?

Quare *diversam sensibilitatem* spongiæ , exempli gratia , & topi diversis fluidis intra poros latentibus , ( quæ diversitas conficta videtur ) tribuere mavult , quam ipsius substantiæ diversitati , quæ tam aperte vera elucescit ?

#### ACTIO DEI JUXTA Maignanum.

1436. Maignanus ex Minimorum familia vir præclaro ingenio , & proxime superiori sæculo unus ex philosophiæ reparatoribus ; cui nulla ex sententiis de eucharisticis speciebus adridebat , novum hac de re systema protulit ingeniosissimum illud quidem , maximeque philosophicum , quod facile iis omnibus , quæ ad *sensi-*



*sibilem corporum qualitatem generatim spectant, accommodari potest.*

Priores philosophi omnes in corporibus ipsis sensibilitatem quæsierant nec invenerant. Celebris hic Minimus in Dei actione, & in animæ modificationibus illam quæsit; & invenisse videtur.

Per Maignanum, ut & per omnes catholicos philosophos, ante, & post transubstantiationem eadem species, apparentiæ, aut accidentia eadem habentur; tres hi terminis siquidem, quodcumque objectum eorum sit, hic synonymi sunt. At quidnam sunt hæ species *eucharistica* ante, & post panis, & vini transubstantiationem? Maignanus problema hoc pacto solvit.

I. Ante transubstantiationem, inquit Maignanus, species panis & vini totidem *realitates* sunt. In pane, & vino consecrando est extensio realis, color realis, sapor realis, figura realis, resistantia realis, quæ sunt totidem proprietates reales, & physicæ, quas panis, & vinum habent diversa nostra organa, & sensus afficiendi.

II. Post transubstantiationem, non ita res procedit, inquit Maignanus; species panis, & vini sunt tantum *apparentia*. In Eucharistia nihil amplius habetur reale, & physicum præter corpus Christi; non habetur amplius color realis, figura realis, extensio realis, accidens reale. (a)

III.

---

(a) *Ad dialecticas cavillationes confugere opus est, ut mihi quidem videtur, ut cum Tridentini Concilii verbis concilietur hac sententia. Illud enim sess. XIII. can. II. ait: manentibus dumtaxat speciebus panis, & vini; ergo, nisi cavil-*

III. Qua igitur ratione fit, ut easdem omnino in eucharistia ante, & post transubstantiationem perceptiones habeamus? *Dei actione*, inquit Maignanus, qui in sensus nostros easdem, ut potest, impressiones facit post transubstantiationem, quas ante transubstantiationem faciebant panis, & vinum. (\*)

Ante consecrationem sensationes nostræ organicæ, & mentales fiebant ex actione, aut resistantia panis, & vini; atque adeo objecta realia extra nos habebant. ( 460, & 461, ).

Post consecrationem sensationes eadem nostræ fiunt sola Dei actione; & extra nos nullum objectum reale habent.

1437. NOTA. Hæc re ipsa celebris est Maignani sententia, quæ plures habuit inter philosophos, & theologos adversarios; quæ tamen illustres habuit assertores, & defensores; atque inter ceteros illustrem Bossuetum in sua catholica doctrinæ expositione.

I. Pluribus philosophis, ac theologis hæc Maignani sententia non adrisit, quod *diversam sensibilitatem* ponere videretur in pane, & vino eucharistico ante, & post transubstantiationem.

Faci-

*cavillari velimus, sunt ipsa panis, & vini, cujus substantia transubstantiata est, species individua, qua manent. At in hac sententia non illa, sed illis similes apparentia sufficiuntur. Interpres.*

(a) Non manent igitur species panis, & vini; sed apparentia illis similes, sed nova, & diversa, actione Dei subrogantur. Explica mihi modo ingenue, & sine cavillatione in hac sententia verba Concilii: Manentibus speciebus panis, & vini: *Interpres.*

Facile est in hoc illam tueri, aut reformare; & ostendere, juxta Maignani mentem aptius expositam eandem omnino esse in eucharistia sensibilitatem ante, & post transubstantiationem. (1429.)

II. Hæc Maignani sententia, ut primo a suo auctore prolata fuit, unice intendebat sensibilem eucharistiæ qualitatem explicare.

Facile est illam genericam reddere; & ex illa genericam explicationem exhibere eorum omnium, quæ *sensibilem* corporum quorumcumque *qualitatem* respiciunt.

Duplicem hanc sententiæ hujus explicationem tradere pergimus; ut simul magis philosophica fiat, & magis theologica.

#### PROPOSITIO I.

1438. *Qualitas sensibilis corporum philosophice statui potest juxta Maignani sententiam in actione, aut decreto Dei; unde procedant impressiones sensibiles figura, coloris, saporis, odoris, soni, resistentia, quas in nobis corpora qualibet faciant, aut facere possint.*

DEMONSTRATIO. Certum est, *qualitatem sensibilem cujusque corporis*, quæcumque hujus qualitatis idea concipiatur, consistere in aptitudine, quam habet hoc corpus, ad aliquas sensationes, seu sensibiles perceptiones excitandas in substantia sensus capaci: quum enim quæritur quare, & in quo corpora sensibilia sunt; quæritur quare, & in quo apta sunt excitare sensationes, aut impressiones sensibiles, quæ illa respiciant.

II. Certum est, nullum corpus in se, & ex se hanc *aptitudinem ad excitandas sensationes* habere; cujusvis enim corporis propria est inertia intrinseca, qua ad omnem veram actionem ineptum est; imo si etiam in se, & ex se aliquam veram actionem haberet, nihil agere posset

set in substantiam immaterialem, cujusmodi est quæ est sentiendi capax. ( 461 )

III. Certum est, hanc aptitudinem ad sensationes excitandas in corporibus esse non posse, nisi in hypothesi, quod aliqua daretur primitiva Dei voluntas, quam *Dei decretum*, *genericam naturæ legem* appellabimus; qua corpora occasionem præberent ipsi Deo ex se in substantiis sentiendi capacibus has & illas sensationes hæc, & illa corpora respicientes excitandi; quum enim hanc virtutem ex se non habeant, & ut causæ efficientes; non possunt corpora illam habere nisi ut causæ occasionales, & actione universalis Agentis naturæ materialis.

IV. Hinc sequitur, *sensibilem corporum qualitatem*, sive aptitudinem, quam habent ad sensationes excitandas, re ipsa extra animam non esse nisi aut Dei decretum, aut Dei actionem, ut Maignanus contendit.

Quum corpora aliquam in anima nostra sensibilem impressionem pariunt, cujus objectum sunt, habent *qualitatem sensibilem ad actum redactam*. Porro sensibilis hæc qualitas extra animam nostram non est, nisi *Dei actio*, qui hanc impressionem producit hisce corporibus respondentem; sive corpora hæc re ipsa existant, & tunc impressio hæc est naturalis; sive non existant, & tunc hæc impressio est miraculosa, & supernaturalis.

Quum corpora actu in anima nostra nullam sensibilem impressionem excitant, cujus objectum sint, habent *realitatem sensibilem reducibilem ad actum*. Tunc hæc qualitas est *Decretum Dei*, quod semper perseverat, ratione cujus Deus determinatus est producere occasione horum corporum has, & has sensationes ipsa respicientes, quum a substantia sensus capaci attingi poterunt; sive corpora hæc existant, & tunc eorum sensibilitas reducibilis ad actum

actum est naturalis; sive non existat, & tunc eorum sensibilitas reducibilis ad actum est miraculosa, & supernaturalis.

V. Patet, hanc de corporum sensibilitate sententiam maxime philosophicam esse; eamque ipsam Maignani sententiam esse tantum accuratius propositam, & explicatam. Ergo sensibilitas, seu qualitas sensibilis corporum optime juxta Maignani sententiam in Dei actione aut decreto statui potest. Q. E. D.

## PROPOSITIO II.

1439. *Juxta hanc Maignani sententiam ita generatim sumptam habetur in Eucharistia omnino eadem sensibilitas, seu qualitas sensibilis tum ante, tum post transubstantiationem.*

**DEMONSTRATIO.** Qualitas sensibilis, seu sensibilitas corporum est aptitudo ad has vel illas sensationes excitandas (a). Ergo ubicumque habetur eadem aptitudo, ibi habetur eadem sensibilitas. Atqui in Eucharistia ante, & post transubstantiationem habetur eadem aptitudo ad has atque illas sensationes excitandas; ergo ante, & post transubstantiationem in Eucharistia existit eadem sensibilitas.

I. Ante transubstantiationem sensibilitas panis,

(a) Si hac qualitas sensibilis est aptitudo ad sensationes excitandas, jam est aliquid ipsi corpori proprium, quodcumque tandem sit, quod saltem tamquam occasio movet Deum ad sensationes actione sua in nobis efficiendas. At quaso quum in Eucharistia nihil in hac sententia post transubstantiationem remaneat neque de substantia, neque de accidentibus (quidquid ista sint) panis, ac vini; quam aptitudo panis, & vini remanet ad sensationes excitandas? Hoc vero semel tantum a nobis dictum sit. Interpres.

nis, & vini in hoc sita est, quod vi *divini decreti*, & genericæ legis a Deo statutz (a) Deus determinatus est semper in nobis producere occasione panis, & vini existentium, & præsentium has, & illas impressiones in materialibus nostris organis, has, & illas intimas sensationes in anima nostra.

II. Post transubstantiationem sensibilitas panis, & vini in hoc sita est, quod vi *divini decreti* non revocati, genericæ legis a Deo statutz, & non revocatæ, Deus determinatus est semper producere occasione corporis Christi panis, & vino substituti has, & illas impressiones organicas in nostris sensibus, has & illas intimas sensationes in anima nostra: easdem, scilicet, omnino utrinque, quas occasione panis, & vini existentium, & præsentium produxisset.

III. Qualitas sensibilis, seu *corporum sensibilitas* est eorum aptitudo ad has, aut illas sensationes organicas, & mentales excitandas. Hæc aptitudo est *Dei decretum*, aut actio. Hoc de-

(a) *Sensibilitas panis & vini non sita est in divino decreto, non in generica lege ulla; sed in illa quacumque re (nomine rei substantiam non intelligo), qua existente in pane, & vino Deus ex suo divino decreto, ex generica lege ab ipso statuta determinatus est semper in nobis producere has, & illas sensationes. Memineris sensibilitatem corporis esse qualitatem corporis, esse aptitudinem ad sensationes excitandas. Porro decretum Dei quodcumque, lex quavis natura non est qualitas corporis, non est aptitudo ad sensationes excitandas; sed est voluntas Dei, ut quum in corpore invenitur illa aptitudo, tunc (posito corpore in opportunis circumstantiis) hæc, atque illa sensationes excitentur. Interpres.*

decretum, aut actio hæc perseverat, & eodem tum ante, tum post transubstantiationem effectus operatur.

Ergo tum ante, tum post transubstantiationem *eadem* re ipsa in Eucharistia habetur *sensibilitas*, etsi hujus sensibilitatis causa occasio-  
nalis, nempe substantia panis, & vini in primo casu, & substantia corporis Christi in altero, omnino diversa sit. Q. E. D.

### OBJECTIONES DILUENDÆ

Præcipuæ difficultates contra Maignani sententiam sunt, eam videri oppositam Concilii Constantiensis sanctionibus: in hac sententia Eucharistiam non esse signum sensibile, adeoque nec Sacramentum; species eucharisticas non esse quid miraculosum, quum nihil reale sint,

### MAIGNANI SENTENTIA CONCILII CONSTANTIENSIS DOCTRINÆ FORTASSE OPPOSITA.

1440. OBJECTIO I. Maignani sententia in Constantiensi Concilio damnata fuisse videtur; facile probatur.

Hoc Concilium sessione octava Joannis V Vic-  
lesi hæresiarchæ sæculo decimo quarto Parochi  
Lutervothi in Anglia propositionem hanc dam-  
navit: *In Eucharistia non manent accidentia  
sine subjecto*. Ergo hujus damnatæ propositio-  
nis contradictoria vera est, nempe: *in Eucha-  
ristia manent accidentia sine subjecto* (626).

At si in Eucharistia accidentia sunt sine eo-  
rum subjecto, accidentia scilicet panis, & vi-  
ni; nonne primum est censere, hæc acciden-  
tia esse quid reale, & in se permanens, atque  
a Dei actione, aut decreto distinctum? Qua  
igitur ratione cum sententia Maignani Constan-  
tensis Concilii definitio concilietur, quæ a  
catholica ecclesia unanimiter admissa est?

RES-

**RESPONSIO.** Nihil neque proxime, neque remote est Maignani sententiæ cum VViclefi doctrina. Ergo hujus damnatio illius censuram non inducit.

I. Unus ex VViclefi hæresiarchæ erroribus erat velle in Eucharistia post consecrationem manere substantiam panis, ac vini. Hoc vero ita probare nitebatur. Accidentia panis, & vini non manent, neque subsistunt sine eorum subiecto. Atqui in Eucharistia accidentia panis, & vini post consecrationem perseverant; ergo cum his accidentibus post consecrationem perseverat in Eucharistia substantia panis, ac vini, quæ est subiectum, seu suppositum horum accidentium necessarium. Porro hæc ipsa doctrina est in Concilio Constantiensi damnata.

II. Propositio itaque VViclefi damnata est in sensu auctoris sui, quo scilicet transubstantiationis eucharisticæ dogma tollebat.

Concilium Constantiense definivit, *Accidentia eucharistica* substantiæ panis, & vini non adhærere; non tamen definivit, illa in se, & per se esse quid reale, & extra animam permanens; quid a Dei actione, & ab animæ sensatione distinctum.

Atque hunc genuinum esse Constantiensis definitionis sensum docet celebris Cardinalis Petrus de Ailli, qui adeo in omnibus illius Concilii actibus versatus fuit; quum de diversis christianarum scholarum sententiis agens de eucharisticorum accidentium natura disputantium, asserit, atque testatur, a Concilio eorum dumtaxat sententiam damnatam fuisse, qui cum VViclefo *inseparabilitatem absolutam* admitterent accidentium a substantia; non vero eorum sententiam damnatam fuisse, qui veram transubstantiationem admittentes accidentia absoluta reiicerent, aut vellent, species eucharisticas non esse realitates objectivas.

Ecclesia in suis definitionibus semper sapiens audacis hæreseos heterodoxa principia damnat, qui-



quibus dogma evertitur; religiosæ vero philosophiæ hypotheses, & sententias intactas relinquit, quæ dogma reveritæ, & admittentes illud rationi conciliare nituntur. Quare Constantiensis Concilii definitio VViclesi doctrinam damnans Maignani doctrinam nullatenus respicit.

1441. OBJECTIO II. In Maignani sententia non dantur *accidentia absoluta*; videntur tamen reijci non posse, quin vetus cogitandi, & loquendi mos ecclesiæ deseratur.

RESPONSIO. Æquivocatione tantum, & falsa suppositione innititur objectio. Utraque facile diluitur.

I. Si accidentium absolutorum nomine intelligantur *apparentia corporis sine corpore*, certum est, hæc accidentia dari; & Maignani sententia non modo hæc non reijcit, imo hoc tantum conatur, ut veritatem hanc explicet modo rationi consentaneo (1428).

II. Si accidentium absolutorum nomine intelligantur *apparentia corporis, qua sint quid reale, & physicum corpori adnexum, quin corpus hoc sit*; profecto hæc accidentia a Maignano non admittuntur; at neque ratio ulla ea admittere cogit.

1442. NOTA. Terminus hic: *accidens absolutum* non ita antiquum est, ut fortasse creditur. Non nisi post sæculum undecimum in scholis philosophicis admissum fuit.

Antea adidem significandum adhibebatur terminus: *species eucharistica*; quem unice sacra Tridentina synodus admisit, & speciatim consecrare, atque in pristinum restituere voluisse visa est.

Qua de re incidenter pro Maignani sententia observari potest, postremum hunc terminum quo Sancti Patres utebantur, quo ecclesia Græca semper usa est, quem tantum Tridentina Synodus admisit, magis directe & express-

preſſe videri aliquid indicare ad animam ſpectans, quam ad objectum.

**MAIGNANI SENTENTIA FORTASSE CONCILIARI NEQUIE CUM NOTIONE SACRAMENTI, ET CUM NONNULLIS EUCHARISTIAE PHÆNOMENIS.**

1343. **OBJECTIO III.** Cuique Sacramento eſſentiale eſt, ut ſit *ſignum ſenſibile*; quum vero Euchariftia ſit Sacramentum permanens, debet eſſe permanenter ſenſibile. Atqui in Maignani ſententia:

I. Euchariftia non eſt ſignum ſenſibile ſaltem in ſe, & ex ſe; neque enim ſenſibile eſt niſi actione Dei, que illi extrinſeca eſt, & extranea (1421).

II. Euchariftia non eſt ſignum perſeueranter ſenſibile; nullamenim realem, & effectivam ſenſibilitatem habet, niſi quatenus Deus producit, ſenſationes ipſam reſpicientes in ſubjecto aliquo apto organicas, & mentales impreſſiones admittere; quod innumeris in caſibus non contingit; puta, quum hoſtia confeſcrata pyxidi incluſa eſt.

**RESPONSIO.** Certum eſt Euchariftiam, ut aliud quodvis Sacramentum, eſſe debere ſignum ſenſibile inviſibilis gratiæ, ad quam conferendam eſt ordinatum ut cauſa ſive efficiens, ſive occasionalis; hæc enim permanens eſt eccleſiæ Chriſti doctrina. At enimvero Euchariftiæ Sacramentum in ſe ne, & per ſe ſenſibile eſſe debet? & qua ratione in ſe, & per ſe ſenſibile eſſe debet? Hoc nunquam eccleſia definivit; neque privatus quiſpiam definiendi jus habet.

I. Eſſentialis ſigni finis, ejuſque eſſentiale munus eſt aliquid ſignificare, & de aliqua re ſentientem, atque intelligentem ſubſtantiam monere; aut erudire. Quid igitur intereſt ſitne ſignum per ſe, an per aliud ſenſibile, modo

do æque finem suum, ac munus impleat ? (256, & 257).

Quare Sacramentum Eucharistiæ æque veram signi qualitatem haberet, etsi per se sensibile non esset; modo Dei actione semper re vera esset sensibile.

II. In Maignani sententia, ut binis præcedentibus propositionibus a nobis exposita fuit, & explicata, Sacramentum Eucharistiæ *in se sensibile* est æque, ac quodvis aliud Sacramentum; exempli gratia, æque ac Sacramentum baptismi; in utroque enim Sacramento *sensibilitas*, sive aptitudo ad organicas, & mentales impressiones excitandas nihil est, præter Dei actionem, aut decretum, a quo impressiones istæ procedunt (455, & 457).

III. In Maignani sententia Eucharistiæ Sacramentum *permanentem sensibilitatem* habet; actio enim Dei, sive ejus decretum, quod omnem sensibilitatem constituit, semper perseverat (1428).

Occasione hostiæ consecratæ nostris sensibus expositæ perseveranter sensationes experimur ipsam respicientes; ergo omnem, quæ exigere possit, sensibilitatem habet.

Quum hæc eadem hostia pyxidi inclusa est, non amplius impressiones illam respicientes in nobis excitat. At in illa actio Dei non cessat: atque hac permanente in illa Dei actione, ut corpus Christi considerata, re ipsa eadem habet & servat phænomena gravitatis, resistantiæ, dispositionis ad organa nostra quælibet afficienda, quæ in ipsa contingerent, si panis esse non desisset. Ergo re ipsa & eandem sensibilitatem & eandem sensibilitatis permanentiam habet, Idem de vino consecrato in calice dici potest.

1444. OBJECTIO IV. In sententia Maignani *specierum eucharisticarum permanentia* nihil habet miraculosum; hæc siquidem species, sive apparentiæ eucharisticæ sunt semper ante, & post

post transubstantiationem eadem actio Dei. Porro hæc quum nihil miraculosum habeat ante transubstantiationem, neque illa perfecta quidpiam miraculosum habere debet.

**RESPONSIO.** Miraculum est alicujus genericæ, & permanentis naturæ legis interruptio; ergo quoties hujusmodi legis interruptio datur, verum miraculum habetur (139).

Atqui generica, & permanens naturæ lex est, Deum in nobis sensationes panis, & vini non producere, nisi re ipsa existat, & præsentet panis, & vinum: Deum panis, & vini formam, colorem, saporem, gravitatem, odorem, soliditatem, seu fluiditatem non convertare, quin existat substantia panis, & vini: Quum ergo Deus omnia hæc phænomena in speciebus eucharisticis operetur nulla existente panis, & vini substantia; verum, & permanens in eucharisticarum specierum conservatione habetur miraculum.

I. Ante transubstantiationem substantia panis, lux ab illa reflexa, impressio organica in oculi nostri fibris lucis hujus occasione a panis substantia reflexæ, *causa sunt occasionales* mentalis sensationis visus, quam hostia non consecrata in nobis excitat.

Hinc facile intelliguntur causæ occasionales mentalis visus sensationis ex vino.

II. Post transubstantiationem lux miraculo reflexa occasione eucharistici Christi corporis, impressio organica in oculi fibris occasione hujus lucis miraculo reflexæ, *causa occasionales* sunt mentalis visus sensationis in nobis ab hostia consecrata excitatæ.

En igitur *diversas duas causas*, substantiam scilicet panis, & vini ante consecrationem, & substantiam corporis, & sanguinis Christi post consecrationem, quæ *eidem organica, & mentali visioni* occasionem præbent. Porro in hoc situm est specierum eucharisticarum miraculum

respectu visus . Idem de tactus , gustus , ceterisque sensibus dici potest .

1445. NOTA . Nulla in universis eucharisticæ transubstantiationis phænomenis *illusionis* , aut *erroris causa* habetur a Deo procedens ; ipse enim , qui hoc miraculum in ecclesia sua operatur , ipsam prius erudire & certissime docere voluit de iis omnibus , quæ miraculo in Eucharistia contingunt , & quæ sensibus illusionis , aut erroris causa esse possent .

1446. OBJECTIO V. Ex doctrina catholica Christi corpus in Eucharistia esse desint , quum *species panis* , ac *vini* corrumpuntur , & naturam mutant . Ergo in speciebus eucharisticis aliquid est , quod corruptioni , & naturæ mutationi obnoxium est . Porro hoc non corpus Christi ( a ) , aut Dei decretum , aut actio esse potest . Ergo hac ratione Maignani sententia cum catholica doctrina conciliari nequit .

RESPONSIO . Difficultas hæc , quæ tanti ponderis in Maignanum esse videtur , re ipsa omnibus de eucharisticis speciebus sententiis communis est .

I. In quavis sententia a Maignani sententia diversa æque difficile est assignare quid in speciebus eucharisticis corrumpatur , & naturam mutet . Corrupti enim debet , & naturam mutare aut spatium , quo Christi corpus continetur , quod spatium in se natura incorruptibile est ; aut aer , & æther , qui in hoc spatio continentur ; atqui hæc quoque natura incorruptibilia sunt , nec causa peculiaris adest , qua corrumpantur ; aut aliqua intima , & radicalis panis , & vini destructorum quantitas , quæ in spatio remanens supponeretur , & quæ re ipsa non

---

( a ) *Christus resurgens ex mortuis jam non moritur : mors illi ultra non dominabitur . Rom. 6. 9.*

non nisi mente conficta esse potest ) 1433, & 1434 ).

II. In Maignani sententia nihil explicatu difficile habet *cessatio existentia* corporis Christi. Specierum eucharisticarum mutatio apparens tantum est : cessatio existentia corporis Christi post datum mutationis apparentis tempus vera est.

Deus, inquit Maignanus, Eucharistia Sacramentum instituens decrevit, corpus Christi re ipsa substantia panis, & vini substitui. Quare decrevit Christi corpus in hostia, & calice existere, & perseverare eo ipso tempore dumtaxat, quo ibi substantia panis, & vini permansisset: corpus Christi in hostia, & calice esse desinere ea prorsus ratione, qua dato tempore, & datis rerum conditionibus substantia panis, & vini ibi esse desisset.

Perfekte novit Deus, perget Maignanus, qua ratione, quo ipso tempore, quibus rerum conditionibus substantia panis, & vini corrupta fuisset, naturamque mutasset. Et positis his ipsis rerum conditionibus in pane, & vino consecrato praesentiam Christi corporis cessare facit eo ferme pacto, quo substantia panis, & vini non consecrati tunc existere desisset.

MAIGNANI SENTENTIA FORTASSE  
NONNULLIS VERÆ PHILOSOPHIÆ  
PRINCIPIIS NON CON-  
SENTANEA.

1447. OBJECTIO VI. Sæpius antea diximus & ostendimus, *sensibiles* corporum *qualitates* esse tantum eorum materiam, motum, textum, affinitatem, partium elementarium commixtionem. Nunc vero contendimus sensibilem corporum qualitatem esse Dei decretum, aut actionem. Qua ratione hæc duo concilientur?

RESPONSIO. Qualitas sensibilis corporum aut in anima eorum perceptionem recipiente,

aut in corporibus hujus perceptionis causis considerari potest.

I. Qualitas hæc sensibilis corporum in anima ea percipiente considerata est tantum *spiritualis anima modificatio*; quæ nullam cum materiali substantia, ad quam refertur, & quæ ejus vera causa physica est, efficiens, aut occasionalis, habet similitudinem (30, 461, 489, 491).

II. Qualitas sensibilis corporum in ipsis corporibus considerata est tantum eorum materia, eorum motus, textura, affinitas, partium commixtio; quibus apta sunt diversas in nobis organicas, & mentales sensationes excitare.

At quum materia in se, & natura sua *substantia iners* sit; nullam in nobis sine Dei decreto, & actione organicam, aut mentalem sensationem excitaret.

Unice ergo ex Dei decreto, & actione re ipsa apta fit impressionem in nobis facere; atque sensibilem qualitatem, de qua sermo, respectu nostrum acquirit.

III. Corpora duo diversa, puta saccharum, & absynthium, malum assyrium, & silex, ferrum, & lignum, amphora aquæ, & amphora vini, diversam habent sensibilitatem, seu sensibilem qualitatem; propterea quia diversam habent naturam, partium elementarium texturam, atque mixtionem diversam, quæ, ut *causa occasionales* diversam esse faciunt Dei in organa nostra, & in animam actionem. (267, & 272).

Quare nihil arduum est quod alibi de sensibilibus corporum qualitatibus tradidimus cum iis, quæ hic de *sensibilis* materiæ *qualitate* generatim dicimus, conciliare; ubique enim id ipsum dicimus; materiam nempe non esse natura sua, nisi substantiam inertem, quæ neque in spiritus, neque in corpora agit, nisi quatenus illi agens universale naturæ Deus actionem præbet.

## SECTIONIS HUIUS SYNOPSIS.

1448. OBSERVATIO. Ex expositis universa hac sectione consequi videtur, *sensibilem materiam qualitatem aque, ac eius essentiam in obscuro positam esse.*

I. Ante Maignani sententiam de speciebus eucharisticis ostenderat Cartesius, mundum realem cum mundo apparente nullam habere similitudinem (491, & 495).

Hac sententia apte percepta philosophos disposuerat ad aptius perpendendam *sensibilem materiam qualitatem*; & ad magis philosophicas de illa notiones adipiscendas, quam quas cæca consuetudo confinxerat.

II. Patet, nullam hypothese[m] ex hactenus de sensibili materiæ qualitate excogitatis, præter Maignanicam, esse vere philosophicam.

At quantumvis philosophica sit Maignani sententia, semper hypothesis est, nulla ratione fundata, saltem in iis, quæ ad eucharistiam spectant. Rem ita esse posse demonstratum est. Verum re ipsa ita ne est?

III. Maignani hypothesis ut a nobis explicata fuit, & reformata, plane ingeniosa est, & philosophica; simplici enim modo, opportuno, recentioris philosophiæ principiis maxime analogo magna duo naturæ, & religionis phænomena explicat; *sensibilem scilicet materiam qualitatem, & species eucharisticas.*

At vero hypothesis hæc ita ingeniosa, atque opportuna aliquid ne est præter hypothese[m]; veritas ne physica est, & re ipsa naturæ conformis? nulla de hoc probatio solida habetur in iis saltem, quæ eucharistiam respiciunt.



II. Physica, seu scientia corporum in su subjecto, in humana scilicet mente, considerata, in duobus indivisibiliter sita est, in *phenomenorum*, & in horum *causarum* cognitione.

In visibilis naturæ studio si *causas physicas* noscere velis, earum phænomenis ignotis; præpostere finem voles, quin media ad finem necessaria velis.

Si vero *phenomena physica* tantum inquiras quin ad eorum causas usque progrediaris; jam in sensationibus tantum humanam mentem detinebis; & nobiliora intelligentiæ, & ingenii munera illi interdices.

III. Physica in methodo sua, in suoque progressu considerata est *scientia analytica*; qua scilicet ab effectibus notis ad causas ignotas ascendere oportet; sive in qua genericarum causarum inquisitio ab observatione, & analysi phænomenorum sensibilibum facienda est, quæ causæ istæ insensibiles producant.

Quænam, exempli causa, sunt *generica motus leges*, sive quibus modis seu variabilibus, seu constantibus oritur, perdurat, communicatur, mutatur, extinguitur motus in corporibus hanc rerum universitatem constituentibus? Hoc sola experientia addiscere possum; neque ulla metaphysica meditatione a phænomenorum observatione sejuncta id assequi potero.

IV. Physica quum cognitiones experientia comparatas genericas efficit, atque perpendit sive ut in diversas classes observata distribuat, sive ut hæc ad primitivas, & communes causas referat, est veluti *metaphysica applicatio* ad materialia, & sensibilia; tunc enim in materialibus, ac sensibilibus ita genericè sumptis, & abstractione metaphysica evolutis operatur ex idearum theoriis, quæ initio a sensibus pependerunt quidem, in progressu vero non amplius pendent.

PHYSICÆ, ET METAPHYSICÆ  
OBJECTA.

1451. OBSERVATIO . Alibi ostendimus ,  
*eandem rerum speciem* diverso modo considera-  
tam diversarum disciplinarum objectum esse  
posse ( 251 ).

Non abs re erit hic ostendere qua ratione ,  
& in quibus in visibili natura nonnullæ re-  
rum species physicæ simul , & metaphysicæ  
objectum esse possint .

I. *Mundus visibilis* in se consideratus, nem-  
pe in principiis physicis illum constituentibus ,  
in materialibus proprietatibus illum distinguen-  
tibus , in diversis motus legibus illi adnexis ,  
quibus animatur , & conservatur , physicæ obje-  
ctum est ; in his omnibus enim ad sensus spe-  
ctat , & objectum sensibile est .

Hic idem mundus visibilis consideratus ut  
necessario a *causa increata* , & *creatrice* pro-  
cedens infinite activa , & intelligente , a qua  
primo extitit , a qua perpetuo ordine regitur ,  
metaphysicæ objectum est ; hæc enim causa ,  
quæ cognoscenda est , & ad cujus cognitionem  
mundi visibilis observatio certissime adducit ,  
objectum non est sensibus percipiendum .

Hac ratione Metaphysica in iis , quæ ad  
Dei theoriā spectant , est veluti necessaria  
ad physicā dispositio , & introductio . Quo  
illa explicat , hæc incipit .

II. *Primitiva natura visibilis* leges conside-  
ratæ ut naturæ huic visibili adnexæ , & ut  
ejus constitutionem , & actionem ingredientem ,  
physicæ objectum sunt . Ita enim inspectæ obje-  
cta sensibilia sunt , quæ sensus nostros affi-  
ciunt .

Leges hæ eadem consideratæ ut totidem  
*Dei voluntates* , metaphysicæ objectum sunt ;  
hac enim ratione inspectæ , ut tandem inspicere  
de-

debent, objecta insensibilia sunt, quæ sensibus attingi nequeunt.

Tres sunt primitivæ visibilis naturæ leges, a quibus ceteræ omnes pendere, & ad quas ceteræ omnes referri videntur; leges scilicet, *impulsionis, attractionis, affinitatis*; ut primo physicæ nostræ tractatu adnotavimus. Physicus ex observatis phænomenis leges has detegit, & demonstrat: tunc vero sistit, nec ultra progreditur.

Pete a physico, exempli causa, qua ratione phænomenon contingat: ostendet, qua ratione a primitiva naturæ lege procedat. Perge porro ab eo petere cur hæc potius, quam alia lex in natura existat. Respondebit, ut philosophum decet, nullam de naturæ legibus rationem reddi posse, nisi naturæ auctori placuisse *hunc verum ordinem* in natura haberi ab his legibus perpetuo servatum, potius quam ordinem diversum a diversis legibus emanantem. (Phys. 77, & 1429, ).

III. *Regnum animale* in iis omnibus, quæ sensibilia habet consideratum Physicæ objectum est; hac enim ratione consideratum cognitiones parit, quarum objectum sensibus attingi potest; hujusmodi illæ sunt, quarum objectum est diversarum animalium specierum incrementum, interitus, reproductio, diversa figura, magnitudo, organa, motus mechanici.

Hoc idem regnum consideratum ut necessario respiciens *sensibilem, & intelligentem substantiam in homine; sensibilem, & non intelligentem substantiam in brutis*, metaphysicæ objectum est; hæc enim substantia sive intelligens, sive non ab innumeris hujus regni phænomenis supposita, nequaquam sensibus percipipotest.

Hinc apparet qua ratione regni animalis theoria necessario vinculo metaphysicæ conjuncta sit ex sensitivo principio, quod anima est.

Patet enim, hujus regni phænomena non a solis mechanicæ legibus pendere, sive a genericis naturæ legibus materiæ actionem tribuentibus.

Non ita se res habet in vegetabili, ac fossili regno, & in reliqua inanimata natura. In his omnia a solis mechanicæ legibus pendent, omnia solius physicæ objectum sunt.

#### PRINCIPIA METAPHYSICA IN PHYSICA

1452. OBSERVATIO. In humanis omnibus disciplinis *scientificum artificium* est, ut a noto ad ignotum inductione, & ratiocinatione transeamus. In hoc a ceteris disciplinis non differt physica.

I. Certum est primo, *experientiam, & observationem esse universa physica basim; ac fundamentum*. Patet enim, nullam homini esse ideam innatam, nullum principium metaphysicum, a quo diversas corporum proprietates inferre possit, aut eorum diversam existendi, & agendi rationem; sola vero experientia, & observatione scire ipsum posse num marmor solidum sit, aqua liquida, aurum ductile, planetæ mobiles, mare æstuans, cortex Peruvianus febrifugus, manna alvum solvens; cetera.

At *experientia, & observatio sola physicam non efficiunt*: innumera enim experimenta, observationes innumeræ omni solertia iteratæ in eadem re, aut in innumeris diversis primordia tantum parant, in quibus humana mens exerceri debet, ut ad ignotas causas pertingat ex notis phænomenis; ut genericam rerum catenam ex aliquibus ejus anulis detegat, ut naturæ visibilis communem nexum ex aliquibus ejus partibus dignoscatur.

II. Certum est præterea, physicam, postquam experientia, atque observationi firmiter inhæsit, quæ veluti inconcussa fulcra sunt, quibus  
insistit.

insistens ad abstractas, & genericas veritates ascendere possit, quæ solæ veram scientiam efficiunt; posse *principia metaphysica* auxilio vocare, ut cognitiones ipsas suas perpendat, genericas reddat, inter se connectat; & ut in his physicis cognitionibus experientia, & observatione comparatis operari possit, ut in puro metaphysicis, & geometricis operatur metaphysicus, & geometra.

Exempli gratia: postquam experientia, & observatione detexit physica, mobile quodvis a duabus motricibus viribus impulsum procedere per diagonalem parallelogrammi, cujus latera vires has, earumque directiones expriment; posse ipsam, hanc motus compositi ideam genericam efficiendo, determinare quam directionem tenere, & quod spatium dato tempore percurrere debeat hoc mobile, aut aliud quodvis, aut cæleste corpus, sive in terræ superficie, sive in cælorum immensitate; quin ad hoc experientiæ, aut observationis consilio amplius indigeat.

III. Certum quoque est, quasdam esse physicæ partes, quæ abstractione metaphysica genericæ effectæ ( 336, & 592, ) principiis geometricis subiici possunt; tunc vero physica in objectis hisce genericis ita versari potest, ut in pure geometricis geometria. Illustriores hæ sunt physicæ partes, æque, quas *physico-mathematicas disciplinas* nuncupamus: cujusmodi sunt mechanica, optica, catoptrica, astronomia, aliæque.

IV. Certum tandem est, *physicam scientiam esse necessario & ab experimentorum observationibus, & a metaphysicis disquisitionibus pendentem*. Hoc enim duplici medio dumtaxat arcte conjuncto mentem humanam illustrare potest, & scientiæ nomen sibi promereri.

Aufer a physica *principia metaphysica*, & *geometrica*; erit tantum cæca, & empyrica

disciplina, ejusmodi apud circulatorēs ars mēdica est.

Amove a physica experientiam, & observationem; jam mentis disquisitionibus tantum immersa, & discordibus, inanibusque hypothesibus, erit tantum scientia fabulosa, & somniorum congeries sapiente, & philosopho prorsus indigna.

*UNIVERSÆ HUIUS THEORIÆ SYNOPSIS.*

1453. **CONCLUSIO.** Ex omnibus universa hac entium insensibilium theoria statutis, atque ex universa hac metaphysica sacra, & prophana plane consequitur, ut jam supra monuimus;

I. *Metaphysicam disciplinarum omnium maxime opportunitatem esse, ac necessariam:* ejus enim objectum est id omne, quod magis humani intellectus interest, ut apte cognoscat; & veluti universalem faculam esse, qua in omnibus disciplinis, quas ediscere potest humana mens, est illustranda.

II. *Metaphysicam scientiam esse non ita arduam, & inaccessam, ut nonnulli putant.* In universa hac enim nostra metaphysica nihil est, quod ingenium rectum, ac solidum arripere nequeat.

III. *Non recte de metaphysica sentire, qui illam tenebris obsistam, & nulla solida basi consistentem esse arbitrantur.* Talis enim non est nisi apud quosdam, qui illam apte pertractare non noverunt.

IV. *Universam hanc metaphysicam physica esse connexam;* eadem enim methodo ambo hæc opera elaborata eundem finem habent, nempe universam naturam ob oculos ponere; alterum insensibilem, & immaterialem; alterum materiale, atque sensibilem. Porro ex ambobus omnium absolutissima atque facillima habetur philosophiæ tractatio, quæ hactenus quovis idioma te traditæ sint.

# I N D E X <sup>517</sup>

## RERUM ALPHABETICUS,

cujus ope totum hoc opus Lexici metaphysici,  
& philosophici vices gerit.

*Signum* : significat usque ad. *Exempli causa*,  
349 : 360 significat, rem indicatam pertra-  
ctari a numero 349 usque ad numerum 360.  
*Secundi voluminis numerus primus est* 577.  
*Tertii voluminis est* 1035.

### A

**A** *Abstractio metaphysica* 33 : 41, 318 : 323,  
330 : 336.

*Abstractum*, & concretum 80 : 85. Dia-  
lecticæ præcepta de abstracto, & concreto,  
613 : 618.

*Absursum*, hujus vocis significatio 60, & 65.

*Accidentale*, & essentialē in rebus, 132. Re-  
rum ideæ accidentales, & essentialēs, 400.  
Corporum materia essentialis, & accidentalis,  
1411.

*Accidentia modalia*, sive entium modificatio-  
nes accidentales, 226 : 232, & 1426 :  
1433.

*Accidentia absoluta*, sive corporum sensibi-  
litas, 1425 : 1438. Modalium, & absoluto-  
rum accidentium discrimen, 1427.

*Actio Dei*, num a natura, & a physica ex-  
cludenda. 1221, & 1058.

*Activitas* materiæ fabulosum materialistarum  
principium, Vide *energiam* & *inertiam* materiæ.

*Affus*,

*Actus*, & potentia, 173, 917, 923, 1002, 1154.

*Æquivalentia* propositionum, 639 : 642,

*Æquivocum* 731.

*Æternitas*, & tempus, 364 : 373. *Æternitas* antecedens, verum infinitum; *æternitas* subsequens, duratio semper necessario finita, 367, & 368. *Æternitas* existentiae in re aliqua, dari potest, & datur in Deo; in materia fabulosa est, & absurda; 899, & 900.

*Affectiones*, & aversationes; earum in amore proprio fons, & origo 1191, & 1192.

*Amor proprius*, omnium humanarum passionum fons, & motor universalis 1189 : 1206. *Amor sanguinis*, 1196 : 1199. *Amor patriæ* 1200, & 1201. *Amor gloriæ* 1202, & 1203. *Amor solatii* 1204.

*Anastomoses* in vasis sanguineis, & in vasis fluidi animalis 1248.

*Anima humana*, ejus natura, & potentiae 1035 : 1274. Substantia spiritualis, 1038, & 1047. Substantia simplex, & compositionis expers, 1051, & 1082. Ejus origo 1053 : 1060. Ejus unio humano corpori, 1061, & 1076. De ejus incomprehensibilitate somnia, 1065. Difficultates de ejus extensione, 1079, & 1082. Substantia immortalis, 1083 : 1092. Substantia in aliquibus suis operationibus libera, 1093 : 1149. Ejus potentia intellectiva, 1158 : 1175. Ejus potentia sensitiva, 1176 : 1213. Ejus potentia motrix, 1214, 1221, 2223. Diversa animarum humanarum perfectio, 1156, & 1157. Theoriæ de anima humana synopsis, 1265 : 1274.

*Anima brutorum*; ejus natura, & potentiae 1275 : 1345. Substantia immaterialis sensibilitate donata, intelligentia carens, 1295 : 1199. Principium pure sensitivum dari potest; & sufficit ad omnia brutorum phænomena explicanda, 1295 : 1345. Defectus potentiae intel-



collectivæ in brutis, 1312 : 1318. Potentiæ  
activæ limites in brutis, 1319, & 1336 :  
1343.

*Animal*. Substantia organica, & sentiens :  
genus respectu hominis, & bruti; & unum ex  
tribus telluris regnis, 1276, 1277. Regnum  
animale Deum esse demonstrat, 874, & 877 :  
879. Somnium seriei ascendentis infinitæ  
generationum in regno animali 879, 909, 910.  
Linea divisionis inter regnum animale, & ve-  
getabile, 1277, & 1281. Mirum corporis ani-  
malis artificium, & ejus utilitas etiam in hy-  
pothesi causarum occasionalium 878, 1074,  
1241. Formatio, & interitus corporis anima-  
lis, 1346 : 1353. Animalia ejusdem, & di-  
versæ speciei, 210, 211, 1283. Spiritus ani-  
males, seu vitales, sive fluidum animale, 1247 :  
1260.

*Antecedens*, & consequens in entymemate,  
670; in propositione conditionata, 652, &  
714.

*Antipathia*, & sympathiæ, 1193.

*Apparitiones* miraculosæ ad homines erudien-  
dos, non ad decipiendos ordinatæ, 160, 511,  
559, 560, 565.

*Apothecoses*, 871.

*Aristoteles* celebris philosophus. In præfatio-  
ne. Ejus sententiæ, 177, 1216, 1293.

*Artes*, & scientiæ. Earum natura, & ob-  
jecta, 244 : 252.

*Astrologia judiciaria*; ejus stultitia, & ina-  
nitas, 556.

*Atheismus*, 771, & 774. Ejus absurda sy-  
stemata, 771 : 835. Pleraque ejus sophisma-  
ta in existentiam Dei, 893 : 907. Idea natio-  
nis atheæ, 841, & 873.

*Atomus Epicurri*, 777, 779, 802, 803. Som-  
nium earum existentiae æternæ, 759, 881,  
899, 900, 909, 965.

*Attributa*, & proprietates entium, 221 :  
225.

**225.** *Attributa Dei absoluta, & relativa, 914 & 921 : 927. Primum Dei attributum metaphysicum, 922.*

*Attributio.* *Objectum attributionis in scientiis, 253.*

*Auctoritas; motivum credendi, & universæ fidei divinæ, & humanæ fundamentum, 515.*

*Auctoritas testium humanorum, 514 : 576.*

*Auctoritas peculiaris historicorum sacrorum, 557, & 558.*

*Auditus, organum, 6.*

*Augmentum, & interitus corporis animalis, & hac de re naturæ leges, 1346 : 1353.*

*Axiomata philosophica, seu metaphysica, 44 : 57.*

## B

**B** *Beatitudo objectiva, & formalis, 1206.*

*Bonum, & malum morale. Eorum distinctio ubique cognita, 842, 851, 863, 868, 869.*

*Bruta, 1275, & 1277. Lineæ divisionis inter hominem, & brutum, inter brutum, & plantam, 1280, & 1281.*

*Brutorum sensus, & sensationes 1294, & 1313. Rerum relationes brutis ignotæ, 1296, 1315, 1342. Vide animal, & animam brutorum.*

## C

**C** *Alor, & frigus, sensationes, 12*

*Cartesius insignis metaphysicus. In Pref. ejus sententiæ, 121, 349, 422, 491, 890, 911, 1039, 1214, 1268, 1287, 1292, 1404.*

*Casus, vera hujus termini significatio, 804, 781, 893, 894, 897.*

*Cartilaginee in humano corpore, 1353.*

*Catena entium partim vera, partim conficta, 1325 : 1327.*

*Causa*, & effectus, 260: 282. *Causæ efficientes*, 262: 266. *Causæ occasionales*, 267: 288, & 1214: 1258. *Causæ physicae*, 272, 284, 1229, 1242. *Causæ morales, finales, instrumentales*, 285: 288.

*Centrum gravitatis* in terrestri globo, 823, & 824. Proxime determinare mutationem centri gravitatis, quam producere potest formatio novi maris in nostri globi superficie, 825, & 826.

*Certitudo*: ejus natura, fontes, fundamenta, 374, & 380: 576. *Certitudo metaphysica*, 376; *certitudo physica* 377, *certitudo moralis*, 378, & 516. *Certitudo historica* suscipit magis, & minus, 327, 374.

*Cerebrum*, sedes nimæ, 1063, & 1664.

*Chimæricum*. Objectum, & ideæ chimæricæ, 216, 122, 395, 451.

*Chronologia*, seu scientia temporum, 371 & 892.

*Circulatio sanguinis*, & spirituum animalium, 1247, & 1248.

*Circulus vitiosus*, 739, & 424.

*Clarkius* celebris metaphysicus, 129, 350, 1093, 1119, 1121, 1214, 1221.

*Coactio*, seu necessitas extrinseca dari non potest in actibus internis humanæ voluntatis, 1097, & 1115.

*Cogitatio*, & sensus, modificationes substantiæ essentia immaterialis, 1041: 1050, & 1066: 1074.

*Cognitiones humana*; idea cognitionum nostrarum primitivarum, 3: 30. Res in nobis visæ, 4: 14. Res extra nos visæ, 15: 30. *Cognitiones intuitivæ, demonstrativæ, derivativæ*, 95, & 97. *Cognitiones actuales, & habituales*, 96.

*Compensatio materiæ*, necessaria in dogmate eucharistiæ, 1358, 1357, 1382, 1383, 1384, 1335, 1394, 1416.

*Complementa* libertatis humanæ, concursus, & gratia, 1136 : 1149.

*Complexa*, ideæ, 410. Propositiones, 646.

*Compressio* insufficiens in phænomenis eucharisticis, 1359, 1383.

*Conclusio*, seu consequentia in syllogismo, 666. Conclusiones assyllogisticæ, 728.

*Concursus Dei* mediatuſ, & immediatuſ, 1142 : 1149, & 1230 : 1238.

*Concretum*, & abstractum, 80. Concretum physicum, logicum, metaphysicum, 80 : 86, & 613 : 618.

*Concupiscentia*, siue propensio ad bonum sensibile, 1110, 1133, 1135.

*Condensatio* insufficiens in phænomenis eucharisticis, 1359, 1383, 1384, 1385, 1394.

*Congruismus*, 1021.

*Conjunctivum*. Propositiones conjunctivæ, & syllogismi conjunctivi, 646, & 719.

*Conscientia*, 840, & 868.

*Consequens*, & antecedens in entymemate, 670; in propositione conditionata, 652, & 714.

*Conservatio entium*, 887 : 892.

*Contingens*, & necessarium in rebus, 133, & 910.

*Conversio* propositionum simplex, & accidentalis, 633 : 638.

*Convictio*, & persuasio, 94.

*Cor physicum*, viscus materiale sentire ineptum, 1181.

*Cor morale*, seu cor humanum, seu anima humana considerata ut potentia affectiva, & sensibilis, 1181. Amor proprius magnus hami cordis motor, 1182 : 1208.

*Corpora*, siue substantiæ materiales: Corpora elementaria, & mixta, 206, & 210. Corpus animale, mirum ejus artificium, 878, 1074, 1241. Corpus naturale, & corpus supernaturale, 1397 : 1399. Transformatio corporum, 1119,

120, 1368, 1405. Augmentum, & interitus corporis animalis 1346 : 1352. Materia essentialis, & accidentalis corporum regni vegetabilis, & regni animalis, 1413.

*Creatio* materiæ, 131, 881 : 886, & 899 : 901.

*Credulitas*, & incredulitas duo humanæ mentis vitia, 169.

*Criterium* evidentiæ, 97, & 98.

*Critice*, falsa critices præcepta ab historico Pyrrhonismo inventa, 520, 530, 531, 549, 573.

## D

**D***ecreta Dei*, 919, 920, 985 : 991. *Decreta* necessitantia Calvinii, & Lutheri, 987, & 1110. *Decreta* prædeterminantia Bannessii, 989, & 998 : 1004. *Decreta* indifferentia Molinæ, 990, & 1005 : 1007 ; & 1026 : 1028.

*Defectus*, & imperfectiones mundi hujus visibilis conciliantur cum divinæ providentiæ existentia, 948 : 950.

*Definitio* ; termini hujus significatio, 587. *Dialecticæ* præcepta de rerum definitione, 588 : 594.

*Deismus*, 771, 772, 852, 946 : 950.

*Delectatio* terrena, & cælestis, 1110, 1111, 1134.

*Demensia*, & imbecillitas, 1166 : 1169, & 1257.

*Demonstratio*, quid sit, 58, & 59. *Demonstrationes* directæ, & indirectæ, 61 : 65. *Demonstrationes a priori, a posteriori, a simultaneo*, 70 : 74. *Medium demonstrationis*, 76, & 682. Non sola mathesis demonstrationis capax, 60. *Demonstrationes* morales, physicæ, metaphysicæ existentia Dei, 830, 840, 874, 908. *Demonstratio* per ideam omnino inanis, & sophistica, 911 : 912.

*De-*

- 524 *Index rerum alphabeticus,*  
*Descriptio rerum,* 592, & 594.  
*Desiderium,* 1095, & 1205. *Desiderium felicitatis æternæ,* & *infiniæ,* 1087.  
*Deus,* ejusexistentia, & natura, 753 : 1034.  
 Explicata hujus entis notio, 754. Prolegomena ad Dei existentiam, 755 : 767. Idea Dei naturæ conformis, verissima, ubique existens, 836, 854, 896. Existentia Dei rigidissime demonstrata, 826 : 910. Natura Dei, perfectio substantialis, infinita, infinite simplex, 913 : 941. Providentia, libertas, omnipotentia, & scientia Dei, 942 : 1034.  
*Dialectica,* logica, scientia ratiocinii : 577 : 752. In suis præceptis considerata est ars scientifica aliud ab aliò deducendi. 684, 249, 740.  
*Differentia,* & distinctio rerum, 31, & 32. Proprietates entium differentiales, 190, & 192. Differentia ultima entis, 192.  
*Dilemma,* 725, & 726.  
*Diluvium* universale, 828, 830, 904. Absurda diluvia a Telliamede conficta, 832, & 905.  
*Disjunctiva* propositiones, & syllogismi disjunctivi, 648, & 716.  
*Distinctio* rerum, 31, & 32. Distinctiones philosophicæ, seu metaphysicæ, 301 : 224. Distinctio formalis Scotistarum, 305 : 312. Distinctio virtualis intrinseca Thomistarum, 313 & 314. Distinctio rationis, 315 : 324.  
*Divisio,* vocis hujus significatio, 595. Dialecticæ præcepta de rerum divisione, 596 : 600.  
*Dolor,* & *Voluptas,* 1185 : 1191.  
*Dubium* methodicum, 180.  
*Duratio* rerum finita, & infinita, 364, 271.

## E

**E***go individuum* substantiarum sentientium, & cogitantium, 1043, 1046, 1049, [1051](#).

*Electio* inter bona æqualia, & inæqualia, [1225](#) : [1228](#).

*Eminenter*; qua ratione res aliam eminenter contineat, [264](#), & 940.

*Energia* materiæ fabulosa, & pravam materialismi principium, 759, 762, 880, 895, 896, 1069, 1354.

*Ens*, hujus vocis significatio, & divisio, 200.

*Entelechia* Aristotelis, [177](#).

*Enthusiasmus*, & fanaticismus, [158](#) : [168](#).

*Enthusiasmus* ingenii [168](#).

*Entymema*, seu syllogismus mutilus, 670.

*Epicurreismus*, 777 : 806.

*Epocha*, & *ara* apud diversas nationes. 371.

*Error* ejus natura, fontes, imperium [184](#) : [187](#).

*Essentia* rerum, 105, & [114](#). Essentia entium physicorum, & entium abstractorum, [106](#) : 108. Essentia physica, & metaphysica ejusdem entis, [109](#) : 114. Essentiarum immutabilitas, 115 : 120. Essentia corporum generica, & specifica, 1367. Essentia materiæ adhuc ignota, [1355](#). Qua ratione entium physicorum essentie specificæ dignoscantur, 112.

*Eucharistia*; theoria philosophica, & theologica eorum omnium, quæ ad hoc dogma spectant, 1367 : [1448](#). Institutio, possibilitas, & veritas transubstantiationis eucharisticæ, 1402. Permanens de hac Christianæ ecclesiæ traditio, [1373](#), & [1376](#).

*Evidentia* rerum intrinseca, & extrinseca, [92](#) : [97](#). Criterium evidentiae, [97](#), & [98](#). Evidentia suspecta, & æquivoca, proxima, & remota, [439](#).

*Existentia* rerum, [127](#) : 131.

*Exten-*

*Extensio*, seu trina dimensio, proprietas a materia inseparabilis, 1394, & 1420. *Extensio puri spatii* diversa ab illa materiae, 351, 358, 1379. Quænam extensio spiritui supponi possit, 1079, & 1080. *Extensio infinita*, 356, & 978.

*Extrema stylo dialecticæ*, 666, & 668.

F.

**F***acta historica*. Vide: *Historia*, *Auctoritas*.

*Fanatismus*, & enthusiasmus, 158 : 168. *Fanatismus cum veris ecclesiæ catholicæ principis* nequit componi, 162, & 165. *Sectarum fanatismus*, 166.

*Fatum*, 955. *Paganorum*, & *Mahumetanorum*, 955, 956, 957, 1107,

*Felicitas*, & *infelicitas*, 1187, 1191.

*Fides divina*, & *humana*, 515, & 1396.

*Figura syllogistica*, 705 : 710.

*Fidentia animi*, 1163.

*Finis rerum*, 945, & 897.

*Finis*, & *medium*. *Finis rerum*, 1084. *Finis Dialecticæ*, 581. *Relationes mediorum ad finem* brutis ignotæ, 1297, & 1342.

*Fluidum animale*; ejus *existentia*, *natura*, *munera*, 1247 : 1259.

*Fœtus*: ejus *formatio*, & *certa hujus formationis periodus*, 1347 : 1351.

*Formale*, & *materiale*: *objecta formalia scientiarum*, & *artium*, 246 : 252. *Proprietas formalis rei*, 265. *Formale peccati*, 1235.

*Formaliter*; qua ratione res aliam formaliter contineat, 263, 265, 940.

*Forum interius*, *conscientia*, 840.

*Fossile*, 210, 1052, 1326, 1327.

*Futura absoluta libera*, & *necessaria*, *objecta scientiæ visionis*, 992, 997, & 1008: 1021.

Fu-



*Futura conditionata*, objecta scientiæ mediæ, 993, & 1022 : 1034.

## G

**G**ENUS, differentia, species, individuum, 190 : 195; & 33 : 39. Divisio entium in genera, & species, 190 : 195. Genus proximum, & genera remota, 192.

*Gloria*, seu meritum notum, 1202.

*Gustus*, organum, 7. *Gustus intellectualis*, & *moralis*, 1170, & 1171.

*Gradus metaphysici substantiarum*, 224, & 225.

*Gratia supernaturalis*, 1133, & 1137 : 1141. *Natura gratiæ cælestis* dantis posse agere ad salutem, 1138.

## H

**H**ABITUS naturales, 1258, & 96.

*Hæresis*, & error, 171, & 187. *Hæreses*, & errores de humana libertate, 1107 : 1113.

*Harmonia præstabilita* Leibnitii, 1112, & 1113.

*Historia* : facta, & monumenta historica, 514, & 530 : 545. *Fabulæ* historiis insertæ, & a critice rejectæ, 535, 546, 548, 554, 555. *Historicorum auctoritas*, synchronorum, recentiorum, autographorum, 535 : 545. *Peculiaris historiæ sacræ auctoritas*, 537, 557, 572.

*Homo* : species unica in plures stirpes divisa per accidens diversas, 1276, & 1283. *Organorum structura*, formatio, & interitus humani corporis, 878, 1347, 1353. *Natura animæ humanæ*; vide, *anima humana*.

*Homo Deus*, seu Totum Theandricum, 347, & 1402,

*Homo*

*Homogeneitas* materiæ statum corporum diversitate, 119, 120, 1405.

*Horoscopa*, 555, & 556.

*Hypothesis*, 142.

I

**I***dea*, unus ex quatuor certitudinis fontibus, 392:451. Earum natura, & divisio, 592:412. Earum causa, & origo, 464:486. Certitudo, quam faciunt, 413:451. Ideæ innatæ fabulosæ, 465, & 466. Res in Deo visæ, fabula, 472:474. Deus primigeniarum idearum unica causa efficiens, 475:483. Ideæ naturales, 467, & 468. Ideæ rerum peculiare, & genericæ, 34, & 35. Ideæ præcisivæ, 318:323. Ideæ rerum materialium, 19, 442, 444. Ideæ infiniti, 445:450. Falsæ rerum ideæ quid sint, 399. Ideæ objectorum chimericorum quid sint, 395, & 451. Idea Dei naturæ conformis, verissima, ubique existens, 836, 853, 854, 896. Idea animæ spiritualis in homine verissima, & ubique existens, 1038, 1039, 1065.

*Idea media* in inquisitione veritatis, 672, & 678. Perpetuus idearum mediarum nexus, 681, 725, 742.

*Identitas* rerum, 3, & 32. Diversæ identitatis species, 676, & 677. Identitas naturæ in entibus physicis, 135. Identitas individualis, & identitas moralis ejusdem corporis animalis, aut vegetabilis, 1409, & 1410.

*Ignorantia* vincibilis, & invincibilis, 844, & 863.

*Imaginatio* activa, & passiva, 1154, 1164, 1165.

*Imbecillitas*, 1166:1169, & 1257.

*Immensitas* Dei, 359, 923, 931, 932, 935.

*Immortalitas*, 1983, & 1085. Immortalitas animæ humanæ, 1086:1092.

*Immutabilitas* Dei, 937:939.

- Impietas*, actus, & habitus, [170](#).  
*Implicitum*, & *Explicitum*: rerum ideæ implicitæ, & explicitæ, [403](#), & [404](#).  
*Impossibilitas* rerum, [122](#): [126](#). Quod obstaculum ponat divinæ omnipotentiae, 971.  
*Incommodus animæ status*, magnus nostrarum determinationum motor, 1095, 1133, 1139.  
*Indefinitum*, [448](#).  
*Indigentia*, pars incommodi animæ status. Principium voluptatum, & molestiarum, 1095.  
*Indiscernibilia*; principium indiscernibilium Leibnitii, 1219.  
*Individuum*, [190](#), & [339](#). Principium individuationis: ejus natura, permanentia, notæ indicantes, [339](#): [346](#).  
*Indoles* physica, & moralis, 1259: 1264.  
*Inductio*, [727](#).  
*Inertia* materiae, 758, 880, 895, [222](#), [1354](#), 1391.  
*Infinium*, 937: 939. Infinitum duratione, [367](#): numero, 440, 970, & 980: extensione, 356, & 978.  
*Ingenium*, 1161.  
*Inquisitio veritatis*, 672, 678, 741.  
*Instinctus* brutorum, [1322](#): [1324](#).  
*Interitus* corporis animalis, [1353](#).  
*Invidia*, & zelotypia, [1203](#).  
*Judicium*, actus, & potentia animæ humanæ, [178](#), & [1160](#). Analogicum, totius physicae fundamentum, [179](#). Judicium in dialectica, 577, & 583. Judicium practicum in quaestione de libertate, 1120, & [1129](#): 1132.  
*Jus* fundatum in lege naturali, aut nationali, 873.

## L

**L** *Affitudo*, sensatio, [1241](#).  
*Leibnitius* celebris metaphysicus, [349](#), [350](#):  
[369](#), 958, 1037, 1112, 1219, 1221, [1246](#),  
[1325](#).

*Leges natura* generales, & peculiare, [138](#),  
 & [139](#). Earum existentia testimonio sensuum  
 confirmata, 302. Qua ratione sint objectum  
 physicæ, & metaphysicæ, 1451. Earum in mo-  
 tum naturæ regularem influxus, 876, & 880,  
 in reproductione animalium, & vegetabilium,  
 1349, & 1351.

*Leges nationales*, 840, 872, 1208, [1213](#).

*Lex naturalis*, 840, 842, 1207, 1208. Qua  
 ratione Dei existentiam demonstret, 842, &  
 852. In quo, & quomodo mutata, 862:869.  
 Ejus immutabilia principia, 863, & [864](#). Fa-  
 bulosa origo illi ab atheismo attributa, 845  
 850, & 857: 861. In idea Dei statuta, [1207](#),  
 1208, 1213.

*Lex continuitatis* Leibnitii, 1325:1327.

*Libertas animæ* humanæ: ejus natura, &  
 complementa, 1093:1149. De libertatis natu-  
 ra sententiæ, [1093](#), & [1107](#). Ejus definitio,  
 1103:1106. Ejus existentia, 1117:1135. Ejus  
 complementa, [1136](#):1149.

*Libertas Dei*, 951:961.

*Liberum arbitrium*: Vide: Libertas humana.

*Lingua*, primitivæ, & derivatæ: earum ori-  
 go, 258.

*Liquida*, & solida in corpore animali, 1353,  
 & 1260.

*Lockius* celebris metaphysicus, [10](#), [45](#), [186](#),  
 219, 552, 382, 743, [1037](#), 1072, 1093  
 1166, [1214](#), [1221](#).

*Locus rerum* absolutus, & relativus, [361](#),  
 & 362.

*Logi-*

*Logica*. Vide: [Dialectica. Concreta logica, & Tota logica, [82](#), [91](#), 595.

*Lucretius*, poeta pictor magis, quam philosophus, 805, [791](#), 471, 834.

M

**M** *Alum morale*. Vide: bonum morale.  
*Malebranchius*, celebris metaphysicus, 496, 472, [492](#), 959, [1157](#), 1335.

*Manichæismus*, [928](#), 930, 896, 1108.

*Mare*, fabulosa suarum aquarum imminutio, [818](#) : 828. Mediterranei depressio, 827, & [820](#).

*Materialismus*, 771, & 1040.

*Materiale*, & *formale*. Vide: *Formale*.

*Materia*, substantia extensa, solida, figurata, iners, & cæca, 1354. Cogitare, & sentire, inepta, [1042](#), 1046, [1068](#). Ejus essentia ignota, 1355. Ejus æternitas fabulosa, 752, & 881 : 886, & 899 : 901, & 965 : 978. Fabulosa a materialismo suis viribus, aut proprietatibus phænomena attributa, 794, 895, [1069](#). Notæ materiam a spiritu distinguentes, 1422.

*Medium*, & finis. Vide: *Finis*.

*Medium demonstrationis*, [76](#), & 682.

*Memoria*, actus, & potentia animæ humanæ, [508](#), 1115, 1174, [1175](#). Memoria in brutis, 1317, 1338.

*Metaphysica*, hujus scientiæ notio; in *Præf.* Ejus objectum, 1, & 1452. Ejus principia, [44](#) : 57. Metaphysica mentis, & cordis, 1182. Ejus ad physicam relationes, [1449](#) : [1452](#).

*Methodus scientifica*, 745 : 752. Methodus synthetica, & analytica, 746, & 748. Methodus in Lucubrationibus, 751.

*Miracula* primæ, & secundæ classis, [139](#), & [140](#). Vera rerum idea in miraculis, [501](#), & 512. Miracula, eventus supernaturales, qui æque certi esse possunt, ac naturales, 550 :

**532** *Index rerum alphabeticus.*

554. Miracula dari possunt, & dantur, 567 :  
570. Moysis, & Jesu Christi miracula, 572  
& 573. Miracula in Eucharistiæ Sacramento,  
1402, 1421, 1434.

*Modi syllogistici*, 705, & 710.

*Modificationes substantiarum*, 202, & 209.  
Earum natura, 227 : 232. Vide : *Accidentia*  
*modalia*.

*Molecula organica* Lucretii, & Tellamedis,  
834, 817, 902, 906.

*Molestia*, & voluptas, 12, & 1185 : 1191.  
*Corporis*, & animæ molestiæ, & voluptates,  
1188 : 1191.

*Monades* Leibnitii, 1219.

*Montes antediluviani*, & postdiluviani, 830,  
902, 905, 907.

*Monumenta historica*, eorum auctoritas, 550,  
& 535 : 545.

*Morale*, & *physicum* in actu libero illicito,  
1233, & 1237. *Entia moralia*. Vide : *Mora-*  
*litas*.

*Moralis*, scientia officiorum, & regula mo-  
rum, 149, & 1207 : 1213. *Demonstrationes*  
admittit, 1209, & 1210.

*Moralitas*, entia moralia, 240, 1087, 1207.

*Motiva* attrahentia, & remouentia, 1128,  
1129, 239.

*Motus* verus, & apparens, 363. *Fabula* mo-  
tus æterni, 803, 880, 883. *Motus* naturæ vi-  
sibilis Dei existentiam demonstrat, 876, & 880.  
Deus omnis motus unica causa efficiens, 1222 :  
1246.

*Mundus*, ejus recens origo, 901, 906, 892.  
*Fabula mundi conficti*, 493. *Fabula mundi*  
æterni, & infiniti, 900, 965, 967, 978.

*Mutatio thesis*, 737.

N

**N***atura*, hujus vocis significatio. [134](#). Identitas naturæ in entibus, [135](#), & 1409, Ordo, & leges naturæ, [136:140](#).

*Narrationes*, & vitæ sanctorum; 554, & 569.

*Necessitas* extrinseca, & intrinseca, 1097, [1098](#), [1113](#), [1117](#).

*Negationes*, & privationes, [233:236](#). In se ipsis non concipiuntur, [395](#), & 451.

*Nervi*, & fibræ, 878, [1063](#), [1064](#), [1348](#), 1353. Nervorum sympathia, [1064](#).

*Nexus* rerum, & eventuum, 1112, & 1113.

*Nota* puerorum, [1352](#).

O

**O***bjectum*, & subiectum, [77](#).

*Obligationes* hominis, quo fundatæ, [1207](#), [1208](#), [1213](#).

*Obscuritas* idearum, [405](#), & [406](#).

*Olfactus*, organum, 5.

*Omnipotentia* Dei, 962:980; vera, & chimerica, 971:978.

*Opinio*, duplex hujus vocis significatio, [183](#).

Quomodo humanæ opiniones vires acquirant, aut amittant, [532](#).

*Oppositio* propositionum, 619:632.

*Optimismus* Leibnitii, 958, 960, 961, 966.

*Ordo* rerum, [136](#). Naturæ, [137](#), [874](#), 876.

*Organa* corporum, 1052, & [1074](#).

P

**P***aralogismus*, 730, & [424](#),

*Patres* ecclesiæ, [1039](#), [1092](#), 1135.

*Passiones* humanæ, 1095, 1182, 1205. Ea-

**534** *Index rerum alphabeticus.*

*rum seductio*, 866, 868. Earum communis origo in amore proprio, 1183:1205.

*Peccatum*, 976, 1234, 1239. Originale, 334, & 1135.

*Peripateticismus*, vetus, & recens Præf. Ejus opinio de modificationibus, & de anima brutorum, 227, & 1286.

*Persona*, vocis hujus significatio, 347, 348, 618.

*Persuasio*, & convictio, 94, & 387. Falsæ persuasiones, 387, 417, 428, 439, 507. Certitudo quarundam persuasionum naturalium ideis innixarum, 575. Universalis persuasio hominum de existentia Dei, 854, 855, 870. De vita futura, 1039, & 1087.

*Petitio principii*, 738, & 791.

*Phænomenon*, 141, & 1450.

*Philosophia*, vocis significatio. Præf. *Philosophia* sensus, 1181.

*Physica*, seu scientia corporum, 1245, & 1246. Ejus ad metaphysicam relationes, 1450:1453.

*Plastica*, naturæ, 1217.

*Polythesmus*, 870, 928, 930.

*Possibilitas* rerum intrinseca, & extrinseca, seu formalis, & causalis, 121:126.

*Præadamita*, 1060.

*Præjudicium*, ejus natura, & fontes, 188, & 861.

*Præmissa*, major, & minor, 666.

*Præscientia Dei*, 1008:1034, & 1124.

*Probabilitas*, & verisimilitudo, 181, & 182. Certitudinis, & probabilitatis discrimen in earum motivis, 523:529.

*Propensio socialis*, 1194.

*Prophetia*, 140. Prophetiæ absolutæ, & conditionatæ, 1033.

*Propositio*, vocis hujus explicatio, 601:606, ejus subjectum, & attributum, 601:618. Oppositio, conversio, æquipollentia, divisio propositi-



positionum, 619, 633, 639, 643. Propositiones universales, particulares, singulares, 603: contrariæ, 628, & 629; subcontrariæ, 630, & 631: subalternæ, 622, & 632.

*Proprietates rerum genericæ, & differentiales*, 192, & 222.

*Providentia Divina* interior, & exterior 943: 950.

*Potentia*, & actus, 173, & 1014. *Potentia* activæ, & passivæ entium, 175, & 176; naturalis, & obediens, 289, & 292. *Potentia* animæ humanæ, 1150, & 1154.

*Pulmo*, viscus aereum, 1353.

*Pyrrhonismus*, seu scepticismus, 242, 523, 530, 531, 549, 572.

## Q

*Qualitates sensibiles corporum*, 29, 489: 491.

*Qualitas sensibilis* materiæ, 1423: 1448. Maignani hypothesis, qua hæc qualitas est tantum actio, aut decretum Dei, 1436: 1448.

*Qualitates occulta* peripateticæ fabulosæ, & indefinibiles, 177, & 896.

*Qualitas, & quantitas* propositionum, 622, 642.

*Quantitas radicalis*, 1432, 1433.

## R

*Ratio*, ejus natura, & objectum, 144: 157.

*Ratio*, & revelatio concordantes, 150, 151, 1396. *Ratio*, est judicium; eorum identitas, 178. *Ratio* brutorum, 1343.

*Ratio sufficiens*, principium Leibnitii, 958, 959, 1219.

*Regnum animale*, vegetabile, fossile. *Vide*, animale, vegetabile, fossile.

*Relationes rerum*, 293: 300. *Essentiales*, acci-

accidentales, arbitrariæ, [296](#): [299](#). Hominis ad Deum [1208](#), [1209](#).

*Religio*; duplex vocis significatio, [148](#); basis moralis, [1207](#), [1210](#); revelata, [1212](#).

*Reproductio* eucharistica, [1358](#), [1357](#), [1381](#), [1410](#).

*Revelatio*: ejus natura, objectum, fundamenta, limites, cum ratione concordia, [147](#): [157](#). Originalis, traditionalis, peculiaris, [146](#), [147](#). Divinæ revelationis certitudo innixa idearum testimonio, [575](#).

## S

*Sacramentarii*, eorum doctrina de Eucharistia, [1373](#), [1376](#), [1400](#), [1401](#).

*Sacramentum*, [257](#), [1421](#), [1433](#), [1374](#).

*Sapientia*, quid, [851](#).

*Scepticismus*; vide: *Pyrrhonismus*.

*Scientia*, & artes, earum natura, & objectum, [241](#): [253](#).

*Scientia Dei*, [981](#): [1034](#). *Scientia simplicis intelligentiæ*, [984](#), [994](#). *Visionis* [984](#), & [995](#): [1021](#); media, [984](#), [993](#), [1022](#): [1034](#).

*Scriptura*, ejus origo, & variæ species, [200](#).

*Sedes anima*, [1062](#).

*Sensationes*, unus ex quatuor certitudinis fontibus, [452](#): [463](#), [487](#): [513](#). Organicae, & mentales, [455](#), & [457](#). Sensationum relatio ad aliquid illas in nobis excitans, [20](#), & [22](#): [30](#). Deus omnium nostrarum sensationum unica causa efficiens, [458](#): [463](#).

*Sensibilitas* materiæ, seu aptitudo ad sensus afficiendos. Vide: *Qualitas sensibilis*.

*Sensibilitas* partium corporis animalis, seu aptitudo ad excitandas in anima sensationes voluptatis, & doloris, [1249](#), & [1252](#).

*Sensibilitas moralis*; num bonum, aut malum, num felicitatis, an infortunii principium, [1191](#).

*Sensorium*, seu sedes sensus, 453, & 454.

*Sensus* : organa ad sensibilibus perceptiones animæ communicandas, 4, 11, 12, 452, 455, 1251. Idea confusa sexti sensus, 14. Testimonium sensuum aptis conditionibus munitum infallibilis certitudinis fons, 487: 513.

*Sensus communis*, 69.

*Sensus compositus*, & divisus, 732, 733, 1002, 1016. Naturalis, & figuratus, 1373, 1401.

*Sensus intimus*, unus ex quatuor certitudinis fontibus, 381: 391, & 1217, 1218.

*Sensus*, & *cogitatio*, modificationes substantiæ essentialiter immaterialis, 1041: 1050, & 1066: 1074. *Sensus animæ* quatenus a sensationibus mentalibus distincti, 1176: 1180. *Philosophia sensus*, sive humani cordis analysis, 1181: 1206.

*Signum naturale*, & institutionis, 254: 257.

*Silentium auctorum synchronorum*, 541.

*Sitis*, & *fames*, sensationes, 12.

*Somnia*, eorum natura, & causa, 1255, 559, 562. Absurdum est communibus somniis fidem adhibere, 561: 566. *Somnia miraculosa*, 557, 559, 565, 566.

*Somnus*, & *vigilia*, 1253.

*Somnambuli*, 1256.

*Sophisma*, & *paralogismus*, 730.

*Sorites colorum*, eorum natura, & effectus, 894, & 781.

*Sorites*, & *syllogismus*, 742, 748.

*Spatium infinitum*, rerum locus, 349: 360, & 978. *Spatia imaginaria*, 360.

*Species*, & *individuum*, 190, & 194. *Species superior*; & *species ultima*, 195: fundamentalis, 191: interina, 197.

*Species impressæ*, & *expressæ*, 478: 481.

*Species eucharistica*, sive *accidentia absoluta*, 1426, 1430, 1431, 1434, 1436: 1448.

*Spinosismus*, 807: 815. Absurda ejus principia, & ineptæ demonstrationes, 809, & 815.

*Spiritualismus*, doctrina ubique, & semper constans, 1038, 1039, 1071.

*Spiritus*, termini significatio, 1161, 1047. Humani spiritus notæ, 1162: vitia, 1166: 1169: horum causæ physicæ, 1257.

*Spontaneum*, desideria, & motus spontanei, 1099, & 1117.

*Stoicismus*, 956, 1118, & Præf.

*Subiectum*, & obiectum, 77. Subiectum physicum, & metaphysicum, 78, & 79.

*Substantia*, termini notio, & divisio, 201, 204, 344. Substantiæ materiales, spirituales, mediæ, 205: 208. Terrestrium substantiarum notio, & divisio, 210. Quomodo in nobis fiant, & quid sint substantiarum ideæ, 213: 220, & 896, 1065, 1344, 1422.

*Superstitio*: excessus, aut abusus-cultus religiosi, 172, & 148.

*Syllogismus* simplex, & complexus, 664. Simplex, 666: 710: complexus, 711: 728: vitia syllogismi, & generatim ratiocinii; 729: 744. Præcepta syllogismi ad unum redacta, 701: 704.

*Sympathia*, & antipathiæ, 1193. Nervi sympathici, 1064.

*Systema*, 143. Systema naturæ a Spinoza, & Epicurro mutuatum, 816.

## T

**T***actus*, organum, 9, 10, 12. Qualitates corporum tactiles, 12. *Vide*: Qualitates sensibiles.

*Tadium*, idearum, aut sensationum gratarum indigentia, 1204.

*Talentum*, ingenium, inventio, 1161.

*Telliamad*, impia ejus somnia, 817: 835, & 902: 907.

*Tempus*, & æternitas, 364: 371. Temporis mensuræ, 365, 366. Chronologia, sive scientia temporum, 371, & 892.

*Ter-*

*Terminus medius*, 666, & 667.

*Textus cellularis*, 1353.

*Theandria*, & *Theophania*, 871.

*Theismus*, vera notio hujus termini cum Deismo non confundendi, 772, & 941.

*Thomista*, & *Scotista*, 305.

*Totum*, & pars, 49, & 86. Totum physicum, logicum, metaphysicum, 87:91. Totum naturale, factitium, conventionis, 88. Spiritus, ens physicum, non totum physicum, 90, & 107.

*Traditio* historica; ejus auctoritas, 339, & 530: Dogmatica, 1092, 1134, 1135, permanens ecclesiæ de transubstantiatione eucharistica, 1376, & 1373.

*Transformatio* corporum, 119, 120, 135.

*Transubstantiationes* naturales, & supernaturales, 1368: 1372, & 1405.

*Transubstantiatio eucharistica*, 1371, 1367, 1373, 1375, 1376. Ejus possibilitas, & existentia, 1375, & 1402.

*Trinitas* personarum, & unitas naturæ, 157, 333, 440.

## V

**V***egetable*, unum ex tribus telluris regnis, 1278, 1281, 210, 878.

*Velleitas* 1095.

*Verisimilitudo*, & probabilitas, 181, & 182.

Quomodo verisimilitudinis motiva aucta, & multiplicata certitudinem efficere possint, 523: 529, & 572: 574.

*Veritas rerum* objectiva, & expressiva, 99, 1013. Veritas, & falsitas propositionum, 100: 103. Veritates æternæ, & contingentes, 104. Vis cognitæ veritatis, 518.

*Virtus* in moralibus, 840, & 851.

*Virtualiter*; quomodo res in alia virtualiter contineatur, 266, & 940.

*Vi-*

*Visus*, organum, 80.*Vita futura*: universalis, ac perpetua de hoc persuasio, 1039, & 1087.*Vitium* in moralibus, 853.*Unio* animæ cum corpore, & mutuum horum commercium, 1061, 1075, 1076, 1088.*Universale* scientificum, oritur ab ideis præcisivis, & ab abstractione metaphysica, 225: 238. *Universale* a parte rei chimæricum, in Deo, in natura humana, in ideis divinis, 331: 335.*Voluntas* humana, potentia, & actus, 1172, & 1173. *Voluntas* brutorum, 1320, & 1321.*Voluptas*: Vide: *Molestia*.

## Z

**Z**oophyta, sive animalia plantæ, 1331, & 1381. *Phylosophica* in hæc inquisitio, 130 1334.*Finis Indicis.*

## E R R A T A.

P. 4 l. 25 similia; similes 14 39 disceris; dixeris 21 14 quare; quare, quare 62 24 communis: communi 74 36 dicere; diceret 96 21 quarundam; quorundam 120 12 anime; anima 21 anima; animæ 125 1 4 eorum; earum 128 28 animæ; anima 133 10 necessitatis immune; necessitate immunis 185 36 numera; munera 225 31 interno internos 269 40 ipsa; re ipsa 290 7 pane; parte 294 3 quem; quam 316 36 invenirent; inveniret 319 18 puta; pura 349 5 neutra; neutro 365 33 ipsi, ipsos 380 13 bruti; brutis 383 7 hujus; huic 397 28 ætate; æstate 429 30 *initialibus*; *iniciandis* 447 31 non; non esse

A61.1453.128.



